

K  $\frac{2,00501}{3}$

ბიბლიოთეკის  
სამსახური

# ქიზ ნინო შეგუბითის გეგე



ქვიშ ნესინი

ეროვნული  
ბიბლიოთეკა

ფეხუროთის გეგა

როგანი



გამომცემლობა „საბოთა საქართველო“  
თბილისი — 1987

894.35 - 31

84 ტყ/1  
6. 524

Aziz Nesin  
Iol - krali

Bilgi yayinevi  
Ankara 1970

„ფეხბურთის მეფე“ ცნობილი თურქი მწერლის აზიზ ნესინის ერთ-ერთი საუკეთესო ნაწარმოებია. რომანში ავტორი ამხელს ბურჟუაზიულ მორალს, მოგვითხრობს სიყვარულის ყოვლისშემძლეობაზე, როგორ შეუძლია მას ადამიანის გარდაქმნა.

თურქულიდან თარგმნა  
გურამ ბატიასვილიმ

АЗИЗ НЕСИН

Король футбола

Роман

(На грузинском языке)

Издательство «Сабчота Сакартвелო»  
Тбилиси, Марджанишвили, 5 1987

რედაქტორი მ. რუხაძე, მხატვარი აკ. თევზაძე, მხატვრული რედაქტორი თ. შარიფაშვილი, კორექტორები ზ. მამახახიძის, ი. ხალაჩაძე, გამომშვები ნ. თათარაშვილი.

ს. ბ. 4338

გადაეცა წარმოებას 13.06.86 წ. ხელმოწერილია დასაბეჭდად 14.04.87 წ. საბეჭდო ქაღალდი № 2 60x84<sup>1</sup>/<sub>16</sub>. გარნიტური ვენა ბეჭდვა მაღალი, პირ. ნაბ. თაბახი 10,93. პირ. საღ.-გატ. 11,28. სააღრ.-საგამომც. თაბახი 9,97. ტირაჟი 20.000, შეკვ. № 6245.

ფასი 1 მან.

გამომცემლობა „საბჭოთა საქართველო“, თბილისი, მარჯანიშვილის 5.

სკვპ-2000  
შეგოფიებულია

ქ. ქეთისი, თ. ჯვჭავაძის პროსპექტი, 33.  
გ. კუთაისი, პრ. ი. ჭავჭავაძე, 33

საქ

საქართველოს ბ.

ბ. ბაქრაძის

4703000000—101

Н 319—87

М 601 (08) — 87

© ქართული თარგმანი, გამომცემლობა „საბჭოთა საქართველო“, თბილისი, 1987

K 200.501  
3

## ორიოდე სიტყვა აზიზ ნესინზე

1973 წლის ოქტომბერში, თბილისში, ილია ქავჭავაძის პროსპექტზე, გალაკტიონ ტაბიძის ძეგლს საძირკველი რომ ჩაეყარა, მიტინგზე მოსულ ხალხში ყველა გამოარჩევდა ერთ შეგვერემან, საშუალოზე ოდნავ დაბალ კაცს. ეს იყო სახელგანთქმული თურქი მწერალი აზიზ ნესინი. მას ძალიან უყვარს საქართველო, და იქაც, იმ დღეს გულითადად მიესალმებოდა ყველას, ვისაც კი წარუდგენდნენ და გააცნობდნენ.

იმ დღეს აზიზ ნესინი მიტინგზე სიტყვით გამოვიდა. მისი სიტყვიდან დამამახსოვრდა ორი ფრაზა.

პირველი: „გალაკტიონ ტაბიძეს თურქეთში არ იცნობენ, მაგრამ გალაკტიონი ამით არაფერს ჰკარგავს; ჰკარგავს მხოლოდ თურქეთი, რომელიც არ იცნობს ესოდენ დიდ პოეტს“.

მეორე ფრაზა ასეთი იყო:

„საქართველოში მე შევეპყნინე, რომ ხალხი აქ ნამდვილ პოეტს სიკვდილის ნებას არ აძლევს; უკვე ცხოვრებიდან წასულსაც ცოცხლად მიიჩნევენ და როგორც ცოცხალს, ისე ელაპარაკება. ეს შთაბეჭდილება დატოვა ჩემზე“ გალაკტიონის იუბილემ“.

აზიზ ნესინზე ბევრი რამ დაწერილა. ჩვენ მოვიყვანთ მხოლოდ ერთ ადგილს წერილიდან, რომელიც თურქული ჟურნალის „დოსთის“ ფურცლებზე დაიბეჭდა: „თურქული ლიტერატურის ისტორიაში აზიზ ნესინი შეეა, როგორც უდიდესი იუმორისტი. იგი ხოჯა ნასრედინის გვერდით დადგება“.

აზიზ ბეის ხშირად უთქვამს: იუმორისტი სიმწარემ გამხადა. იუმორისტი სწორედ იმიტომ ვარ, რომ სასაცილოდ არა გვაქვს საქმეო. ალბათ, ამის გამოც მზიარული იშვიათად მინახავს. იმ დღეს კი, როცა ერთ სუფრაზე შევიკრიბნენ ბესო ქლენტი, ნოდარ დუმბაძე, ჯანსუღ ჩარკვიანი, ივანე თარბა და აზიზ ნესინი, რაღაც ათ-თხუთმეტე წუთში ისეთი მეგობრული ატმოსფერო დამყარდა, რომ ნოდარ დუმბაძის, ჯანსუღ ჩარკვიანის და აზიზ ბეის ლაღობას, მავთილსიტყვაობას დასასრული არ ჰქონდა და ვერა ფერონოვა — აზიზ ბეის მთარგმნელი — ვერც აუდიოდა თავის საქმეს. ზოგჯერ თარგმანი თითქმის არც იყო საჭირო, ისე იტაცებდნენ ერთმანეთის ნათქვამს სტუმარი თუ მასპინძლები. მას უყვარს ქართველები, საქართველო. უყვარს არა ზედაპირულად, ამრიორულად, როგორც უცხოელს, პატივი რომ მიაგეს, არამედ აღამიანს, რომელიც ჩასწვდა ერის სულიერ ფასეულობებს. აი, რას წერდა იგი ქართულ ენაზე თავისი მოთხრობების პირველი გა-



მოცემის წინასიტყვაობაში: „როცა შევითხებთან, თბილისი ასე ძლიერ რამ შე-  
გაყვარაო, დაფიქრდები ხოლმე. ნუთუ იმითმ, რომ თბილისი ლამაზი და საამო  
სანახავი ქალაქია, ან იქნებ იმითმ, რომ დიდი ისტორიული წარსულის მქონეა“  
დამერწმუნებით, მსოფლიოში დღეს ბევრია ისეთი ადგილი, დანაშაულისმთავრად რომ  
იტყვებებს ადამიანს, მაგრამ ჩვენთვის ესოდენ საყვარელი წუთისოფლის ლამაზ  
შევენებელი მაინც თვითონ ადამიანია.

თბილისში მე ადამიანი შევიყვარე, ქართველი კაცი შევიყვარე, გარდა ამ  
სიყვარულისა, ქართველებთან რაღაც სულიერი სიახლოვეც ვიგრძენი“.

მის ნოველებში, მოთხრობებში თანამედროვე ადამიანის ბუნებას, კითხულო-  
ბენ — სხვადასხვა სოციალური მდგომარეობის ადამიანისა. აზიზ ნესინმა კარგად  
იციის: ადამიანი სხვადასხვაგვარია; იგი განუყრელი ნაწილია იმ საზოგადოებისა,  
რომელსაც ეკუთვნის, რომლის ბუნებას, ფსიქოლოგიას, ცხოვრებისეულ მრწამსს  
გამობატავს.

მაგრამ ყველაფერი ეს მისი ცხოვრებისეული და შემოქმედებითი კრეატი-  
ვითაა. კი ის გახლავთ, რომ აზიზ ნესინი ოსტატია, სიტყვის ქეშმარიტი ოსტა-  
ტი. მან იცის სიუჟეტის ჩინებული აგება, ფლობს ფრაზას, იცის ერთი სხარტი,  
მოქნილი ფრაზით როგორ გამოხატოს ადამიანის სულიერი მდგომარეობა.

ამის დასტურია მისი მრავალი მოთხრობა, პიესა და დღეს ქართველი მკითხვე-  
ლი პირველად ეცნობა მას, როგორც რომანისტს. ამ რომანს დედანში „ქარის  
მეფე“ ჰქვია, და ვინაიდან ქართულში კარი მხოლოდ ის საფეხბურთო ობიექტი  
არ არის, რომელსაც ასეთი თავგამოდებით უტრევენ ხოლმე ტყავის ბურთის ოს-  
ტატები და ბევრ სხვა რამესაც იტყვს, ქართულ გამოცემაში რომანს სათაური  
შევეცვალეთ.

აზიზ ნესინის ეს რომანი, ისე როგორც ბევრი მისი სხვა ნაწარმოები, მსოფ-  
ლიოს მრავალ ქვეყანაში გამოიცა, მრავალ ქვეყანაში კითხულობენ დღეს საი-  
თისა და სევიმის ამბავს.

აზიზ ნესინს ძალიან უყვარდა თავისი სამშობლო, ამაში თურქეთში ყოფნის  
დროსაც დაერწმუნდით, უყვარს და ამიტომაც დასციინის, აბიაბრუებს, იმას, რაც  
ადამიანს ამცირებს, აკნინებს. ეს წიგნი კი ნათელი დასტურია იმისა, თუ რაგვარ  
ყოფა ამცირებს ადამიანს. რომ არ უყვარდეს, გულიც არ ეტკინებოდა, გული  
ზომ არ ტყენოდა, ამგვარ მკაცრ სიმართლეს ვერ ეტყოდა თავის ერს. სიმართ-  
ლეს იმაზე, თუ როგორ ცხოვრობს დღეს სტამბულის ე. წ. მაღალი საზოგადოე-  
ბა. ისიც, რომელიც ერთ დროს მართლა ეკუთვნოდა რჩეულთა წრეს და ის სუ-  
ლიერად მდებოთ ადამიანებიც, დრომ რომ გაააზნაურა.

რომანი კი მჭიდროდ არის დასახლებული ამგვარი ადამიანებით.

აზიზ ნესინს მძიმე ბავშვობა ჰქონდა, ძალიან მძიმე — უპატრონო ბავშვთა  
ინტერნატში იზრდებოდა. ამ გარემოებამ თავისი კვალიც დააჩნია მის სულს.

შემდეგ იგი მსოფლიოში აღიარებული მწერალი გახდა — საბჭოეთი, საფრან-  
გეთი, ინგლისი, აშშ, იტალია — სად არ თარგმნიან მის წიგნებს, სად არ გამოდის,  
და როდესაც ძალიან სახელმწიფოებრივი და მდიდარი გახდა, სწორედ მაშინ გაახ-  
სენდა თავისი მძიმე ბავშვობა, უფრო სწორად, არ დაეფიქრა ის პატარები, რომ-  
ლებიც დღეს ასეთსავე მძიმე მდგომარეობაში არიან, როგორც თავად იყო ერთ  
დროს და თავისი ლიტერატურული შემოსავალი ერთ საქმეს მოახმარა — სტამ-

ბულთან ახლოს გახსნა უპატრონო ბავშვთა სახლი, სადაც ბედშავი ბავშვები ადამიანურ სითბოს იგრძნობენ, სწავლა-განათლებას მიიღებენ და, ყმაწვილობის ასაკს მიღწეულნი, უკვე მომზადებულნი გადიან ცხოვრების გზაზე. საქართველოს სახლის შენახვას ბევრი ფული სჭირდება, ამიტომ აზიზ ნესინი იძულებულია ბევრი წეროს. სტამბულის გაზეთ „აშქამს“ („სალამო“) ყოველდღე თითო მოთხრობას, ფელეტონს თუ ჩანახატს აძლევდა, ამას ითვალისწინებდა გაზეთსა და მწერალს შორის დადებული ხელშეკრულება. ამგვარ კაბალურ ვალდებულებას ზოგჯერ უცნაური შედეგიც მოსდევს. ამის მოწმე თავად გავხდით: სტამბულში ყოფნისას იოსებ ნონეშვილი, ნოდარ დუმბაძე და მე აზიზ ნესინმა ღამის სტამბულის სანახაობების გასაცნობად მიგვიპატიჟა. გამთენიის ხანს რომ უკან ვბრუნდებოდით, აზიზ ბეის ვუთხარი, ყველაფერი ისეა, როგორც თქვენს ერთ მოთხრობაში-შეთქი.

— რომელ მოთხრობაში?

— „გასაღები“.

— ეგ რომელია?

— აი, სალქიმსაჩაქის ქუჩაზე რომ ათი კაცი ერთი ქალის მიერ მიცემული გასაღებით ხელში ერთსა და იმავე ბინას დაეჭებს და ვერა პოულობს, რადგან ასეთი სახლი ამ ქუჩაზე არ არის.

— ეგ მოთხრობა რომ არ მახსოვს? ჩემია?

უფრო დაწვრილებით ვუამბე მოთხრობა, ბევრი იცინა, მაგრამ მაინც ვერ გაიხსენა. მერე თქვა, ყოველ დღე რომ თითო რამე უნდა მისცე გაზეთს, რალა დაგამახსოვრდებაო.

შოგვიანებით, 1962 წელს დაიწყო პიესების წერა. სულ მოკლე ხანში ეს პიესები წარმატებით იღვებოდა ბულგარეთის, უნგრეთის, რუმინეთის, იუგოსლავიის, საფრანგეთის, აშშ თეატრების სცენებზე.

ზემოთ ვთქვი, რომ იგი სატირის ბასრ მახვილს გაჰკრავს იმას, რაც უყვარს, რაც მშობლიურად და თავისი არსების განუყოფელ ნაწილად მიაჩნია. მთავრობას კი არ დასცინის, ნიღაბს ხდის მას. ერთხელ პირად საუბარში თქვა კიდევ: „ჩემთვის მწერლისა და მთავრობის ურთიერთმიმართება შემდეგნაირად გამოიხატება. მწერალი მუდამდღე უნდა ებრძოდეს მთავრობას, რომ ხალხისათვის რაიმე სასარგებლო გამოსტაცოს ხელიდან“.

იქ, სადაც ეს აუცილებელია, ასე იქცევიან კემშარიტი მწერლები.

ასე ცხოვრობს და იღვწის აზიზ ნესინი.

ამისათვის იგი მოკლებულია ცხოვრების შრავალ სიამეს, მაგრამ კემშარიტი მწერალი თავისი მწერლური ვალის ასრულებაში პოულობს ნამდვილ სიამეს — როცა ერთის ტანჯვა მილიონობით ადამიანის ბედნიერებას განაპირობებს, იგი ტანჯვად არც მიიჩნევს თავის ყოფას.

აი, ასე შეეგება აზიზ ნესინი თავისი დაბადების 70 წლისთავს, ასევე იცხოვრებს მომავალშიც, რადგან სხვა ცხოვრება მისთვის უკვე ძნელი წარმოსადგენია.

გურამ ბათიაშვილი

## ფერფერიკთა დიდად კატივისაცემი ოჯახი

ფეხბურთის გულშემატკივრობაზე არაფერს ვიტყვი, მაგრამ თუ სპორტის ამბებისათვის შორიდან მაინც მოგიკრავთ ყური, არ შეიძლება არ იცოდეთ, ვინ არის სევიმი, კორიკნებმა ვაუშაძლარი სვავიც რომ შეარქვეს. მაგრამ თუ თქვენ არა მარტო სპორტით გატაცებული პიროვნება ბრძანდებით, არამედ მაღალ საზოგადოებაშიც გიდგათ ფეხი, მაშინ სევიმიც კარგად გეცნობებათ და ფერფერიკთა მთელი ოჯახიც. ეს სწორედ ის სევიმია, რომელმაც შარშან შეილაქნეთა შეჯიბრის დაწყებისას საქვეყნოდ განაცხადა: შეჯიბრებაში გამარჯვებულს მე ჩემს სიურპრიზს ვუძახდებო. მეორე დღეს ამ სიურპრიზის თაობაზე გაზეთები არა მარტო სპორტულ ქრონიკაში, არამედ იმ განყოფილებაშიც კი წერდნენ, მაღალი წრის სალონების ყოფას რომ აშუქებს.

როგორც მოსალოდნელი იყო, გამარჯვება ყარაჩა სუათმა მოიპოვა.

— აბა, ჰე, — უთხრა სუათმა სევიმს, — რა სიურპრიზს მიმზადებდი, მიჩვენე!

ცხადია, ეს ამბავი პლაჟზე ხდებოდა. აქ მუდამ უამრავი ხალხი იყრის თავს და ყველას ეგონა, სევიმის სიურპრიზი ის იქნება, რომ ეს ღმერთების დარი ლამაზი გოგო სუათს აკოცებსო. მათი ღარიბი ფანტაზია ამის იქით ვერ მიდიოდა. სევიმს კი სულ სხვა რამ ედო გულში — მან თამამად გადაიხსნა კაბა, ხელის ერთი მოქნევით, თითქოს პარაშუტის რგოლი მოჰჭაჩაო, თავისი ბრიალა ალისფერი ლიფი შეიხსნა და დიდის ამბით, ვითომდა რწმუნების სიგელს გადასცემსო, ლიფი სუათს ჩააბარა. ყარაჩა სუათი ერთი წამით შეყოვნდა, მერე ქალიშვილს ხელი მოხვია, აიტაცა და იმავე წამში ორივენი იახტაზე აღმოჩნდნენ. ღრმად პატივცემული დამსწრე საზოგადოება გონს ვერ მოეგო, რომ იახტის ანძაზე გამარჯვების მაუწყებელი წითელი ლიფი აფრიალდა. იახტამ ყველა აფრა გაშალა და მარმარილოს ზღვის

შუაგულისაყენ გაუტია, რათა რაც შეიძლება მალე განშორებოდა  
ათას ცნობისმოყვარე თვალს.

მეორე დღეს ამ ამბავს კიდევ ათასი ჭორი მიუმატენ და ხვინს მან  
სიფ ფერფერიკს ჩაუკაკლეს. ეს უკანასკნელი, სევემის მამა, უკეთესად  
შობილესი ოჯახის თავი და მაღალ საზოგადოებაში დიდად პატივცემუ-  
ლი კაცი გახლდათ.

შური არასოდეს არ არის ძუნწი. არავის ისე არ ძალუძს ბუზი აქ-  
ლემად წარმოგიდგინოთ, როგორ ამბის შემსწრეს. სწორედ ამ ამბის  
შემსწრეები შეეცადნენ დაერწმუნებინათ უკეთილშობილესი ოჯახის  
მამა, საკუთარი თვალთ დაეინახეთ, როგორ აფრიალდა იახტის ანძა-  
ზე... არა, მისი ძვირფასი ქალიშვილის ლიფი კი არა, ლიფი რომ იყოს,  
სიტყვას ვინ დასძრავდა... არამედ სწორედ ის საცვალი, რომლის ხსენ-  
ება ხმამაღლა უხერხულიც კიაო...

სევემის მამიკო შემწყნარებლურად ეკიდებოდა ქალიშვილის ყო-  
ველ საქციელს, მაგრამ ამჯერად ვედარ მოითმინა და აფეთქდა:

— სირცხვილი... თავის მოჭრა... ეს როგორ გაბედა... ოჯახის ღირ-  
სება...

და ჰასიფ ბეი დაფიქრდა, თუ როგორ მიეცა პირველი სერიოზული  
გაფრთხილება თავისი ქარაფშუტა ქალიშვილისათვის, რომელიც ქალ-  
წულურ სიამაყესა და ოჯახის ღირსებას არ უფრთხილდებოდა, მაგრამ  
ამ დროს, როგორც ეს ხშირად ხდება ხოლმე ჩვენს ოჯახებში, კონფ-  
ლიქტში დედა ჩაერთა:

— ყველაფერი სასიკეთოა, — თქვა მეჭურვე ხანუშმა, — ჩვენი ქა-  
ლიშვილის საქციელი მხოლოდ სარგებლობას მოუტანს ფერფერიკების  
ფირმას, რომელიც ქალის საცვლებით ვაჭრობს. ეს ხომ ნამდვილი  
რეკლამაა ფირმისათვის.

სევემის ლიფი, ისევე როგორც ქალის ის საცვალი, რომლის ხსენე-  
ბა უხერხულია, ფირმამ ახლახან მიიღო ამერიკიდან.

— მექოთნემ იცის ქოთნის საქმისა, — იარალი დაყარა ოჯახის თავ-  
მა, — შენ მართალი ხარ, რეკლამა საჭიროა.

მაგრამ ჰასიფ ბეი მაინც შეეცადა ვაეგო, თუ რა კაცი იყო სუათი.  
მეილქნეთა შეჯიბრში გამარჯვებული სუათი კი ორმოციოდე წლის  
ახალგაზრდა, ათლეტური აგებულების კაცი გახლდათ, მას ზურმუხ-  
ტისფერი თვალები და შავი, სქელი თმა ჰქონდა. სუათზე ტყბილად  
ობრავდნენ სხვადასხვა ასაკის ქალები. ეს იყო საყოველთაო გატაცება,  
რომელსაც ვერც ერთმა ქალმა ვერ დააღწია თავი. მთელი წელიწადი

იახტას დაარბენინებდა, ზღვაზე კი, მოგეხსენებათ, მზე ეკიდება კაცს.  
ამის გამოც შეარქვეს ყარაჩა სუათი, მაგრამ უცნაური ის იყო, რომ  
ქალები ძალიან ცოტა ხანს უჩერდებოდნენ მას. ვნებას გულგატეხი-  
ლობა სცვლიდა, ზოგჯერ — ზიზღი და სიძულვილიც კი. <sup>ამის</sup> <sup>კარგად</sup> <sup>ამის</sup>  
მიზეზი? გულახდილად რომ ვთქვა, ყველაფრის მიზეზი ისევ და  
ისევ ყარაჩას ცხვირი იყო — ამხელა ცხვირი მთელს ჩვენს ქვეყანაში  
არავის ჰქონდა, მაგრამ ვიტრინაში სულ სხვა საქონელი გამოეფინათ  
და დახლში კიდევ სულ სხვა იყო. გულუბრყვილო ქალები მოტყუე-  
ბულნი რჩებოდნენ, რადგან სუათის ცხვირს მისი ნამდვილი მამაკაცუ-  
რი ღირსების უტყუარ დადასტურებად მიიჩნევდნენ.

ამ დაბნეულობის მსხვერპლი გახდა სევიმიც. ოი, როგორ მონუსხა  
სუათის ცხვირმა, რას არ პირდებოდა ეს ცხვირი სევიმს! მაგრამ რო-  
გორ გაუცრუვდა იმედი, როცა იახტაზე შეტრუნასთან მარტოკა დარჩა.  
აღბათ, ამიტომ იყო, რომ ამდენი პატიოსანი ხალხის წინაშე სევიმმა  
სუათს ცხვირზე წკიპურტი გაჰკრა და ეშმაკურად ჩაილაპარაკა:

— მატყუარა ყოფილხარ და მეტი არაფერი!

ასე დაიმსხვრა ლეგენდა ყარაჩა სუათზე. ხოლო იმედგაცრუებულ-  
მა სევიმმა საბოლოოდ გადაწყვიტა თავი დაენებებინა ზღვისთვის და  
ხმელეთზე დასადგურებულიყო. გადაწყვიტა მილიონების საყვარელ  
სპორტში, ფეხბურთში ეპოვნა ნამდვილი შვება. უფრო სწორად, არა  
იმდენად ფეხბურთში, რამდენადაც საყოველთაოდ ცნობილ საკლუბო  
გუნდის „თოქოფარანის“<sup>1</sup> წევრებს შორის. სევიმის გულისათვის რას  
არ მოიმოქმედებდა გუნდის თერთმეტი მოხერხებული მოთამაშე. ისი-  
ნი მზად იყვნენ საფეხბურთო ჩემპიონატშიც კი გაემარჯვნათ. ასეთი  
იყო ჩვენი სევიმი — მალალსა და პატივცემულ საზოგადოებაში მიღე-  
ბული ფერფერიკების ოჯახის შვილი.

ფერფერიკები მთელ ზაფხულს ზღვისპირას ატარებდნენ. ზღვა კი  
ყურის ძირში ჰქონდათ. ისეთი კვირა როგორ გამოერეოდა, რომ ფერ-  
ფერიკების სამეულს პლაჟისაკენ არ აელო გეზი. წინ მუდამ ჰასიფ  
ბეი მიდიოდა, მას მეჭურე ხანუმი მისდევდა, ხოლო ბოლოს კი მშვე-  
ნიერი სევიმი. მაგრამ ამ კვირას კეთილშობილი ოჯახის ბოლოში სევიმი  
კი არა, ვილაც ახალგაზრდა კაცი მოქცეულიყო. იგი ისე დაჟინებით  
მისდევდა ფერფერიკებს, რომ თვით ოჯახის თავმაც კი შენიშნა, თუმ-  
ცა, ჩვეულებისამებრ ასეთ ყოფაცხოვრებით დეტალებს არ აქცევდა

<sup>1</sup> თოქოფარან (თურქ.) — კუდიანი ქარი.

ხოლმე ყურადღებას. მართლაცდა, რა სერიოზული ბიზნესმენის, ქალის ამერიკული საცვლებით მოვაჭრე კაცის საქმე იყო, შეეჭმინა თუ არა ვისი ქალიშვილის თაყვანისმცემლები.

— სევიმ! — გადმოსძახა ყმაწვილმა ქალიშვილს, — ეს ბებერი შენი წინაპარია?

— ეგრეა და... — ღიმილით უპასუხა სევიმმა.

ოჯახი რომ პლაცს მიუახლოვდა, სევიმი შშობლებს ცოტათი ჩამორჩა, მერე გაჩერდა და ფეხსაცმელების ზანტად გახდას შეუდგა. სევიმის აზრით, ამგვარ მოქმედებას ყმაწვილისათვის უნდა ეკარნახა, უფრო თამამი იყავიო, ყმაწვილმაც გონიერება გამოიჩინა.

— სევიმ, ჩემო ძვირფასო, ახლა ხომ ჩრდილში ორმოცდასამი გრადუსი სიცხეა, აგერ ამ გასახდელში არა სჯობია? — და ორივენი გასახდელში მიიმალნენ.

ჰასიფ ბეის მიხვედრილობასაც უნდა მიეგოს თავისი — იგი უმაღლესი აფორიაქდა, რადგან მიიჩნია, რომ უცნობი ყმაწვილი უტაქტოდ მოიქცა.

— ვინ არის ეს ყმაწვილი? — მკაცრად ჰკითხა მან ცოლს.

— რომელი?

— დაიწყებ ახლა, რომელი? რომელი? რომელი და უკან რომ მოგდევდა. იცნობ?

— ვისა?

— ალაჰ... რა დღეში ვარ, აი, ისა, რომელიც ახლა გასახდელშია ჩვენს ქალიშვილთან ერთად.

— როგორ, ნუთუ მართლა არ იცნობ „თოზქოფარანის“ ცენტრალურ დამცველს, ეს ხომ საქვეყნოდ ცნობილი აჰმედი, გვერდაუვლეული აჰმედი, ტყუილუბრალოდ კი არ შეარქვეს „აჰმედ კედელა“.

ჰასიფ ბეი დაბნეულობისაგან დუმდა. ვაი, სირცხვილო? არ იცნობდე ასე საქვეყნოდ ცნობილ, თითქმის ეროვნულ გმირად ქცეულ კაცს!

— აა... მაშ, ეგ არის? როგორ არა... როგორ არ ვიცნობ... ეგეთი ფეხბურთელია! რა დარტყმა აქვს, რა ძლიერი... მაგრამ მაინც... ერთი შეხედე... მე კი მეგონა, ვიღაც უცნობ აგვაცალა ქალიშვილი.

— შენ რომ არ გაიფიქრებ, ისეთი რა არის... შეტისმეტს უშვრები მაგ ვოგოს, ასეც არ იქნება.

— შენ თუ შენი არ ჰქენი, შენს ქალიშვილს სხვა ისეთ რამეს უზამს რომ... — შეგონებით წარმოთქვა ჰასიფ ბეიმ და მრავალმნიშვნელოვნად გადააქნია თავი გასახდელისაკენ.



მშობლებმა უკვე იბანავეს, სილაზე გაწოლილები შეშრნენ კედელს, რომ გასახდელის კარი გაიღო და სევდიმ გამოჩნდა.

— შეხედე, ერთი შეხედე, ამდენი ხანი გასახდელში, ეგუ შენე ქალიშვილი, — აღშფოთებით ჩაილაპარაკა პასიფ ბეიმ. მეჭურე ხანუმი არც შერხეულა.

— როცა მოესურვება, მაშინ შევა და გამოვა, უკვე სრულწლოვანი გოგოა და შენ თავი გაანებე!

მეჭურე ხანუმი გონიერი ქალი იყო და თავისი შეხედულება ჰქონდა იმაზე, თუ როგორ უნდა ექიროს თავი მოკრძალებულ ქალიშვილს, რადგან მოკრძალებულობასაც თავის საზღვარი აქვს. გასათხოვარ გოგოს ბევრი ნაცნობ-მეგობარი უნდა ჰყავდესო. თუ მაგას ეს უბრალო ჭეშმარიტება არ ესმის, ისა სჯობია, ენა მუცელში ჩაიგდოს და ქალიშვილს ხელი არ შეუშალოს ბედნიერების პოვნაშიო.

პასიფ ბეის არ უნდოდა ცოლთან ჩხუბი, ამიტომაც ზურგი აქცია მეჭურე ხანუმს, თუმცა, მის გასაგონად მაინც ჩაილაპარაკა:

— კარგი მოკრძალებულიც ევა გყავს. ნაცნობ-მეგობრებით... რაც შეიძლება მეტიო... გასათხოვარიო... მასეთ გოგოებზე ამბობენ, თავის კერძას შეაბერდაო.

ცუდი აზრები რომ გაეფანტა და დამშვიდებულიყო, პასიფ ბეი წამოჯდა და უაზროდ მიაჩერდა ზღვას. სხვა დროს რამდენიმე ღერ თმას ისე მოხერხებულად დაივარცხნიდა, რომ ქაჩალი არც გამოუჩნდებოდა, მაგრამ ახლა, ეტყობა, დავარცხნა ვერ მოეხერხებინა და ბანაობის შემდეგ მელოტა თავი მზეზე ბზინავდა.

ზღვის ცქერამ ავი ფიქრები ვერ გაუფანტა. თავის ქალიშვილზე ცუდს არასოდეს გაივლებდა გულში, მაგრამ ამ ბოლო დროს სევდის მუცლისა და წელის მოყვანილობა აშფოთებდა. საქმე ის არის, რომ სევდის მუცელი რაღაც ავისმომასწავებელ მოხაზულობას ღებულობდა.

— რას იზამ! — შიში განუქარვა ცოლმა, — ასეა, წლებთან ერთად სიმსუქნეც გვემატება.

— შაბათიე, მაგრამ ჩვენი სევდიმ მხოლოდ ერთი მიმართულებით სუქდება, — გაუბედავად შენიშნა მამიკომ.

— გადამრევს ეს კაცი, სიცილით სულს ნუ კი ამომხდი. სიმსუქნე და სიგამხდრე რომ ჩვენს ხელთ იყოს და გვემორჩილებოდეს, კარგია, მაგრამ... გოგო ყოველთვის პარმონიული ხომ არ იქნება. ყველაფერი ეს კონსტიტუციასზეა დამოკიდებული და...



კონსტიტუციაო?

ამ სიტყვის გაგონებაზე ჰასიფ ბეიმ ენას კბილი დააჭირა, რადგან სულაც არ ეწადა ოჯახური საუბარი საშინაო პოლიტიკის შესახებ. დისკუსიად გადაექცია.

მომხიბლავი სევიმის დედა კი მტკიცედ იყო დარწმუნებული, ჩემი ქმარი სულ ტყუილუბრალოდ აფორიაქდაო. მისი ფიქრით, აუცილებელი არ არის ყოველდღე უჩიჩინო ბავშვებს ფრთხილად იყავითო, რადგან თანამედროვე მედიცინა ყოვლისშემძლეა. ესეც არ იყოს, ჩვენი დროის გოგონები კარგად ერკვევიან სექსუალურ საკითხებში და იციან თავისი საქმისა, მაგრამ სიფრთხილეს თავი არ სტკივავო და პლაჟზე საუბრის შემდეგ თავისი ქალიშვილი ერთ ცნობილ ექიმთან მიიყვანა. ეს სწორედ ის ექიმი იყო, რომელსაც არაერთი სამსახური გაუწევია ფერფერიკთა დიდად პატივცემული და მაღალ საზოგადოებაში მიღებული ოჯახისათვის.

— ოი, ექიმო... ეს არის თქვენი ღირსების... თქვენი ღირსების... მისი და თვით ფირმის ღირსების საქმე...!

ამ ცნობილმა ექიმმა. რომლის ჩინებულ ხელშიც სტამბულის უდიდესი პლაჟის მთელმა ქალთა პერსონალმა გაიარა, საქმიანად დაადასტურა სევიმის მდგომარეობა და უბრალოდ, თითქოს ხელში გაფუჭებული საათი უჭირავსო, თქვა:

— იმდენი არაფერია, შევაკეთებთ.

ისიც უნდა აღვნიშნოთ, რომ ექიმმა ყველაფერი იცოდა ფერფერიკთა ოჯახის შემკვიდრებზე. სევიმს უყურადღებოდ არავინ ტოვებდა — არც ჭორიკნები და არც გაზეთების ის განყოფილება, რომელიც მაღალი წრის სალონების ყოფას აშუქებს. ყველამ იცოდა, რომ შავტუხა სუათის ცხვირით იმედგაცრუებულმა სევიმმა უახლოესი მეგობრობა დაუმარცხებელ გუნდ „თოზქოფარანთან“ დაამყარა. ამ მეგობრობამ თავისი ლაქაც გააჩინა და შესაძლებელი იყო, ჭუჭყიან ლაქას ჩირქი მოეცხო ფირმისა და ოჯახისათვის. კიდევ კარგი, ექიმი თავისი საქმის ოსტატი იყო, მან ისე გამოიყვანა ლაქა, რომ კვალი თითქმის დაიკარგა. მოგვხსენებათ, სამუშაოს სწრაფად და ჩინებულად შესრულებისათვის ორმაგ გასამრჯელოს თხოულობენ. ასე რომ, ლაქის მომსპობმა ფული იშოვნა — მან ხომ ღირსება იხსნა — ფირმამ კი გასავალი უმალ ჩამოწერა.

არც სენსაციებზე მონადირე ჭრონიკორებს დაუტოვებიათ ეს ოპერაცია უყურადღებოდ და მას გესლიანად პლასტიკური უწოდეს. ერთი

საძაგელი მჭლახელი იმასაც კი წერდა: „ასეთი ოპერაციები ქრისტეს დაბადებამდე რომ სცოდნოდათ, ყველა იტყოდა, უცოდველ გოგონებს წმინდა სული აცთუნებსო, მადლობა შევწიროთ დევერს, რომ ასეთი პლასტიკური ოპერაციის ოსტატებმა ვერ მოასწრეს იმ შორეულ წარსულში გამოეჩინათ თავიანთი ხელოვნება, თორემ კაცობრიობა ხომ ვერასოდეს ეღირსებოდა იესო ქრისტეს დაბადებას“.

მეჭკურე ხანუმი შინ თუ გააფთრდებოდა ამგვარი ნაჯღაბნის გამო, თორემ ფერფერიკთა სანაქებოდ უნდა ითქვას, რომ საზოგადოებაში შესაშურ სიმშვიდეს იჩენდნენ, ხოლო რაც შეეხება ჰასიფ ბეის, იგი მოხერხებულად ფარავდა თავის აღშფოთებას — სარკის წინ იდგა და მელოტ თავს დიდის სიფრთხილით აფარებდა თმას.

### აჰმედ „კედელა“

ვინ იტყვის, რაზეა დამოკიდებული ფეხბურთელის სპორტული ფორმა? ზოგჯერ მას ისეთი რამ განაპირობებს, რასაც არაფერი საერთო სპორტთან არა აქვს.

ასე მაგალითად, მთელ ქვეყანაში ცნობილი ფეხბურთელი „თოზ-ქოფარანის“ გვერდაუვლელი ცენტრალური დამცველი აჰმედი, რომელსაც მეტსახელად „კედელა“ შეარქვეს, საპასუხისმგებლო მატჩის წინ ხშირად ევაჭრებოდა ხოლმე სტამბულის ერთ-ერთ ულამაზეს ქალს სევიმს.

— მაშ, თუ წავაგეთ, არ იზამ?

— ახლოს არ ვაგვიკარებ, — დაბეჯითებით პასუხობდა სევიმი.

— ყაიმი თუ იქნა?

— მეც სანახევროდ...

— თუ კი მოვიგეთ, მაშინ ხომ ნაღდად...

ამ დროს სევიმი თვალებს მოწყურავდა და ჩაილაპარაკებდა: „თუ მოვიგეთ, კი“. ამის შემდეგ აჰმედ „კედელას“ მოედანზე ვერც ერთი ფეხბურთელი ვერ უტოლდებოდა, ქარივით დაქროდა, მოწინააღმდეგეს ფეხსაც კი დაუდებდა, ხელსაც ჩაავლებდა, ტრუსსაც კი ჩახდიდა და, თუ საჭირო იყო, ბურთს ისეთი ძალით დაარტყამდა, რომ ტრიბუნებში ძლივს პოულობდნენ ხოლმე. ერთი სიტყვით, აჰმედ „კედელას“ მუდამ შეეძლო გამარჯვება მოეტანა თავისი გუნდისათვის. სევიმი კი პატიოსანი სიტყვის გოგო იყო და თავის პირობას არასოდეს გადავიდო-

და. სიტყვისადმი ასეთი ერთგულება იყო იმის მიზეზი, რომ ასე მოუხშირა პლასტიკურ ოპერაციებს. შექმნილ მდგომარეობას პრესამაც კი მიაქცია ყურადღება — კალმოსნებმა მოახერხეს დაეცინათ, რომ „თოზქოფარანის“ ცენტრალური მცველის ყოველ პრეზენტაციულ თამაშს სევიმის პლასტიკური ოპერაცია მოსდევდა ხოლმე. სწორედ ამიტომ ულამაზესი სევიმის მშობლებმა საპასუხო ღონისძიებას მიმართეს — ისინი ყოველწლიურად ცდილობდნენ „თოზქოფარანის“ თამაშინ დროს სახლიდან არ გაეშვათ სევიმი ან თუ გაუშვებდნენ, ისიც სტადიონზე კი არა, ქალაქიდან შორს, სასეირნოდ. დასაფიქრებელიც ჰქონდათ — სევიმის ასეთი გატაცება ფეხბურთით დღითი დღე ართულებდა ზეირიანი სასიძოს პოვნას. ამით კი ფერფერიკთა ოჯახსა და ფირმას სერიოზული საფრთხე ემუქრებოდა.

ერთ ხანს სევიმის მშობლების ეშმაკობამ გასჭრა, მაგრამ ამით ცუდ დღეში ჩავარდა „თოზქოფარანის“ გვერდაუვლელი მცველი — მოდუნდა, ჩვარივით გახდა. ამან კი უმალ მთელი გუნდის თამაშზე იქონია გავლენა. გუნდი ზედიზედ აგებდა, „თოზქოფარანის“ საფეხბურთო კლუბის ხელმძღვანელები ნათლად ხედავდნენ, რომ გუნდის მოგება-წაგების, სატურნირო მდგომარეობის საქმე მათს ხელთ აღარ იყო და განიზრახეს სასწრაფოდ მიეღოთ გადამწყვეტი ზომები. კიდევ ერთი პლასტიკური ოპერაციის გაკეთება რა ბედენაა, ბოლოსდაბოლოს „თოზქოფარანის“ კლუბის ხელმძღვანელობა მზად არის გარკვეული ხარჯებიც კი გაიღოს, როცა საქმე გუნდის ღირსებას ეხებაო, სევიმის ღირსება ოჯახის საქმეა, გუნდი კი საზოგადოებრივი და უფრო მეტიც — სახელმწიფოებრივი ღირსების საქმეაო.

ამიტომაც ახლავე უნდა გავმართოთ მოლაპარაკება სევიმის მშობლებთან, სევიმი თუ გვიხსნის, თორემ ჩვენი საქმე წასულიაო. ეს საკმაოდ საჩოთირო მისია კლუბის გენერალურმა თავმჯდომარემ დუნდარ დუბარა ბეიმ იღო თავს. დუბარა ბეი ჰასიდ ბეის ახლო მეგობარი იყო და ძალიან თავაზიანად აუხსნა მეგობარ კაცს, თუ რაოდენ გამოუვალ მდგომარეობაში ჩავარდებოდა საკლუბო გუნდი უსევიმოდ.

— თუ ასე ვაგრძელდა, ჩემო ძვირფასო ჰასიდ ბეი, „თოზქოფარანი“ სატურნირო ცხრილის ბოლოში აღმოჩნდება. ვანა შენ ამას აიტან? აჰმედ „კედელა“ გუნდის ცხრა მეთაფი, მე აღარაფერს ვამბობ იმაზე, რომ ეგ „კედელა“ სამასი ათასი ლირა დაგვიჯდა, გამოუშვი სევიმი ფეხბურთზე. შენი გოგო რომ ტრიბუნაზეა, აჰმედი მიუვალ ციხე-

სიმაგრედ იქცევა ხოლმე, თუ შენი გოგო სტადიონზე არ არის ეგ  
ციხესიმაგრე იშლება და ინგრევა.

დუნდარ ღუბარა ბეის მგზნებარე სიტყვამ უდიდესი შინაქაღალდუნა  
იქონია სევიმის მამიკოზე. განა სახუმრო საქმეა „ტაქტიკის“  
ცხრა მეთედი იყო და სამასი ათასი ლირა ღირდებოდა?

— შექმნილი სიტუაციიდან ყველაზე ჩინებული გამოსავალი ის  
იქნებოდა, — ცხარედ დაასრულა ღუბარა ბეიმ, — რომ დროულად  
დაგვექორწინებინა სევიმი და აჰმედ „კედელა“.

სიხარულით ათრთოლებულმა ჰასიდ ბეიმ ლამის არ იკითხა: მერე  
და, რას უყურებს ეგ შენი აჰმედ „იატაკა“, რატომ არ ქორწინდებო,  
მაგრამ უცებ მოეგო გონს და კრინტი აღარ დასძრა. რა ჭირად უნდო-  
დათ ფერფერიკებს ეგ ქორწინება — აჰმედს არც ფული გააჩნდა, არც  
საზოგადოებრივი მდგომარეობა და არც ინტელექტუალთა შორის  
მოსახსენიებელი კაცი გახლდათ. მით უმეტეს, რომ ერთი ლოთი-შფო-  
თი და ბანქოს მოთამაშე ვინმეა. მაგრამ ასეა თუ ისე, ჰასიდ ბეი მაინც და-  
ლიან ნასიამოვნები დარჩა, როცა გაიგო, თუ რა როლს ასრულებდა  
მისი ქალიშვილი სპორტულ ცხოვრებაში. კაცმა გულახდილად რომ  
თქვას, ეს ოხრობა ბანქოს თამაში რომ არა, შეიძლებოდა აჰმედისა და  
სევიმის ქორწინებასაც დაყაბულებოდი და ერთი პატარა სპორტული  
მალაზიაც გაგეხსნა სიძე კაცისათვის, მაგრამ...

დუნდარ ღუბარა ბეიმ ასეთი პასუხი მიიღო: მზადა ვარ ამ საკითხ-  
ზე ცოლს მოველაპარაკო. ასევე უთხრა ჰასიდ ბეიმ გამოთხოვებისას  
გენერალურ თავმჯდომარეს დუნდარ ღუბარა ბეის.

იმ დამეს ცოლ-ქმარმა ფერფერიკებმა პირველად ითათბირეს ასე  
სერიოზულად ქალიშვილის მომავალზე. საუბარი არც ისე ხანგრძლივი  
გამოდგა.

— სასწრაფოდ უნდა გავათხოვოთ სევიმი, — თქვა დედიკომ და  
დასძინა, — მთავარია გათხოვდეს, მერე რაც უნდა, ისა ქნას...

— რასაკვირველია, — დაეთანხმა მამიკო, — ქორწილის მერე ქმარ-  
მა სდიოს, მერე, უნდა შევტუხა სუათის შთაგონება იყოს და, უნდა  
აჰმედ „კედელასი“, ჩემთვის სულ ერთია.

— აბა!

მზრუნველმა მშობლებმა მეორე დღესვე დაიწყეს სასიძოს ძებნა.

სამართლიანობის გულისთვის კაცმა ერთი რამ უნდა აღნიშნოს —  
ფერფერიკთა ოჯახის ხელმძღვანელ ორგანოებში აჰმედ „კედელას“

სიძეობაზე იმიტომ კი არ იკავებდნენ თავს, რომ ეგ ჩვენი უკვლავი  
ყვეყნი იყო და ჰკუთხა მხოლოდ ფეხებში ჰქონდა, კაცმა რომ თქვა,  
ჰასიფ ბეი მის შესაფერის საქმესაც გამოიხატავდა ქალის თეფრით  
გასაღების სისტემაში. უბედურება ის გახლდათ, რომ თვით  
დელას“ ჭირის დღესავით არ უნდოდა სევიმზე დაქორწინება. სევიმმა  
უკვე „თოზქოფარანის“ ძირითადი შემადგენლობის ყველა ფეხბურ-  
თელი გამოიცივალა. ზოგიერთი სათადარიგო მოთამაშეც გასინჯა. იმი-  
ტომ ამ ჩვენმა სვავმა ერთმანეთთან დაანათესავა, თითქოს ზეციურ  
ძმებად გახადა ყოველი ფეხბურთელი. აჰმედიც ძმასავით ექცეოდა სე-  
ვიმს, ხშირად ისიც კი უთქვამს: ჩემო ძვირფასო, რაც შეიძლება მალე  
უნდა გათხოვდე, გათხოვების შემდეგ კი აღარ ილაყებებენ შენი და  
ჩემი ურთიერთობის თაობაზე.

სვავი სევიმიც თანახმა იყო — გათხოვება, მართლაც, კარგი იქნე-  
ბოდა, მაგრამ სასიძო საიდან მოეყვანათ? ნაცნობ-მეგობართა ფართო  
წრე იმდენად ვიწრო აღმოჩნდა, რომ ერთი საქმრო ვერ მოიხაზა. საქ-  
მეს კი ძალიან აგვიანდებოდა. და აი, ერთ მშვენიერ დღეს მეჰქურე  
ხანუმმა ქალიშვილს გამოუცხადა: ქვეყანა რომ დაიქცეს, ფეხბურთის  
სეზონის დამთავრებამდე უნდა გათხოვდეო.

## სარიოლლუთა ოჯახი

სასიძო თვითონ გამოჩნდა. ვიდრე ფერფერიკები ცით მოვლენილ  
ანგელოსს დაეძებდნენ, სასიძო აგერ, ამ ცოდვილ მიწაზე დააბიჯებდა  
და იმის ბაიბურშიც კი არ იყო, თუ რა ამბები ელოდა. ეს უიღბლო  
კაცი საით სარიოლლუ იყო. საითი თავისი ბუნებითა და ტემპერამენ-  
ტით ნამდვილი აღმოჩენა გახლდათ სევიმისათვის. ეს სწორედ ის იყო,  
რაც სევიმს სჭირდებოდა. სხვა დროს ამაყი ქალიშვილი უბრალო  
მზერასაც კი არ მიაპყრობდა საითისნაირ ყმაწვილებს, მაგრამ ახლა  
ცუდი დრო დადგა — ამას წინათ დელიკომ მაგიდას დააკრა ხელი და  
დაბეჯითებით მოითხოვა:

— თუ თვითონ მონახავ საქმროს, ხომ კარგი, არადა, სწორედ იმას  
გაყვები, ვიზეც მე და მამაშენი დაგნიშნავთ.

საბრალო სევიმი თავის ოთახში ჩაიკეტა, იტირა, იტირა და ოთახი-  
დან რომ გამოვიდა, განაცხადა: პირველსავე შემხვედრ მამაკაცს გაყე-

ვები, ოლონდ ჩემს საქმეებში არ ჩაერიოს და ჩემი პირადი ბედნიერება ფეხქვეშ არ გათელოსო.

საითი სარიოლღუ<sup>1</sup> კი იყო, მაგრამ თავისი გვარისაგან განსხვავებით თმაც თეთრი ჰქონდა, წვერიც, წამწამებიც და კანიც უერთი სიტყვით, მას რომ დაინახავდით, ასე გეგონებოდათ, თეთრ პურის ფქვილში იწვა და ეს-ეს არის წამოდგაო. თვალები მუდამ ეცრემლებოდა, რადგან თეთრი წამწამები შუქისაგან ვერ იცავდა. შავ სათვალეს კი ატარებდა, მაგრამ თვალებს მაინც მუდამ ქუტავდა, გამუდმებით აწუხებდა გლეფარითი, ორმხრივი ასტიგმატიზმი, მაღალი წნევა, ზოლო რაც შეეხება ახლომხედველობას, მთლად სულსა ხდიდა — მუდამ რალაცას წააწყდებოდა და ზედ ეცემოდა ხოლმე, ამიტომაც იყო, რომ მისი სათუთი და ძალზე ნაზი სხეული სხვადასხვაფრად იყო აჭრელებული. სიგრძე კარგა ასოთხმოცდაოთხი სანტიმეტრი ჰქონდა, მაგრამ წონას არ იკითხავთ? ქარიც კი წაიღებდა, რადგან 51 კილოგრამს იწონიდა. დედამიწაზე კაცი არ მოიძებნებოდა, რომ ზუსტად ამოეცნო მისი ხნოვანება. ერთნი ამბობდნენ, ორმოცზე ნაკლების არ იქნებაო, მეორენი კი ირწმუნებოდნენ, თექვსმეტი წელი ახლახან გაათავაო. მხოლოდ საითმა თუ იცოდა, რომ ამას წინათ გახდა ოცდაოთხი წლისა. საითი ჯერ კიდევ სკოლაში იძლეოდა საიმისო იმედებს, რომ უდიდესი მათემატიკოსი გახდებოდა, რადგან გარდა მათემატიკისა, ვერც ერთი საგნის ინჩიბინჩი ვერ გაიგო. მასწავლებლები არაფერს ზოგავდნენ ბეჯითი მოსწავლისათვის, ბრმად სჯეროდათ, მათემატიკაში უდიდესი აღმოჩენებით ჩვენს სახელს უკვდავეყოფსო. ალბათ, ამიტომაც გაგზავნეს სკოლის დამთავრებისთანავე პარიზში, რათა ასტრონომია შეესწავლა, მაგრამ აქ მხედველობიდან გამორჩათ ერთი სამწუხარო გარემოება — ვიდრე საითი ასტრონომიის საიდუმლოებებს ეუფლებოდა, ცაზე ერთი აღმოუჩენელი ვარსკვლავიც აღარ დარჩა.

მაგრამ პარიზი მაინც პარიზია და მან გული როდი ატკინა საითს — ასტრონომია რომ მოითავა, ასტროლოგიას მიჰყო ხელი და თავის თავში აღმოაჩინა საოცარი უნარი — ზუსტად გამოეცნო, თუ სად ინახებოდა მოპარული საქონელი, მოეძებნა ქურდები. ნათელმხილველობის ეს უიშვიათესი თვისება საითმა ერთი ბნელით მოცული პიროვნებისაგან შეითვისა. ის კაცი ამბობდა, ინდოელი სასწაულმოქმედი და ეინშტეინის ბიძაშვილის მამიდაშვილი ვარო.

<sup>1</sup> სარი ქართულად ნიშნავს წითურს.



საითს უკვე შეეძლო გამოეცნო ადამიანთა წარსული და აწმყო, ახლო თუ შორი მანძილიდან გაეგო მათი აზრები. ასე რომ, თუ თვითონ არ მოიტყუებდა თავს, საითის ვაცურება არავის შეეძლო.

ნათელმხილველობის ნიჭი საითს ყოველდღიურ ცხოვრებაშიც ღია ღია ეხმარებოდა. ასე მაგალითად: დილას რომ გაიღვიძებდა, თავის წინდებს თუ ვერ იპოვნიდა, მისი ძებნით თავს არ იკლავდა. მიუჯდებოდა მაგიდას, აიღებდა ფურცელს, ფანქარს და გამორიცხვის მეთოდით მათემატიკურად გამოიანგარიშებდა, მოცემულ ეტაპზე სად უნდა ყოფილიყო ესა თუ ის წინდა. თუ მათემატიკური ანალიზი მიახლოებით აჩვენებდა წინდების მდებარეობას, ისიც ადგებოდა და ახალთახალ წინდას ამოიღებდა ჩემოდნიდან. ასე გრძელდებოდა თითქმის ყოველ დილას და მთელი მისი ოთახი წინდებით იყო მოფენილი. წინდები წიგნების კარადაზეც ეყარა და ბალიშის ქვეშაც, მაკივარშიაც და ჭიქაშიაც.

ხოლო ასტროლოგიური ანალიზის მეთოდმა იგი მოულოდნელ დასკვნამდე მიიყვანა: არ არსებობს ქალი, რომელსაც მასზე დაქორწინება არ სწადია. მერე ვარსკვლავების მოძრაობას დააკვირდა და დაინახა, რომ ვარსკვლავები უიღბლოდ იყვნენ განლაგებულნი და დაცოლშიღებდა მას არაფერს სასიკეთოს არ მოუტანს. ამ დღიდან ქალებს სათოფეზე არ ეკარებოდა. ალბათ, თქვენთვისაც ცხადი გახდა, რომ საითი თავისი ძლიერი ინტელექტით კი არ იზიდავდა ქალებს, არამედ ზღაპრული სიმდიდრით. ქონება კი დიდძალი ჰქონდა, რადგან მისთვის მთელი 250 წელი ავროვებდნენ.

პარიზში ახალი ზეციური ვარსკვლავების აღმოსაჩენად გაგზავნილი საითი სტამბულში ხელცარიელი დაბრუნდა და აი, იღბალი! ამას ვინ იფიქრებდა! მან სწორედ სტამბულში აღმოაჩინა მშვენიერი ვარსკვლავი. ეს ვარსკვლავი კი ჩვენი სევიმ ფერფერიკი გახლდათ.

სარიოდლუთა მრავალრიცხოვან ოჯახს არაფერი ჰქონდა იმის საწინააღმდეგო, რომ საითი დაქორწინებულიყო და სწორედ მისი მეოხებით გაგრძელებულიყო ეს დიდებული შტო, მაგრამ სევიმთან ქორწინებას ყველა ნათესავი აუშხედრდა. სევიმი შეუფერებელია ისეთი საპასუხისმგებლო საქმისათვის, როგორც უძველესი და უკეთილშობილესი შტოს მომავლის შექმნააო. თავგამოდებით გაიძახოდნენ, რომ სევიმი ზედგამოჭრილი დედამისია, დედამისს კი თავისი უბნის არც ერთი მამაკაცი დაუტოვებია, ამნაირ ქალს რა მოერევა, გაძლება ხომ უნდა, იგი ყველას გაგვაცურებსო.

ნათესავების ყოველ მოსაზრებაზე საითი თავდაჯერებულად პასუხობდა:

2. ა. ნესინი

საქ. ... კ. ვარკისი  
სა... რესპუბ.  
ბ...



— განა შეიძლება ვინმემ გააცუროს კაცი, რომელმაც იცის, რა იქნება ხვალ? კაცი, რომელიც სხვათა აზრებს კითხულობს? არა. ჩემი მოტყუება შეუძლებელია!

რასაკვირველია, საითი თავისებურად მართალი იყო, რადგან ხევი-მის გაცნობამდე მისი მოტყუება მხოლოდ ერთმა ქალმა შეძლო, ესეც რაღა მოტყუება იყო, საითმა ყველაფერი აღრევე იცოდა.

აი, როგორ მოხდა ეს ამბავი:

ამ გათახსირებულსა და მანკიერ პარიზში, ქალაქში, რომელშიც ყოველ კაცს შეუძლია ისეთი ფერისა და ზომის საყვარელი გაიჩინოს, როგორც მას მოეპრიანება, საითს ბედი არ სწყალობდა — ქალები სათოფეზე არ ეკარებოდნენ ამ აყლაყუდა, მოუხერხებელ და გაუბე-დავ ბიჭს. ფულმაც კი არაფერი სამსახური გაუწია საითს და ვერ მოახერხა, დამტკბარიყო პარიზელი ქალების მომხიბლაობით. ღმერთო ჩემო, ამის მერე კიდევ იტყვიან, რომ პარიზი ამნაირი და ამნაირი ქა-ლაქიაო...

საცოდავი სარიოლლუ ძალიან ცუდ დღეში ჩავარდა, მაგრამ სწო-რედ ამ დროს ინდოელი სასწაულმოქმედის სახლში, სწორედ იმ ინ-დოელისა, რომელიც ეინშტეინის ბიძაშვილის მამიდაშვილი იყო, საითს მოულოდნელად ეწია ბედნიერება — აქ ერთ ალყირელ ქალს გაეცნო. ალყირელი ქალი და საითი მალე შენობით ელაპარაკებოდნენ ერთმა-ნეთს, თუმცა მათ შორის არაფერი არ მომხდარა. ქალი დედობრივი მზრუნველობით მოეკიდა საითს, იგი უმალ მიხვდა, თუ რაოდენ უბად-რუკ დღეში იყო ბიჭი და თანაგრძნობით უთხრა:

— მე შენ დიდ სიკეთეს გწევ, მაგრამ ეგ ამბავი ათასი ფრანკი და-გიჯდება. — საითი სიხარულისაგან აცახცახდა, გონი მაინც არ დაჰკარ-გა და მიუგო:

— კი ბატონო, მხოლოდ ფულს მერე ჩავაბარებ, რადგან ქალები ფულს რომ ჩაიჯიბავენ, ხელსაც არ დაგიქნევენ ხოლმე.

ალყირელმა ქალმა ჩვენი საითი ერთ ფოტოგრაფთან მიიყვანა. იქ მადლენი ვააცნო. ეს სწორედ ის მადლენია, რომლის ფოტოსურათიც ყოველი კონტინენტის მამაკაცს უდევს საფულესა თუ პორტფელში, რო-გორც დამხმარე თვალსაჩინო მასალა სექსუალური საკითხების შეს-წავლის საქმეში. ამ ფოტოსურათებში მადლენი ყოველთვის ჩაცმული როდი იყო, უფრო სწორად, ტანსაცმელი ყოველთვის როდი სჭიროდა. ან თქვენ გგონიათ, იგი მარტო იყო ფოტოსურათზე? რასაკვირველია,

არა მუდამ ვილაცასთან ერთად იყო გამოსახული და ეს ორნი მუდამ რალაცას სჩადიოდნენ.

რასაკვირველია, საითმა ვერ გაიგო სად მოიყვანეს, მაგრამ ჩამდენად... ჩამდენადაც ფოტოსალონში იდგა სავარძლები, იდგა ტანტო, ტანტოე კი ბალიშები ეყარა, კედელზე სარკე ეკიდა, საითმა იფიქრა, პირდაპირ საწოლ ოთახში შემომიყვანესო.

ალეირელი ქალი არც გაჩერებულა, მალე გაბრუნდა, მადლენი კი უმალ ქალური თანაგრძნობით აღივსო ამ თითქოსდა თეთრი პურის ფქვილიდან ახლახან ამოსული ყმაწვილისადმი. მას საუბარი დიდხანს არ გაუგრძელებია, თავისი ქალწულებრივი მოკრძალებულობა დაიოკა და უმალ გააშიშვლა რესპუბლიკური თურქეთიდან ასტრონომიის დასაუფლებლად ჩამოსული ყმაწვილი. იმ დღეს ფოტოგრაფმა საკმაოდ ბევრი სურათი გადაიღო. ამ სურათებზე ასახული იყო, თუ როგორ სექსუალურ აღზრდას ღებულობდა საითი. გადაღება პროგრესული მეთოდით, ე. ი. ფარული კამერით მიმდინარეობდა, მაგრამ სამსახური მაინც სამსახურია, საქმეს სიზუსტე უყვარს და მადლენი დროდადრო გადასძახებდა ხოლმე ფარდის მიღმა მდგარ ფოტოგრაფს:

— ასე კარგია, მუსიე?

საითი დარწმუნებული იყო, რომ სწორედ მას ეკითხებოდნენ. ამიტომაც პასუხს არ აყოვნებდა:

— ოი, და მერე როგორ, მადმუაზელ...

— მოგწონთ, მუსიე?

— მომწონს რომელია!.. ვგიჟდები და ეგაა.

— ასე?

— ასეც, მადმუაზელ...

თუმცა, ერთხელ ფოტოგრაფმაც გასცა პასუხი.

— აქ კიდევ არის ვინმე? — შიშით იკითხა საითმა და სირცხვილი-საგან სიწითლე მოერია.

— ოი, მონ ამურ, აქ ვინ უნდა იყოს, უბრალოდ აქუსტიკაა ასეთი მძლავრი.

მადლენი რომ „მონ ამურს“ ეტყოდა, საითს ამ ქვეყანაზე აღარაფერი უნდოდა.

ეს ფოტოგრაფი სექსუალური რევოლუციისათვის თავგამოდებული მებრძოლი იყო და აი, ერთ დღეს გადაწყვიტა სამთა სიყვარული აღებეჭადა ფირზე. ამიტომ ფოტოსალონში ერთი უღვაშებიანი ანმახიც

მოიწვია. იუპიტერების დაუნდობელი შუქით თვალმოჭრილმა საითმა ვერ შეამჩნია, მადლენის გვერდით კიდევ ერთი კაცი რომ მოთავსდა და როცა მადლენმა ჩვეულებისამებრ ფოტოგრაფს ჰკითხა: „ასე კარგია, მუსიე?“ ხოლო ფოტოგრაფმა მიუგო, გადასარევიანო, ულვაშებიანმა ჩაიბუტბუტა, დიდი ვერაფერი შვილი გახლავთო.

საითმა რომ რამდენიმე კაცის ხმა გაიგონა, იკითხა:

— აქ კიდევ არის ვინმე?

— ოჰ, მონ ამურ, ჩვენ გარდა ვინ უნდა იყოს?

მაგრამ ამავე წამს ულვაშა ახმახს ხველა აუტყდა.

— ვილაც რომ ახველებს? — დაიჩვილა საითმა.

— ხომ იცი, აქ ასეთი აკუსტიკაა. ეს შენ ახველებ და ასე ჩაგესმის, ძვირფასო, — დაამშვიდა მადლენმა.

— მე რომ არ დამიხველებია?

— განა შენ ამ წუთში არ დაახველე, მონ ამურ?

საითს მოუნდა, მადლენს მოხვეოდა, მაგრამ ვილაცის ულვაშები შერჩა ხელთ.

რა მადლიერი დარჩა თავისი შორსმჭვრეტელობისა! მას ხომ მადლენის ცოლად შერთვა სურდა და ის-ის იყო წინადადების მიცემასაც აპირებდა, მაგრამ ყველაფერი იმით დამთავრდა, რომ ულვაშთანმა ახმახმა ერთი-ორი მოსცხო საითს, ხოლო მადლენმა კი კინწისკვრით გამოაგდო. ეს იყო და ეს, ერთადერთი შემთხვევა, როცა ქალმა შეძლო საითის მოტყუება, თუ შეიძლება ამას მოტყუება დავარქვათ.

მოგვიანებით, სტამბულში ჩამოსვლის შემდეგ, საითი თავს იწონებდა ხოლმე ამ სამიჯნურო თავგადასავლებით და ყველას არწმუნებდა, წინასწარ ვიცოდი ყველაფერი, მაგრამ არაფერს ვიმჩნევდიო. თითქოს საითს ძალიან სჭიროდა იმის მტკიცება, რომ ბრიყვი იყო.

საითი სტამბულში სწორედ მაშინ დაბრუნდა, ფერფერიკთა ოჯახში ჭექა-ქუხილი რომ იწყებოდა: პლასტიკური ოპერაციები ერთიმეორეს მისდევდა. ამან საქვეყნოდ ცნობილი ექიმიც გააღიზიანა. გამუდმებულმა ოპერაციებმა ჩემი მეცნიერული, შრომა მიმავიწყაო და სამაგ ჰონორარს ითხოვდა. თვით მეჭკურე ხანუმმაც ვერ აიტანა ეს ამბავი და ერთხელ ასეთი რამ უთხრა სევიმს:

— ჩემო შვილო, ყოველი ქალის ვალია, თავის შვილს მამა მოუნახოს. ამის მერე სხვა მამაკაცებთან საქმის დაჭერაც იოლია — შენც ენდობი და ისინიც გენდობიან. უკვე დროა, ამაზე იფიქრო, ჩვენში დარჩეს და, დაბადების მოწმობის მიხედვით 29 წლისა ხარ.

— ოცდაცხრისა კი არა, ოცდარვისა, — შეუსწორა სევიმმა.

— ეგ თერთმეტი თვეც მალე გაივლის და ოცდაცხრისა გახდება, დროა ჭკუა ისწავლო, ჩვენ დაგვაკვირდი, დედაშენსა და მამაშენსა, ხომ ხედავ რა ბედნიერები ვართ. მე მესმის შენი — ფეხბურთი გიყვარს, მაგრამ ახლა პირველ რიგში შეილს მამა უნდა გამოუძებნო. რასაკვირველია, იგი უნდა იყოს კეთილი და მდიდარი. ალაპისაც უნდა მოგერიდოს, საკმარისია ეს პლასტიკური ოპერაციები. შენ თუ არაფერს იტყვი, მე თვითონ ვიშოვი ქმარს.

— მომეცით სამი დღის ვადა, — მშვიდად უპასუხა სევიმმა, — თუ ამ სამ დღეში ვერაფერი სახეირო ვერ ვიპოვე, მაშინ თქვენს ამორჩეულზე შევჩერდები.

— ეჰ, რატომ მე არ დამემსგავსე, შეილო, სამ დღეში გამოშტერებული კაცის პოვნა იოლი საქმე გგონია?

— დედი, ბევრი კაცი ვიცი, თავს ძალათი რომ იშტერებს, თორემ ისეთი არაფერი სჭირს, — დამრიგებლურად თქვა ქალიშვილმა. — მე ახლა სამი დღილი მყავს აყვანილი, მაგრამ ჯერ სამივე უნდა გამოვცადო, რა ვიცი, იქნებ სულაც არ არიან ისეთი, როგორც თავს მაჩვენებენ, მერე არ გინდა გაძღება? აილუ ხომ გახსოვს, მისი ქმარი პირველ ხანებში სულელად ასაღებდა თავს, მაგრამ ახლა სახლიდან ერთ ნაბიჯზე არ უშვებს ცოლს. ეგ კი არა, ამას წინათ „პაჯეთბაბას“ ფორვარდთან კადრისთან რომ შეუსწრო ცოლს, ლამის გაეყარა.

— მერე? რა ქნეს? — იკითხა დედიკომ.

— მაღლობა ღმერთს, „პაჯეთბაბას“ კლუბის ხელმძღვანელობამ დაიყოლია, ამ საქმეზე აურზაურს ნუ ატეხო. რა მოხდა მერე, ერთხელ შეუსწრო. ამისათვის ყელი უნდა გამოსჭრა? — გაბრაზდა სევიმი. — მეც არ მინდა, რომ ამგვარი რამეებით გავიმწარო ცხოვრება. მე სავსებით დარწმუნებული უნდა ვიყო, ქორწინების შემდეგაც სრულიად თავისუფალი და დამოუკიდებელი ვიქნები, რაც მომეპრიანება, იმას გავაკეთებ. ამიტომ გთხოვთ, სამი დღე მაცალოთ... მე ხომ სამი კაცი უნდა გამოვცადო.

და აი, დადგა ის დღეც, როცა სევამა სევიმმა თავისი მსხვერპლი იპოვა. იპოვა საით სარიოდლუ, ხოლო საითმა კი ბოლოს და ბოლოს აღმოაჩინა თავისი ვარსკვლავი.

დიდებულ სარიოდლუთა ნაშიერი თავად გამოვიდა თავისი ვარსკვლავის საძებნელად. საითი ისთიქლიალის პროსპექტზე დასეირნობდა

და ერთ მეგობარ კაცს პარიზის შთაბეჭდილებებს უზიარებდა. რა ფიქრები წამოეშლება ნამდვილ მამაკაცს პარიზის ხსენებაზე? რასაკვირველია, უმალ ქალებს მოიგონებს და რახან სიტყვა ქალებზე ჩამდგარა და, ბუნებრივია, რომ საითი მადლენზე ალაპარაკდა. სხვა ქალს იფიქრა არც იცნობდა.

— მე, რასაკვირველია, თავი მოვიკატუნე. შენ კარგად იცი, ჩემი გაცურება არც ისე იოლი საქმეა.

ეს მეგობარი საითს სულ ახლახან ხუთას ლირას დაესესხა და ყველაფერზე კვერს უკრავდა.

— ეგლა გაკლდა, მისამართი შეშლიათ, რა შევითან ჰქონდათ საქმე?

— აბა! არა და, მადლენს ნაღდად ის უნდოდა, რომ რქები დაედგა ჩემთვის!

— მეც მაგას არ ვიძახი? მისამართი შეშლიათ-მეთქი!

— ჭერ კაცს ჩემთვის თითი არ დაუკარებიაო, მეფიცებოდა.

— აბა, როგორაო?

— როგორაო და, თურმე ქმარიც კი ჰყოლია.

— არ გადამრიო! ამას როგორღა მიხვდი, ჰა?

— ლოგინში რომ ჩავიგორებდი, მულამ ვილაც მამაკაცის ხმა მესმოდა, ამას რაღა მიხვედრა უნდოდა — ქმრის გარდა, ვინ შეიძლება ქალის საძინებელ ოთახში იყოს?

— რასაკვირველია, არავინ!

— ჩვენში დარჩეს და, იმ ინდოელ სასწაულმოქმედთან რომ არ მესწავლა, ამ ამბავს ვერც მიხვედებოდი. თუმცა, მე რა მენალვებოდა. ქმარი იყო თუ არა, მე ხომ ჩემს საქმეს ვაკეთებდი, არა?

— აბა რა...

— ჰოდა, ეგ ქმარი შეუმჩნევლად სურათს გვიღებდა — ამას პირველსავე დღეს მივხვდი, მაგრამ ვაყუჩდი, გადამიღე, მერე რა, ფეხებზეც არ მკიდია-მეთქი. ასე არ არი?

— შენ ის მითხარი, მხოლოდ სურათს გვიღებდათ თუ ფილმიც გადაიღო?

— რაო, აქ აჩვენეს თუ? — აფორიაქდა საითი.

საითის მეგობარ კაცს ძალიან უყვარდა ამგვარი რამეები და უკვე ორჯერ ნახა საითისა და მადლენის მიერ ფოტოსალონში გატარებულ წუთებზე გადაღებული ფილმი.

— არა, არ ვიცი, მე ისე გკითხე, სხვათა შორის, — უპასუხა მან.

საითი სულმოუთქმელად ლაპარაკობდა ქალაქთა ქალაქის თაობაზე. მეგობარს უკვე მოყირძდა საითის ნაამბობი და ჯერ რამდენიმე ნაბიჯით ჩამორჩა, მერე კი სულაც მოუსვა. სწორედ ამ დროს ~~სადღაც~~ მიიჩქაროდა ჩვენი სევიმი. იგი საითს წამოეწია, ჯერ იყო და სევიმმა საითი იმ ბიჭად მიიჩნია, ქუჩაში რომ აეკიდებიან ხოლმე ქალიშვილებს, ამიტომაც უნდოდა უმალ ექცია გვერდი, მაგრამ პროსპექტზე იმდენი ხალხი მიდი-მოდიოდა, რომ ვერაფრით ვერ გასცდა საითს, ვერ გავარდა წინ. საითი კი კვლავ პარიზის ამბებს ყვებოდა, სევიმმა ყური მიუგდო და უმალ მიხვდა, შევცდიო. იგი დააინტერესა კიდევ საითის ლაპარაკმა.

— აზრზე ხარ? მე ხელი გავიშვირე და იცი, რა მოხდა? — გატაცებით ლაპარაკობდა საითი, — მამაკაცის უღვაშები შემრჩა ზელთ. „მადლენ. — ვიყვირე მე, — ეს რა არის, რა უღვაშებია-მეთქი და, თუმცა, შენ მაინც იცი, მე უმალ მიხვდი, რომ ეს მამაკაცის უღვაშები იყო. მე რომ არ მეყვირა და ნაზად შევკითხოდი, მადლენი უსათუოდ მეტყოდა, ჩემი უღვაშებიო.

სევიმმა გულიანად გადაიხარხარა, საითმა ახლალა შეამჩნია, რომ გვერდით მეგობარი კი არა, უღამაზესი გოგო მოჰყვებოდა.

— მაპატიეთ, — შეცბუნდა იგი, — მეგობარი მომდევდა ერთი... როგორც ჩანს, ჩამოშრჩა.

— საპატიებელი რა გაქეთ... ძალიან საინტერესოდ ლაპარაკობდით, ბეი ეფენდი, — სიცილს ძლივს იკავებდა სევიმი, — რით დამთავრდა ეს ამბავი?

— თუ გნებავთ, ბოლომდე ვიამბობთ.

რასაკვირველია, საითს არაფერი უთქვამს იმაზე, თუ როგორ მიტყობა უღვაშიანმა ახმახმა, — პირიქით — კუდით ქვა ვასროლინეო, უთხრა სევიმს. სევიმი მიხვდა, საითი ის კაცი არ იყო, სხვებს კუდით ქვას რომ ასროლინებდა, ალბათ ცემა-ტყეპით მას უფრო უსიებენ ცხვირ-პირს.

— ძალიან მწყინს, რომ თავიდანვე ვერ მოგისმინეთ.

— თუ თქვენ გნებავთ, ყველაფერს ხელახლა დავიწყებ. მაპატიეთ, ჯერ არ გაგცნობივართ: მე საით სარიოლლუ გახლავართ.

— სევიმ ფერფერიკი.

— უკაცრავად ვარ, ვერ გავიგე.

— ფერფერიკი.

— ძალიან სასიამოვნო. ღვთის გულისათვის, არაფერი ცუდი ჩემზე



არ იფიქროთ, მაგრამ ისე მინდა კაფეში მივიწვიოთ და იქ გვიპზოთ ყველაფერი, ისე მინდა, რომ...

— ო'კეი, თუმცა... კინოში მივდიოდი. მაგრამ ეგ არაფერი, ფილმის დაწყებამდე კიდევ არის დრო. თქვენ ხომ არსად მიგეჩქარებთ?

— არა, არსად! — აღფრთოვანებით წამოიძახა საითმა.

კაფეში შევიდნენ. საითმა თავისი პარიზული ამბები წამოიწყო, სევიმი უსმენდა და გულიანად ხარხარებდა. იგი თანამედროვე კეკლუცი ქალი იყო, ამნაირმა გოგოებმა კი კარგად იციან, თუ როგორ დაიჭირონ თავი მამაკაცებთან. ამიტომ საუბრის დროს უნებურად ან ხელს შეახებდა ხოლმე ან კიდევ ფეხზე ფეხს გაუხახუნებდა. რა არ ხდებოდა ამ დროს საითის თავს. ეს უნებური შეხება დენივით დატრიალდებოდა მთელ სხეულში. აცახცახდებოდა, ენა ებმოდა, წითლდებოდა, თავში ყველაფერი ერეოდა და კარგა ხნით დაღუმებული დასცქეროდა იატაკს.

სვავი სევიმი, თითქოს ნადავლი ჩაიგდოო ხელთ, ნტაცებლურად ათვალერებდა საითს. გულით ეწადა გაეგო, ნუთუ მართლა ის ყეყეჩი ჩაიგდო ხელთ, რომლის თაობაზეც დედიკოს ელაპარაკა?

— აი, ვინ მჭირდება მე, — სიხარულით აცახცახებული ფიქრობდა იგი. — აი, ამას ვაქცევ ჩემი ბავშვის მამად, ნამდვილად ყეყეჩი რომ არ იყოს ასე ვერ მომაჩვენებდა თავს, არასოდეს შევხვედრივარ ასეთ სულელს.

— კინოში რომ არ მაგვიანდებოდეს... — ანკესი გადაისროლა სევიმმა, — აბობენ, კარგი ფილმიო, თორემ...

— განა მარტო მილიხართ კინოში? — გაუბედურებული კაცის ხმით იკითხა საითმა.

— სხვა რა გზა მაქვს, — ოხვრით თქვა სევიმმა და განიზრახა ციხესიმაგრე შეტევით აეღო, — თქვენ უსათუოდ უნდა ნახოთ ეგ ფილმი.

— სიხარულით წამოვიდოდი, მაგრამ ისეთი მხედველობა მაქვს, რომ...

— რა საწყენია, — ამჯერად დაბნეული ადამიანის სახე უნდა მიეღო სევიმს და ასეც მოიქცა.

— პირველი რიგიდანაც კი ვერაფერს ვხედავ.

— თუ საწინააღმდეგო არაფერი გაქვთ, შადა ვარ ყველაფერი, რაც ეკრანზე იქნება, თვითონ აგიხსნათ, — სევიმი კვლავ იერიშზე გადავიდა, — მე ხომ დავალებული ვარ თქვენგან, ისეთი საინტერესო რამ მიაშბეთ.



გაოგნებულმა საითმა რამდენიმე წუთის შემდეგ ამოიღო ზმა:

— არ მინდა თქვენი შეწუხება...

— როგორ გეკადრებათ, დიდად ნასიამოვნებიც დაერჩებოდნენ თქვენს თვის იოლი საქმეა, ბილეთი უსათუოდ ლოჯაში აიღეთ და დასვენდით. შევეშლით ხელს.

სევიმს გულით ეწადა გაეგო, ვინ იყო ეს აყლაყუდა, — ყყყინი, თუ თვალთმაქცი?

ლოჯაში საითი სევიმის უკან მოკალათდა. დარბაზში შუქი რომ ჩაქრა და ფილმი დაიწყო, სევიმი ნელ-ნელა საითისაკენ იწევდა, მაგრამ საითიც არ ჩერდებოდა ადგილზე და უკან იხევდა. „ნაღდად თვალთმაქცია“, გაიფიქრა სევიმმა და კვლავ საითისკენ გაჩოჩდა. საითმა ადგილი შეიცვალა. ბოლოს, როცა გადასანაცვლებელი ადგილი აღარ დარჩა და საითი მეზობელი ლოჯის ბარიერს მიაკრა, სევიმი თითქმის ჩაეკრა და კვნესით წარმოთქვა:

— აღარ შემიძლია, ზანგის წამებას აჩვენებენ.

მახეში გამომწყვდეულ საბრალო საითს აღარაფერი ესმოდა. სევიმის სხეულის სიახლოვემ, მისი თმის სურნელმა ისე დაათრო, რომ კონწართმეული იყო. ისიც აღარ იცოდა, რას სჩადიოდა. თითქოს სიზმარში იყო და ჯადოქრულმა ნდომამ ერთმანეთს გაღაპტლო მათი ხელები, ერთმანეთს მიაკრა მათი ლაწვები, აჰა... ბაგეებიც კი მიუახლოვეს ერთიმეორეს, მაგრამ იღბალი არ გინდა?! უცებ დარბაზში შუქი აანთეს, ვის სჭიროდა ახლა ეს ანტრაქტი! დიდებულ სარიოლლუთა ნაშიერი ალმოდებული იჯდა. თავის წამოწვევაც ვერ გაბედა და მთელი ანტრაქტის განმავლობაში ერთი სიტყვაც კი არ უთქვამს.

სევიმი ისე ათვალეირებდა, თითქოს მართლა სვავია და ეს-ეს არის, ბრჭყალები უნდა ჩასჭიდოს თავის მსხვერპლსაო.

ბოლოს დარბაზში შუქიც ჩაქრა. ახლა საითი მიიწევდა სევიმისაკენ, ჯერ გაუბედავად, ნელ-ნელა, შემდეგ კი თანდათან გათამამდა და სულ ახლოს რომ მივიდა, ზედ რომ მიეკრო, ვნებით წარმოთქვა:

— მიყვარხართ, მიყვარხართ.

— რა იყო, ზეჰერია, გადაირიე? — მოესმა საითს პასუხად.

„ზეჰერია, ზეჰერია, — აეკვიტა ეს სახელი საითს. — ნუთუ, ასე უცებ დაავიწყდა ჩემი სახელი? მე ამას ვერ ავიტან, არ შემიძლია, სევიმმა რომ მიმატოვოს, თავს აღარ ვიცოცხლებ“.

— მე სავსებით სერიოზულად გელაპარაკებით, პირველი დანახვის-

თანავე შემიყვარდით, უთქვენობა არ შემიძლია, — და წელზე გაუბე-  
დავად მოუსვა ხელი.

— რა მოგდის, ზეჟერია, სახლამდე ვერ მოგიტომენია?

— ნუთუ ჩემი არა გჯერათ, სევიმ ხანუმ?

— სევიმიოო! — აყვირდა მეზობელი და მერე ისე იკივლა, ზეჟერია,  
ზეჟერიაო, რომ მთელ დარბაზს მოედო მისი ხმა!

— რა გაყვირებს, — ზანტად გამოებასუხა ვილაციის უხეში ხმა.

ამას სილის გალაწუნება მოჰყვა. ფილმი შეწყვიტეს და დარბაზში  
შუქი აანთეს

სინამდვილეში აი, რა მოხდა. თავისი სიბეცის გამო საითმა ლოჯის  
ხავერდის ფარდა სევიმის კაბად მიიჩნია. ხავერდს მიკრული, მძიმედ  
სუნთქავდა და აღსარებას ჩურჩულით წარმოთქვამდა. ამასობაში უცხო  
ქალს გადაუსვა ხელი. როცა ქალმა გაიგო, ასეთ ცხარე მოუთმენლობას  
ჩემი ქმარი კი არა, სულ სხვა იჩენსო, საითს სილა გააწნა. ყვირილზე  
პოლიციელმა მოიბრძინა და ყველა ლოჯიდან გაიყვანა. იმ ქალის ქმარი,  
მაღალ-მაღალი ზეჟერია, მთიელი კაცი იყო და ძალიან კარგად იცოდა,  
თუ როგორ უნდა გამასპინძლებოდა თავხედს, რომელიც სხვის ცოლს  
ეკურკურება.

— ეს გარყვნილი ჩემს ცოლს არ ასვენებს, ახლავე ვაჩვენებ, რო-  
გორ უნდა...

საითი ახალა მიხვდა, რაც მოხდა.

— პარდონ, მუსიე, — ასლუკუნდა საითი. დაბნეულობის გამო  
მხოლოდ ფრანგული სიტყვები ადგებოდა ენაზე... — მე პირადად ვიც-  
ნობ ეინშტეინის ბიძაშვილის მამიდაშვილს... ფარდობითობის თეო-  
რია... და, რაც მთავარია... მთავარი კი ის არის, რომ... რომ მთავარი...

არავინ იცის, რით დამთავრდებოდა ეს ამბავი, სევიმს ზეჟერიას-  
თვის რომ არ გაეყარა ხელი და ტკბილად არ აჰიკჰიკებულებოდა:

— თქვენ სცდებით, ბეი ეფენდი. ჩემი საქმროს ეს სიტყვები მხო-  
ლოდ მე შეხებოდა და მხოლოდ ალაჰმა თუ იცის, რატომ მიიღო თა-  
ვის თავზე თქვენმა ცოლმა... ეს გულსატკენი შეცდომაა და მეტი არა-  
ფერი... ვის არ მოსვლია ასეთი რამ? ჩემი საქმრო იმ მამაკაცებს კი არ  
ჰგავს, საცოლის თვალწინ რომ...

„საქმროო! მან ჩემზე თქვა საქმროო! — საკუთარი ყურებისა აღარ  
სჯეროდა საითს. ოი, ჩემო ბედნიერებავ, კურთხეულ იყოს დღევანდე-  
ლი დღე!“

სევიმის ცხელი სმამ, მისი ხელს ალერსიანმა შეხებამ დააცხრო  
ზექერია და მანაც უმალ დაივიწყა მთიელი კაცის ჩვეულება.

— უკაცრავად ვარ, ხანუმ ეფენდი, ახლა მეც ვხედავ რამეს...  
არაფერი მომხდარა...

— ზექერია! — აღარ დამთავრებინა ცოლმა სიტყვა, — რას უდგა-  
ხარ, წამოდი, თორემ დამთავრდა ფილმი. ტყუილად დავხარჯეთ ფული?  
ცოლ-ქმარი დარბაზში შებრუნდა, სევიმი და საითი კი ფოიეში  
დარჩნენ.

— ისე უხერხულად ვგრძნობ თავს, — მორიდებულად თქვა სევიმ-  
მა, — ყველაფერი ჩემ გამო მოხდა.

— თქვენთვის თავსაც კი დავდებ, — წამოიძახა საითმა, ამ ორიოდ  
წუთის წინ შიშით ლამის სული რომ დალია.

ქუჩაში გამოვიდნენ და ტაქსი გააჩერეს. საითს ეჭვები არ ასვენებ-  
და: „ჩემი საქმროაო, ალბათ, იმიტომ თქვა, რომ არ უნდოდა, პოლი-  
ციამდე მისულიყო საქმე. სინამდვილეში რას ფიქრობს ჩემზე?“

სევიმმა კი ვერაფრით გაიგო, რატომ არაფერს ამბობდა საითი და  
აფორიაქდა: ნუთუ ხელიდან გაუსხლტება საქმრო, ასე მოხერხებულად  
რომ მოიგდო ხელთ? არა, სევიმი ჯერ არ მომკვდარა! რაღა სხვის სა-  
ქათმეში მირბოდა ეს დაბრმავებული მამალი. ან მე რაღას მოვშორდი,  
იქვე უნდა ჩავჯდომოდი მუხლებში.

— თუ თქვენ გგონიათ, რომ მე ცუდი ქალი ვარ, — ხმადაბლა, ნა-  
ზი ხმით თქვა სევიმმა, — სცდებით!

ფიქრებში გართულმა საითმა ვერც გაიგო სევიმის ნათქვამი და  
დაბნეულად უპასუხა:

— არ ვიცი, არ ვიცი.

— არა, მე ვგრძნობ, რომ ცუდი ქალი გგონივართ, — ნაღვლიანად  
ამოიოხრა სევიმმა, საითს მიეკრო და ჩაიჩურჩულა, — თუ გინდათ,  
დაგიმტკიცებთ, რომ...

ამ დროს ტაქსი ფერფერიკთა სახლთან გაჩერდა და სამწუხაროდ,  
სევიმმა ვერაფრის დამტკიცება ვერ მოასწო.

მანქანიდან რომ გადმოვიდნენ, სევიმმა უკანასკნელი ცდაც ჩაატარა.

— გინდათ, დედაჩემს გაგაცნობთ.

— უხერხული არ იქნება?

— დედაჩემი ყველაზე დემოკრატიული ქალია მსოფლიოში.

— მე მინდა, რომ ჯერ დედაჩემი მოვიდეს დედათქვენთან. თქვენ  
რას იტყობით?

სევიმმა, თითქოს ვერაფერი გაიგო, კითხვას კითხვით უპასუხა.

— რატომ უნდა მოვიდეს?

სარიოლლუ პამიდორივით გაწითლებულიყო, თავი ჩაექანდრე და ფეხსაცმლით მიწაზე რალაც-რალაცებს ხაზავდა.

— იმიტომ, რომ... რადგანაც... საჭიროა... დედათქვენს მოელაპარაკოს ჩვენი...

— რატომ დეიდა? განა დედა არა გყავთ?

— არა მყავს, დეიდა ცხოვრობს ჩემთან.

— მაშ, კარგი... შევხვდებით, არა?

— ნახვამდის.

და ერთმანეთს დაშორდნენ. სევიმმა სიმღერით და ცეკვა-ცეკვით აირბინა კბე და კარის ზღურბლისთვის არც გადაეხიჯებინა, რომ გამარჯვებული კაცის ზმით იყვირა:

— დედა! დედიკოო... ვიპოვე, ჩემი ბავშვის მამა ვიპოვე! ვაშაა!

## დეიდა ბერინი

სევიმს დამშვიდობებული საითი ისე მიჰქროდა შინ, თითქოს ფრთები გამოესხაო. ეს, რასაკვირველია, სიყვარულის ფრთები იყო. კარის ზღურბლზე არც კი გადაედგა ფეხი, რომ თავისი კეთილი დეიდა, ყოვლად პატივცემული ბერინ ხანუმ ეფენდი ახალი ამბით გააოგნა. ძალიან მალე, სულ რამდენიმე დღეში ცოლს ვირთავო. ესე იგი, კანონიერად ვქორწინდებიო, ეს კი იმას ნიშნავს, რომ ოჯახური ბუდე უნდა მოეწვნა, რადგან ამ ბუდისათვის მერცხალი უკვე ვიპოვეო. ამ მერცხალს სევიმი ჰქვია, მისი მზეთუნახავი, მისი ვარსკვლავი... სწორედ ასეთ გოგონზე ოცნებობდა მთელი სიცოცხლის მანძილზე. ჯერ ის ნახეთ, როგორი სახელი ჰქვია — სევიმი! სე-ვი-მი! სევიმი — განსახიერება სათნოებისა და სიყვარულისა. გვარიო? არა, გვარი არ ახსოვს. გვარიშვილობა რა სახსენებელია. მალე ისიც სარიოლლუ გახდება. სად გაიცანიო? უჰ, ამოგხდიან სულს. ქუჩაში გაიცნო, ქუჩაში, ბატონო! აბა, სად უნდა გაეცნო. ქუჩაში გაიცნო, კინოში შეუყვარდა და სახლამდე გაცილები-სას დარწმუნდა, ასეთ ადამიანს შეიძლება თამამად ანდო საკუთარი ბელი.

დეიდა ბერინი დიდი ხანია საითის დაოჯახებაზე ფიქრობდა. სარი-

ოღლებების მრავალ ნაშეირსაც იმის იმედი ჰქონდა, რომ სწორედ საითი უშველიდა მათს გვარს, რადგან სხვებზე იმედი გადაიწურეს ვერც ერთი ძე ვერ გაიჩინეს. საითი იყო ამ უძველესი და უდიდესი ხის ერთადერთი ყლორტი, რომელსაც კიდევ შეიძლებოდა რაიმე ნაყოფი გამოეღო. ამიტომაც მისი დაოჯახება ყველას გულნათ ვწადა, თორემ ხომ შეიძლებოდა გამხმარიყო იმ ხის ფესვები, რომელიც აგერ 250 წელი იდგა ფეხზე. ეს კი ნამდვილი კატასტროფა იქნებოდა.

მიუხედავად ამისა, დეიდა ბერინს მტკიცედ სწამდა, რომ საითის საცოლე დიდებულთა და საყოველთაოდ პატივადღებულთა ნაშეირი უნდა ყოფილიყო. სწორედ ასეთი ქალი იქნებოდა მათი გვარის შესაფერი. ღმერთმა ნუ ქნას, რომ ვინმე შარახვეტიას გადაეყაროს ბიჭი, თორემ მერე მორჩა, ხელზე დაიხვევს ამ ანგელოსს; არა და, საითის ქონების გულისათვის რას არ იზამს ქალი.

საითმა დეიდა დაამშვიდა, ეგ ყველაფერი ტყუილი შიშიაო.

— თქვენ ხომ მაინც იცით, დეიდა... რამდენი ქალი მყოლია, მაგრამ იმაზე ღირსეული არავინ შემხვედრია.

— ასე უცებ, ერთი ნახვით როგორ მიხვდი რანაირიც არის, შვილო.

— დეიდა, თქვენ გავიწყდებათ, რომ მე პარიზში ვსწავლობდი, კაცს შევხვდავ თუ არა, იმ წუთში მივხვდები, რა შვილიც არის. ხოლო სევიმს წარმოდგენაც არა აქვს იმაზე, თუ რა ქონების პატრონი ვარ.

— ძალიან მიმნდობი ხარ, შვილო!

— დიახ, მე ღრმად მწამს, რომ სევიმი წესიერი ოჯახის შვილია. გაიკითხ-გამოიკითხეთ და თქვენც დარწმუნდებით.

დეიდა ბერინსაც არ დააყოვნა და მეორე საღამოს უკვე ყველაფერი იცოდა ფერფერიკთა ოჯახის თაობაზე, ზოგი ისეთი რამეც კი გაიგო, რაც არ უნდა სცოდნოდა.

მან შეიტყო, რომ ფერფერიკები სტამბულში საპატიონი, ცნობილი და მდიდარი არიან (ქალის საცვლებით ვაჭრობა სარფიანი საქმეა). ამიტომაც საითს უთხრა:

— ყველაფერი გამოვიკითხე იმ გოგონას ოჯახზე, ვერაფერ ცუდს ვერ ვიტყვი.

— ხომ გეუბნებოდით, ჩემო ძვირფასო დეიდა.

— ოჯახი საკმაოდ ცნობილია, მაგრამ ის გოგო მაინცდამაინც თვალში არ მომდის.

— როგორ, ნახეთ? იმათ სახლში იყავით?



— სახლში არ ვყოფილვარ, მაგრამ ხალხმა ყველაფერი იცის.

— რაო, რა იცის ხალხმა? — გაბრაზდა საითი.

— გაუხედნავი კვიცივით არის, ერთ ადგილზე არასოდეს ჩერდება. მაგას კარგი მხედარი უნდა, თორემ... მეშინია, შვილო, ვაითუ ლავაში ვერ ამოსდო მაგ კვიცს და...

— დარდი ნუ გაქვთ, დეიდა, ისე მოვათვინიერო, რომ... ძალიან გთხოვთ, ხვალ დედამისს ეახლოთ და მზეთუნახავი სევიმის ხელი თხოვოთ.

— არა, შვილო, ასე არ იქნება, ხელის სათხოვნელად თვითონ უნდა მიხვიდე. აი, თუ გოგომ უარი გითხრა, მე შერე მივალ.


— კარგით, ყველაფერს ისე მოვაწყობ, რომ გავიკვირდებათ.

### საითი ხლის სათხოვნელად მიდის

საითი რამდენიმეჯერ მიუახლოვდა ფერფერიკების სახლს, მაგრამ კიბეზე ასვლა და ზარის დარეკვა ვერ იქნა და ვერ გაბედა. მართალია, სევიმმა კი მიიპატიოა, მაგრამ ვერაფრით მოეგონებინა, თუ რა უნდა ეთქვა, კარს რომ გაუღებდნენ. სევიმმა უთხრა, დედაჩემი დემოკრატიული ბუნების ქალია, მამაჩემი კი დიდი ლიბერალი კაციო, მაგრამ რას გაიგებ ამ დემოკრატებისა და ლიბერალების? დღეს რომ ამ ჭკუაზე არიან, ხვალ რა წამოუფრენთ, არავინ იცის. საითი ერთ ადგილს ტყეპნიდა და ვერ გადაეწყვიტა, როგორ მოქცეულიყო.

კარგა საათნახევარი იტრიალა სახლთან, ბოლოს, როგორც იქნა, გაბედულად შევიდა სადარბაზოში. ზარის დასარეკად ზელიც კი ასწია და... ამ დროს კარი მოულოდნელად გაიღო და ოთახიდან ვიღაც ახალგაზრდა გამოვარდა. საითმა ახლაც არ იცის, ასე უცებ როგორ ავარდა ზედა სართულზე, „ეს ალბათ, სევიმის უფროსი ძმა იყო“, გაიფიქრა საითმა. ცოტა ხანი დაიცადა და უხმაუროდ დაეშვა კიბეზე. ისევ გაიღო სევიმის სახლის კარი და ახლა ორი მამაკაცი გამოვიდა. ის მამაკაცები სევიმის მამის ტოლნი იქნებოდნენ. საითი ტყვიასავით გავარდა ქუჩაში და გაოგნებული დადგა. დადგა თუ არა, სახლის კარი კვლავ გაიღო, დიდხანს არ გაეწლო, რომ კვლავ მამაკაცები გამოვიდნენ სევიმის სახლიდან, რამდენიმე წუთში იგივე განმეორდა.

მთელი ერთი საათი, ვიდრე გაბედულება კვლავ არ დაუბრუნდა, უაზროდ წრიალებდა სახლის ირგვლივ. ისევ შევიდა სადარბაზოში,



ზარისაყენ ხელი გაიშვირა, რომ დაერეკა, მაგრამ ვილაცამ დაასწრო და ზარს თამამად დააჭირა თითი. საითმა შიშით მოიხედა. სამი კუნთებდაბერილი ყმაწვილი შემოხვეოდა გარს.

— პიონ, შენ აქ რაზე მოსულხარ?

— უკაცრავად, თქვენ მე ვილაცას მიმამსგავსეთ.

— შენ რომელი გუნდიდან ხარ? — ჰკითხა მეორემ.

— რომელი გუნდიდან? არც ერთი... მე ჩემთვის ვარ. მარტოკა, რომელიმე გუნდში უნდა იყო? ვისთან მაქვს საუბრის პატივი?

ამ დროს კარიც გაიღო, თვალის დახამხამებაში სამივე ოთახში შეცვივდა და კარი კვლავ მოიხურა.

ახლა სულ დაიბნა საითი. ქუჩაში გამოვიდა და ბოლოს ცემას მოჰყვა. თან მათემატიკურად ანალიზებდა ნანახს. „სამი საათის განმავლობაში ფერფერიკთა ოჯახში შევიდა ექვსი კაცი, იქიდან კი სამი გამოვიდა: ამოცანა გვეკითხება, რამდენი კაცი შეიძლება შევიდეს დღე-ღამის განმავლობაში? მოიცა, რატომ? რატომ მხოლოდ შამაკაცები შედიან ფერფერიკების სახლში? არა, შეუძლებელია მისი სევიმი ასეთ სახლში ცხოვრობდეს. ამოცანა ამოუხსნელი დარჩა.

საითმა პასუხის მოლოდინში მიმოიხედა, მაგრამ ორგვლივ არავინ იყო. ახლოს საბაყლო იდგა და იქითკენ გაემართა:

— მაპატიეთ, — მიმართა მან ბაყალს, — სევიმ ხანუმი რომელ სახლში ცხოვრობს, ხომ ვერ მიმასწავლიდით?

— თქვენ რომელი სევიმი გინდათ, სვაგი? თუ ყოვლისმცოდნე სევიმი? იქნებ ფაშფაშა სევიმი გინდათ? ან ქურთების სევიმი? აქ მღეჭავა სევინიცა გვყავს, მეაფთიაქის ცოლიც, ჩვენს ქუჩაზე ძალიან ბევრი სევიმიცა. აბა, რა ვიცი, თქვენ რომელს ეძებთ?

— თუ ეს ტიპი ფეხბურთელია, ნაღდად სვავ სევიმს დაეძებს, — უთხრა გამყიდველმა მებაყლეს.

საითმა ფერფერიკების სახლზე მიუთითა.

— თუ მეხსიერება არ მალაატობს, ამ სახლში უნდა ცხოვრობდეს.

— მეც ეგ არა ვთქვი? სვავ სევიმს დაეძებს თურმე.

— არა, არა, სვაგი კი არა, მისი გვარი მგონი ფე-ზე უნდა იწყებოდეს.

— ფერფერიკი, არა?

— ჰო, ფერფერიკი!

— თქვენ რომელი გუნდიდანა ხართ?

საითს გაახსენდა, ერთხელ უკვე ჰკითხეს, რომელი გუნდიდანა ხარო და გაუკვირდა..



— ყველას რატომ ჰგონია, რომ მე გუნდში უნდა ვიყო?

— მაშ, ის მაინც გვითხარი, რომლის გულშემატკივარი ხარ?

— ალბათ, ეგეც იმ გუნდისთვის იკლავს თავს, რომლისთვისაც სევიმი, — თავისი მოსაზრება გამოთქვა გამყიდველმა.

მეორე გამყიდველმა საგულდაგულოდ შეათვალიერა საითი და თქვა:

— ეს ტიპი არც ანკარის გუნდებში თამაშობს, არც სტამბულისა და არც იზმირისა, მე ყველას კარგად ვიცნობ და, საერთოდ, ეგ ფეხბურთელი არ არის.

საითმა მადლობა გადაიხადა და ქუჩაში გამოვიდა. ამ დროს, სწორედ ამ წუთში აივანზე სევიმი გადმოდგა.

— დედა, დედა, — დაიძახა სევიმმა, — ჩქარა გამოდი აივანზე, ჩქარა. აი, ის ბიჭი გაჩვენო, ჩემი ცოლად შერთვა რომ უნდა.

სწორედ იმ დროს, როცა მეჭჭურე ხანუმი აივანზე გამოგორდა, საითმა ფეხი ფეხს წაჰკრა და ლამის ამხელა აყლაყულა ასფალტზე გაიშოტა.

— კარგია, კარგი ბიჭი ჩანს... ჩვენ რომ გამოგვადგება, ისეთი, — თქვა მეჭჭურე ფერფერიკმა.

სევიმმა ოთახში შესძახა:

— ბიჭებო, ჩქარა აქეთ მოდიტ, ჩემი საქმრო გაჩვენოთ.

აივანზე ის სამი დაკუნთული ბიჭი გამოვიდა.

— ამ სულელს შენი ცოლად შერთვა უნდა? — ახარხარდა გუნდის მეკარე ნაჯი.

— ეგლა გვაკლდა, — ცხვირი აიბზიკა აჰმედმა.

— მაგას ყურს ნუ უგდებ, სევიმ, ეჭვიანობა ალაპარაკებს, — წამოიწყო მეკარე ნაჯიმ, — კარგი ბიჭი ჩანს, მაგრამ მკლე კატასავით კი არის. თუმცა, ამბობენ, გამხდარნი ვნებიანნი არიანო.

— არა უშავს რა, გამოდგება. ისეთი დრო დადგა, რომ საქმროები ქუჩაში არ ყრია. — თავისი სიტყვაც დაატანა საუკეთესო ბომბარდირმა მუსტაფამ.

სასწრაფო საქმეები რომ არა, სევიმი სახლში მოიწვევდა საითს, ან თვითონ ჩავიდოდა ქვევით, მაგრამ თითქოს ბედს მისი ჯიბრი აქვსო, სწორედ დღეს უნდა შეხვედროდა „თოზქოფარანის“ მოთამაშეებსა და გუნდის გენერალურ თავჯდომარეს დუნდარ დუბარა ბეის. დღეს უნდა შეემუშავებინათ იმის გეგმა, თუ როგორ გადმოებირებინათ „თოზქოფარანის“ მოჭიშვე „ჰაჯეთბაბადან“ ყველაზე საუკეთესო თავდამსხმელი ქაზიჩ იოზერი. ასეთ საპასუხისმგებლო საქმეს მხოლოდ სე-

ვიმი თუ მოაბამდა თავს, თორემ სხვა რისი შემძლე იყო. დუბარა ბე-  
საც მისი დიდი იმედი ჰქონდა. რამდენიმე ხნის წინათ სწორედ სევიმმა  
შეძლო „თოზქოფარანში“ გადმოებირებინა ახლა საქვეყნოდ ცნობი-  
ლი ეროვნული ნაკრების იმედი აჰმედ „კედელა“.

ვიდრე აქ სევიმი საიღუმლოდ ბჭობდა, საითს მობეზრდა ამ სახლის  
წინ წალმა-უკულმა წრიალი. იმაშიც დარწმუნდა, რომ ამ სახლში შე-  
სასვლელ ძალას ვერასოდეს მოიკრებდა. ამიტომაც გადაწყვიტა ტელე-  
ფონით დავურეკავო. ტელეფონი საქმესაც გამიიოლებს, — უფრო თა-  
ვისუფლად გადავუხსნი გულს, ყველაფერს ვუამბობ, იმასაც ვეტყვი,  
თუ როგორ მიყვარს და უმალ მივახლი, თანახმაა თუ არა ცოლად გა-  
მომყვესო, ფიქრობდა საითი, — ხოლო თუ თანახმა არ იქნებოდა, საითს  
თავი უნდა ჩამოეხრჩო.

ქუჩის ტელეფონ-ავტომატების ამბავი ყველას კარგად მოეხსენება.  
ამას გარდა, ასე სახალხოდ ვერც გადაუხსნიდა გულს, ამიტომ სასწრა-  
ფოდ ტაქსი დაიჭირა და სახლში გაქანდა. მადლობა ღმერთს, სახლში  
არავინ იყო.

ტელეფონის წიგნში ფერფერიკების ტელეფონის ნომერი მონახა  
და აცანცახებული ხელით ნომერი აკრიფა.

— გისმენთ, — გამოეპასუხა საითს მამაკაცის სასიამოვნო ხმა.

— მაპატიეთ, თუ შეიძლება, სევიმ ხანუმს სთხოვეთ.

— ერთი წუთით მოითმინეთ!

საითს მალე ქალის ხმა მოესმა.

— გისმენთ!

— გამარჯობათ, სევიმ!

— გამარჯობათ!

— როგორა ხართ?

— მადლობთ, კარგად.

ჩვენში ერთ ამბავს ასტენენ, ქუჩის ტელეფონ-ავტომატები წესიე-  
რად არ მუშაობენო, ვითომ ბინიდან კი შეგიძლია სადმე შენ გემოზე  
დარეკვა. სევიმი, რომელსაც ახლა საითი ელაპარაკება, ერთ-ერთი იმ  
ქალიშვილთაგანია, წინდის ფაბრიკაში რომ მუშაობენ, ასე რომ, საითი  
სევიმის სახლის ნაცვლად, წინდის ფაბრიკაში მოხვდა. სევიმს ძალიან  
ხშირად ურეკავდნენ მამაკაცები, ამაზე ფაბრიკის პატრონი ბრაზობდა,  
დღე და ღამე ტელეფონზე არის ჩამოკიდებულიო. ახლა ფაბრიკის პატ-  
რონი გასული იყო და სევიმს სული ელეოდა, ვაითუ, შემომისწროსო,  
ამიტომაც არ უნდოდა საუბარი გაება.

— მე იმიტომ გაწუხებთ, სევიმ ხანუმ, რომ... — შორიდან დაიწყო საითმა.

— უცებ მითხარით, რა გინდათ, ძალიან მეჩქარება.

საითს ყელში რაღაც მოაწვა და ენას ვერ აბრუნებდა.

— საქმე იმაშია, რომ... მე... იმიტომ შეგაწუხებთ, რომ...

— ჰო, მერე?

— მე მინდა, ჩემი ცოლი გახდეთ, — უცებ წამოიძახა საითმა და გაინაბა.

სევიმ შეორემ ღრმად ამოისუნთქა და დაიწყო იმაზე ფიქრი, თუ ვინ, რომელი მეგობარი იქნებოდა ახლა ამ თამაშის წამომწყები. ან იქნებ, სულაც ის ტიპი ურეკავდა, ამ ორი დღის წინ რომ აეკიდა ქუჩაში და სახლამდე მისდია? ჰა? ვინ იცის, რომელი იყო.

— არ მეხუმრებით?

— ამას, ამას... არც ვიფიქრებ... აბა, რა საკადრისია... მე ყველაფერს გავაკეთებ, სევიმ ხანუმ, რომ თქვენ ბედნიერი იყოთ...

— ყველა კაცი ასე ლაპარაკობს, არ ვიცი, გენდოთ თუ არა?

— მენდეთ, სევიმ ხანუმ, მენდეთ, — ციებიანივით ლაპარაკობდა საითი.

— არ გადაიფიქრებთ?

— არასოდეს, სევიმ ხანუმ, არასოდეს.

— სხვებიც ასე ამბობდნენ. ადრე დალაქმა სულეიმანმა შემომთავაზა ცოლად გამომყევიო, მერე შოფერმა ნურიმ, ამას წინათ კი, ოფიცერმა ჰამიდმ, მაგრამ სამივე ისე აორთქლდა, კვალს ვერსად მივაგენი.

— მე სერიოზულად განვიზრახე, — ენას ვერ იბრუნებდა საითი, — მე ხომ მიყვარხართ.

— მართალი მითხარით, დიდბ ხანია გათხოვება მინდა. მთავარია, წესიერი კაცი შემხვდეს. ექიმი ან ინჟინერი. ბოლოს და ბოლოს, ლეიტენანტი მაინც უნდა იყოს.

საითს მხედველობა არ უფარგოდა, თორემ სმენა ჩინებული ჰქონდა, საუბრის დასაწყისშივე უცნაური ეჩვენა სევიმის ხმა.

— ხომ კარგადა ხართ, სევიმ ხანუმ?

— მაგას რაზე შეკითხვით?

— ხომ არ გაცოდით-მეთქი.

— ცოტა კი შემამცივნა, მაგრამ ახლა ისე ვლელავ...

„ღმერთო დიდებულო, ნუთუ ასე ააფორიაქა ჩემმა წინადადება? — გაუელვა თავში საითს.

— ამ დღით მარცხენა თვალი მითამაშებდა, ეს კარგად მაქვს და-  
დილი, — განაგრძობდა სევიმ ხანუმი, — მე თანახმა ვარ თქვენი ცოლი  
გავხდე, მაგრამ მინდა კიდევ დაეფიქრდე. ამ საღამოს უნივერსიტეტის  
ერთ სტუდენტთან მაქვს პაემანი (სინამდვილეში ის ბიჭი სტუდენტი  
კი არა, მეჯღანე იყო). კარგა ხანია ერთმანეთს ვხვდებით. იმასაც უნ-  
დოდა ჩემი ცოლად შერთვა, მაგრამ ახლა რაღაც იგრიხება და... მინდა  
საბოლოოდ გავარკვიო...

„ცოტა უხეშად ხომ არ ველაპარაკები?“ გაიფიქრა ცრუ სევიმმა  
და იყო თუ არა საჭირო, წინადადებაში „მაპატიეს“ ურთავდა.

— ამ საღამოს, მაპატიეთ, პაემანი მაქვს იმ, მაპატიეთ, ბიჭთან. თუ  
ის, მაპატიეთ, მოვა, მაშინ კი, მაპატიეთ, ხოლო თუ არ მოვა, მაპატიეთ  
და...

— მაშ, დღეს ერთმანეთს ვერ ვნახავთ? — წყალწაღებული კაცი-  
ვით ამოიგმინა საითმა.

— დღეს, მაპატიეთ, ვერა, ვერ, მაპატიეთ, ვნახავთ... ის ბიჭი, მა-  
პატიეთ, ძალიან ეჭვიანია, იმან რომ დაგვინახოს, მაპატიეთ, მაშინ  
თქვენ, მაპატიეთ და, კარგ დღეში არ, მაპატიეთ, ჩავარდებით.

— თქვენთან რომ მოვიდე, სახლში? — გაბედა საითმა.

ცრუ სევიმს სულაც არ უნდოდა, რომ კაცს, რომელსაც მისი შერ-  
თვა ეწადა, ენახა, თუ რა საძაგელ ბინაში ცხოვრობდა იგი:

— არა, მაპატიეთ, ხვალ საღამოს, მაპატიეთ, „ეტულის“ საღვეზე-  
ლეში დაგელოდებით, მაპატიეთ, ექვს საათზე, მაპატიეთ.

ამ დროს ოთახში ფაბრიკის პატრონი შემოვიდა და სევიმს საუბ-  
რის გაგრძელება აღარ ეწადა.

— მაშ, ასე, მაპატიეთ, შევთანხმდით, ხომ?

— ჰო, შევთანხმდით.

— ნახვამდის, მაპატიეთ.

— ხვალამდე, — საითმა ყურმილს აკოცა.

მთელი საღამო და მომდევნო დღე საითი აფორიაქებული იყო. ად-  
გილი ვერსად ეპოვნა, „მალე შევხვდები და ცოლობაზე თანხმობას ვა-  
მომიციხადებს“, სიხარულით აღტყინებული ფიქრობდა, მაგრამ უმალ  
შუბლი შეეჭმუხნებოდა, რადგან ახსენდებოდა: „მაპატიეთ, მაგრამ  
არის ერთი სტუდენტი, რომელსაც ვერაფრით, მაპატიეთ“... ამის გან-  
სენებისთანავე სევიმის ქუჩაზე გავარდებოდა, გარს უვლიდა სახლს,  
შესცქეროდა მის ფანჯრებს, რომელშიც უამრავი ადამიანის სილუეტი  
ჩანდა... ნეტა სევიმი რომელია? იქნებ აი, ის?

მთელი ღამე უძილოდ გაატარა, ამიტომ მეორე დღეს ძლიერ წა-  
მოდგა ლოგინიდან და დაიწყო იმის გამორკვევა, თუ სად მდებარეობს  
ეტუალის საღვებელე. ასეთი საღვებელე კი სამი ყოფილხ სტაქბულში,  
მოდო და მიხვდი, რომელ მათგანში უნდა შეხედეს სევიმს დაეძინათ  
მაინც.

— ალბათ, სწორედ იმ საღვებელეში უნდა მივიდე, რომელიც მის  
სახლთან ახლოსაა, — ჩვეული მიხვედრილობით დაასვენა საითმა, —  
თუ იქ არ იქნება, ტაქსს დავიჭირავენ და სხვებს დავათვალიერებ.

საითი ხუთ საათზე საღვებელეში იყო. სევიმთან მარტოკა შეხვედ-  
რისას ნება-ნება საუბარზე ოცნებობდა, ამიტომ მაგიდა კუთხეში,  
მყუდრო ადგილას ამოარჩია. ამოარჩია და სევიმის მოლოდინში გაუნ-  
ძრევლად იჯდა, ექვსი საათიც გახდა, სევიმი არ ჩანდა, ათი წუთი გა-  
დასცილდა, მაგრამ სევიმი არ მოვიდა.

ამ დროს ცოტა მოშორებით მაგიდასთან იჯდა წინდების ფაბრიკის თა-  
ნამშრომელი სევიმი და ელოდა ყმაწვილს, რომელმაც დაურეკა და ცო-  
ლად გამოძყევიო, სთხოვა. საითსა და სევიმს შორის სამი ცარიელი მაგი-  
და იდგა. სასიძო კაცი აგვიანებდა, საპატარძლოს ბრაზი ერეოდა, რადგან  
საღვებელეში მოსული ყაყანა მამაკაცები უკვე მუშტრის თვა-  
ლით შესცქეროდნენ. მაგრამ სევიმმა მაინც მოათვალიერა მაგიდებთან  
მსხდომი მამაკაცები. საითისათვის კი ყურადღებაც არ მიუქცევია,  
რადგან ვერაფერი საინტერესო მასში ვერ დაინახა.

საითი აფორიაქდა. სევიმი აგვიანებდა. რა ხანია შვიდი საათი დაი-  
წყო და საპატარძლო არ ჩანდა. სხვა საღვებელეებში ჩამოვლის დრო  
იყო, მაგრამ ამასობაში რომ სევიმი აქ მოსულიყო?

საითმა ოფიციატს უხმო:

— აქ ერთი ახალგაზრდა ქალი უნდა მოვიდეს, გამხდარი, შავთმიან-  
ნი, თხელ-თხელი წარბები აქვს... თუ ასეთი ხანუმი დაინახოთ, სახელი  
ჰკითხეთ, თუ იმ ხანუმს სევიმი ერქვას, სთხოვეთ, რომ დაიცადოს, მე  
ახლავე დაებრუნდები.

— აქ არის ერთი გოგო, შავთმიანია, თხელ-თხელი წარბები აქვს,  
გამხდარია, სახელადაც სევიმი ჰქვია, იქნებ ის არის, უკვე კარგა ხანია  
მოვიდა.

— მე იმაზე გელაპარაკები, რომელიც აწი მოვა.

საითმა ტაქსი გააჩერა და ათ წუთში მეორე „ეტუალში“ იყო. სე-  
ვიმი ვერც აქ ნახა, ერთ-ერთ ოფიციატს სთხოვა, ასეთი და ასეთი ქა-  
ლი უნდა მოვიდეს, სახელად სევიმი ჰქვია და დამიცადოსო. კიდევ ერ-



თი „ეტუალი“ იყო სტამბულში და ახლა იქ გავარდა. სევში არც იქ დაბ-  
ვდა, იქაც დაიბარა ამნაირი და ამნაირი ქალი თუ გამოჩნდეს, ასე და  
ასე მოიქეციოთ და გავარდა, ასე დარბოდა სამ „ეტუალს“ შორის, რომ  
მელიძე „ეტუალში“ შევიდოდა თუ არა, მიმტანები იქვე მისვლი-  
დნენ, ამნაირი და ამნაირი სევში არ გამოჩენილაო. ერთ-ერთ მიმ-  
ტანს შეებრაღა და უთხრა:

— სხვა გოგო რომ იყოს? იმასაც სევში ჰქვია, ეგერ ზის, შეხე-  
დეთ, თუ გნებავთ, გაგაცნობთ, ისეთია, რომ... ნამდვილად ისიამოვ-  
ნებთ.

მღელვარებისაგან აწითლებული საითი სარიოლლუ სასოწარკვე-  
თილებამ შეიპყრო. როგორც ჩანს, სევში იმ სტუდენტთან დარჩა...  
მაშ, რაღა საჭირო იყო დაპირება? როგორ შეიძლება ქალმა ასე უცებ  
დაივიწყოს კინოთეატრის ლოქაში გატარებული ნეტარი წუთები?  
ეჰვი... ეჰვი... გულს უკლავდა.

საითი ყველაფრისათვის მზად იყო, თუ საჭირო იქნება, მთელ თა-  
ვის ქონებას გაიმეტებს, ოღონდ... ეს არის, რომ თავადაც არ იცის, რა  
ქონების პატრონია, რა გააჩნია — სარიოლლუების ქონებას მორჭმულ-  
თა საოჯახო საბჭო განაგებდა.

საითმა ველარ მოითმინა და ფერფერიკების ბინაში დარეკა. შუა-  
ღამის პირი იქნებოდა. ყურმილი მეჭკურე ხანუშმა აიღო, საითი დაბ-  
ნეულობისაგან გაუგებრად ლულულულებდა.

— ვერაფერი გავიგე, ვინ გნებავთ? — გაბრაზდა სევშიის დედა.

— მაპატიეთ, რომ ასე გვიან გაწუხებთ, ისა... თუ შეიძლება, შეიძ-  
ლება, სევში ხანუშს სთხოვეთ.

— სევში ანკარაში წავიდა, ხვალ იქ „თოზქოფარანი“ თამაშობს,  
რა გადავცე?

— ძალიან გთხოვთ... ისა, გთხოვთ, საითმა დარეკა-თქო.

— კი ბატონო.

— მადლობთ, ღამე მშვიდობისა.

დედიკომ ყურმილი რომ დასდო, მერე მიხვდა, ეს სწორედ ის საი-  
თი იყო, რომელზე ლაპარაკითაც ყურები გაუხვრიტა სევშიმა. საით-  
მაც დასდო ყურმილი და ეს ფერადოვანი სამყარო მისთვის შავით მო-  
სილი გახდა. დედამიწაზე სიცოცხლეც მოკვდა. თავის ოთახში ჩაიკეტა  
და ვისაც არ უნდა დაეკატუნებინა, ხმას არ სცემდა.



განა შეეძლო საითს დაევიწყებინა კინოთეატრის ლოჯაში სევიმთან გატარებული ის უტკბილესი რამდენიმე წუთი? მეხსიერებაში კიდეც და კიდეც აღიდგენდა ხოლმე იმ წუთებს, იხსენებდა ყოველ უმნიშვნელო დეტალს და რამდენადაც ტკბილი იყო იქ, ლოჯაში გატარებული ყოველი წუთი, იმდენად მწარე იყო ახლა ყოველი წამი — სევიმმა მოატყუა! ეჭვიანობისაგან გამოწვეული სულიერი ტახჯვა აუტანელი რომ ხდებოდა, უმალ პარიზს გაიხსენებდა და განა მხოლოდ პარიზს, მადლენასაც! თქვენ წარმოიდგინეთ და, სწორედ იმ მადლენს იხსენებდა, რომელიც ასე მწარედ მოატყუა საითმა: დეიდა ბერინი ნაღვლიანად შესტკეროდა, რამდენიმეჯერ გამოსაუბრება სცადა, მაგრამ ამაოდ, ბოლოს დეიდამ იფიქრა, ვინ იცის, რა დარდი აწუხებს ბიჭსაო და თავი ანება.

სევიმი კი უწინდებურად ფიქრობდა, სასიძო არსად დაიკარგებო. რა მოხდა, რომ ერთხელ დარეკა და მერე ისევ გაქრა, უსათუოდ გამოჩნდებო. ყოველ ცისმარე დღეს მადლობას სწირავდა ალაჰს, რომ შეიწყალა და სწორედ ისეთი გამოუგზავნა საქმროდ, როგორიც მას სჭიროდა, მაგრამ საყურადღებო ის იყო, რომ სევიმის მუცელი დღითიღე საგანგაშო მოხაზულობას ღებულობდა. ფერფერიკების ოჯახში კვლავ ქარიშხალი უნდა ატეხილიყო.

ამიტომ იყო, რომ საქმეში თვით აჰმედ „კედელა“ ჩაერია — გადაწყვიტა, თვითონვე ეზრუნა თავისი საყვარელი მეგობრის გათხოვებაზე. ტაქტიკური მოსაზრებებით სევიმის გათხოვება აჰმედ „კედელას“ უფრო სჭირდებოდა, ვიდრე თვით სევიმს.

— გახსოვს, ვილაც დებილზე რომ მელაპარაკებოდი? — ჰკითხა აჰმედ „კედელამ“ სევიმს, — მგონი, შენი შერთვაც უნდოდა, სად დაიკარგა?

— აზრზე არა ვარ, — მხრები აიწურა სევიმმა.

— სახელი რა ჰქვია?

— საითი უნდა ერქვას.

— რა გვარია?

— მეტი ხომ არაფერი გინდა?.. რა ვიცი, რა გვარია?

— როგორ შეიძლება საქმროს გვარი არ იცოდეს! — გაბრაზდა აჰმედ

„კედელა“.

— სევინი კაცს მიჰყვება ცოლად და არა გვარს, — სცადა ქალიშვილის მდგომარეობის გამოსწორება მეჭკურე ხანუმმა.

იმ დღიდან ერთ თვეზე მეტი გავიდა. საითის კვალიც არასდენი ჩანდა... ამას ვერაფერი იტყოდა სევინის მუცელზე, იგი დღითიდღე დასუსტდებოდა და სევინის მდგომარეობას. სვაფი სევინი სულაც დაივიწყებდა საითის არსებობას ამჟვეყნად, მაგრამ სავსებით მოულოდნელად... შეიტყო, რომ საითი ზღაპრული სიმდიდრის კაცი ყოფილა თურმე.

აბა, ვინ არ იცნობს სტამბულში სარიოლლუთა საპატიო და საპატივცემულო ოჯახს?

— აჰ, ეგრეა? მაშ, გვარსაც კი მნიშვნელობა აქვს?

ასეთი ნადავლი როგორ უნდა გაუშვა ხელიდან. ერთხელ მაინც გადაეყრებოდეს სადმე საითს. ოღონდ გადაეყრებოდეს და მერე სევინს სევინი აღარ დაუძახოთ, თუ ოდესმე მისგან პირი იბრუნოს საითნა. ამისათვის საჭიროა მჭრქალი შუქი ოთახში და სულ რამდენიმე წუთიანი გულითადი საუბარი. „ჩემო ძვირფასო, ჩვენ მალე პაწია ბარტყიც გავგიჩნდება“, — ეტყვის მერე ჩურჩულით. ყოველი პატიოსანი, უფრო სწორად, გულუბრყვილო და მიმნდობი მამაკაცი, მამაკაცები კი მეტწილად ასეთნი არიან, ამნაირ ამბავს რომ შეიტყობს, სიხარულით ცას ეწევა. თანაც სევინი ხომ სიმართლეს ეტყვის — მას ხომ მართლაც მალე გაუჩნდება ბავშვი. სწორედ საითი უნდა გახდეს ამ ბავშვის მამა.

სევინი მოუთმენლად ელოდა ასეთ შემთხვევას და ოცნებაც აუხდა — დილაადრიან, ფანჯარა რომ გააღო და ქუჩაში გადაიხედა — კურთხეულ იყოს დიდებული და ყოვლისშემძლე ალაჰის სახელი! — ქუჩაში საითი მიდი-მოდიოდა.

უცებ ტანთ ჩაიცვა და ორიოდვე წუთში ქუჩაში გაჩნდა. არასოდეს ასე არ უჩქარია სევინს. რამდენიმეჯერ ჩაუარა, არ უნდოდა თვითონ გამოლაპარაკებოდა, იქნებ საითმა მიცნოსო. საითს კი ერთხელაც არ გაუხედავს თავისი ბედნიერებისაკენ, დასეირნობდა და არაფერს არ ამჩნევდა. ამიტომ სევინი იძულებული გახდა მხარი გაეკრა საბრალო ყმაწვილისათვის. საითი ლამის წაიქცა.

— პარღონ, — ჩაილაპარაკა მან ფრანგულად.

და რადგან საითმა ვერც ახლა იცნო თავისი გულისსწორი, სევინმა აღარ დააყოვნა:

— აჰ, ეს თქვენა ხართ... რა მოულოდნელი — შეხვედრათ... საქმეზე გავრბოდი ქა...

საითს გული შეუქანდა, ხმაზე იცნო საოცნებო ქალი და სმენა ხომ არ მარცხუებსო, სულ ანლოს მივიდა სევიმთან, ლამის ცხვირზე მიადლო ცხვირად.

— კი, მე ვარ... — მღელვარებისაგან ხმა უთრთოდა.

— მაშ, თქვენ სტამბულში ხართ? — გაიკვირვა სევიმმა.

— დიახ, სტამბულში ვარ.

— რატომ ერთხელაც არ შემოიარეთ ჩვენთან? მე ისე გელოდით.

„ოი, ღმერთო! მოდი და ნუ გადაირევი 'კაცი“.

— მართლა? კი მინდოდა მოსვლა, მაგრამ... დამავიწყდა... თქვენს სახლს ვეღარ მოვაგენი...

— აგერ, ეს არის ჩემი სახლი.

— ესა? ეს არის?

— თუ სადმე არ მიგეჩქარებათ, გავისეირნოთ, — სევიმი შეშინდა, ხელახლა არ დავკარგო ნაპოვნი საქმრო... —

სევიმი საკმაოდ გამოცდილი ქალი გახლდათ და ეს გამოცდილება კარნახობდა, რომ მოკრძალებულ მამაკაცებს ალერსიანად უნდა ელაპარაკო. ამით თუ დასძლევენ ისინი თავიანთ მოკრძალებულობას. ამიტომ ერთი წუთითაც არ გაუჩერებია ყბა. ბოლოს თითქოს საითიც გამოცოცხლდა, გაბედულებაც შეემატა:

— ერთხელ მოვედი კიდევ თქვენთან... მაგრამ... მპატიეთ, შეიძლება, ერთი რამ გკითხოთ?

— რასაკვირველია! მკითხეთ, რაც გინდათ, მკითხეთ!

— იმ დღეს რა ხდებოდა თქვენს ოჯახში, წინცვეთა გქონდათ, თუ სხვა რაიმე საოჯახო დღესასწაული?

— რატომ წინცვეთა? ჩვენ ხომ სამნი ვცხოვრობთ: დედა, მამა და მე. ყველანი მონათლულები ვართ.

— აა... მივხვდი.

— რატომ მკითხეთ?

— იმ დღეს თქვენს სახლში დაუსრულებლივ შემოდოდნენ კაცები.

— და თქვენ იფიქრეთ, რომ წინცვეთა აქვთო? — სევიმს ეჭვიც ეპარებოდა, იქნება ამხელა რეგენი არ იყოს და თავს მაჩვენებდესო.

— აჰ, ალბათ, „თოხქოფარანის“ ბიჭები იყვნენ, მე ძალიან მიყვარს ფეხბურთი. თქვენ?

— მე მიყვარს ის, რაც თქვენ გიყვართ, — წამოიძახა საითმა და გაწითლდა. „ალბათ, რაღაც სისულელე ვთქვი“, გაიფიქრა მან.

— გმადლობთ. თქვენ ძალიან კეთილი ხართ, რომელ გუნდზე შეე-  
ტკივით გული?

— ახლა არც ერთზე, მაგრამ რომელიმეს უსათუოდ შევხარჩევ, —  
თქვენ რომელი გუნდი გიყვართ?

— „თოზქოფარანი“.

საითმა რამდენიმეჯერ ნერწყვი გადაყლაპა და ამოღერდა:

— სევიმ ხანუმ, მე მინდა... თუ თქვენ ნებას დამრთავთ, მინდა ერთ  
ძალზე მნიშვნელოვან და სერიოზულ საკითხზე მოგელაპარაკოთ.

სევიმი უმალ მიხვდა, თუ რა „მნიშვნელოვანსა და სერიოზულ სა-  
კითხზე“ ეწადა საუბარი საიტს. როცა მისი შშობლები „მნიშვნელოვან  
საკითხზე“ საუბრობდნენ, სიტყვა მის გათხოვებაზე ჩამოვარდებოდა  
ხოლომე.

— წავიდეთ, სადმე დავსხდეთ. დრო ხომ გაქვთ?

— რამდენიც გენებოთ, — სიხარულით წამოიძახა საითმა.

უახლოეს ყავახანაში შევიდნენ. თეთრწყვერა, საამო შესახედაობის  
კაცი შეეგებათ. იგი პროფესორს უფრო ჰგავდა, ვიდრე ოფიციატს.  
ეს კაცი კარვად იცნობდა სევიმს და ამიტომაც მყუდრო ადგილზე  
მიუთითა სტუმრებს. აქ ყოველი შემოსული ვერც დაინახავდა მათ.  
სევიმი მაგიდას მიუჯდა, საითი კი ლაბადის გასახდელად წავიდა. ჯერ  
არ გათენებულა ისეთი დღე, რომ საითი ულაბადოდ გამოსულიყო  
სახლიდან. მისთვის მნიშვნელობა არ ჰქონდა, პაპანება სიცხე იყო  
თუ წვიმა.

დარბაზში რომ მობრუნდა, თვალმოჭუტულმა ხალხი მოათვალიერა  
და ერთი მაგიდისაკენ გაემართა. მისი ვარაუდით, სწორედ აქ უნდა  
მჯდარიყო სევიმი. მივიდა, დაჯდა და ეს გაბედულება არ გამიჭრესო,  
უმალ დაიწყო:

— ხანუმ ეფენდი, საკითხი, რომლის თაობაზეც თქვენთან საუბარი  
მსურდა, იმდენად მნიშვნელოვანი და საყურადღებოა, რომ...

ოჰ, ეს გული... როგორ ძლიერად უძგერს... ენა ვერ მოაბრუნა,  
ამიტომ თავდახრილი იჯდა, ცოტა სული მოვითქვაო.

ცოტა მოშორებით, მეორე მაგიდასთან, სევიმი ტუჩებზე პომადას  
იციხებდა და არც შეუნიშნავს, როგორ შემოვიდა დარბაზში საითი.

— სადაცაა ჩემი ქმარი შემოვა, — ღიმილით თქვა ქალმა, რომელ-  
თანაც საითი დაჯდა, — მაგრამ თუ თქვენ ასე ძალიან გინდათ ჩემთან...  
ერთი სიტყვით, ხვალ ამ დროს, აქვე შევხვდეთ...

გაოცებულმა საითმა თავი ასწია და მოულოდნელობისაგან გაშრა,  
მას წინ სრულიად უცხო ქალი იჯდა.

— ო... პარდონ... მაპატიეთ... შემეშალა... მე სხვა მეგობრებთან  
დარბაზის შუაგულში გამოვიდა და უმწეოდ იყურებოდა. რატომ  
საით წასულიყო? სად იჯდა სევიმი?

— აქა ვარ, საით! — ტუჩების შელამაზებას მორჩა სევიმი.

ისე დაიბნა, რომ ახლა ენაჩაგდებული იჯდა, არ იცოდა, რა ეთქვა.  
კვლავ სევიმი მიეშველა.

— თქვენ, მგონი, მოლაპარაკება ვინდოდათ.

— ჰო, მინდოდა, ძალიან მინდოდა... მინდა რჩევა გკითხოთ, რომე-  
ლი გუნდის გულშემამტკივარი უნდა იყოს კაცი?

— და ამისათვის მომიყვანეთ აქ? ეს არის ის სერიოზული საკითხი?  
— ბრაზი მოერია სევიმს.

ამასობაში გლიასეშერეული ყავაც მოიტანეს. სევიმი უხმოდ იჯდა.  
ყავა დალიეს. მერე ქალმა თქვა:

— წავიდეთ.

— როგორც გენებოთ.

ტაქსში არც ერთს ხმა არ ამოუღია. სევიმი ისე იყო გაბრაზებული,  
რომ ერთი სული ჰქონდა, როდის მოსცილდებოდა ამ ტიპს. გადაუღე-  
ბელი საქმეები მაქვსო, თქვა და მანქანა გააჩერებინა. ახლა მის წინ  
იდგა გაუბედურებული და საბრალო საითი. ქალმა კიდევ ერთხელ  
ყურადღებით შეათვალიერა საითი და მიხვდა, რომ საითის ხელიდან  
გაშვება არ იქნებოდა. ამიტომაც ტონი შეიცვალა და უთხრა:

— იქნებ შემოიაროთ ჩემთან?

საითმა სლუკუნით გადაუხადა მადლობა და როცა სევიმმა დაშვი-  
დობებისას ხელი გაუწოდა, ისეთ ბედნიერ კაცად იგრძნო თავი, რომ  
ლამის გრძნობა დაჰკარგა. სახლში მობრუნებული სევიმი აქვთინებუ-  
ლი დაეცა ტახტზე. მეჭკურე ხანუმი გაოცებული შესცქეროდა შვილს  
და ბუტბუტებდა: „ალაპ, ალაპ, სევიმი და ტირილი? ეს რა მოხდა?“  
მეჭკურე ხანუმს არ ახსოვს, რომ მის ქალიშვილს მამაკაცების გამო  
ცრემლი გადმოვარდნოდეს.

— შვილო, ნუთუ შეგიყვარდა ის დებილი? თუ ასეა, უფლებას არ  
მოგცემ ცოლად გაჰყვე. თუ ქალს ჰქუა აქვს, მისთვის ძვირფას და  
საყვარელ კაცს არ უნდა გაჰყვეს ცოლად, თორემ უბედური იქნება.  
დაიმახსოვრე ეს.

ამ დროს აჰმედიც მოვიდა.

— ღამცინის, ღამცინის, ჯერ არც ერთ მამაკაცს ასეთი რამ არ გაუბედნია ჩემთვის, — ყვიროდა სევიმი.

აჰმედს გულწრფელად შეებრაღა ძვირფასი სევიმი ~~ქრქინსულ~~  
— აბა, შენ ტირილს შეეშვი, იმ ცალტვინას კი მე ვიყავი ~~მეც~~  
ვაჩვენებ, როგორ უნდა უმწეო ქალის გამასხარავება.

სევიმი კვლავ ცრემლებად იღვრებოდა.

— ჯერ მითხრა, ძალიან სერიოზულ საკითხზე უნდა მოგელაპარაკოთო და ყავახანაში წამიყვანა. ისიც კი არ უფიქრია, ცოლად გამომყვეო, რომ ეთქვა. ვიცი, თავს იკატუნებს. სინამდვილეში კი ჩემი გამასხარავება უნდა.

აჰმედი სიბრაზემ ღამის დაახრჩო.

— ეგ პარაზიტი, ვირისთავი, ოჰ, ერთი სტადიონზე შემხვდებოდეს, ვაჩვენებდი რა ბიჭიც არის. მომეცი მისი მისამართი!

— შე რა ვიცი, სად ცხოვრობს.

— გვარი მისი არ იცი და მისამართი, აბა რაზე ფიქრობდი? იქნებ, ის მაინც იცი, რისი მოხელეა, რას აკეთებს.

— მათემატიკოსი უნდა იყოს.

— მასწავლებელია?

— არ ვიცი.

— საიდან გამოტყერა?

სევიმმა სიცილითა და ცრემლების ღვრით უამბო აჰმედ „კედელას“, როგორ გაიცნო საითი, როგორ შევიდნენ კინოში და ლოქაში როგორ აკოცა.

— შენ ცული არაფერი იფიქრო, მე უბრალოდ გამოვცადე... იქნებ, ცოლად შემირთოს-მეთქი... ვერთხელ ვაკოცე... ეგ იყო და ეგ... ისეთი ყეყეჩი სახე ჰქონდა, რომ...

სევიმი ცდილობდა, აჰმედისათვის ეჭვიანობის საბაბი არ მიეცა.

— მაშ, ამბობ, ღამცინისო?

— ჯერ მითხრა, სერიოზულად უნდა მოგელაპარაკოთო, — გაიმეორა სევიმმა, — გავიხარე, ვიფიქრე, რაიმე საქმიანს იტყვის-მეთქი. თურმე ყავახანაში იმიტომ მიმიწვია, რომ ეკითხა, რომელი გუნდის გულშემატკიერობა ჯობიაო. ასე ამბობს, ყველაფერი ის მეყვარება, რაც შენ ვიყვარსო.

— დებილი! მაცალე, მე მოვნახავ და ვაჩვენებ, როგორ უნდა პატროსანი გოგოების მოტყუება, შენ ნუ ტირი, გეთაყვა, ნუ ტირი, ჩემო პაწიაგ...



გავიდა ორი დღე. საითს კვლავ დაუბრუნდა იმედი, რომ სვეიმს შეერთავს და როგორც იქნა, დეიდა ბერინი გაგზავნა ფერფერიკებთან, რომ რიგიანად ვასცნობოდა მათ და ქორწინების დღეც დაენიშნათ. დეიდა ბერინი სიამოვნებით წავიდა ფერფერიკების სახლში. რადგან დარწმუნდა, საითი უჩემოდ ვერაფერს გააწყობსო, ამას გარდა, მას ძალიან ეწადა ქორწილი ძველებური ადათ-წესებით გადაეხადათ, ამიტომაც თვითონ უნდა ყოფილიყო მოვლენების შუაგულში.

საითი მოუთმენლად ელოდა ფერფერიკთა ოჯახიდან დეიდა ბერინის დაბრუნებას. მღელვარებისაგან ადგილი ვერ ეპოვა, ოთახებს შორის დარბოდა, ლექსებს კითხულობდა, მღეროდა, შემოსასვლელში რომ ზარი დარეკეს, სიხარულით მივარდა კარს.

— აბა, ჩქარა მითხარი, რა ამბავი მომიტანე? — მოუთმენლად ჰკითხა დეიდას.

— შენ დროზე გააღე ეგ კარი და ბევრს ნუ ქაქანებ მანდა, — მოესმა ვილაციის ჩახრინწული ხმა.

კარი გააღო. საითის წინ უცხო კაცი იდგა.

— მაპატიეთ, თქვენ არ გელოდით.

— ეგ არაფერი, ახლავე გავიცნობთ ერთმანეთს, ჰკუა უნდა გასწავლო!

— მობრძანდით, ეფენდი.

ასე გაიცნეს ერთმანეთი აჰმედმა და საითმა. ჯერ ღუმილით შესცქეროდნენ ერთმანეთს, მერე აჰმედი წამოდგა და კედელს მიუახლოვდა. კედელზე წვერმოშვებული, ორდენებით მკერდდაშმვენებული ფესკიანი ძველი ფაშების სურათები მიემაგრებიანთ. ჰერზე ძველებული ჭალი ეკიდა. აივნის მიღმა დიდი, მაგრამ მოუვლელი ბალი ჩანდა.

— ეს შენი სახლია? — აჰმედი სულაც არ იყო უხეში კაცი, მაგრამ ფიქრობდა, საითთან ისე უნდა გეჭიროს თავი, როგორც ფეხბურთის მოედანზე მოწინააღმდეგესთანო.

— დიახ, ჩვენი სახლია, ეფენდი, — მორიდებით უპასუხა საითმა.

აჰმედი კვლავ დაჯდა.

— შენ, რასაკვირველია, კარგად იცი, ვინცა ვარ.

საითი, უფრო კარგად დავაკვირდეთ, აჰმედს მიუახლოვდა.

— მაპატიეთ, ეფენდი, ვერაფრით ვერ გაგიხსენეთ. სად შეიძლებოდა გაგვეცნო ერთმანეთი?

— როგორ, მე ვერ მიცანი?

— მაპატიეთ, ვერ გიცანით.

— შენ სერიოზულად მელაპარაკები, თუ დამცინი? აბა, კარგად დამაკვირდი ვისა ვგავარ?

საითი ისე მიუხანლოვდა, რომ ლამის ცხვირი არ დაჰკრა აჰმედის ცხვირს.

— იქნებ, ღურბინდით შემომხედო? გვერდით არ მიზიზარ? რა მოგივიდა, მოიხსენი ეგ სათვალე და ისე დამაკვირდი.

— ძალიან ცუდი მხედველობა მაქვს და...

— მაშ, ვერა მცნობ? — შეაწყვეტინა სტუმარმა.

— ხომ არ გაიხსენებდით, სად გავიცანით ერთმანეთი?

აჰმედი დაიბნა — პირველად შეხვდა კაცს, რომელიც ვერ ცნობდა მას, საქვეყნოდ ცნობილ ფეხბურთელს, არა და, სადაც არ უნდა ჩაევილო, მის ზურგსუკან ხალხი ერთმანეთს ეკითხებოდა: „ნახეთ, აჰმედ „კედელამ“ ჩაიარა!“

— შენ რა, ფეხბურთზე არ დაღიხარ?

— არა, ეფენდი.

— ფეხბურთის ამბებს არც გაზეთებში კითხულობ?

— არა, არ ვკითხულობ.

— მოდი და ნუ გაგიყდები. ეს ბოლო ოთხი თვეა გაზეთები მხოლოდ ჩემზე წერენ...

— უკაცრავად ვარ, მაგრამ... ვინ ბრძანდებით, რა ხელობის კაცი ხართ?

— დაიმახსოვრე, შენ წინ ზის ფეხბურთის ვარსკვლავი. ნამდვილი ვარსკვლავი. ჯერ ახალგაზრდულ გუნდში ვთამაშობდი, მერე სულ სხვა გუნდში გადავედი, შენ მაინც ვერაფერს მიხვდები, ბოლოს „თოჭოფარანმა“ მიყიდა. აჰმედი გატაცებით ჰყვებოდა, როგორ ამოვიდა მისი, როგორც საქვეყნოდ ცნობილი ფეხბურთელის, ვარსკვლავი, საითი კი წვალობდა მიმხედარიყო, რატომ მოვიდა ეს კაცი მასთან. მერე აჰმედი მოჰყვა, თუ რას სწერენ გაზეთები მასზე. ერთ მატჩში სამი ფეხბურთელი დავასახიჩრეთ, გვერდითი მსაჯი გავლაზე, მთავარი მსაჯი კი მოედნიდან გავავადეთ.

ოთახში მოხუცი მსახური ქალი, მადამ ანჟელა შემოვიდა. ლანჯრით შემოტანილი ყავა მაგიდაზე დადო და ერთი ფინჯანი აჰმედს მიაწოდა. აჰმედი რომ დაინახა, ფინჯანი ლამის ხელიდან გაუვარდა და იყვირა:

— თქვენ აჰმედ „კედელა“ არა ხართ?

— სწორია, აჰმედი ვარ, — კმაყოფილებით გაიღიმა აჰმედმა.

— მე იმდენი რამ წამილითლავს თქვენზე... ღმერთო, რა საინტერესო

ცლოდრებას ეწევით!.. — როგორც ჰეშმარიტი ფრანგი ქალი, მაღამ ან-  
ელა ცოტას უქცევდა.

— მაშ, მაღამ ანელა, თქვენ იცნობთ ამ ეფენდის? ეფენდის გარდა  
გაიხსენებო  
ცებულმა საითმა.

— აჰმედ „ლედელას“ ვინ არ იცნობს, ყოველ დილას, გაზეთებს  
რომ გაეშლი, ჯერ აჰმედ „ლედელაზე“ ვლითლულობ.

— ახლა ხომ მაინც გაიგე, ვინცა ვარ, ჩვენში კაცი არ მეგულება,  
რომ არ მიცნობდეს.

— ან რა ფელები ვალვთ, — განაგრძობდა მაღამ ანელა, — რა ფე-  
ლები! სტამბულში რომ ბურთს დაარტლავთ, ყარსში ისმის.

საითი სირცხვილით იწვოდა, სირცხვილი თუ გინდა, ეს არის! მა-  
ღამ ანელამ კარი მოიხურა თუ არა, საითი წამოდგა, აჰმედს თავი  
დაუქრა და მოახსენა:

— ეფენდი, მე ძალიან მოხარული ვარ თქვენი გაცნობისა, ასეთი  
ნაცნობობა დიდი პატივია ჩემთვის. თუ თქვენ რაიმე სათხოვარი გაქვთ,  
მოხარული ვიქნები გემსახუროთ.

ვიდრე საითი დაშაქრულ სიტყვებს წარმოთქვამდა აჰმედი თვალს  
არ ამორებდა და ფიქრობდა: „სევიმი მართალია — ვერ გაიგებ, ეს კა-  
ცი მართლა ყუყუჩია თუ თავს იკატუნებს“.

— არ არის საჭირო ამდენი მადლობა, რახან კარგად გამიცანი,  
ახლა შეგვიძლია მოვილაპარაკოთ. შენ იცნობ სევიმს, ჩვენს სევიმზე  
ვაძობ, აბა, სხვა ვინ უნდა იყოს?

საითმა ვერაფერი გაიგო, მაგრამ ყოველი შემთხვევისათვის თავი  
დააქნია.

— სევიმი ძალიან კეთილი გოგოა, ძმაკაცისათვის არაფერს არ  
დაიშურებს, პერანგსაც გაიხდის, შარშანწინ ცურვაში რომ პირველობა  
ჩარადებოდა, მურად ბიროვმა სევიმის შემწეობით მოუგო მესუთს. ძა-  
ლიან გულისხმიერი გოგოა ჩვენი სევიმი. ასე... მესუთი წინ იყო, ბა-  
რჩიერამდეც კი მიიღწია, მაგრამ წყლიდან ამოსვლა ველარ გაბედა. არ  
იკითხავ, რატომ ვერ გაბედა? სევიმმა წყალქვეშ ტრუსი გახადა და  
შეჯიბრი მურადმა მოიგო. შენ არც ეს ამბავი წაგიკითხავს გაზეთებში?  
ალაჰ, აბა რას კითხულობ? ჩვენს გაზეთებში ხომ მეტი არაფერი წერია!

სევიმის ხსენებაზე საითს ისე უფრთხილავდა გული, თითქოს გა-  
ლიაში მოხვედრილი ჩიტი ყოფილიყო.

— რასაკვირველია, ეფენდი, მე ვიცნობ სევიმ ხანუმს.

— ჰოდა, მეც იმიტომ მოვედი, რომ სევიმზე გესაუბრო.

„ეს აჰმედი ვინ არის? — ფიქრობდა საითი. — იქნებ ნათესავია მისი, ან სულაც თვითონ უნდა ცოლად შეირთოს? რატომ მოვიდა ჩემთან საქვეყნოდ ცნობილი ფეხბურთელი სწორედ მაშინ, როცა ჩვენი ოჯახში დეიდა ბერინი გავგზავნე, რათა სევიმის ხელი მშობლებს, ღმერთო, შენ მიშველე!“

— თქვენ მისი ნათესავი ხართ?

— ნათესავი! მე უფრო ახლობელი ვარ სევიმისა, ვიდრე ყველაზე ძვირფასი ნათესავი. იმიტომაც მოვედი აქ.

— მე ყურადღებით ვისმენთ, ეფენდი.

— ერთი მითხარით, არის თუ არა მამაკაცის საკადრისი საქმე, უმწეო ქალის დაცინვა? და საერთოდ, წესიერი კაცი ასეთ რამეს იზამს?

— რასაკვირველია არა, ეფენდი, — ამოიღულღულა საითმა.

— მაშ, შენ რატომ იქცევი ასე? — იყვირა ცენტრალურმა მკვლამ. კაცმა რომ თქვას, აჰმედი არც აპირებდა ყვირილს, თუნდაც იმიტომ, რომ ამ ოჯახში წყნარი, საგულდაგულო საუბრის ატმოსფერო უფრო იყო გამეფებული, ვიდრე ყვირილისა.

— ალაჰია მოწმე, რომ მე არასოდეს ამგვარი რამ არ მიკადრებია სევიმ ხანუმიშისთვის. ჩვენ ხომ ახლახან გავიცანით ერთიმეორე.

— ვინ ჭამს მაგას! ეგ ზღაპრები ბებიაშენს მოუყევი! ქალი უკვე დააფეხმძიმე და ხალხან გავიცანიო, იძახის.

— რაო, სევიმი ფეხმძიმედ არის?

— სევიმი — აბა, მე?

სიხარულისაგან ენა წაერთვა საითს. მალე მამა გახდება! და ეს პაწია ბალლი საითს მამიკოს დაუძახებს! ღმერთო, ეს რა ბედნიერება ეწია საითს! თუმცა... რამდენსაც არ უნდა ცდილიყო, სევიმი საითისაგან ვერ დაფეხმძიმდებოდა, რადგან საითმა მხოლოდ ერთხელ აკოცა მას, მაგრამ... მაგრამ ამას რა მნიშვნელობა აქვს? მთავარი ის არის, რომ ამის თაობაზე ხალხი ალაპარაკდა. ხალხს სჯერა, რომ საითი მამა გახდება.

აჰმედმა, ეს არის აფსაიდში მოვხვდიო და, ენაზე იკბინა, ამდენი რამ არ უნდა მეთქვაო, ამიტომაც თამაშვარე მდგომარეობიდან გამოსვლა ამჯობინა.

— თუმცა, ეგ ფეხმძიმობა სულ ახალი ამბავია, რამდენიმე დღისა, შენ ალბათ გამოიგებ... ეკადრება შენისთანა შთამომავლობის კაცს ქალი ასეთ დღეში ჩააგდოს და მერე ფეხებზე დაიკიდოს? — ვიდრე საითი.

იტყოდა, დეიდა ბერინი ფერფერიკების ოჯახში სვეიმის დასაინჷნად  
გავვზავნეო, აჷმელი წამოღგა.

— მე მგონი, ჩვენ უკვე შევთანხმდით, ჩემს გაბითურებას ნუ ეცე-  
დები, თორემ ხომ იცი... ვინცა ვარ... თუ კიდევ კარგად ვერ გამოცანი-  
ვადი ქუჩაში და პირველსავე გამვლელს ჰკითხე აჷმედ „კედელა“ ვინ  
არის-თქო. გამოიგე? ეგრე. აბა, მე წავედო.

საითმა და მადამ ანეელამ მოწიწებით გააცილეს ესოდენ საპატივ-  
ცემულო სტუმარი. კარი მიიხურა თუ არა, საითი ადგილს მოსწყდა და  
ცეკვა-თამაში დაიწყო, თან გაიძახოდა „მამიკო, საით!“ „მამილო,  
საით!“ „ჩემო მამიკო!“

საითმა კარგად იცოდა სარიოლლუს მთელ საგვარეულოს ერთი ში-  
ში ჰქონდა, ვაითუ, ერთ მშვენიერ დღეს უძეოდ დავრჩეთ და სულაც  
შეწყდეს ამ დიდი გვარის სიცოცხლეო. დღეიდან ასეთი რამ სარიოლ-  
ლუთა შთამომავლობას აღარ ემუქრება და მთელმა საგვარეულომ  
საითს უნდა დაუკოცნოს კალოები. დიახ, საითს, რომელმაც ათასი სა-  
შიშროების მიუხედავად, დადებითად გადაწყვიტა დინასტიის მომავ-  
ლის საკითხი.

მადამ ანეელამ ერთ ხანს უყურა საითს და მერე შებედა:

— მუსიე, აჷმედ ლედელა რადომ მოვიდა?

აჷმედ „კედელა“ ძალიან ახლო ნათესავია ქალის, რომელიც ცო-  
ლად უნდა შევირთოო.

— რა ფელები საქვს, რა ფელები!

საითი მიხვდა, რომ მადამ ანეელამ ბევრი რამ იცის აჷმედ „კედე-  
ლას“ თაობაზე და სთხოვა, რაიმე მიაშბეო.

აჷმედ „კედელა“ განსაკუთრებით ძლიერად მარცხენა ფეხით ურ-  
ტყამსო; უამრავ ფინტს რომ ჩაატარებს და მარცხენა ფეხით ბურთს  
დაარტყამს, მოწინააღმდეგე მოცელილივით ეცემო; ერთ დროს მარ-  
ცხენა ფეხით თამაში სულაც აუკრძალესო. ოდნავი გაბრაზებაც საკ-  
მარისი იყო, რომ ფეხს წაღმა-უკულმა იქნევდა და ჩემს მტერს, ვისაც  
ის მოხვდებოდაო; თამაშის შემდეგ რომ ეტყოდნენ, დღეს ბარე ორ-სამ  
ფეხბურთელს ამოჷკარი წიხლიო, აჷმედ კედელა იტყოდა: „რა ვქნა, მე  
არაფერი მიქნია, ეს სულ ჩემი ფეხის ოინებია“.

საითი მადამ ანეელას რომ უსმენდა, სიხარულით გული უთრთოდა,  
აჷმედ „კედელას“ მარცხენა ფეხს რა ბედზე გადაეურჩიო. ვილაცამ  
ზარი დარეკა. საითი შემოსასვლელში გავარდა.

— აბა, ყველაფერი უცებ მიაშბეთ. — მიახალა მან დეიდა ბერინს.

საითის საყვარელი დეიდა წმინდა სისხლის ჩერქებზე ქალი იყო, ამასთან სახახლის კარზე აღზრდილი და, როგორც ყოველი ჭეშმარი-  
ტი ხანუმ ეფენდი, აჩქარებას ვერ იტანდა.

— სული მომათქმევინე, შვილო, — მიუგო მან, — დამალევინე.

დეიდა ბერინმა აუჩქარებლად გაიხადა პალტო, თავსახვევი მოიხსნა და სავარძელში მოკალათდა. საითი მის ყოველ მოძრაობას თვალს ადევნებდა.

— ღმერთო, როგორ დავიძალე.

საითს კი მოუთმენლობისგან სული მისდიოდა.

— დეიდა, სული ნუ ამომხადეთ, ჩქარა მითხარით, რა პასუხით გამოგისტუმრეს.

— მაცაღე, შვილო, სული მომათქმევინე და ყველაფერს გიამბობ. ნუ ამაჩქარებ. ჰო, რას ვლაპარაკობდი?

— ჯერ არც არაფერი გითქვამთ.

— რაღაცას არ ვამბობდი?

— ღმერთო, როგორ დავიძალეო.

— არა, მაგის შერე უნდა მეთქვა რაღაც... ჰო... რამდენი ხალხია ქუჩებში... მე მგონი, სახლებში აღარავინ ჩერდება, ყველანი ქუჩაში გამოფენილან... ვერ გამიგია, რა მოსდით, სად გარბიან... ავტობუსშიც ვერ ჩამჯდარა ადამიანი.

საითმა მღელვარებისგან ფრჩხილების კვანტა დაიწყო.

— სამარშრუტო ტაქსში ძლივს ჩავჯექი.

მერე იმას მოჰყვა, როგორ ეჩხუბა მძღოლს, რას ლაპარაკობდნენ მგზავრები.

— დეიდაჩემო, გული ნუ გამიწყალეთ. თქვენ ის მითხარით, რა პასუხი მიიღეთ.

— ნუ მაწყვეტინებ, შვილო, ყველაფერს თანდათანობით გიამბობ, ამბავი ისე უნდა მოჰყვე, რომ შენ თვითონ გსიამოვნებდეს, სად მიგეჩქარება?

საითმა ლამის წამოაყრანტალა, ქორწინებამდე მამიკოც გავხდებო, მაგრამ დროულად შეიკავა თავი.

დეიდა კი ცდილობდა, არაფერი გამოჰპარვოდა. დაწვრილებით აღწერა, რა ავეჯი ეწყობოთ სასტუმრო ოთახში, რაგვარი ხალიჩები ეკიდათ კედლებზე, ან ტახტებზე როგორი გადაეფინათ, რანაირი ბროლის ჭურჭელი იდგა მაგიდაზე.



დერდა ბერინი ხალიჩებსა და ჭურჭელზე ლაპარაკობდა, საითი კი ცდილობდა მიმხვდარიყო, რა პასუხით გამოისტუმრეს იგი. „თუ უარი უთხრეს, უნდა დავწერო ტრაგიკული პოემა „სევდიმ და...““ ფიქრობდა იგი.

— ბოლოს ყავის დაღვეის დროც დადგა. ყავა მსახურმა ქალმა მოიტანა. ვერ დაგიძალავ, შვილო, და ეს ამბავი არ მეჭკაშნიკა. ჩვენში ასეა მიღებული: თუ ოჯახში მაჭანკლად მოვიდა ვინმე, ყავა გასათხოვარმა ქალმა უნდა მოართვას. ასეთია ჩვეულება და არავითარი მნიშვნელობა არა აქვს იმას რამდენად მდიდარია ოჯახი.

— შეეშვით მაგ თქვენს წეს-ჩვეულებებს.

— შენ მაინც შენსას გაიძახი... ყავის სმა რომ დავამთავრეთ, მე ვთქვი, ხელის დაბანა მინდა-მეთქი.

— დეიდაჩემო, მე თქვენ ხელის დასაბანად გაგზავნეთ თუ სევდიმის ხელის სათხოვნელად?

— ასეთია წესი, შვილო, თუ გინდა სარძლოს ოჯახის ავკარგი გაიგო, ერთ ადგილასაც უნდა შედგა ფეხი. თუ იქ სისუფთავეა და ყველაფერი რიგზეა, შეგიძლია თამამად დაქორწინდე, ხოლო თუ ის ადგილი მოუვლელია, უხმოდ უნდა გამობრუნდე უკან.

— რატომ ადრევე არ უთხარით, ხელის დაბანა მინდა-თქო?

— სანიტარული ინსპექცია ხომ არ ვიყავი, შვილო, უხერხულია, ყველაფერს თავისი ადგილი და დრო აქვს.

— ჰო, კარგით, კარგით, მერე ჰასიფ ბეიმ რა თქვა?

— ჰასიფ ბეი ვილა?

— სევდიმის მამა.

— იქ მე კაცი არ დამინახავს, სულ ქალები ისხდნენ. მეორე ოთახში ვილაც ბიჭები კი დაბოროილებდნენ... რატომ შემაწყვეტინე... რაზე გავჩერდი?

— საჭირო ოთახში შევედიო.

— ჰო, იქ დიდი ხანი არ გავჩერებულვარ, მოვათვალიერე და გამოვედი. აი, რას გეტყვი, შენი სევდიმ ხელმომჭირნე გოგო არ არის.

— ვითომ რატომაო?

— ახლავე გეტყვი... კარგად იცი, რომ სტუმრად ხელცარიელი არ უნდა მიხვიდე. მეც ავდექი და დაშაქრული წაბლი ვიყიდე, მალაზიაში შევებვეწე, მაგრად შემიხვიეთ და შემიკარით-მეთქი.

— ეგ რილასთვის გინდოდა?

— რილასთვის გინდოდაო... თუ ქალმა თასმა ფრთხილად გახსნა,

ესე იგი, ხელმოშვირნეა, ხოლო თუ თასმა დასკრა და კოლოფი დაფრინა, ასეთი ქალის ქმარი საცოდავია.

საითმა კარგად იცოდა, როგორი თადარიგიანი ქალი იყო დევიდის ბერინი. იგი არაფერს არ გადაყრიდა — რაც არ უნდა მოხვედროდა ხელში, სხვენზე თავის ადგილს მიუჩენდა, დრო მოვა და გამოგვადგებაო. რაღა არ ეყარა იქ: ცარიელი ხილის წყლის ბოთლები, სუნამოს შუშები, მურაბისა და კონსერვის ქილები, დაქანგული ქანჩები, ლურსმნები, გასაღებები, დამტვრეული სათამაშოები.

— ასე რომ, ეგ შენი სევიმი ხელმოშვირნე სულაც არ არის.

— რაც არი, ეგ არი, თქვენ ის მითხარით, დედამისმა რა პასუხი გაცათ, თანახმაა თუ არა?

— ახლავე გეტყვი, ძალიან კი მაჩქარებ... რაზე გავჩერდი?

დეიდა ბერინი ტყუილად როდი ლეჰდა სათქმელს. ფერფერიკებთან წასვლამდე მან სარიოლღუების ყოველ ოჯახს ჰკითხა, ამ ქორწინებას როგორ მოეკიდებოთ. ერთნი ამბობდნენ, ოღონდ საითმა ცოლი შეირთოს და სულ ერთია, ვინც იქნებაო. მეორენი კი სასტიკ უარზე იდგნენ. არავითარი ცოლის შერთვა არ გამაგონოთო. მართალია, საითი ძალიან კარგი მათემატიკოსია, მაგრამ ფულის დათვლაც კი არ იცისო. ამიტომაც საითზე მზრუნველი ნათესავეები ფრთხილობდნენ, ვაითუ, ოჯახში ისეთი ქალი შემოვიდეს, რომელსაც ფულის გემო ეცოდინება და ყველაფერს ხელში ჩაიგდებსო, ან სულაც ისეთი შარახვეტია იყოს, ამდენი ხნის ნაშოვნია მთლად ქარს გაატანოსო. ყველაფერი ეს საკმაოდ გასაგებად უთხრეს დეიდა ბერინს, ამიტომაც დეიდამ გადაწყვიტა, უმჯობესი იქნება საითს უარი ვათქმევინო თავის გადაწყვეტილებაზეო. ამის მიღწევა კი საპატარძლოს ძაგებით შეიძლებაო, ფიქრობდა.

— დედამისმა ასე მიპასუხა, მადლობა ალაჰს, ჩემი სევიმი ძალიან ბევრს მოსწონს, ბევრს უნდა იგი ცოლად შეირთოს, საკმარისია სევიმი ერთხელ ქუჩაში გავიდეს და უამრავი ბიჭი აეკიდებაო.

— რაო? მართლა ასე თქვა? — გული შეუქანდა საითს.

— კი, ასე სთქვა, მერე კი დასძინა: თუ თქვენი დისწული და ჩემი შვილი ერთმანეთისთვის არიან გაჩენილნი, იყოს ნება ღვთისაო.

— ვერაფერი გავიგე.

— რა არი გაუგებარი. იმას ხომ არ იტყოდა, მადლობა ღმერთს, როგორც იქნა, მუშტარი გამოჩნდაო.

— ეჰ, დეიდაჩემო, — ველარ მოითმინა საითმა, — შენ არც კი იცი,

რომ სევდიმ მალე დედა გახდება... უფრო სწორად, მე მალე მამიკო ვიქნები, ამიტომაც ჭჩქარობ ასე.

დეიდა ბერინი ჩანთაში რალაცას ეძებდა, საითის ასეთ აოსარებას რასაკვირველია, არ ელოდა და დისწულის სიტყვები რომ გაიგონა, მოულოდნელობისგან ჩანთა ხელიდან გაუვარდა.

— ღმერთს ნუ სცოდავ, შვილო, აბა დაფიქრდი, რას ლაპარაკობ! — ეს ამბავი მოწმენდილ ცაზე მეხის გავარდნას ჰგავდა. მისი საითი, პაწია საითი მამა გახდება? — ღმერთო, ეს ხომ გაუგონარი ამბავია, როდის მოასწარით, შვილო.

— მოვასწარი კია და... მეც არ ვიცი, როდის მოვასწარი, — საითის ხმაში დაბნეულობა და სიამაყე იგრძნობოდა.

— შენ ხომ... მაპატიე, შვილო, ასეთი ლაპარაკი, მაგრამ... შენ ხომ არც ერთი ღამე არ გაგითევია სხვაგან?

— რაო, დღისით არ შეიძლება? მაგალითად, კინოთეატრში... ლოქაში.

— აა! ალაპ, ეს რა მესმის! არა, არა, ასეთი რამ არ შეიძლება მოხდეს, არა! ნუ იტყვი მაგას!

— რატომაც არა, დეიდა. მე უკვე პატარა აღარა ვარ, — თავისი მამაკაცური ღირსება დაიცვა საით სარიოლლუმ.

— შენგან რა მამა უნდა გამოვიდეს, შვილო?

ამან სულ გაახელა საითი.

— ისე მეტყვევით, როგორც ბავშვს, მე კი ოცდაოთხი წლისა ვარ... ჩემს მეგობრებს უკვე ორ-ორი, სამ-სამი შვილი ჰყავთ. მე კი პირველს ველოდები! — ოი, როგორ ეწადა მამად გახდომა! გულახდილად რომ ითქვას, საითს ესმოდა, რომ იგი ვერც თეორიულად და ვერც პრაქტიკულად ვერ იქნებოდა ამ ბავშვის მამა, მაგრამ ამას რა მნიშვნელობა აქვს. სხვებსაც მოსვლიათ ასეთი რამ, იგი არც პირველია და არც უკანასკნელი. საითს არ ეშინოდა ქორებისა, ილაყებებენ, იყბედებენ და დაიღლებიანო. ერთ გარემოებას უფროსხოდა მხოლოდ — მტკიცედ სწამდა, რომ მისი ფარისეველი ნათესავეები არ მოისურვებდნენ საითის დაქორწინებას ქალზე, რომელმაც ქორწინებამდე მოასწრო მუცლის წინ წაგდება. იგი კი უფროსების ნებას ვერ აღუდგებოდა ხოლმე. რა იღბალი აქვს! ერთხელ შეხვდა თავის საოცნებოს, თავის ერთადერთ მზეთუნახავს და იმანაც, არც აცია და არც აცხელა და, დაფეხმძიმდა. ბელი არ გინდა?!

საითმა დაიწყო იმის დაწვრილებით თხრობა, თუ როგორ შეხვდა სევიმს, მაგრამ ბერინ ხანუშმა შეაწყვეტინა.

— არ მინდა, ჩვენ ყველანი უნდა შევიკრიბოთ და ვინაღაც ვაღიქვითო! წყვიტოთ, როგორ მოვიქცეთ. არ უნდა დამეჯერებინა! შენსავეს, მას უნდა მივსულიყავი ფერფერიკების სახლში... ვნახოთ, სხვები რას იტყვიან.

— ცოლის შერთვას მე ვაპირებ და არა ჩემი ნათესავეები, — თავის ცხოვრებაში პირველად აიმაღლა ხმა საითმა.

— ეგრეა, მაგრამ მაინც უნდა შევიკრიბოთ.

საითმა იცოდა, რომ დეიდასთან კამათი უაზრობა იყო.

— კი ბატონო, შევიკრიბოთ, იმსჯელონ, იფიქრონ, გადასწყვიტონ, მაგრამ თუ ისინი უარს იტყვიან, მაშინ მე ვიცი ჩემი საქმისა. შენ რომ ჩვენი ოჯახის წევრებს ეძახი, დეიდა, ეგენი მოფამფალებული, უკბილო და უაზრო ბებრუხანები არიან.

— ამას ვინ ამბობს, ნუთუ ეს შენ ხარ? ახლავე გაჩუმდი! — მართლაც გაუკვირდა ბერინ ხანუშს საითისგან. — ან ენა როგორ მოგიბრუნდა?

საითი თვითონვე შეუშინდა თავის სიმამაცეს და თავი იმართლა:

— ნუ გამიბრაზდებით, დეიდა... ზომ იცით სიყვარულის ამბავი, სიყვარული სიკვდილზე ძლიერია.

სიკვდილი რომ გაიგონა, დეიდა ბერინს ლამის გული შეუღონდა და იყვირა:

— ანეელა, წყალი, ჩქარა! — და მაინც შეუღონდა გული, უგონოდ დაეშვა ტახტზე.

## სარიოლლუები თათბირად დასდნენ

მადამ ანეელამ საფეთქლები დაუზილა დეიდა ბერინს, ოდეკოლონი აყნოსინა და წვეთებიც გადააყლაპა. დეიდა ბერინი გონს რომ მოეგო, უმალ ტელეფონს მივარდა და ნათესავეებს სათათბიროდ უხმო.

საითი ამ დროს ბაღში სეირნობდა და მღეროდა, სიყვარული სიკვდილზე ძლიერიაო. სეირნობით გული რომ იჯერა, სახლში შებრუნდა, თავის ოთახში ჩაიკეტა და კვლავ იმ მათემატიკური ამოცანის ამოხსნას მიჰყო ხელი, რომელსაც აგერ უკვე წელიწადია, ვერაფერი მოუხერხა.

მეორე დღეს სარიოლლუთა სასახლეში დიდი საოჯახო საბჭო თავის

საქმიანობას შეუდგა. საბჭოზე შეიკრიბნენ საგვარეულოს ღირსეული წარმომადგენლები. საითი კი კვლავ თავის ამოცანას უჭდა, არც ვახშ-მისთვის დაუქარებია ხელი და არც საუზმისათვის.

ოთახში ბერინ ხანუმი შემოვიდა:

— წავიდეთ, შეილო, ვიწყებთ.

— სადა? — ანგარიშმიუცემლად ჰკითხა საითმა, — რა უბედურებაა, საქმარისია მუშაობის ეშხზე მოხვიდე, რომ ვილაცა უსათუოდ შეგიშლის ხელს.

— როგორ თუ სადა, უკვე ყველანი შეიკრიბნენ და შენ გიცდიან.

— ვინ მიცდის? ჩემგან რა უნდათ?

— ღმერთო, რა დაბნეული ხარ, — წამოიძახა ბერინ ხანუმმა.

მართლაცადა, საითი რომ თავის საყვარელ აბლაუბდას მიუჭდებოდა, ამ ქვეყნისა აღარაფერი ახსოვდა. ამ ცოდვილ დედამიწაზე მისი დაბრუნება არცთუ იოლი საქმე იყო.

— შეილო, ყური მიგდე... ყველანი შეიკრიბნენ უკვე, სევიმის თაობაზე უნდა მოვილაპარაკოთ.

— სევიმი? სევიმი! ახლავე, დეიდა, ახლავე-მეთქი. მოვდივარ!

სარიოლლუთა ნაშიერნი სასტუმრო ოთახში შეკრებილიყვნენ. ამ ოთახში საგვარეულოს თავი და თავის იუსუფ ფაშას სურათი ეკიდა. საითი-ისე ჰგავდა თავის წინაპარს, გეგონებოდათ, სურათიდან თანამედროვე მათემატიკის ეს ამოუსვლელი ვარსკვლავი იმზირებო. მხოლოდ ეს არის, რომ იუსუფ ფაშას წვერი და ჩინ-მედალი ამშვენებდა. სხვა კედელზე იუსუფ ფაშას შთამომავალთა პორტრეტები ეკიდა. ესენი უმთავრესად დიდებულნი, მხედართმთავრები იყვნენ და მუნდირები ეცვათ. ჩინ-მედალი ამათაც ბლომად ჰქონდათ. ბევრი ისეთი წინაპრის სურათიც ეკიდა, ჩვეულებრივი სერთუკები რომ ეცვათ. ზოგს წვერი მოეშვა, ზოგიც სუფთად იყო გაპარსული. ულვაშიანებიც იყვნენ და უულვაშონიც, ზოგიერთს გახამებული საყელო და ყელსახვევიც ეკეთა.

კაკლის ხის მასიურ მაგიდას თექვსმეტი ბებრუხანა ქალი და კაცი შემოჯდომოდა. სარიოლლუთა გვარში ყველაზე უფროსი 80 წლის აბდუშუქურ ბეი იყო, ხოლო ყველაზე ახალგაზრდას, გადამდგარ დიპლომატს ქისმეთ ბეის ახლახან შეუსრულდა 69 წელი.

საითი თავდაჯერებით შევიდა ოთახში. და ბუხრის წინ გაჩერდა. მაგიდა მუდამ აქ იდგა.

— გამარჯობათ, — თავი დაუქრა ბუხარს საითმა, მან არ იცოდა, რომ დეიდა ბერინმა მაგიდა გადადგა.

— მაღლობელი ვარ, შვილო, — ყველას მაგიერ უპასუხა ქისმეთ ბეიმ.

აბღუშუქურ ბეიმ საითს დაჯდომის ნება დართო.

დიდი საოჯახო საბჭო მუშაობას შეუდგა.

— ღრმად პატივცემულო ქალბატონებო და ბატონებო, — მამბარათა დამსწრეთ სარიოღლუთა თავაკმა, — დღეს ჩვენ უნდა მივიღოთ ფრიად მნიშვნელოვანი გადაწყვეტილება — დავუჭიროთ თუ არა მხარი სარიოღლუთა საპატიო და დიდებული საგვარეულოს ერთადერთ იმედის — საითის ქორწინებას. ნება მომეცით ამ საკითხისადმი მიძღვნილი ოჯახური საბჭო გახსნილად გამოვაცხადო.

საითის მეორე ბიძამ ზიჰნი ბეიმ თითი ასწია და წარმოთქვა:

— ღრმად პატივცემულო თავჯდომარევ, ჩემს უწმინდესობას სურს, პატარა განცხადების უფლება მისცეთ.

სხდომის თავმჯდომარემ აბღუშუქურ ბეიმ თანხმობის ნიშნად თავი დაუქნია.

— საკითხი, რომლის გამოც ჩვენ აქ შევიკრიბებით, — თქვა ზიჰნი ბეიმ, — მოითხოვს ყოველმხრივსა და საგულდაგულო აწონ-დაწონვას. ეჭვი არ მეპარება, რომ ჩვენი საბჭოს სხდომა დიდხანს გაგრძელდება... დიახ, გაგრძელდება და აი... სწორედ ამის გამო ვინებე განვაცხადო: მოგეხსენებათ, ყოველ ადამიანს მოსდის ხოლმე ასეთი რამ... დიახ, ცოტა... შეუძლოდ გახლავართ... რის გამოც ხშირად მომიწევს ოთახიდან სასწრაფოდ გასვლა და კრების მიტოვება. ამ სიტუაციიდან გამომდინარე, წინადადება შემომამქვს, ყოველ ათ-თხუთმეტ წუთში შევისვენოთ... დიახ, შევისვენოთ.

— ვთხოვთ, ზელის აწევით დაგვიდასტუროთ, ვინ უჭერს მხარს ზიჰნი ბეის წინადადებას.

ორი თითის უმრავლესობით (ერთმა თავი შეიკავა) გადაწყდა, რომ ყოველ თხუთმეტ წუთში საბჭო შეისვენებდა.

— საქმე, რომლის გამოც დღეს შევიკრიბებით, — განაგრძო თავმჯდომარემ, — ფართო განხილვის საგანია. ამიტომ ქისმეთ ბეის ვთხოვ, დაწვრილებით გაგვაცნოს მიმდინარე მომენტი.

— ღრმად პატივცემულო ქალბატონებო და ბატონებო, — დაიწყო ქისმეთ ბეიმ, — როგორც თქვენთვის ცნობილია, დღეს ჩვენ უნდა გადავწყვიტოთ ჩვენი ძვირფასი შვილის, საითის ქორწინების საკითხი. საითმა გამოთქვა სურვილი, ოჯახური კავშირით შეუერთდეს ფერფერიკების ქალიშვილს სევიმს. ჩვენმა დაიკომ და საითის დეიღამ ბერინ



ხანუმ ეფენდიმ ბევრი რამ გამოიკითხა იმ ქალზე, რომელსაც სარიოდ-  
ლუთა რძლობა განუზრახავს. აქედან გამომდინარე, ბერინ ხანუმ ეფენ-  
დი მხარს უჭერს საითის კეთილშობილურსა და ბუნებრივ სურვილს.  
საითის მიზანია, რაც შეიძლება მალე შეუერთდეს ზემოთხსენებულ  
პიროვნებას. ამ სიჩქარის მიზეზი კი ის გახლავთ, რომ საითი სულ მა-  
ლე, რასაკვირველია, სევიმ ხანუმის უდიდესი და უაქტიურესი შემწე-  
ობით, ჩვენს დიდებულ საგვარეულოს კიდევ ერთ სარიოდლუს შეს-  
ძენს.

საითის ერთ-ერთმა დეიდამ ზუბეიდ ხანუმმა, რომელიც სულ რა-  
ღაც 56 წლისაა და ჯერაც ვერ გათხოვდა, საკმაოდ უადგილოდ შე-  
ნიშნა:

— თუ სწორად გავიგე, საითს ის ქალი ჯერ არ შეუერთავს და უკვე  
შვილს ელიან?

მობხუცები ერთმანეთში ჩურჩულებდნენ და დაურიდებლად ხითხი-  
თებდნენ. უკვე შეირყა ის უდიდესი მოწიწება, რომელსაც საითი ამ  
მობხუცების მიმართ განიცდიდა.

— საით ბეი, თქვენ ღრმადპატივცემულ დეიდას აინტერესებს ასე-  
თი რამ, როგორ მოახერხებთ და ქორწინებამდე... ჰმ... შვილს, როგორ  
ელოდებით? — იყო პირველი კითხვა.

— ძალიან უბრალოდ, — გამომწვევი ტონით თქვა საითმა.

— როგორ უბრალოდ, — კვლავ კითხვა მიაგება ორმოცდათექვს-  
მეტი წლის ქალწულმა ზუბეიდ ხანუმმა.

— როგორ და ისე, სამწუხაროდ, ვერაფრით ვერ მოვახერხებ ჩემს  
პატივცემულ დეიდას ავეუხსნა, თუ როგორ ხდებიან ადამიანები მამები.  
დეიდას ამას ვერ ავეუხსნი, ვინაიდან მას ამ საქმეში არავითარი გამოც-  
დილება არ გააჩნია. მაგრამ თუ ძალიან აინტერესებს ეს საკითხი,  
შეუძლია მიმართოს სპეციალისტებს ან ჩაიხედოს სათანადო ლიტერა-  
ტურაში.

სამარისებური სიჩუმე ჩანოვარდა. ასეთ გაბედულებას საითისგან  
არავინ მოელოდა. სარიოდლუთა ნაშიერმა უმაღ იგრძნო გამარჯვება.  
გულმა სიამაყით იწყო ძგერა.

— ჩვენს ღროში, — დუმილი ჭისმეთ ბეიმ დაარღვია, — ასეთი ნაჩ-  
ქარევი ქორწინება უხერხულად ითვლებოდა. რამდენი ხანია ერთმა-  
ნეთს იცნობთ?

— ჩვენ ჯერ კიდევ მიმოწერით ვიცნობდით ერთიმეორეს, — საით-  
მა გადაწყვიტა, მედგრად დაეცვა მიჯნურის შელახული ღირსება.

— ალამ, აი შენი პროგრესი... დღედაღამ რომ აქებენ... <sup>შაშ, ახლა</sup> ქალის დაორსულება ფოსტის საშუალებითაც შეიძლება? — მწაოედ ჩაილაპარაკა დეიდა ზუბეიდმა, რომელსაც შურისძიების <sup>სურვილი</sup> მოსვენებას არ აძლევდა.

ბიზლიჩიძე

ერთმა დეიდამ გადაწყვიტა, საითი დაეცვა.

— დრო შეიცვალა, ჩემო ძვირფასო ხანუმ ეფენდი, ახლა ისეთი დრო დადგა, რომ აღარაფერი აღარ უნდა გიკვირდეს, მე, მაგალითად, სადღაც ისიც კი წავეიქითხე, მაგ საქმისთვის მამაკაცი სულაც არ არის საჭიროო.

— მაპატიეთ, ბატონო ჩემო, — მოისმა ვილაცის ხმა, — ეს ხომ ხელოვნური განაყოფიერებაა. თუ ბავშვი, რომელზეც აქ ლაპარაკია, ხელოვნური განაყოფიერების მეოხებით იქმნება, როგორ უნდა შემოვეშვათ ჩვენს ოჯახში? რა კავშირი აქვს ჩვენთან?

— განა თქვენ არ იცით, რომ ახლა ყველაფერი ხელოვნურია? — ჩაერია ვილაცა. — ჩვენ სინთეტიკის ეპოქაში ვცხოვრობთ. არ გაგიგონიათ, ეს სინთეტიკური ტყავიო, სინთეტიკური ბეწვიო, სინთეტიკური ხიზილალაო...

— ჩემთვის გასაგებია, — ხმადაბლა წამოიწყო აბდუშუქურ ბეიმ, — რომ ჩვენს დროში შეიძლება ყველაფერი მოხდეს, მაგრამ... როგორ შეიძლება ქორწინებამდე ჩაიდინო ასეთი რამ? — ამით მან დისკუსიის მონაწილეებს შეაბხენა, დღის წესრიგს ნუ გადაუხვევთ და ამ საკითხზე ვიმსჯელოთ.

— უმორჩილესად გთხოვთ, გასვლის ნება დამართოთ, — თითი ასწია ზიჰნი ბეიმ.

საოჯახო საბჭოს სხდომამ შუალამემდე გასტანა. ყველაფერი ზუსტად ისე მიდიოდა, როგორც პარლამენტში: ზოგს მაგიდაზე ჩამოედო თავი და ხვრინავდა, ზოგმა კიდევ კარგად გამოიძინა და ახლა თავთავიანთი გამოსვლის თეზისებს ჩაპკირკიტებდნენ — მთელი სხდომის მანძილზე მხოლოდ ზიჰნი ბეის არ მოუხუტუვას თვალი, რადგან იძულებული იყო, ყოველ თხუთმეტ წუთში დაეტოვებინა დარბაზი.

ასაკმორეულმა ქალწულმა ზუბეიდ ხანუმმა სასტიკად გაილაშქრა ამ ქორწინების წინააღმდეგ. საბჭოს აზრი ორად გაიყო, რის გამოც შეიქმნა ორი ერთმანეთისადმი მტრულად განწყობილი ბანაკი. დებულე-ბაში მონაწილე ნათესაეებს ერთხელაც არ მოსვლიათ აზრად საითისათვის ეკითხათ, თუ რამდენად სერიოზული იყო მისი გრძნობა. ბოლოს საითმა ველარ მოითმინა და გაბედულად წამოიწყო:

— ბოდის ვიხდი, რომ ნებართვის გარეშე ჩავერიე თქვენს ქამათში, ვერაფრით ვერ მოვახერხე ადრე ჩავეწერილიყავ, მაგრამ იმედი მაქვს, მაპატიებთ. მე მინდა ერთადერთი კითხვა დაგისვათ: ცოლს ვინ ირთავს — მე თუ თქვენ? ძალიან დიდ პატივს გცემთ თქვენ, როგორც ჩვენი ოჯახისა და გვარის მეთაურებს, მაგრამ მინდა ვიცოდე — შემოდგომა თუ არა შევიერთო სწორედ ის ქალი, რომელიც მე მომწონს?

— ეგ კი, მაგრამ ზომ არის ოჯახური ტრადიციები? — ეს ქისმეთ ბეი იყო, მას კიდევ უნდოდა რაღაც ეთქვა, მაგრამ საითმა აღარ დაა-ცალა.

— უკაცრავად, ბიძაჩემო! თქვენ რამდენჯერ შეირთეთ ცოლი? და ყოველთვის უფროსებს ეკითხებოდით ჰქუას?

ქისმეთ ბეისთან ბრძოლა მოგებული იყო. იგი დადუმდა.

ქისმეთ ბეის ცოლების თაობაზე სარიოლლუთა საპატივცემულო გვარში ხშირად ჭორაობდნენ. თუ ანგარიშში არ ჩავთვლით მის ფრიად საეჭვო ურთიერთობებს უცხოელ ქალებთან, რვა ცოლი გამოიცვალა: დაქორწინებას ვერ ასწრებდა, რომ უკვე ახალ ქალებს დასდევდა და ცოლები თავად გაუბოძდნენ. ქისმეთ ბეის ამგვარი ხასიათი სარიოლ-ლუს გვარეულობას დიდძალი ფული დაუჯდა და ამან სარიოლლუთა რეპუტაციაც შეარყია. ქისმეთ ბეისაც საკმაოდ ავნო — ვერაფრით ვერ მიაღწია იმას, რომ ელჩი გამხდარიყო.

— შენი საქმე სულ სხვაა, საით, — შემრიგებლური ტონით წამოი-წყო ვილაყამ, — ჩვენ ყველას შენი იმედი გვაქვს, მხოლოდ შენ შეგიძ-ლია სარიოლლუთა საგვარეულოს ძე აჩუქო, ამიტომ არა გვაქვს უფლე-ბა ზერელედ მოვეკიდოთ შენს ქორწინებას.

საოჯახო საბჭოს ყოველი წევრი კარგად ხედავდა, რომ არც ისე იოლი იყო საითის გადაბირება. როცა საითს სთხოვეს მეორე ოთახში გადი და იქ დაგველოდეო, ქისმეთ ბეიმ თქვა:

— ბატონებო, ცხადზე უცხადესია, რომ საითი უარს არ იტყვის იმ ქალის შერთვაზე და არაფრად ჩააგდებს ჩვენს გადაწყვეტილებას. თუ ჩვენ ჩვენს სიტყვას არ გადავალთ, ამით ჩვენსავე ავტორიტეტს ვა-ნებთ. ახლა ახალგაზრდობა არაფრად დაგიდევს უფროსების აზრს, ერთ აყალმაყალს ავტენტ და მეტი არაფერი. თუ გვინდა ვიხსნათ ჩე-ნი ავტორიტეტი და ოჯახის ერთიანობა, ურომლისოდაც შეუძლებელია კეთილდღეობა და გაფურჩქენა, საითს თანხმობა უნდა გამოვუცხადოთ.

ზრდილობისა და სოლიდურობის ხაზით ორიოდ წუთით ყველა ჩაფიქრდა, შემდეგ ყველამ ერთხმად აღიარა, რომ სევიმი ჩვენი შესაფერი სარძლოა და სხვა არც გვინდაო.

საითს დაუძახეს და აბღუშუქურ ბეიმ საზეიმოდ გამოუტყველდა:

— შეილო ჩვენო, საით! დიდმა საოჯახო საბჭომ თავის საგანგებო სხდომაზე განიხილა შენი თხოვნა, რომ შეგერთო ფერფერიკთა ასული. საბჭომ აღნიშნა — სარიოლლუთა უკანასკნელი დასაყრდენისა და ერთადერთი იმედის — საითის არჩევანი, სწორედ იმ სარიოლლუთა ნაშეირისა, რომელიც ისტორიაში სიფრანზადეთა დიდებულ საგვარეულოდ იხსენიება და რომლის სათავეში ღირსსახსოვარი იუსუფ ფაშა დგას, გაუმართლებელი იყო, რადგან არ შეგითანხმებია უფროსებთან, რაც ოჯახური ტრადიციების დარღვევად იქნა მიჩნეული. ამასთან ერთად, დიდმა საოჯახო საბჭომ მხედველობაში მიიღო ჩვენი საუკუნის ის თვისება, რომ ყველაფერი უცებ იცვლება, გაითვალისწინა სარძლოსა და მის ოჯახის მდგომარეობისა და რეპუტაციის ყოველმხრივი შესწავლის შედეგები და მიიღო უაღრესად პრინციპული გადაწყვეტილება: ჩვენი მომავალი სარძლო სევიმი ჩაითვალოს ღირსეულად და ძეს ჩვენსას საითს დაერთოს ზემოთაღნიშნული ქორწინების ნება. ეს ფაქტი აღიარებული იქნას, როგორც უდიდესი მოვლენა სარიოლლუთა საგვარეულოში. !

საითი ყურადღებით უსმენდა, მაგრამ ვერაფრით ვერ გაიგო, რას ლაპარაკობდა აბღუშუქურ ბეი. სიტყვების ნაკადი აბრუნებდა მას და უშწუროდ აცეცებდა თვალებს. საითის გვერდით ერთი დეიდა იჯდა, იგი მიხვდა, რომ საითმა ვერაფერი გაიგო და თავმჯდომარის ნათქვამი მოკლედ გადასცა სასიძოს, თან დასძინა:

— ქორწინება შესდგება მხოლოდ მას შემდეგ, რაც სევიმი იმ ბავშვს მოიშორებს. !

საითი განაწყენდა, მაგრამ თავი შეიკავა.

— დეიდაჩემო, ჩემო ძვირფასო, ეს შეუძლებელია... მერე რომ ვეღარ მოვახერხებ ეს ამბავი... ხომ იცით... ეს არცთუ ისე იოლი საქმეა და ღირს კი რისკი გასწიოს კაცმა.

დეიდას უკვე კარგად გაეგო, თუ რა ქალი იყო სევიმი და დაამშვიდა საითი, ამგვარი უბედურება არ გელის, სევიმი რაღაცას უთუოდ მოახერხებსო.

დიდი საოჯახო საბჭოს გადაწყვეტილება სიხარულს ჰგვრიდა —

ბედნიერებისკენ მიმავალი გზა ხსნილი იყო. მხოლოდ ერთი გარემოება აფიქრებდა მამიკოდ ქცეულ სასიძოს — სევდის ფეხმძიმობა — არა, ღმერთმა დაიფაროს, რომ მან სევდის დასდოს ბრალი, ალბათ, ასე იყო, საჭირო და სევდმა უკეთ იცის თავისი საქმისა! ეს კია, რომ ყოველ გვარი შრომისა რა მეცადინეობის გარეშე მამად გახდომა ცოტა საწყენი იყო — საითს სულაც არ უყვარდა მუქთახორობა, მართალია, მას არასოდეს არ უშრომია, მაგრამ ამჯერად კი ეწადა, შრომით საქმიანობაში ეცადა თავისი ძალები.

## სვამი სვამისა და საით სარიოლლუს ნიშნობა

და აი, ნიშნობის დღეც დადგა.

სათანადო მოლაპარაკების შემდეგ ფერფერიკებმა ოფიციალურად გამოაცხადეს ნიშნობის დღე, დრო და ადგილი. სტამბულის წარჩინებულთა საუკეთესო წარმომადგენლებს სთხოვეს ოტელ „დალტონის“ საბანკეტო დარბაზში გვეწვიეთ. ჰასიფ ბეიმ ქალიშვილი მკაცრად გააფრთხილა, ნიშნობამდე სასიძოს არ შეხვდეთ. მეჭჳურე ხანუმი გონიერი ქალი იყო და ქმარს შხარი დაუჭირა, ვაითუ საითი სევდზე გავრცელებულ ხმებს აყვესო, განშორება კი ვნებას ახელებსო. ეს ჰეშმარიტება საკუთარ თავზე გამოსცადა ჰასიფ ბეიმ — საცოლეს ქორწილამდე არ მიაკარეს და კარგად ახსოვს სიყვარულით რას არ ჩადიოდა.

— რაც უფრო შორიშორს იქნებიან ერთმანეთისაგან, უკეთესია, — ამბობდა ჰასიფ ბეი, — მე პატიოსანი კაცი ვარ და მშვიდად მინდა მოვკვდე. ცეცხლისა და თივის სიახლოვე ვის სმენია.

ჰასიფ ბეიმ ეს სიტყვები საითსაც უთხრა, საითი თავჩაჭინდრული უსმენდა და ფიქრობდა, ჩემსა და სევდის შორის ნეტა რომელია ცეცხლი და რომელი თივაო.

— თქვენ მართალი ბრძანდებით, ეფენდი, — თქვა დაბნეულმა საითმა, — მაგრამ ვერაფრით ვერ გავიგე, რა უნდა მოხდეს თუ ჩვენ ერთიმეორეს შევხვდებით?

ჰასიფ ბეი შეეცადა გადაკრულად მიენიშნებინა საითისათვის თავისი სათქმელი. სასიძომ თავაზიანად მოუსმინა და თავის მხრივ საჭიროდ ჩასთვალა ასევე საკმაოდ ზრდილობიანად მიენიშნებინა სასიძომაროსათვის: ამას არაფერი მნიშვნელობა აღარა აქვს, რადგან სევდში მაინც გა-

ნაყოფიერებულაო. ხოლო მე, მიუხედავად იმისა, რომ საამისოდ არ  
გავრჩილვარ, მალე მამა გავხდებო. სარიოლლუთა საგვარეულოში  
ამგვარი პარადოქსი გაუგონარია, და მართალია, სევიმი უწყნარდებუ

ახლა უკვე ჰასიფ ბეი ისმენდა მოწიწებით სასიძოს სიტყვებს. საკ-  
მაო უხერხულობაც დაუფლებოდა და გრძნობდა, რომ მის წინ სულაც  
არ იდგა ყეყეჩი კაცი, როგორც ეს მის ცოლსა და ქალიშვილს მიჩნ-  
დათ. ჰასიფ ბეი მკერდში მჯილს იცემდა და გაიძახოდა, მე შენზე უფ-  
რო ვარ გაოგნებულიო და ნაადრევი ფეხმძიმობის გასამართლებლად  
შორეული ისტორიისა და ბიბლიურ სიუჟეტებს იშველიებდა. ხომ ხე-  
დავ, ჯერ კიდევ რომელ საუკუნეში სცოდნიათ ქორწინებამდე განა-  
ყოფიერებაო, ასე რომ, ნიშნობამდე დაიცადე, ამგვარი განშორება  
ბოლოს ორივეს უდიდეს სიამოვნებას მოგგვრითო. თავის მხრივ საითი  
სევიმს სიყვარულს ეფიცებოდა და განშორებას მედგრად ავიტანო,  
ირწმუნებოდა.

ბოლოს ნიშნობის დღეც დადგა. ოტელ „დალტონში“ საზეიმო ცე-  
რემონიალმა ჩინებულად ჩაიარა. წარჩინებულთა საზოგადოების საუ-  
კეთესო წარმომადგენლები დიდხანს იგონებდნენ იმ საღამოს. თუმცა,  
ზოგიერთი ისეთიც კი აღმოჩნდა, საითზე რომ ქირჭილებდნენ. სიყვა-  
რულით დაბრმავებული საითი მათს ქირჭილს ყურადღებას არ აქცე-  
და, ფეხებზეც ეკიდა ამ წარჩინებულთა ენების ტარტალი: საითის სა-  
ცოლეს გაცილებით დიდი მუცელი აქვს, ვიდრე საპატარძლოს უნდა  
ჰქონდესო.

იმასაც ვერ იტყვი, რომ იმ საღამოს ყველაფერი რიგიანად იყო,  
ზოგიერთ უსიამოვნებას მაინც ვერ დააღწიეს თავი. ყველასთვის კარ-  
გად ცნობილმა ერთმა ოხუნჯმა სახალისოდ მოიგონა ერთი ასეთი ანეკ-  
დოტი:

— ერთმა მწყემსმა ცოლი შეირთო. მწყემსს უთხრეს, შენი ამორ-  
ჩეული ქალი კოკლიაო. მერე რა მოხდაო, თქვა მწყემსმა. მერე უთხრეს,  
შენი ამორჩეული ქალი ბრმა და კუზიანია, თანაც ცალ ყურში არაფე-  
რი ესმისო. მწყემსი მაინც გაიძახის, მერე რა მოხდაო. ბოლოს უთხ-  
რეს, ეგ ქალი სულელიაო. „ნუ გამიწყალეთ გული, მაგას რა მნიშე-  
ნელობა აქვს, მთავარი ის არის, რომ შეილებს გამიჩინს“.

ერთი ხარხარი ატყდა, სტუმრები საკმაოდ უზრდელად მოტრიალდ-  
ნენ საითისკენ, საითი კი კიბოსავით გაწითლებულიყო, მადლობა  
ღმერთს, რომ სევიმი მის გვერდით არ იდგა. სარიოლლუთა ნაშეირის



თავშეკავებულობა, კეთილშობილება და გაზრდილობა რომ არა, ერთი ამბავი დატრიალდებოდა.

საითი მთელი საღამო ცდილობდა თავი შეეკავებინა და არაფერს სთქვა. საცილო არ გამხდარიყო, მაგრამ ამ ყუყუჩურმა ანეკდოტმა ისე დაფორმირიაქა, რომ საცეკვაო დარბაზში გავარდა და ლამის უზარმაზარ, მთელი კედლის სიგრძე-სიგანის სარკეს არ შეასკდა, 180 გრადუსით მოტრიალდა და კვლავ წინ გავარდა, იქაც შუშის ბარიერს შეეხეთქა, დარბაზის ერთ ნაწილს მეორისაგან რომ ჰყოფდა.

შედრწუნებული საითი გაუბედავი ნაბიჯებით გაემართა იმ მაგიდისაკენ, რომელსაც მისი მომავალი სიმამრი უჭდა, იგი სევიმად მიიჩნია, თავაზიანად დაუკრა თავი და საცეკვაოდ გაიწვია:

— გთხოვთ, ეს ტანგო მე მაჩუქეთ.

პასიფ ბეი წამოდგა, სასიძოს ხელი ჩაჰკიდა და თავის ქალიშვილთან მიიყვანა, შენ ეცეკვე შენს საქმროსაო, სევიმმა ცხვირი აიბზიკა და უგემურად წამოდგა.

ისინი პირველად ცეკვავდნენ. სევიმს მთელი საღამო საქმროსაგან შორს ეჭირა თავი, უბედური ქალის სახე ჰქონდა. — განა ჩემი ნებით მივეყვები ამ ფულიან ბედოვლათსო. იმდენად შესაბრალისი ჩანდა, რომ სტუმრებმა მართლაც შეიცოდეს, ეს ულაშაზესი გოგო ვის მიჰყვებო. საითი კარგად გრძნობდა ყველაფერ ამას და კიდევ უფრო მორცხვობდა. ორკესტრი საამო ტანგოს უკრავდა. სასიძომ იცოდა — ცეკვის დროს ქალს საალერსო სიტყვები უნდა უთხრა, მაგრამ ნაცვლად ამისა, უცებ ჰკითხა:

— გიყვართ თუ არა ბრამსი?

სევიმმა იფიქრა, ეჭვიანობით შეპყრობილი საითი ჩემს რომელიმე თაყვანისმცემელზე მეკითხებო:

— ვინა, ვინა?

— ბრამსი.

— ეგ კიდევ ვილაა?

— გერმანელია, რომანტიკოსი!

სევიმმა ვერა და ვერ გაიხსენა, რომ ოდესმე გერმანელი ფეხბურთელები ჰყოლოდა და კიდევ ვილაც რომანტიკოსიო, არა, ნამდვილად ტყუილი ეჭვიანობაა, ეს უსამართლობაა საითის მხრივ.

— იგი დიდი მუსიკოსი იყო, — საითი ხვდებოდა, რომ ტყუილუბრალოდ ლაყბობდა, მაგრამ მაინც ვერ ჩერდებოდა. — გამოჩენილი კომპოზიტორია.

ბრამსი? არა, სევიმს მხოლოდ ფეხბურთელებთან ჰქონია საქმე.  
ამიტომ გულბრყვილოდ ჰკითხა:

— ეს ტანგო იმან დაწერა?

— ბრამსი იყო მეცხრამეტე საუკუნის უდიდესი კომპოზიტორი.  
ზარზეიმით წარმოსთქვა საითმა.

მაგრამ სევიმი უკვე აღარ უსმენდა — მათ ახლოს აღმოჩნდა ჩვენი  
აჰმედ „კედელა“, რომელიც ჩაბუტკუნებულ ქერათმიანთან ცეკვავდა.  
„ეგლა მაკლდა, ნახეთ, რას ბედავს“, აწრიალდა საპატარძლო.

— ვერ გავიგე, რა შუაშია აქ გერმანელი?

საითი დაფიქრდა და გულლიად უპასუხა:

— ბრამსს ოცდაათ წლამდე წვერი არ ანოსვლია!

სევიმმა შეხედა საქმროს უფერულსა და უწვერო სახეს და გაიცინა.  
შემდეგ მკლავი გაუყარა და თავისუფალი მაგიდისკენ წაიყვანა. საითის  
უმწეობამ და გულლიაობამ იგი ააღელვა. საითის მოკრძალებულობაც  
თითქოს სადღაც გაქრაო, ალაპარაკდა იმაზე, რამაც საოცრად გაათბო  
მისი სული — ბავშვზე. სევიმმა აუხსნა, მაგ შენი მათემატიკის გამო  
ცხოვრებისა არაფერი გესმისო, მერე ხმადაბლა უჭიკჭიკა:

— ძვირფასო, იქნებ რაიმე ეჭვი გაქვს გულში?

საითმა რომ „ძვირფასო“ გაიგონა, ლამის გული შეუღონდა და  
წამოიძახა:

— არა, არასოდეს!

მათ შავტუხა სუათი მიუახლოვდა და საითს ჰკითხა:

— თქვენი საპატარძლო რომ შემდეგი ცეკვისთვის მოგტაცოთ?

— რასაკვირველია, ძალიან ნასიამოვნებიც ვიქნები, — ამაყად გა-  
იღიმა საითმა.

ძველი ნაცნობები სუათი და სევიმი საცეკვაოდ წავიდნენ. სევიმი  
ხან ერთთან ცეკვავდა, ხან მეორესთან, მერე სიამოვნებით ესაუბრე-  
ბოდა სტუმრებს, მას სულაც დაავიწყდა საითი, თუმცა, სასიძო მარტო  
სევიმს კი არ დაავიწყდა, სტუმრებიც ისე იქცეოდნენ, თითქოს მაღალი  
წრის ჩვეულებრივ გასართობ საღამოზე მოსულიყვნენ: სვამდნენ,  
მხიარულებდნენ, ცეკვავდნენ.

მხოლოდ საითს არ დაავიწყდა, თუ რატომ იმართებოდა დღეს ასე-  
თა ზეიმი. ჩემი მხრივ უხერხულია, ამდენი ხანი არ მივეყარო საპატარ-  
ძლოსაო, გაიფიქრა და იმ მაგიდისკენ გაემართა, რომელთანაც სევიმი  
იჯდა, სევიმი აჰმედ „კედელას“ ჩაბუტებოდა, თავიც მის მხარზე ჩა-  
მოედო. საითს უცებ თვალში მოხვდა, რომ აჰმედ „კედელას“ ცნობი-

ლი მარცხენა ფეხი მოუსვენრად ტოკავდა. სევდი შეშინდა, რაიმე უსიამოვნება არ მოხდესო და კიდევ უფრო ახლოს მიეკრა „თოხტო-ფარანის“ ცენტრალურ მკველს.

— რა მოხდა? — ჰკითხა მან საითს.

ბოლოს საითმაც შეამჩნია, რომ მისი საპატარძლო „კედელ-ას“ ჩაკვროდა და დაბნეულმა ენის ბორძიკით უპასუხა:

— მმაპპატიეთ... მმაპპატიეთ... არაფერი არ მომხდარა... არ შეგაწუხებთ. — საითი გაცელებული გაშორდა მათ, იგი გააკვირვა იმან, რომ „კედელას“ შეედლო მხოლოდ მარცხენა ფეხით ენერვიულა. ამგვარი ნევროლოგიური ანომალიის ახსნა უხუცეს აბდუშეჟქურ ბეის თუ ძალუძდა მხოლოდ, მაგრამ ვერსად იპოვა იგი. ალბათ, უკვე გაცე-ლა იქაურობას, ვერც ზიჰნი ბეი იპოვა ვერსად, ბოლოს გადაწყვიტა, ქისმეთ ბეის დავეკითხებო და ბერინ ხანუმს მიუახლოვდა, რომელიც კუთხეში, სავარძელში იჯდა. საითი დაიხარა და დეიდას ჩასჩურჩულა:

— დეიდა, ქისმეთ ბეი სად არის?

— უკვე გვიანია, შვილო, ყველანი წავიდნენ.

— არც დაგვეშვიდობნენ?

— შენ სევდიმთან ცეკვავდი და აღარ შეგაწუხეს. მე მოხოვეს, ჩვენი სახელით ბედნიერება უსურვეო.

დეიდა ბერინს გაშორდა და თავის შორეულ ნათესავს მუჰითინ ბეის მოჰკრა თვალი. მუჰითინ ბეის ერთხელაც არ გაუღიმა ბედმა კომერციულ საქმიანობაში და მთელი მემკვიდრეობა ქარს გაატანა. როგორც ყველა უიღბლო, ისიც უდიდეს კრმერსანტად თვლიდა თავს, თუმცა, საქმემ არ გამიმართლაო. საითი რომ მისკენ მომავალი დაინახა, უცებ გაიაზრა, იქნებ ამ ბედნიერ დღეს სიძეეცას ერთი-ორი კაპიკი დავცინცლოო.

რამდენიმე სრულიად უქმი ფრაზის გაცვლა-გამოცვლის შემდეგ საითმა მუჰითინ ბეის ჰკითხა:

— ერთ საოცარ საქმეზე მინდა გესაუბროთ.

— მითხარი, შვილო.

— შეიძლება თუ არა კაცი ნერვიულობის დროს მარცხენა ფეხს ისე ათამაშებდეს, რომ ფეხის გაჩერება ვერ შესძლოს? შეიძლება, რომ ფეხი ადამიანს არ დაემორჩილოს?

მუჰითინ ბეი ყურადღებით დააკვირდა საითს. ნეტავი როგორი პასუხი ესიამოვნება. რომ მერე მე ჩემი საქმე გავაკვარახებინო.

იქნება საითი სულაც საკუთარ თავზე ლაპარაკობს? ახლა ისეთი პასუხია საჭირო, რომ მერე სიძეს ფულის გაცემა არ დაეზაროს.

სწორედ ამან დააფიქრა მუჭითინ ბეი ასე მწარედ და მან უცნობი მონახა გამოსავალი — ახლა იგი საითს უამბობს, პირველი მსაფურთხი კომის დროს ერთ დაჭრილ ოფიცერს როგორ მიაკერეს ვიღაც უცხო კაცის ფეხი და ეს ფეხი როგორი ურჩი გამოდგა. მაგრამ ამ დროს საითს ვიღაც სოლიდური და საკმაოდ ჯიუტი კაცი მიუახლოვდა. ამ კაცმა სიძე არაფრით არ გააჩერა მუჭითინ ბეისთან და თავისი მაგიდისაკენ წაიყვანა. საქმე ისაა, რომ მას გაკოტრებულ მუჭითინზე ნაკლებ არ აინტერესებდა სარიოდლუს ქისა.

ეს სოლიდური და ჯიუტი კაცი „თოზქოფარანის“ სპორტული კლუბის გენერალური თავმჯდომარე დუნდარ დუბარა ბეი გახლდათ, დუნდარ დუბარა ბეის ძალიან ახარებდა ლამაზი სევემისა და საითის მომავალი შეუღლება. თუ სევემი მათი გუნდისათვის ზეციური ანგელოსი იყო, საითი ფულიან ანგელოსად ესახებოდა. კარგად იცოდა, რომ საითი ერთადერთი მემკვიდრე იყო სარიოდლუთა უზარმაზარი ქონებისა. ხოლო მდიდრებს კი გართობა უყვართ და ამ საქმისთვის სიძუნწეს იშვიათად იჩენენ. პროფესიონალთა გუნდი „თოზქოფარანი“ შემოსავლიანი ადგილი გახლდათ, მაგრამ ეს შემოსავლიანობა უმთავრესად ფეხბურთის მდიდარ მოყვარულთა შემონაწირებით განიზომებოდა. გუნდს რაც უფრო მეტი ჰყავდა ასეთი მოყვარული, მით უფრო პროფესიულად თამაშობდა.

მდიდართა გადმობირება თავად თავმჯდომარის საქმე იყო. ამიტომაც მოვიდა დღევანდელ ნიშნობაზე. „თუ ეს ოთხთვალა ჩვენი კლუბის წევრი გავხადე, დიდებული საქმე იქნება“, ფიქრობდა დუნდარ დუბარა ბეი. მან კარგად იცოდა, რომ მხოლოდ ფული არ იყო მთავარი ფაქტორი: საჭიროა აგრეთვე კარგი ფეხბურთელები, მაღალი კლასის მწვრთნელი და, რაც მთავარია, კლუბის საპატიო პრეზიდენტი მეჯლისის რომელიმე გავლენიანი დეპუტატი უნდა გყავდეს. ამ თანამდებობაზე ძალიან სასარგებლო იქნებოდა აგრეთვე მმართველი პარტიის ერთერთი ლიდერი. თუ ეს გაკეთდა, კარგი ფეხბურთელებიც იოლად მოიძებნება და მაღალი კლასის მწვრთნელიც. ამას წინათ ბედმა გაუღიმა დუნდარ დუბარა ბეის და თავისი კლუბის საპატიო პრეზიდენტად ძალზე გავლენიანი პარტიული ბოსი იშოვა. მართალია, ეს პარტიული ბოსი დაბადებიდან კოჭლი იყო და არასოდეს ბურთისთვის ფეხი არ

დაურტყამს, მაგრამ პოლიტიკაში ისეთი მგელი იყო, მისი ყველის  
ეშინოდა. ეს კი ცოტას როდი ნიშნავდა „თოჭოფარანის“ რეკლამი-  
სათვის. ბოსი კმაყოფილიც კი დარჩა ღუნდარ ბეის წინადადებით,  
რადგან ფეხბურთელთა კლუბის საპატიო პრეზიდენტობა ამომრჩევე-  
ლებს შორის პოპულარობის საუკეთესო საშუალება იყო. იგი ყოველ  
თამაშს ესწრებოდა და ისე ცხარედ ექომაგებოდა გუნდს, რომ ზოგ-  
ჯერ სკამზეც შეხტებოდა და მთელი ძალით აქანავებდა თავის მოკლე  
ფეხს. ხოლო თუ რომელიმე ფეხბურთელი ბურთს კარს ააცილებდა,  
გაბრაზებული ყვიროდა: „ეს რა ბურთი გამაზე, მაგას ხომ მეც გავი-  
ტანდი“. ეს ფრაზა იმდენად პოპულარული გახდა, რომ ხშირად იმეო-  
რებდნენ ფეხბურთელები, გულშემატკივრები. ამ ფრაზაზე თურმე  
პარლამენტის წევრებიც კი ხითხითებდნენ ხოლმე.

ნაშუალამევს ღუნდარ ღუბარა ბეი ერთი წამითაც აღარ სცილდე-  
ბოდა საითს. ამის მიზეზი კი ის გახლდათ, რომ საითს ფეხბურთისადმი  
ინტერესი გაუჩნდა. ეს ერთადერთი საშუალებაა სევიმის გულის საბო-  
ლოდ მოსანადირებლადო, ფიქრობდა იგი. მუდამ მათს შორიახლო  
ტრიალებდა ჟურნალისტი და სპორტული კომენტატორი ეროლ იფქი-  
რან ბეი. ეროლ იფქირან ბეი მკვირცხლი ბიჭი იყო. ადამიანებთან, რა  
ასაკისაც არ უნდა ყოფილიყვნენ ისინი, უმაღ პოულობდა საერთო  
ენას და ძმაკაცურად ელაპარაკებოდა.

ღუნდარ ღუბარა ბეიმ საითს გააცნო მეგობარი.

— იცნობდეთ, ეს ჩვენი იფქირან ბეია, ჩვენს ქვეყანაში ერთადერთ-  
თი მიუდგომელი კომენტატორი. — ცოტა შეყოვნდა და დასძინა, — მად-  
ლობა ღმერთს, ჩვენს გუნდს უჭერს მხარს.

ამაზე იფქირან ბეიმ მოკრძალებით შენიშნა:

— მე მხოლოდ პატიოსნად ვასრულებ ჩემს მოვალეობას. — მერე  
ხელი გულთან მიიტანა და დასძინა, — ეს გული „თოჭოფარანის“  
სიყვარულით ძვრს.

— ამინ! ამან გახადა აჰმედი ვარსკვლავი, ამანვე შეარქვა მას „კე-  
დელა“, — არ ცხრებოდა ღუნდარ ღუბარა ბეი. — თუ ამან ვინმე  
შეიყვარა, მერე მორჩა...

საითი იფქირან ბეისადმი პატივისცემით განიმსჯვალა. აღტაცებული  
თვალს არ აცილებდა.

— აჰმედის ვარსკვლავად ქცევა როგორ მოახერხეთ?

— ყოველ პროფესიას თავისი საიდუმლო აქვს, ძმობილო, — უპა-  
სუხა კომენტატორმა. — ისა სჯობია, ცოტ-ცოტა გადავკრათ.

სტუმრებმა გამთენიის ხანს დაიწყეს დამშვიდობება. საითმა დუნ-  
დარ ღუბარა ბეის სთხოვა, იფქირან ბეისთან ერთად შემომიარეთ, ში-  
ნაურულად ვისაუბროთო. მთვრალი სევიმი აჰმედ „კედელქაქა დავდღა“  
მოდა მუხლებზე და ყველამ თავი გამანებეთო, გაიძახოდა: „ტოლოქაქაქა“  
დელა“ კი მარცხენა ფეხს ატოკებდა და ყვიროდა: „სევიმს აქედან  
წასვლაზე ძალას ვინც დაატანს, ჩემთან ექნება საქმე“. ბერინ ხანუმ  
ეფენდის რომ საპირფარეშოში არ გაეყვანა სევიმი, არავინ იცის, რით  
დამთავრდებოდა ეს საზეიმო ცერემონიალი.

საითმა ფერფერიკები სახლამდე მიაცილა. მან, ცხადია, კარგად  
იცოდა, რომ დამშვიდობებისას საცოლეს ხელზე უნდა ემთხვიო, მაგ-  
რამ როცა ხელზე კოცნის ჭერი დადგა და სევიმის ხელი ხელში აიღო,  
აღარ იცოდა რა ექნა. სევიმმა გადაიხარხარა, უგერვილო, ბოთე საქმ-  
როს ლოყაზე აკოცა და სახლში მიიშალა.

თენდებოდა. თავის სიცოცხლეში საითმა პირველად დალია ამდენი.  
სახლამდე ფეხით გავისეირნებო, გაიფიქრა და ბედნიერი კაცის ნაბიჯე-  
ბით გაუყვა. გზას. უცებ ფეხებში რაღაც აებლანდა, დაიხარა, კარგად  
დააკვირდა და ბისკვიტის ჩასაწყობი მუყაოს კოლოფი დაინახა. „რა  
კარგ რამეს წავაწყდი!“ ფეხბურთელის ტინმა გაიღვიძა მის სულში. —  
აბა, ჰე, ვითამაშოთ! — ორიოდ ნაბიჯით უკან დაიხია, გამოექანა, ფე-  
ხი მოიქნია... დარტყმა! არის! საითი ასფალტზე გაიშხლართა.

ოხვრითა და ვაებით წამოდგა. სათვალე დამტვრეულიყო, ცხვირი-  
დან სისხლი სდიოდა.

„ხვალ გელოდებით, უფრო სწორად, დღეს, უკვე თენდება... სალა-  
მოს მოდით... — გაახსენდა საცოლის სიტყვები. — მაგრამ ამგვარი  
ცხვირით სახლიდან როგორ გამოხვალ? — გაიფიქრა მან. — იქნებ და-  
ვიცადო მანამ, სანამ ბრამსივით წვერი არ წამომეზრდება?“

## დანიშნულება შინ მარტონი რჩევიან

ნიშნობის შემდეგ ფერფერიკების კარი ღია იყო საითისათვის.  
როცა მოებრიანებოდა, მაშინ შეეძლო მისვლა. მაგრამ იმ ნიშნობის  
შემდეგ სევიმს შშობლებმა განუცხადეს, რაც იყო, იყო, დღეიდან კი  
სტადიონზე ფეხს ვეღარ გადადგამო. აი, ქორწილს რომ მოვრჩებით და  
ქმარი წავიყვანს, მერე რაც გინდა, ისა ჰქენიო, არიგებდნენ დაუმც-  
ხალ სვავს. სევიმი რაღა სვავი იქნებოდა, რომ დედ-მამის სიტყვებს



დამორჩილებოდა, მაგრამ შიშობდა, სულ ტყუილუბრალოდ ეს საქმე არ ჩამეშალოს და მერე კი მე ვიციო. „თოზქოფარანის“ არც ერთ თამაშს აღარ ესწრებოდა, ეგ კი არა და, ერთ დღეს საითთან ერთად სევიმიმის სას ქუჩაში ზინრიქ ბეკირს გადაეყარა, მაგრამ სევიმიმის ვაჟი ვაჟი და ორი-სამი სიტყვა უთხრა და ისე გაშორდა, ისიც არ უკითხავს აჰმედ „კედელა“ როგორ არისო. მაგრამ, რაც უფრო დიდხანს გრძელდებოდა ასეთი ნებაყოფლობითი გარიყვა, მით უფრო აუტანელი ხდებოდა სევიმისათვის საქმროს ცქერა. ამიტომაც, ყოველდღიურად უფრო და უფრო ამრეზილი ეგებებოდა საითს. საბრალო სარიოლლუს კი სევიმი უყვარდა და ასეთი რამ სულსა ხდიდა, კარჩაკეტილი ხდებოდა, თუმცა ფერფერიკთა ოჯახში ყოველ ცისმარე დღეს მიდიოდა.

დღეს ერთმანეთს ხვდება ორი ძველი მეტოქე „თოზქოფარანი“ და „ჰაჯეთბაბა“. ეს უმნიშვნელოვანესი თამაშია, სევიმი კი შინ უნდა იჯდეს, ეს საითიც რომ ნერვებს უშლის, ყოველ წუთს ფეხებში ებლანდება, აღარ შეუძლია მეტი!

შიშობლები საგანგებოდ შინიდან წავიდნენ, რათა ახლადდანიშნულებს თავისუფლად ეგრძნოთ თავი, მაგრამ ეს ზედმეტი და ფუჭი ექსპერიმენტი იყო. ასეთ მომენტებში საითს არა მხოლოდ საცოლისა ერიდებოდა, მას საკუთარი თავიც კი აფრთხობდა და მთელი საღამოს განმავლობაში ენაჩავდებულ იჯდა ერთ კუთხეში. კაცმა რომ თქვას, სევიმი არც ფიქრობდა, რომ მისი საქმრო დაუოკებელი და ძლიერი ცეცხლის მიჯნური იქნებოდა, მაგრამ საითის ასე უქმად ჯდომაც შეურაცხმყოფელი იყო მისთვის. სვაგი სევიმისკენ მუდამ ისწრაფოდნენ, ეს კი... თუმცა აბა, ერთი გაბედოს, მიიღებს კიდევ საკადრის პასუხს.

სევიმმა გადაწყვიტა, მატჩის რადიოტრანსლაციას მოვისმენო, თამაშის დაწყებამდე ნახევარი საათი რჩებოდა. ღმერთო, კიდევ მთელი ნახევარი საათი ასე ენაჩავდებულნი უნდა ისხდნენ.

— რა მოხდებოდა, — ფიქრობდა სევიმი, — რომ სტადიონზე ესეც წამეყვანა და წავსულიყავი? — სევიმს არ უყვარდა საქმროსთან ერთად ხალხში გამოჩენა, მაგრამ ამასთან აქ, ასე ენაჩავდებულნი ჯდომა ვითომ ნაკლები სატანჯველი იყო?

სევიმი წამოდგა, ოთახში გაიარ-გამოიარა, რით გაერთოს? და უცებ ჩინებული აზრი დაებადა — აბაზანას მიიღებს! და სევიმმა სასტუმრო ოთახში, საითის თვალწინ იწყო გაშიშვლება. „საინტერესოა, როგორ მოიქცევა?“ — ფიქრობდა სევიმი საქმროზე. საითი კი იჯდა, როგორც დამჯერე ბავშვი მკაცრი მასწავლებლის წინაშე და თავიც არ აუწევია.

„იქნებ ვერც შეამჩნია რომ ვშიშვლდები?“ სევითი მიუანლოვდა, ზედ მიეკრო და უბრძანა:

— დუგმები შემხსენი!

საითი წამოდგა, სევითს ზურგი შეაქცია, რომ არ დაენახა ის, რისი დანახვის უფლებაც მას ჯერჯერობით არ ჰქონდა, ხელის ცეცებით მონახა დუგმები და შეხსნა.

— სწრაფად, სწრაფად.

— მოვრჩი, — ძლივს გაიგონა სევითმა მისი ხმა.

— ახლა აი, ქვედაწელი შემხსენი.

— ოი, — რა განსაცდელი არ უდევს წინ წმინდანობის გზაზე შემდგარ კაცს... — რა ჭირად მოიგონეს ჩვენი მარტო დატოვება, — გაუელვა საითს.

სევითი აბაზანაში გავიდა. ორიოდ წუთში მისი ხმაც მოისმა.

— საით, სა-ი-თ!

— რა გნებავთ, სევით ხანუმ?

— აქ მოდი, ჩემო ძვირფასო!

საითი ბედნიერი იყო იმით, რომ ჩემო ძვირფასო დაუძახეს და ისეთი ამბით გავარდა სააბაზანოსკენ, რომ სკამები სულ მიჰყარ-მოჰყარა. სააბაზანოს კარი ღია იყო, იგი მაინც არ შევიდა.

— მოდი ჩემთან, საით!

— აქ ვარ, — მიუგო საითმა.

— შემოდი სააბაზანოში, ჩემო კარგო.

საითი შევიდა. სევითი ქაფში ჩაწოლილიყო და ცალი ფეხი აბაზანაზე გამომწვევად გადაედო. დაბნეულმა საითმა თვალები მოხუჭა და სახეზე ხელი აიფარა.

— მე არ გიყურებთ, ხანუმ ეფენდი, არ გიყურებთ... — ალულულულა იგი, — ნუ გერიდებათ...

— გაეთრიე, არ დაგინახოს ჩემმა თვალებმა!.. — იყვირა სევითმა.

საითი უცებ გამოვარდა სააბაზანოდან. „რა უცნაური არსებანი არიან ეს ქალები — ჯერ გუებნებიან მოდი ჩემთან, ჩემო კარგო, მერე კი გამოგადებენ. ვერ გაიგებ, რა უნდათ“. ან სხვანაირად როგორ უნდა მოიქცეს, როცა მშობლებმა შვილი მის ანაბარად დასტოვეს. იქნებ, სულაც საითის გამოცდაც მოინდომეს. მადლობა ღმერთს, რომ იგი პატიოსანი და წესიერი კაცია.

საბრალო საითი თავს იტყუებდა — სინამდვილეში კი ეშინოდა სევითისა. სვაფი სევითი გაათრებულნი განოვიდა სააბაზანოდან. ბოლმა

ყელში აწვებოდა. სევდი შიშველი ყოფილიყოს და ვინმეს თავი შეეკავებინოს?! ასეთი რამ არავის უნახავს და არ ახსოვს.

— სევდიმ ხანუმ, — ამოიღო ხმა საითმა.

— რაო, რა გინდა?

— არაფერი, მე ისე...

— ჟუ არაფერი გინდა, ენა ჩაივდე, სადაცაა თამაშიც დაიწყება.

— მე მინდოდა მეთქვა...

— რა უნდა გეთქვა?

— აი, იმ დღეს, ჩვენ რომ ერთმანეთი გავიცანით, გახსოვს, რა ტკბილი დღე იყო... კინოშიც კი ვიყავით.

საითი რომ სევდიმთან მარტო დარჩებოდა, მუდამ იმ „მშვენიერ“ დღეს იგონებდა. სევდიმს კი ისე მოყირუდა იმ მშვენიერი დღის მოგონება, რომ ლამის არ მიახალა საითს: „შე საწყალო, შენ რა იცი, რას უნდა იგონებდნენ ნაღდი მამაკაცები?“ მაგრამ თავი შეიკავა.

ამ დროს დიქტორის ხმაც გაისმა.

— პატივცემულო რადიომსმენელებო! ვიწყებთ ფეხბურთის მატჩის ტრანსლაციას. დღეს ერთმანეთს ზვდებიან „თოზქოფარანი“ და „ჰაჯეთბაბა“. რეპორტაჟი მიჰყავს კომენტატორ ეროლ იფქირან ბეის.

— ყურადღება, ყურადღება! — დაიწყო ეროლმა. — ჩვენ ახლა ვიმყოფებით „მითჰადფაშას“ სტადიონზე. რამდენიმე წუთში აქ დაიწყება სეზონის უმთავრესი მატჩი. ერთმანეთს ზვდებიან ძველი მეტოქენი „თოზქოფარანი“ და „ჰაჯეთბაბა“. ორივე გუნდი ჩვენი ეროვნული სპორტის სიამაყე და მშვენებაა. სადაცაა გუნდები მოედანზე გამოვლენ. ძვირფასო რადიომსმენელებო, დღეს ჩვენ გავზდებით ისტორიული მოვლენის მოწმენი. ვინ დაწინაურდება, რომელი გუნდი გაიმარჯვებს? ახლა ტრიბუნებზე... — საითს არაფერში ეპიტნავებოდა ამ გუნდების თამაში, მაგრამ ძალიან უნდოდა მოესმინა იფქირან ბეისათვის, რომელმაც აჰმედი ვარსკვლავად აქცია.

— დღემდე ეს გუნდები 128-ჯერ კი არა, 127-ჯერ შეზვდნენ ერთმანეთს, ერთი თამაში გაასაჩივრეს.

— აქედან 54 გამარჯვება მოიპოვა „ჰაჯეთბაბამ“, ხოლო 48 „თოზქოფარანმა“.

— ეგ საიდან მოიტანე, შე უბედურო! — წამოენთო სევდი.

საითი გაოცებული შესცქეროდა საცოლეს — გოგონა, რომელსაც ოდნავი წარმოდგენაც არ ჰქონდა ბრამსზე, თვით იფქირან ბეიზე უკეთ ერკვეოდა ფეხბურთში.

— გუნდები მოედანზე გამოდიან, თქვენ გესმით თუ როგორ ხედ-  
ბიან მაყურებლები ფეხბურთელებს. „ჭაჭებბაბას“ მისთვის ჩვეული  
ფორმა აცვია, ზოლებიანი მაისურები და ლიაცავისფერი ტრუსები.  
„თოზქოფარანის“ ფეხბურთელებს კი მოყვითალო მაისურები აცვიათ.  
ამ გუნდის მთავარი ძალა, მთელი მისი ხერხემალი არის ეროვნული  
ნაკრების წევრი, გუნდის კაპიტანი აჰმედ „კედელა“.

სევიმმა რომ აჰმედის სახელი გაიგონა, სიხარულით გაიბადრა. თა-  
მაში დაიწყო.

— ბურთი აქვს „ჭაჭებბაბას“. კადრიმ გადააწოდა ალის, მან კი ოს-  
მანს, აი, ოსმანი „თოზქოფარანის“ საჯარიმო მოედანზეა. როგორ გა-  
ვიდა, როგორ გავიდა! ოსმანმა კვლავ ალის ჩააწოდა, ალიმ — ოსმანს.  
ძლიერა შეტევაა „თოზქოფარანის“ კართან.

სევიმი ნერვულად იკვნეტდა ფრჩხილებს.

— ოსმანმა მოატყუა ერთი დამცველი, მოატყუა მეორე... აი, ახლა  
საუკეთესო პოზიციაშია, კიდევ მოატყუა, ბურთი წინ გაიგდო; აჰა,  
ალბათ, დაარტყამს კიდევ, დარტ... ო... ეს ნამდვილი კედელია; რა  
გვეშველება, აჰმედ „კედელა“ რომ არა გვყავდეს, როგორ მოასწრო!  
საჯარიმო მოედნიდან თავით გამოიტანა ბურთი კრიტიკულ მომენტში,  
„თოზქოფარანი“ ნამდვილ გოლს გადაარჩინა!

სევიმი წამოხტა და საითს მოეხვია, საითი არაფრით არ ელოდა  
ამას და ლამის მუხლებში ჩაიკეცა. სევიმი მალე მოეგო გონს და კვლავ  
თავის ადგილს დაუბრუნდა. „თოზქოფარანმა“ რომ ბურთი გაიტანა,  
სევიმი საითს მივარდა და გემრიელად ჩაკოცა საქმრო. საითი ვერც  
ახლა მოეგო გონს, ეს კია, რომ თითქოს გემრიელი ნაყინი შეჭამაო,  
ტუჩები მოილოკა.

„თოზქოფარანმა“ მეორე ბურთი გაიტანა და სევიმმა კვლავ გემ-  
რიელად აკოცა. საითი ახალა მიხვდა საცოლის მღელვარების მიზეზს  
და ღმერთს იმას ევედრებოდა, „თოზქოფარანმა“ რაც შეიძლება მეტი  
ბურთი გაიტანოსო. იმ დღეს ალაჰი სწყალობდა საითს. „ჭაჭებბაბამ“  
რომ ბურთი გაიტანა, სევიმი მუხლებზე ჩამოუჯდა, გულში ჩაეკრა და  
აქვითინდა. საითს ბედნიერებისაგან ააყარუ დაეხვა.

პირველი ტაიმი დამთავრდა ანგარიშით 2:1 „თოზქოფარანის“ სა-  
სარგებლოდ და საითმა დაიწყო ფიქრი იმაზე, თუ რა გავლენას ახდენს  
ქალის ემოციებზე ფეხბურთი.

— ოდესმე თუ ყოფილხარ სტადიონზე? — ჰკითხა სევიმმა.

— მხოლოდ ერთხელ, ლიცეუმში სწავლისას.

— ვინ წაგიყვანა?

— კვირა დღე იყო, მე ლექციაზე მივდიოდი და სტადიონზე ამოვიყავი თავი.

სევიმი უსმენდა და ბრაზობდა: „ნუთუ ამ ცალტვიანს უნდა გავუყვე ცოლად? რასაკვირველია, გონიერი ქალი ჰკვიან ქმარს არ დაუწყებებს ძებნას, მაგრამ ასეთი უტვინო? მეტისმეტია!“

— მაინც, როგორ მოხვდი სტადიონზე? — სევიმს სულაც არ აინტერესებდა, როგორ მოხვდა საითი სტადიონზე, მაგრამ რაღაც ხომ უნდა ეთქვა?

— იმ დღეს რაღაც დიდი თამაში იყო, ხალხის ნაკადები სტადიონისაკენ მიემურობოდა, მე შემთხვევით ამ ნაკადში მოხვდი და მერე თავი ვეღარ დავაღწიე. აი, ასე მოხვდი ტრიბუნაზე.

— რომელი გუნდები თამაშობდნენ?

— წარმოდგენა არა მაქვს, არც მაინტერესებდა, ორივე ტაიმის განმავლობაში ჩანთას ვეძებდი, ეგ ჩანთა ხალხის ბრბოში დავკარგე.

ამასობაში მეორე ტაიმიც დაიწყო. კვლავ ალაპარაკდა ეროლ იფქირან ბეი. სევიმი რადიომიმღებს მისჩერებოდა, ახლა იგი მთელი არსებით სტადიონზე იყო.

— აბა, ჰე, აჰმედ, მიდი, ჩემო კარგო, მიდი, მისცხე!

საითიც სევიმს აჰყვა, ისიც შესძახებდა ხოლმე აჰმედს. დღეს მისი ბედნიერება იმაზე იყო დამოკიდებული, თუ რამდენ გოლს გაიტანდა „თოზქოფარანი“, როცა ეროლ ბეიმ იყვირა: „არის!“ სასიძო და საპატარძლო ერთმანეთს მივარდა და ჩაეხვია.

თამაშის დამთავრებას აღარაფერი აკლდა, რომ კიდევ ერთი ბურთი გაიტანეს. კომენტატორს დიდი ზარზეიმით არ გამოუცხადებია ამ ბურთის გატანა. გახარებული საითი ადგილიდან წამოხტა, მაგრამ სევიმმა ბრაზით ჩილაპარაკა:

— დაჯე, ეს ჩვენ გაგვიტანეს.

— ჩვენ? ჩვენს კარში?

საითმა სევიმს თანაგრძნობის გამომხატველი მზერა მიაპყრო და რაღაცის თქმა მოინდომა.

— თუ ღმერთი გწამს, მომეშვი, თავი დამანებე, ეს რა მოგვივიდა?! ვიდრე ეროლ ბეი „თოზქოფარანის“ დამცველთა შეცდომებზე ლაპარაკობდა, სევიმი თავის ოთახში გავიდა, რადგან წამწამებზე წასმულმა ტუშმა ცრემლმორეული თვალები აუწვა. საითი რომ მარტო დარჩა, დაიწყო ფიქრი იმაზე, თუ როგორ შეიძლება მომხიბლავი სა-

ცოლის გულის დაპყრობა და ცნობილ ფეხბურთელად გახდომა? არ, ისეთად, როგორც აჰმედ „კედელა“?

საითი ოცნებამ წაიღო: აი, იგი ფეხბურთის მოყვარულმა შოქმა ნააღმდეგეს ბურთი აართვა, დარტყმა, არის! დარტყმა, არის! დარტყმა, არის! ტრიბუნებზე ერთი ამბავია. სიხარულით ატაცებული ხალხი ერთიმეორეს ეხვევა.

ამ ოცნებაში იყო საითი, რომ კარი გაიღო და ოთახში მეჭურე ხანუმი შემოვიდა. სასიდედროს შემოსვლა საითს არ გაუგია. სწორედ ამ დროს ეროლ იფქირან ბეიმ წამოიძახა: „არის!“ ამ შეძახილმა გამოაფხიზლა საითი.

— ვინ გაიტანა ბურთი? ჩვენებმა? თუ ჩვენებს გაუტანეს? — აწერიალდა საითი.

— ღმერთო, შემიწყალე, მგონი. თავისთავს ელაპარაკება, — აქაქანდა სასიდედრო. I

ამ დროს კომენტატორმა გამოაცხადა, ბურთი „თოჭოფარანმა“ გაიტანაო, საითი წამოხტა და მის უკან მდგარ მეჭურე ხანუმს ეცა:

— გავიტანეთ, გავიტანეთ! ვაშა!

სასიდედრომ ძლივს დააღწა თავი სასიძოს.

— თავი შეიკავე, რა მოგდის...

ამ დროს ოთახში სევიმმაც შემოირბინა და საბრალო სასიძოს ლამის მუხლები მოეკვეთა.

— გთხოვთ მაპატიოთ, ხანუმ ეფენდი, მე მეგონა, აქ სევიმი იდგა, — წამოილულლულა საითმა.

მეჭურე ხანუმმა დიდად გაიხარა: ძალიან კარგად ნოვიქეცით, რომ დანიშნულნი მარტონი დავტოვეთ, ყველაფერი რიგზეა, დიდი ალაპი!..

## სასიძომ კარი გაიჯახუნა

ფერფერიკების ოჯახში ყველას — საპატარძლოსაც, მის მეგობარ ფეხბურთელებსა და სტუმრებსაც კი, თავ-თავიანთ მოვალეობად მიიჩნდათ სასიძოს გამაიმუნება. საითი მედგრად იტანდა დაცინვას, არაფერს იმჩნევდა, იყო საოცრად მშვიდი, დაბნეული და ძალიან უყვარდა სევიმი. საცოლესთან ყოველ დღე მიდიოდა, სევიმსა და მის მშობლებს ძვირფას საჩუქრებსაც მიართმევდა ხოლმე, მაგრამ ვერაფერს გახდა —



სევიმი საკმაოდ აშკარად აგრძნობინებდა ყველას, საქმრო მძვლოს, ან-  
ტონიაც დასცინოდნენ მას. საითს კი, თუმცა, ასეთი რამ იშვიათად ხდებ-  
და, უფრო და უფრო უძლიერდებოდა მისი სიყვარული.

ეს იყო ბრმა გაღმერთების გრძნობა. ფერფერიკების მსგავსად, მისი  
მოსული საითი საკუთარ თავს ეფიცებოდა, ვიდრე სევიმი არ დამიძა-  
ხებს, მე აქ მომსვლელი არა ვარო, მაგრამ მეორე დღეს კვლავ საჩუქ-  
რებით დატვირთული მორჩილად მიადგებოდა საცოლეს. ისე იყო,  
ვით უხსენებლის მიერ მოწესხული ბოცვერი. მაგრამ ერთხელ საითს  
გენიალური აზრი დაებადა: რა იქნება, რომ ფერფერიკები ჩემთან მო-  
ვიპატიეო? ეს აზრი ბერინ ხანუმს გაუზიარა.

— ჩვენ ხომ ერთხელაც არ მოგვიწვევია საპატარძლო და მისი  
მშობლები, რას იფიქრებენ ჩვენზე?

— მართალი ხარ, შვილო. დავავიანეთ კიდეც, ადრე უნდა მოგვე-  
წვია.

— უმჯობესია, შენ დაპატიეო, დეიდა, ვაითუ, მე ხეირიანად ვერ  
მოვაბა თავი ამ საქმეს.

ბერინ ხანუმმა ოფიციალური მიწვევა გაუგზავნა თავის მომავალ  
მოყვრებს. ბერინ ხანუმს სარიოღლლუთა მთელი საგვარეულოს შეყრაც  
ეწადა, მაგრამ საითმა არ ქნა, რადგან იცოდა: მისი პატივცემული დეი-  
დები და ბიძები დასანახადაც ვერ იტანდნენ სევიმის მშობლებს. იქნებ,  
რომელიმე მათგანმა სევიმის მამას შიახალოს, უვიცი და უზრდელი  
ხარო, მის მომავალ სიდედრს კი ის უთხრან, წერა-კითხვის უცოდინარი  
ვაჭრუკანა ბრძანდებო, ან სევიმი რას წამოაყრანტალებს, ვინ იცის...  
არა, ისევ ისა სჯობია, მხოლოდ სტუმრებმა და ჩვენ ვივანშმოთო.

საითი მთელი დღე ადგილს ვერ პოულობდა, ნერვიულობდა, არ  
იცოდა რა საქმისათვის მოეკიდა ხელი. რაც უფრო ახლოვდებოდა  
სტუმრების მოსვლის დრო, მით უფრო მეტი მოუთმენლობა ეუფლე-  
ბოდა, დრო გადიოდა, სტუმრები კი არსად ჩანდნენ. საითი ცუდ გუ-  
ნებაზე დადგა, დეიდა ბერინი ბრაზით ბუტბუტებდა: „ალაჰ, ეს რა  
ხალხია, ასეთი უპატივცემულობა?!“

ფერფერიკების მოსვლას 9 საათზე დაადგა საშველი, მაგრამ სევიმი  
არსად ჩანდა, მხოლოდ მშობლები მოვიდნენ. ამან სულ გააოგნა საი-  
თი. სასტუმრო ოთახში რომ დასხდნენ, ბერინ ხანუმმა, თითქოს სხვა-  
თა შორის იკითხა:

— განა სევიმ ხანუმი არ გვესტუმრება?

— ჩვენ გვეგონა, სევები აქ დაგვიხვდებოდა. — ყოვლად უსიცივე-  
ვილოდ თქვა სასიდედრომ. — ალბათ, რაღაც გადაუღებელი საქმე თუ  
ქონდა.

ვიღრე სევები არ მოვიდა, სუფრას არ გაეკარნენ.  
მეჭკურე ხანუმმა ჩანთიდან რაღაცა ამოიღო, გაშალა — კორსეტი  
აღმოჩნდა.

— მოგწონთ? — მიმართა მან ბერინ ხანუმს.

ბერინ ხანუმს ფერი წაუვიდა, „ღმერთო, ეს კიდეც რა საჩუქარია!  
თავის მოჭრა! სირცხვილი!“ თავი ამაყად ასწია, რომ ამგვარი უტაქტო  
საჩუქარი არ მიეღო, მაგრამ მეჭკურე ხანუმმა დაასწრო:

— ჩემთვის ვიყიდე, ძველი ისე დაიფხრიწა, რომ... აღარაფრად  
ვარგა.

— ჩემი ცოლი მუდამ ჩემი მოქიშპეებისაგან ყიდულობს კორ-  
სეტს. — ჩაერია საუბარში ჰესიფ ბეი, — თუმცა, მთელმა ქალაქმა  
კარგად იცის, რომ სტამბულში საუკეთესო კორსეტები მხოლოდ ფერ-  
ფერიკების ფირმას აქვს, თუ თქვენ რაიმე დაგჭირდათ, ხანუმ ეფენდი,  
მობარული ვიქნები, გემსახუროთ.

შემოსასვლელში ზარის ხმა გაისმა. როგორც იქნა, სევებიც გა-  
მოჩნდა. სასტუმრო ოთახი ხმაურმა, სიცილმა აავსო.

— სად იყავი, შვილო, ამ დრომდე, — ალერსიანად ჰკითხა ჰასიფ  
ბეიმ.

— იმედი მაქვს, უჩემოდ შიმშილით არ მოიკლავდით თავს. აქ რომ  
მოვდიოდით „თოჯოფარანის“ ბიჭები შემხვდნენ, რა ხანია არ მინახავს,  
ვიმასლაათეთ, ათასი ამბავი გავიხსენეთ.

ბერინ ხანუმმა ყველანი სასადილო ოთახში მიიპატიჟა. სტუმრების  
პატივსაცემად დიდებული სუფრა გაეშალათ. ხელით ნაქსოფი სუფრა  
და ხელსახოცები, მოვერცხლილი საგვარეულო ჭურჭელი, ყვავილები,  
სანთლები და ვერცხლის სასანთლები.

სუფრას რომ მიუხსდნენ, სევიმმა საქმიანი ტონით იკითხა:

— რას დავლევთ?

პასუხი რომ არავინ გასცა, საითს მიუბრუნდა:

— რას დავლევთ-მეთქი, რომ ვიკითხე, ვერ გაიგე?

„ეგ შენობით მიმართვა რაღაცა, სად გაიზარდა, ჩვენი გვარის ქა-  
ლები ქმრებს ლოგინშიც კი არ ელაპარაკებიან შენობით“, გაიფიქრა  
ბერინ ხანუმმა და პასუხის გაცემაც ვერ მოასწრო, რომ ჰასიფ ბეიმ  
წარმოთქვა:

— ჩემი წინადადებაა, რაჭი დავლიოთ... თავის ტკივილი არ იცის.

საითისათვის სულ ერთი იყო, რას დაღევდნენ. იგი-ოდნავ თუ მოსვამდა. სამაგიეროდ ფერფერიკებმა აუშვეს... ჰიქას ჰიქაზე ცლიდნენ.

— ვერ ვიტან ასეთ ზარზეიმურ სადილებს. მთელს ვერცხვას ვაღებ ფურშეტზეა გადასული, — განაცხადა სევიმმა.

— თქვენ როგორ გიყვართ, ჩემო კარგო? — იკითხა დეიდა ბერინმა, რადგან ვერ გაიგო, თუ რით იყო უკმაყოფილო საპატარძლო.

— მიყვარს უბრალოება: ყოველი სტუმარი იმას გადაიღებს, რაც მოებრიანება, იმას დაღევს, რაც სურს, მაგიდასთან ჯდომა რა ბედენაა! აი, ეს არის თანამედროვეობა!

— არა, ჩემო კარგო, — გესლიანად მიუგო დეიდა ბერინმა, — ეგ თანამედროვეობის გამო კი არ არის, არამედ იმიტომ, რომ ადგილი არა ყოფნით, ახლა ხომ დიდ ბინებს აღარ აშენებენ, ვიაურების სასტუმრო ოთახები ჩვენს საკუჭნაოზე მეტი არც არის, იქ როგორ დაეტევა ხალხი. აი, ამიტომაც მოიგონეს ფეხზე დგომელა ქეიფი.

— იქნება იმათთან მართლა სივიწროვება, მაგრამ ვითომ ამგვარი ბოსელი სჯობია?

დეიდა ბერინს ლამის ლუკმა არ გადასცდა, ბოლმა ყელში მოაწვა, საგვარეულო სახლი ასე რომ შეუგინეს. მადლობა ღმერთს, მაღამ ანუ ელა დროულად ჩაერია საუბარში:

— თქვენ, ალბათ, ამ სახლს ვაათანამედროვებთ.

და ყველამ სიამოვნებით შეცვალა საუბრის თემა.

სტუმრები რომ წავიდნენ, ბერინ ხანუმი და შინამოსამსახურე კარგა ხანს ოხრავდნენ: „საბრალო საითი, რა ეშველება, რა წყალში უნდა ჩავარდეს, ამ საქმეში ეშმაკის ხელი ურევია, თორემ საითს ამ გაუზრდელსა და უვიც, თანაც ფეხშიძივე ქალთან რა ესაქმებოდა?“

მეორე დღეს საითმა მთელი ბლუჯა წითელი ვარდები იყიდა და საცოლეს მიადგა. აქ აუარება უცნობი დაუხვდა. ყველა ისე გრძნობდა თავს, როგორც საკუთარ ოჯახში. ზოგი ვისკს წრუბავდა, ზოგიც ტახტზე გამოტილიყო და ხვრინავდა. ვინ რით იქცევდა თავს და ვინ — რით. საითი კი მხოლოდ თავის გულისსწორზე ფიქრობდა და ვერაფერს ამჩნევდა. მან ყვავილები სევიმს მიართვა.

— მონახე რომელიმე ვაზა და ჩაღე შიგ, — ყვავილებს არც შეხედდა, ისე თქვა სევიმმა.

საითმა ვერაფერი ნახა ისეთი, რომ ყვავილები ჩაეწყო შიგ. ხან რას წააწყდებოდა და ხან — რას.

— ჰო, კარგი, კარგი გაანებე თავი, თორემ 'რალაცას დამიმტრევე, შესძახა სევდმა, — ფანჯრის რაფაზე ჩამოსდე, დედაჩემი მოვა და მოუნახავს ადგილს.

საითი არ იყო საცოლის ყურადღებით ვათამამებულნი და ახლა ეს ბრძანებაც კი ესიამოვნა — სევდში საერთოდ არც ამჩნევდა ხოლმე მას. ოთახში გაიარ-გამოიარა და კარადის მიღმა თავისუფალი სავარძელი იპოვნა. გასაოცარი ის იყო, რომ სევდშიც უცებ მივიდა და მის წინ სავარძელში ჩაჯდა.

— რა არის ახალი? — იკითხა მან.

საითს უკვე დაცდილი ჰქონდა, — თუ საცოლეს უამბობდა, ესა და ეს ფათერაკი გადამხდა და ასე და ასე გავმამიმუნდიო, სევდში უმალ კარგ გუნებაზე დადგებოდა! ხოლო თუ იმას უამბობდა, როგორ მოხვდა ერთხელ სტადიონზე, გულიანად ახარხარდებოდა.

— კი გეტყოდით, მაგრამ...

— მითხარი, რა არის...

— მერიდება... ჩემი საიდუმლოა...

— მერე და, მე მიმალავ?

— თქვენ არაფერს არ დაგიმალავთ, მაგრამ...

— ჰო, რა იყო? დააყენე საშველი!

— მე მინდა მთლიანად დავიპყრო თქვენი გული, ამისათვის ყველაფერს გავაკეთებ, თუ საჭიროა, ფეხბურთელიც კი გავხდები, — ბოლო ფრაზა საითმა საკმაოდ დამაჯერებელი ტონით წარმოთქვა.

სევდმა კი გაოცებისაგან თვალები დაჭყიტა.

— რაო, ფეხბურთელიო?

— დიახ, ფეხბურთელი გავხდები! — საითის ხმაში პირველად გამოიკვეთა საკუთარი თავის რწმენა. — უფრო სწორედ, ძალიან მინდა ფეხბურთელი გავხდე.

— არ გადამრიო, ნუ მაცინებ...

საითმა თავისას მიიღწია, საცოლუე გააცინა.

შემოსასვლელში ზარის ხმა გაისმა და ოთახში აჰმედ „კედელა“ შემოვარდა. გახარებული სევდში კისერზე ჩამოეკიდა ცენტრალურ მცველს: აჰმედმა კი გულიანად დაკოცნა თავისი გუნდის კეთილი ფერია.

— რა მოგივიდა, ტიროდი?

— სიცილისაგან მდიოდა ცრემლები.

ტახტზე ჩამოსხდნენ, ისე ეხვეოდნენ ერთმანეთს, რომ საითის

არსებობაც დაავიწყდათ. საითს კი მათი ჩურჩულიც ესმოდა. „მე რომ ფეხბურთელი ვიყო, ასევე ჩამომეკიდებოდა კისერზე და მაკოცებდა, როგორც აპმედს“, — ფიქრობდა იგი.

— რა ვქნა, ჩემო ძვირფასო, მეჩქარება, მაგრამ ქორწილს მაინც არ დაადგა საშველი.

საითს ბედნიერებისაგან სიწითლე მოერიდა: მაშ, ისე ვუყვარვარ, ქორწილიც კი ეჩქარება.

მათ კიდევ ერთხელ აკოცეს ერთმანეთს, საითი კი ყურს უგდებდა და ფიქრობდა: ერთადერთი გამოსავალი ის არის, რომ ფეხბურთელი გავხდე.

— რატომ აგვიანებთ, შენც ადექი და ხვალისთვის დანიშნე. აღარ შემიძლია ამდენი მოთმენა.

— დედაჩემი არ შვრება, გაიძახის, ანგელოსივით ქალიშვილი უნდა გავატანო და იმ ბოსელში ჩემს შვილს არ შევეუშვებო. თუმცა, იმ ბოსელს ეგენი სასახლეს ეძახიან. სანამ ახალ ბინას არ იყიდიან, მე ქორწილს არ ვიზამო.

— შენც რა გენაღვლება, იყიდოს, ოხრადა აქვს ფული, ცოტადიდი სახლი შეარჩიეთ, მთელი გუნდის ბიჭები რომ მოვალთ, ადგილი ხომ უნდა გვქონდეს?

— დროებით მშვენიერი ბინა დაიჭირავა, თუ გინდა იქ გაათენე ხოლმე ღამეები...

— მაშ, რაღას უყურებთ, გადაიხადეთ ქორწილი.

— დედაჩემი აჭიანურებს. ყოველდღე ახალ-ახალ რამეს იგონებს. საძინებელი ოთახი ასე და ასე უნდა გავაწყოთო, საწოლი კიდევ ასეო. საითის სახლში სულ ძველებური ავეჯია, კარგად ვერ გავიგე, ვინ იყვნენ მაგის წინაპრები — ფაშები თუ ფადიშაჰები... ამნაირი ავეჯი რა ხანია აღარავის უდგას, დედაჩემი იძახის, სამუზეუმო ექსპონატებისთვის არ გამიზრდია ჩემი მშვენიერი სევიმიო.

— ჰოდა, მაგ გათახსირებულმაც ახალი ავეჯი იყიდოს, — მარცხენა ფეხი ხუთამაშდა „კედელას“.

— უკვე იყიდა, ჩემო კარგო.

— თქვენ ვადარევთ ადამიანს და ეგ არის, სახლიც დაიჭირავა, ავეჯიც იყიდა, კიდევ რაღა გინდათ?

— დედაჩემი იძახის, ჩემმა სიძემ კარგად უნდა იცოდეს, თუ რა გოგოს ვაძლევო.

— ნაღდია, დედაშენმა იცის თავისი საქმისა, საქონელს რაც მერტ

ფასს დაადებ, მით უკეთესი გეჩვენება... ერთი ეს მითხარი, მაგ ტრამა რომ ქორწინების მერე ხელი შეგვიშალოს?

— ეფენდი, მაპატიეთ, რომ თქვენს საუბარში ჩავერევი, თითონა საითმა, — მაგრამ უნდა ვითხრათ, რომ ჩვენი სახლის კარი მუდამ ღია იქნება თქვენთვის, ყოველდღე...

სევიმს დავიწყნოდა კიდევ საითის არსებობა და ახლა მისმა სიტყვებმა სასტიკად გააბრაზა:

— შენ აქა ხარ?! ყველაფერი გესმოდა?

— მე არც წავსულვარ, ხანუმ ეფენდი!

— მაშ, ყურს გვიგდებდი? მერე და, არა გრცხვენია?

— გთხოვთ, მაპატიოთ, მე არ ვიცოდი, რომ ეგ თქვენი ჩურჩული საიდუმლო იყო, — ალულლულდა საითი, — თორემ გადავჯდებოდი, გთხოვთ მომიტევოთ.

მობოდიშებამ ცეცხლზე ნავთი დაასხა და სევიმმა იფეთქა:

— არ მინდა, არ მინდა, ვერ გავხდები ამისი ცოლი, — თითიდან ნიშნობის ბეჭედი წაიძრო და საითს სახეში ესროლა. აჰა, წაიღე და თავიდან მომწყდი.

ბეჭედი საითს სათვალეზე მოხვდა, დავარდა და იატაკზე გაგორდა. ასეთი რამ პირველად არ მომხდარა. სვამა სევიმმა ადრეც მიახალა ცხვირპირში ბეჭედი საითს, თავიდან მომწყდიო. ორჯერ შეარიგეს ისინი. ჯერ სასილედრო-სასიამამრომ და შემდეგ ბერინ ხანუმმა. ყოველი შერიგების შემდეგ, საითი ძვირფასი საჩუქრით ხელდამშვენებული ეახლებოდა საცოლეს.

— მე ხომ... სევიმ ხანუმ... მე ხომ... აჰმედ ბეი, გთხოვთ, თქვენ მაინც... მე ხომ ისეთი არაფერი მითქვამს.

— არ მინდა, არ გავყვები... მომწყდეს თავიდან... აღარ დაინახოს ჩემმა თვალებმა, — გაჰკიოდა სევიმი.

ერთადერთი ქალიშვილის ყვირილი რომ მოესმა, მეჭკურე ხანუმმა მოირბინა.

— რა მოხდა?

— არ მინდა ასეთი ქმარი, მე მაგას ცოლად არ გავყვები...

— მე ხომ არ მინდოდა თქვენთვის ყური მეგდო, ყველაფერი შემთხვევით მოხდა. — შეჭკურე ხანუმმა საითს ხელმკლავი გაუკეთა და ოთახიდან გაიყვანა, თან დაყვავებით ეუბნებოდა:

— ხომ ხედავთ, სევიმი ძალიან ნერვული გოგოა, ასე რამ გააბრაზა არ ვიცი, მაგრამ ცოტა ხნით მარტო დასტოვეთ.



— კარგით, ხანუმ ეფენდი, წავალ! — მორჩილად უპასუხა საითმა.

— ფეხი არსად ვადგა, არამზადავ, შენ სევდიმე შეარცხვინე, — ახლა აჰმედ „კედელა“ ჩაერია საუბარში.

საითს ცივმა ოფლმა დაასხა.

— ასეთი რა ვქენი, ეფენდი?

— განა არ გეუბნებოდით? განა არ გაფრთხილებდით, რომ ჩემს საქმეებში ნუ ერევი-მეთქი, — ისევ აყვირდა სევდიმე, — მიყურადებასა და მაგ ენატანიობას თავი გაანებე-მეთქი?

საითს არასოდეს გაუკეთებია ასეთი რამ, რადგან არ უყვარდა, მაგრამ ახლა ყვირილით დაშინებულმა, თითქოს დანაშაულში გამოტყდაო, წამოიღულღულა:

— კი, შეუბნებოდით, სევდიმე ხანუმ.

— რამდენჯერ მოგიგდე უკან ეგ შენი ქეციანი ბეჭედი?!

— ორჯერ, სევდიმე ხანუმ.

— უკანასკნელად რა გითხარი?

— რა მითხარიო? — კითხვას კითხვით უპასუხა საითმა.

— აჰა, უყურეთ, ერთი ამას დამიხედეთ, რაებს მიბედავს, აქეთ მე-კითხება. ესე იგი, შენ არ იმახსოვრებ რასაც მე გეუბნები?

— როგორ არა, როგორ არ ვიმახსოვრებ!..

ამ წივილ-კივილისა და შეურაცხყოფელი სიტყვების მოსმენას ის ერჩია, მიწა გასკდომოდა და შიგ ჩაეტანა, სადმე გადაკარგულიყო, მაგრამ სევდიმის წინ გაჭიმული იდგა, მისთვის ჩვეული ზრდილობისთვის ვერ ელაღატნა და ხან მეჭკურე ხანუმს გადახედავდა იმედის თვალით, ხანაც აჰმედ „კედელას“.

— ნება მომეცით, ყველაფერი ავიხსნათ, — ლულღულღებდა საითი და თან ღრმად პატივცემულ სასიდედროს შესცქეროდა, — რამდენად ვიცი, მე ამ ოჯახში შინაურივით უნდა ვგრძნობდე თავს. ამიტომაც საუბრებით ბუნებრივად მივიჩნიე სევდიმე ხანუმისა და აჰმედ ბეის საუბარი ჩემი თანდასწრებით. ასე არ არის, ხანუმ ეფენდი? მე არ ვიცი, რომ მათ შეიძლებოდა რაიმე საიდუმლო ჰქონოდათ ერთიმეორესთან. ეს რომ მცოდნოდა, რასაკვირველია, მივატოვებდი ადგილს, სადაც რამდენიმე წუთის წინ ვესაუბრებოდი სევდიმე ხანუმს.

ამ სიტყვებზე თვით აჰმედმაც კი უხერხულად იგრძნო თავი.

— საკმარისია!.. — უყვირა მან სევდიმს. — შენ ცოტა... შენ ძალიან.

სევდიმმა უმალ ხმა გაიკმიდა.

— მაღლობელი ვარ, ეფენდი, მე სულაც არ მეწადა, რომ..

— ამას ასე უნდა ელაპარაკო, — უჩუროჩულა აჰმედს საპატარძლომ, — რაც უფრო მეტს უყვირებ, მეტი შიში და მორიდება ექნება.

— საით, შენც არა ხარ მართალი, — შემრიგებლური ტონით დაიწყო აჰმედმა, — ხომ ხედავ, როგორი ნერვული გახდა, არ ვიცი, რა მიყურადება, შენ ხომ კეთილშობილთა წრიდან ხარ? მერე ასეთი რამ გეკადრება? — საითს მხრებზე ხელი მოხვია და გვერდზე გაიხმო, — შენ, ძმაო, ხომ არ შეიშალე, ფეხშიძე ქალთან ასე ლაპარაკი ექნება? მიდი და პატიება სთხოვე, ჩვენი საუბარი ხომ გახსოვს. აკი დამპირდი, ამ მდგომარეობაში მყოფ ქალს არ მივატოვებო?

საითი გაწითლდა.

— კარგით, კარგით, ახლა შერიგდით, — სასიძოსა და საპატარძლოს შერიგებაზე ზრუნავდა უახლოესი ნათესავი, — სევიმ, ხომ ხედავ, როგორ რცხვენია, სინანული სტანჯავს საითს.

საითი მზად იყო, აჰმედს დაყაბულებოდა, მაგრამ სევიმი არ ცხრებოდა:

— არ მინდა, მომწყდეს თავიდან, არ დაინახოს ჩემმა თვალებმა! შეშინებულმა სასიძომ, კარგით, გაგეცლებითო და კარს მიაშურა, კარიც ნელ-ნელა გამოიღო და თითქოს საითი ქარმა გაიტაცა გარეთო, კარი საშინელი ხმაურით მიიხურა, დარტყმა იმდენად ძლიერი იყო, რომ ლამის ფანჯრების შუშა არ ჩაილეწა.

საითი გონწართმეული მიაჩერდა კარს. „უნდა შევბრუნდე და ვაგებინო, რომ კარი მე არ გამოიხახუნებია, ყველაფერი წყეული ორპირი ქარის ბრალია“, — გაიფიქრა საითმა, მაგრამ იმის არაქათიც არა ჰქონდა, რომ ზარის ღილაკისათვის თითი დაეჭირა. გაოგნებული მოტრიალდა და ნელ-ნელა კიბეს ჩაუყვა.

ისიც არ ახსოვს, როგორ მიაღწია სახლამდე, როგორ გაიხადა ტანსაცმელი, დაწვა და... იწვა და ტიროდა. შეურაცხყოფით მიყენებული ტკივილი თითქოს ყელში აწვებოდა. მისთვის სრულიად უცნობი შურისძიების გრძნობა იბუღებდა გულში. მაგრამ რა შეუძლია, რისი ძალა შესწევს? არაფრის... და მაშინ ერთ საოცარ, თითქმის ფანტასტიკურ ოცნებას ისე ჩაეჭიდა, როგორც წყალწაღებული მაშველ რგოლს. „ოჰ, ერთი ცნობილი ფეხბურთელი გავხდე და მაშინ კი ვაჩვენებდი მაგათ...“

საითმა უკვე ფეხბურთის მოედანზე წარმოიდგინა თავი, აი, ბურთი მიიღო, მოატყუა ერთი მოწინააღმდეგე, მოატყუა მეორე, მესამე და უძ-

ლიერესი ღარტყმით ბურთი ბადეში გაახვია. მთელი გუნდი ხაითს მიჯარა-  
და, ეხვევიან, კოცნიან, ტრიბუნებზე კი ერთი ამბავია. სა-ით!!! სა-ით!!!  
სა-ით!!! ყვირის ამდენი ხალხი. ოცნებაში ისე ჩაეფლოვან, ~~რომ~~ ~~მტეფს~~!!  
ფონის ხარი ძლივს გაიგონა. ღუნდარ ღუნდარა ბეი რეკავდა ~~საქონის~~ ~~ქა~~ ~~ქა~~ ~~ქა~~  
სად შევხვდეთო, უნდოდა გაეგო.

— დიახ, დიახ. გელოდებით, ეფენდი, გთხოვთ პატივი დამდოთ...  
როცა გენებოთ, მე სულ სახლში ვარ...

საითი კვლავ თავის ოთახში შებრუნდა და რომ დამშვიდებულიყო,  
თავის მათემატიკურ ამოცანას ჩაუჭდა.

რა ხდებოდა ამ დროს სევიმის სახლში?

სასიძოს უკან კარი ასეთი ძალით რომ მიიხურა, სასიდედროსა და  
საპატარძლოს აღშფოთებას საზღვარი არა მქონდა.

აჰმედმა სიგარეტი გააბოლა, ბრაზით გადახვდა სევიმს და იქედნუ-  
რად ჰკითხა.

— ახლა ხომ კმაყოფილი ხარ?

აჰმედის სიტყვებმა ცეცხლზე ნავთი დაასხეს.

— ისეთი რა გავაკეთე? — თითქოს შეუღრინაო, ისე ჩაილაპარაკა  
სევიმმა და გაიფიქრა: როცა დედაჩემი მამაჩემს ეტყვის უბედურო,  
გამეცალე, მე შენთან ცხოვრება აღარ შემიძლიაო, მამაჩემი ისეთი  
თვინიერი ხდება, როგორც ფინია, დედაჩემს სულ იმას ემუდარება,  
მაპატიე, ნუ გამწირავო. — არა უშავს, მობრუნდება, — დაჯერებულად  
ჩაილაპარაკა სევიმმა.

— დღეს მეტისმეტი მოგივიდა, შეილო, ასე არ შეიძლება, — თქვა  
მეჭკურე ხანუმმა და გასასვლელისაკენ გაემართა, თან თავისთვის  
ღუღუნებდა: „რა ახალგაზრდობა მოვიდა, ისიც არ იციან, როდის  
ყვირილია საჭირო და როდის — დაყვავება“.

— ახლა მთელი კვირა ამაზე ილაპარაკებ, — გაეპასუხა დედას სე-  
ვიმი.

მართალია, აჰმედი გაბრაზებული იყო საითზე, მაგრამ თანაუგრძ-  
ნობდა კიდევ.

— იცი რას გეტყვი? ასეც არ შეიძლება, — მკაცრად უთხრა სევიმს.

— რა ვიცოდი, თუ ეს ვაღარეული კარს მოაჯახუნებდა? დარდი ნუ  
გაქვს, არსად დაიკარგება, მობრუნდება, მაგისნაირებს ჰქუა უნდა ას-  
წავლო, პირველად გავაგდე სახლიდან თუ? მოვა და მუდარას დამი-  
წყებს. საითი-და მამაჩემი ერთი ცომისაგან არიან მოზეილინი — ორი-  
ვე კაი ლაყე და დოყლაპიაა.

— სხვანაირი ბიჭი უნდა შეგხვედროდა და ის გაჩვენებდა, როგორ უნდა ყვირილი. ამოსუნთქვის საშუალებას არ მოგცემდა, რას დააკვირ თავს, ხომ ხედავ ეგ ბიჭი ცომივითაა, როგორც მოგეჩვენებდა ასე მოზელ. მაგაზე უკეთეს ქმარს ქალი ვერ ინატრებს. ვერც არე ჩენდა...  
რასაკვირველია, სევდის ესმოდა, რომ აჰმედი სავსებით მართალია, მაგრამ მთელი შენი სიცოცხლე ამგვარ ლაყე კაცთან ცხოვრება არ ვინდა? ეს საშინელება იყო, მიუხედავად ამისა, სევდის არ უნდოდა...  
საითის განშორება...

### საით სარიოლლუსა და ფსიქიატრ რეჟიის შეხვედრა

წუხელ შვენიერი რამ ესიზმრა საითს. თითქოს საყოველთაოდ აღიარებული ფეხბურთელი გახდა. დილით წამოდგა და სტამბულის ქუჩებში იწყო ხეტიალი, თავისი განუყრელი ოცნება თან სდევდა, თვალწინ ედგა: ჩვენი ქვეყნის ახალ ვარსკვლავს საით სარიოლლუს ზედიზედ გაჰქონდა ბურთები მოწინააღმდეგის კარში, თამაშის შემდეგ ეალერსებოდა სევდი, თამაშობდა თურქეთის ნაკრებში და რაოდენ რთულ მატჩებში, მსოფლიოში ცნობილ გუნდებთან შეხვედრისას, სწორედ გადამწყვეტ მომენტში შეელოდა თავის გუნდს. აჰმედ „კედელა“, მიბერ ოსმანა და ატილა იეონუ ახლა აღარაფრად მიაჩნდათ, ყველას საით სარიოლლუ აკვრია პირზე, საითი უკვე ეროვნული ნაკრების კაპიტანი გახდა, ევროპის გუნდებშიც კი იწვევენ სათამაშოდ, მსოფლიოს გაზეთები ვერ აუღიან საითის ფოტოების ბეჭდვას.

საითისათვის აღარაფერი არსებობდა, მთლიანად თავის ოცნებებში შთაენთქა და ვერც ამჩნევდა, რომ საკუთარ თავს ებაასებოდა, იქნებდა ხელებს, ცხარედ ეკამათებოდა ვილაცას, უნილაგ ბურთს ურტყამდა ფეხს და მკერდწამოწეული სიხარულით იცინოდა. გამვლელნი, ვილაც გიჟიყო და თავს შორს იჭერდნენ, ბავშვები ალაზლანდარავენდნენ, ხანშიშესულნი თანაგრძნობით აყოლებდნენ მზერას, საითისათვის კი არაფერი არსებობდა ქვეყნად და ლალად დააბიჯებდა ქუჩებსა თუ მოსახვევებში, ბაღებსა თუ დაცარიელებულ პარკებში, ბოლოს ფართო, ხალხმრავალ პროსპექტზე აღმოჩნდა.

სამუშაო დამთავრებულიყო და პროსპექტზე მანქანებისა და ხალხის ტევა არ იყო.

გადასასვლელთან ცისფერი მანქანა გაჩერდა, საჭესთან მჯდომი ახალგაზრდა კაცმა საითი რომ დაინახა, ცოლს მიუბრუნდა და უთხრა:

— ერთი იმ მაღალ-მაღალს შეხედე, ეგ ბიჭი და მე ერთად ვსწავლობდით ლიცეუმში.

— რომელი?

— აი, თეთრი ბიჭი რომ დგას, ხელებს ისე იქნევს, თითქოს თავის თავს ელაპარაკებო, ხომ არ შეიშალა? საით! საით ბეი! — ფანჯარაში თავი გადმოჰყო და დაიძახა მან. მაგრამ საითს არაფერი ესმოდა, ზარბაზნის ბათქიცი კი ვერ გამოაფხიზლებდა, რადგან სწორედ ამ მომენტში ფეხბურთის ვარსკვლავმა საითმა ოსტატურად მოატყუა დამცველი, გვერდი აუარა მეკარეს და ბურთი ლამაზად შეაგორა კარში. ტრიბუნებზე ერთი ღრიანცელი ატყდა, მერე სევიმის მხურვალე კოცნამ ლამის ტუჩები დასწვა.

ცისფერი მანქანის მფლობელს რეფიქი ერქვა. რეფიქი ექიმი-ფსიქიატრი იყო, იგი ახლახან დაბრუნდა ამერიკიდან, სადაც წარმატებით გაიარა კვალიფიკაციის ასამაღლებელი კურსები. პატარაობისას საითთან მეგობრობდა, ორივენი ერთ ლიცეუმში სწავლობდნენ.

საითი რომ ამ დღეში ჩავარდნილი ნახა, რეფიქს გული ეტკინა, მან ცოლს უამბო სარიოლლუთა ოჯახის თაობაზე, უამბო, როგორ ასწავლიდა საითს, რადგან მას მათემატიკის გარდა ყველა საგანში ორიანი ჰყავდა, რეფიქმა ცოლს უამბო ბერინ დეიდას თაობაზე, რომელიც ისე უვლიდა საითს, როგორც ღვიძლ შვილს. რეფიქის მშობლები ხელმოკლედ ცხოვრობდნენ და სარიოლლუთა ოჯახი სანუქრებს არ აკლებდა რეფიქს, რომელიც საითს ამზადებდა, სარიოლლუებმა რეფიქს უნივერსიტეტში შესვლის დროსაც არ მოაკლეს მზრუნველობა. საითი და რეფიქი კარგა ხანს მეგობრობდნენ, რეფიქის სამხედრო სამსახურში გაწვევამ და მერე ამერიკაში გამგზავრებამ დააშორა ისინი ერთმანეთს.

აგერ უკვე რამდენი ხანია ამერიკიდან დაბრუნდა და ერთხელაც არ მოუხანულებია სარიოლლუთა საპატიო ოჯახი. ამიტომ დამნაშავედ გრძნობდა თავს და სახლში მობრუნდა თუ არა, იმწამსვე ტელეფონს მიაშურა და საითს დაურეკა.

ყურმილი მადამ ანჟელამ აიღო. რეფიქმა კი უთხრა, ესა და ეს ვარო, მაგრამ მოხუცმა მადამ ანჟელამ ვერაფრით იცნო, ბოლოს, როგორც იქნა, გაიხსენა რეფიქი და სიხარულით დაუძახა ბერინ ხანუმს.

— გამარჯობათ, ბერინ ხანუმ ეფენდი. ძალიან მინდოდა თქვენი მონახულება, თუ ნებას დამრთავთ, ახლავე მოვიდოდი.

ბერინ ხანუმმა უთხრა, დიდად ნასიამოვნები ვიქნებო შენგანახვით და როცა გენებოს, მობრძანდით. რეფიქმაც არ დააყოვნა და ცოცხლად ერთად სარიოლლუთა ოჯახში გაეშურა. ბერინ ხანუმმა ძალიან გაიხარა თავისი ძვირფასი საითის მეგობრის რეფიქის ნახვით, კიდევ უფრო გაიხარა, როცა გაიგო, რეფიქმა სამედიცინო ინსტიტუტი დაამთავრა და ფსიქიატრი გახდა. დეიდა ბერინს ძალიან სწამდა რეფიქისა, იგი ხომ ერთგული მეგობარი და ქომავი იყო საითისა. რასაკვირველია, ახლაც ყველაფერში დავეხმარებო, თქვა რეფიქმა და ბერინ ხანუმმა დაწვრილებით უამბო, რა უბედურება ტრიალებდა მისი საყვარელი საითის თავს. უამბო, თუ როგორ შეუყვარდა და დაინიშნა ქალზე, რომელიც უკვე ფეხმძიმედაა, ისიც უთხრა, რომ ამ ბოლო დროს ისიც აღარ იცის, რას სჩადისო, ახლა აიჩემა, ცნობილი ფეხბურთელი უნდა გავხდეთ. მე კი კარგად მესმის — ამ ჩვენი სარძლოს ფეხმძიმობის სათავე ის არის, რომ იგი ფეხბურთელით, უფრო სწორად კი ფეხბურთელებით არის გატაცებულიო. საითს კი ის უნდა, რომ საპატარძლოს მოსწონდეს და ახლა ფეხბურთი აიჩემაო. ხომ იცით, სიყვარული რას არ ჩაგვადენინებსო...

— ახლა სად არის? — იკითხა რეფიქმა.

— დილაადრიან რომ გავიდა, არ გამოჩენილა, ისიც არ ვიცი, სად ვეძებოთ, აბა, ერთი დაელაპარაკე, შვილო, შენი მუდამ სჯეროდა, შენ ხომ ასეთი დიდი სწავლული გახდი...

რეფიქმა ყველაფერს ვილონებო თქვა და წასვლაც უნდოდა, მაგრამ ბერინ ხანუმმა შეეხვეწა, ჩვენთან ისადილეო.

— იქნება ამასობაში საითიც დაბრუნდეს, — დასძინა მან.

სუფრას მიუსხდნენ თუ არა, საითის ფეხის ხმაც მოესმათ. საითმა რომ რეფიქი დაინახა, გაოცდა და ძალიან გაიხარა.

ნასადილევს მამაკაცები ბიბლიოთეკაში შევიდნენ, საითს ერთი სული ჰქონდა, როდის გადაუხსნიდა გულს თავის ძველ მეგობარს. ეჭიმი ყურადღებით უსმენდა და უფრო და უფრო რწმუნდებოდა, რომ მისი მეგობარი სერიოზული ავადმყოფი იყო. ხოლო როცა საითმა დაიწყო იმის მტკიცება, რომ უსათუოდ ფეხბურთელი უნდა გავხდეთ, რეფიქმა თანხმობის ნიშნად თავი დაუქნია.

— ეს კარგი აზრია, შეიძლება ფეხბურთელი გახდე, მაგრამ თავდა-



პირველად უნდა ივარჯიშო, ხოლო შემდეგ, როცა მოლონიერდები, სპორტს მოჰკიდებ ხელს... მერე კი ფეხბურთში ივარჯიშებ...

— არ მატყუებ? — წამოიძახა სიხარულით ატაცებულმა სპორტსმენმა.

— როგორ უნდა მოგატყუო?.. მოდი, თუ გინდა, ხვალვე გამოიჩინე არა, ხვალ საითს საქმიანი შეხვედრა აქვს, ფრიალ მნიშვნელოვან საკითხზე უნდა ესაუბროს ღუნდარ ღუბარა ბეის და ეროლ იჭქირან ბეის. ზეგ კი უსიკვდილოდ მოვალო.

— მაშ, შენ ფსიქიატრი გახდი და შეგიძლია დამეხმარო კიდევ? საითმა მეგობარს შეჰფიცა, შენ ყოველ რჩევას შევასრულებო.

### როგორ გახდა ცნობილი ახმედ „კედელა“

მსაჯმა კუთხური დანიშნა. მარჯვენა გარემარბი საით სარიოლლუ გარინდებული ელოდება ბურთს, აი, ისიც — კართან ჩამოაწოდეს, მეკარემ ვერ მოზომა და ფეხბურთელთა ჯგუფიდან მოულოდნელად გამოვარდნილმა საითმა მარჯვენა კუთხეში თავით გაგზავნა ბურთი. არის! სევიმი ყელზე ჩამოეკიდა.

ბერინ დეიდამ შიშით გადახედა. საითი კი სკამზე შეხტა და თავს აქეთ-იქით იქნევდა. ღმერთო დიდებულო, რა მოსდის ჩვენს საითს, გაიფიქრა დეიდამ, მაგრამ ხმამალა არაფერი უთქვამს.

საუბმე გრძელდებოდა. საითი კი დროდადრო წამოხტებოდა და წალმა-უკულმა იქნევდა თავს, ფეხებსა და ხელებს.

ბერინ ხანუმი წამოდგა და სამზარეულოსაკენ გაემართა, მაგრამ ოთახიდან არ გასულა, კარებში ჩადგა და საკმაო ხანს აკვირდებოდა დისწულს. „ნუთუ შეირყა ჩემი საითი? მაღლობა ღმერთს, დღეს რეფიქს ეწვევა, ღმერთო, შენ შეიწყალე ჩემი საითი და იხსენი ამ განსაცდელისაგან“.

...საჯარიმო დარტყმა, მსაჯმა ბურთი გაასწორა, კარამდე ოცდანუთი მეტრია, მთელი სტადიონი სუნთქვაშეკრული შეჰყურებს საითს... აჰა, გამოეჭანა... საშინელი ძალით დარტყმულმა ბურთმა თითქოს გაანგრიო საითის წინ ჩამწყრივებულ ფეხბურთელთა კედელი და ბადეში გაეხვია, მეკარემ განძრევაც ვერ მოასწრო. კმაყოფილი სტადიონი გუგუნებს, ღრიალებს, სევიმი კი სიხარულისგან ტირის.

დეიდა ბერინი მაგიდასთან მობრუნდა, თავისისავე ადგილზე დაჯდა

და ჩაის დასხმა რომ დაიწყო, მაგიდა შეტოვდა, ჭიქები იატაკზე გა-  
ვორდა, ჭურჭელი ერთიმეორეს შეემსხვრა.

— არიის!!! — იყვირა საითმა და მაგილის ფეხს მოატყდა ფეხს...!!!

— რა მოგივიდა, შეილო, — ველარ მოითმინა დღემ...!!!

— ისეთი არაფერი, — გაცეხით შეხედა ლეიდას საითმა, — უბრა-  
ლოდ, ძელს მოვარტყი.

ნასაუზმევს საითი თავის ოთახში გავიდა, ბერინ ხანუმი კი ტელე-  
ფონს მივარდა და რეფიქს დაურეკა.

— სულ შეიშალა ჩვენი საითი, შეილო... ფეხებსა და ხელებს ჰა-  
ერში იქნევს, ახლახან ლამის ფეხი მოიტეხა, ისე მოარტყა მაგიდას,  
ასე სულაც დაკოჭლდება და ეგ არის... რა ვქნათ, რა წყალში ჩაე-  
ვარდით, იხსენი ჩვენი საითი, რამენაირად იხსენი, ჩვენ აღარც გვე-  
ლაპარაკება, სულ გაიძახის: „არიის!“ „არიის!“ რალაც უწმინდურმა  
პურია გონება.

რეფიქი შეეცადა დაემშვიდებინა ბერინ ხანუმი და ყველაფერს გა-  
ვაკეთებო, აღუთქვა.

სადილი თავის კაბინეტში მიართვეს საითს. მადამ ანჟელამ რომ  
კარზე დააკაკუნა, „არიის!“ „არიის!“ მოესმა, მადამ ანჟელამ იფიქრა,  
საითმა ამ სიტყვებით ოთახში შესვლის ნება დამართოო და კარი გაა-  
ლო, საშინელი სანახაობა გადაეშალა თვალწინ. საითი ხომ სიცხეების  
დროსაც არ იხდიდა თბილ საცვალს, ახლა კი ტრუსის ამარაღა იდგა  
შუა ოთახში და ბალიშებს აბურთავებდა. უკვე კარგად გაცვეთილი  
ორი ბალიში იატაკზე ეგდო, ჰაერში ბუმბული დაფარფატებდა. საითს  
ისეთი საცოდავი კაცის გამომეტყველება ჰქონდა, რომ მადამ ანჟელამ  
სადილი მაგიდაზე დადგა და უცებ გავიდა, თან კარი ფრთხილად გაი-  
ხურა. მერე ყველაფერი ბერინ ხანუმს ჩაუკაკლა.

— ოჰ, ხანუმ ეფენდი, თქვენ რომ იცოდეთ, რა დღეშია ჩვენი საი-  
თი, რას აკეთებს...

რასაკვირველია, მადამ ანჟელამ გადააჭარბა, მაგრამ ბერინ ხანუმს  
შაინც არაფერი ვაჰკვირვებია. მან მსახური ქალი სამზარეულოში გაგ-  
ზავნა. თვითონ კი საითისაკენ გაეშურა. უნდოდა. ისე ეთვალთვალა  
საითისათვის, რომ არავის დაენახა.

ბერინ ხანუმმა კარის ჭურჭლიდან დაინახა, რომ საითი ტახტზე  
იწვა და მძიმედ სუნთქავდა. თავი ბალიშებში ჩაერგო და ფეხებს ციე-  
ბიანივით ატოკებდა. დროდადრო ღრიალით აღმოხდებოდა: არიის!“  
„არიის!“

რა წყალში ჩავარდნილიყო, არ იცოდა. წასულიყო და ვინმესთვის გაეზიარებინა თავისი გულის ვარამი? სტამბულის არისტოკრატიის ტრადიციები არ აძლევდა იმის უფლებას, რომ საგვარეულოდ უსწრებამოვნებანი ხალხისთვის გაეგებინებინა და სალაპარაკოდ [გაეხადა] [თქვა] საითი ნასადილევს კაბინეტიდან გამოვიდა და ჩვეულებისამებრ იკითხა:

— დღევანდელი გაზეთები სად არის?

— მაღამ ანუელამ დღევანდელი ფოსტა მოურბენინა, შზრუნველმა დღირდამ კი, ისადილე თუ არაო, იკითხა.

— რასაკვირველია, ვისადილე, — მიუგო საითმა. მერე სასტუმრო ოთახში დაჯდა და როგორც ჩვენს ინტელიგენციას შეეფერება, გაზეთების კითხვა ბოლო გვერდიდან დაიწყო, რადგან სპორტის ამბები სწორედ ბოლო გვერდზეა მოთავსებული. ერთ ადგილას ეროლ იფქირან ბეის სახელს წააწყდა და ისე გაიხარა, თითქოს უცხო ქვეყანაში თანასოფელს გადაყროდეს. გაზეთში დაბეჭდილი იყო იფქირან ბეის სტატია: „შეუძლია თუ არა „თოზქოფარანს“ გახდეს ევროპის ჩემპიონი?“

სპორტულ კომენტატორს მიაჩნდა, რომ „თოზქოფარანს“ ძალუძს ევროპის ჩემპიონობა თუ... და აქ იმდენი პირობა იყო ჩამოთვლილი, რომ...

იფქირან ბეი წერდა:

ყოველი დღე გვაიმედებს, რომ „თოზქოფარანი“ ევროპის ჩემპიონი გახდება. ამ გუნდმა უკვე მწარე გაკვეთილი მიიღო, როცა ანგარიშით 0:4 წააგო ჩემპიონობის ერთ-ერთ მთავარ პრეტენდენტ გერმანიის გუნდთან. მიუხედავად იმისა, რომ „თოზქოფარანს“ კენჭისყრაზე არ გაუმართლდა, მერე მაინც შესძლებს, რომ ევროპის ტურნირში წარმატება მოიპოვოს. გუშინდელი მატჩი „ჰაჯიქადინთან“, გუნდთან, რომელმაც მოახერხა მესამე ლიგაში შესულიყო და აგრეთვე ემზადება ჩემპიონატისათვის, რასაკვირველია, სხვა გუნდებთან ერთად, როგორც ცნობილია, დამთავრდა ანგარიშით 0:0. სწორედ ეს საყაიმო ანგარიშია იმის უტყუარი დადასტურება, რომ „თოზქოფარანი“ ჩემპიონობის სერიოზული პრეტენდენტია. — ეროლ იფქირან ბეი განაგრძობდა: — თუ გერმანელები, რომლებმაც გაჭირვებით მოუგეს ჩვენებს ანგარიშით 4:0 წააგებენ უნგრელებთან, ხოლო ჩვენები კი ძალიან დიდი ანგარიშით მოუგებენ მონაკოელებს, მონაკოელები კი გააცამტვერებენ იტალიელებს, ხოლო იტალიელებს გაანადგურებენ ალბანელები, ინ-

გლისელები და ფრანგები კი ბერძნებთან წააგებენ, მაშინ „თოზქოფარანს“ საშუალება ექნება განმეორებით შეხედეს გერმანელებს. და თუ მეორე და შემდეგ ნეიტრალურ მოედანზე გამართულ მსჯელობაში მატჩში გერმანელები დავამარცხებთ, „თოზქოფარანი“ უსათუოდ გაგვტოვებს. მეოთხედფინალში და თუ იგი მეოთხედფინალში გასულ სხვა გუნდებსაც დაამარცხებს (მოგეხსენებათ — ბურთი მრგვალია და შეიძლება ყველაფერი მოხდეს), „თოზქოფარანი“ ნახევარფინალში მოხვდება. საკუთარ მოედანზე თამაშის უფლება რომ გავინაღდოთ, ამისათვის საჭიროა, დავამარცხოთ ახლანდელი ჩემპიონები — ინგლისელები. და აი, ამის შემდეგ იწყება მთავარი რამ — ალაპის შემწეობით, მაყურებელთა მხარდაჭერით, კომპისა და ხილის წყლების თადარიგიანი გამოყენებით (რასაკვირველია, გარკვეული როლი აქმედ „კედელამაც“ უნდა შეასრულოს), მატჩს მოვიგებთ და გავაღთ ფინალში. და თუ ჩვენი ფეხბურთელები ფინალური შეხვედრისათვის კარგ მორალურ-ფიზიკურ ფორმაში იქნებიან, თუ მატჩის წინაღამეს რაიმე გაუთვალისწინებელი არ მოხდა, თუ მოწინააღმდეგემ ცუდად ითამაშა, ხოლო ჩვენ კი ჩინებულად, თუ მზემ თვალები ჩვენ არ მოგვჭრა და ქარმაც მოწინააღმდეგის კარისაკენ დაუბერა, თუ ჩვენმა მეკარემ ბურთები აიღო, ხოლო მოწინააღმდეგისამ კი პირიქით — გაუშვა, თუ ჩვენი ფორვარდები ბურთს ფეხს არ ააცილებენ, მერე მას ცხრა მთას იქით არ გადაადგებენ და კარგად დაარტყამენ, მაშინ დაბეჯითებით შეგვიძლია ვთქვათ, რომ „თოზქოფარანი“ უსათუოდ გახდება ჩემპიონი“...

— რა სტატიაა! — კითხულობდა საითი იფქირან ბეის ნაწერს და აღაფრთოვანებდა ავტორის ერუდიცია. ან როგორ ძალუძს ასე ზუსტად და მრავალმხრივ ამოიცნოს და შეაფასოს მოვლენები და მათგან გამომდინარე შედეგები. მაგრამ ამავე დროს მკითხველს ისეთი შთაბეჭდილება რჩებოდა, თითქოს ავტორმა რაღაც დაუმალა მას, ბოლომდე ვერ გაუმხილა. ცოტა არ იყოს და, იფქირან ბეი აბდაუბდას წერდა. ამიტომ მის სტატიას ყველა ისე გაიგებდა, როგორც ეწადა. საითმა ზუთჯერ წაიკითხა, მაგრამ ვერაფრით გაიგო, რისი თქმა სურდა ავტორს. საითი სპორტის საკითხებში აბსოლუტურად უვიცი იყო, მაგრამ ამ სტატიის მეოხებით მის თვალში იფქირან ბეის ავტორიტეტი ერთიორად გაიზარდა, რადგან ვერაფერი გაიგო და იგი ყველაზე ურთულეს მათემატიკურ ამოცანად მიიჩნია. „თოზქოფარანის“ ჩემპიონობას იმ-

დენი „თუ“ ელობებოდა წინ, რომ ევროპის ფინალში გასვლა სპორტ-ლოტოს ექვსი ციფრის ამოცნობაზე უფრო ძნელი იყო.

სარიოდლუთა კარზე ვილაც ახალგაზრდა კაცმა დარეკა.

— საით ბეი სახლშია? მე ეროლ იფქირანი ვარ, დღეებუღი [ფიქს]

რომ ერთმანეთს შევხვდებით...  
მადამ ანჟელამ სტუმარი შინ შეიპატიჟა და საითისაკენ გაემართა. საითმა ძვირფასი სტუმარი გულწრფელი და ღრმა პატივისცემით მიიღო.

— დღეს თქვენი სტატია წავიკითხე, — თქვა საითმა, — და ბევრი რამ საინტერესო შევიტყვე. გამაოგნა თქვენი აზროვნების უნარმა.

— იცი, რა გითხრა, ძმაკაც, მე უბრალოდ ვიშაყიერე, ეგ სტატიაც მეტი არაფერია. მინდოდა გამეზიარებინა „თოზქოფარანი“, რადგან მათ ჰგონიათ, რომ მსოფლიოს მასშტაბის ფეხბურთელნი არიან.

— „აი, თურმე რა ხდება, მე კი სუფთა წყლის შეფასებად მივიღე ყველაფერი“, გაიფიქრა საითმა, მაგრამ არ უნდოდა თავის სიყვეყჩეში გამომტყდარიყო და თქვა:

— ნაღდია, მართლა ძალიან კი გააბითურე, ისეთი სიამოვნება მივიღე, რომ... კარგა ხანია ამდენი არ მიცინია.

— როგორ შეიძლება „თოზქოფარანს“ რაიმე პრეტენზიები გააჩნდეს მსოფლიოს ფეხბურთში. აი, ნახავ, ევროპის ჩემპიონატზე პირველსავე თამაშს წააგებს, თანაც საკუთარ მოედანზე. ეს იმიტომ, ძმაკაც, რომ, — და იფქირან ბეიმ დაწვრილებით დაუხასიათა მთელი გუნდი. შემდეგ უცებ მოაგონდა და წამოიძახა: — სულ დამავიწყდა, მე ხომ დუნდარ ბეისტან ერთად უნდა მოვსულიყავი აქ, მაგრამ დამირეკა, ცოტა შემაგვიანდებო.

სინამდვილეში კი აი, რა მოხდა: დუნდარ დუბარა ბეიმ დილაადრიან დარეკა ფერფერიკებთან და სევიმს უთხრა, დღეს საითს უნდა შევხვდეთ. დუნდარ დუბარას მოსვენებას არ აძლევდა საით-სარიოდლუს „თოზქოფარანის“ საპატიო წევრად გახდომის აზრი. ამიტომაც სევიმს შესთავაზა, შენს საქმროსთან მიმყვეო.

— რა კარგია, რომ დარეკეთ, დუნდარ ბეი, — უბასუხა სევიმმა, — ვერც კი წარმოიდგენო, ისე მჭირდებით. აი, აჰმედიც ჩემთან არის, თქვენ გარდა, ქვეყნად ვერავინ გამიკეთებს ამ საქმეს. გთხოვთ, ვიდრე საითთან წახვიდოდეთ, ჩემთან შემოიარეთ, მნიშვნელოვანი რამ უნდა გითხრათ...

სწორედ ამის გამო შეაგვიანდა „თოჭოფარანის“ გენერალურ თავმჯდომარეს.

ვიდრე ღუნდარ ბეი ფერფერიკების სახლში დარეკავენ, აპმედს ეხვეწებოდა, საქმროსთან შემარიგეო. ცხადია, იმ სახლშიც კისმეტი მომივიდა, მაგრამ რაც მოხდა, მოხდაო, იმ დღის მერე საითი აღარ ჩანს, არც მოღის და არც რეკავს, მხოლოდ აპმედს თუ შეუძლია მათი შერიგება, ოღონდ ერთი რამეც არ დაივიწყოს აპმედმა — საითს საკმაოდ ცხადად უნდა აგრძნობინოს, რომ ყველაფერი მისი ბრალია და არა სევიმისა. სევიმი კი, თუ საითი მოვა და მოინანიებს, ამ შეცოდებას მიუტევებს, ქორწილს რომ გადაიხდიან, სევიმი აინუნშიც არ ჩააგდებს საითის განაწყენებას, მაგრამ ჭერჭერობით... ბოლოს და ბოლოს, ხომ უნდა შესდგეს ქორწინება?

აპმედი კი სევიმზე ბრაზობდა და არც მალავდა, რომ საითი ებრალებოდა. ამიტომაც, სულაც არ უნდოდა სევიმის შუამავალი ყოფილიყო. ამ დროს იღბლად ღუნდარ ბეიც გამოჩნდა. სევიმისა და საითის ამბავი რომ გაიგო, შეშინდა, ვაითუ, ეს ქორწინება ჩაიშალოს, ხოლო ამ ქორწინების გარეშე საითის ფულებს ჩვენს კლუბს ვინ მიაშავებსო. ღუნდარ ბეიმ იფიქრა, იფიქრა და თქვა:

— დარდი ნუ გაქვთ, ყველაფერს ისე მოვაწყობ, თვითონვე გაგიკვირდებათ, ოღონდ ხვალ ჰასიფ ბეიმ სადილი ან ვახშამი გამართოს. არავინ დაპატიჟეთ. მხოლოდ შინაურები ვიქნებით — შენი მშობლები, შენ, აპმედი, იფქირანსაც დაეუძახოთ, სხვათა შორის, იფქირანი ახლა საითთანაა. სასიძოს კი მე მოვიყვან რამენაირად. სუფრასთან ყველაფერი მოგვარდება.

ვიდრე ღუნდარ ბეი აქ გეგმებს აწყობდა, იფქირან ბეი საითს უამბობდა, თუ როგორ განდა სპორტული მიმომხილველი.

— ძმაკაც, იცი ვინ არის სპორტული კომენტატორი? სპორტული კომენტატორი ან ის კაცია, ვინც სპორტში ვერ იხეირა, ან კიდევ ის, რომელსაც სპორტისა არაფერი გაეგება. საერთოდ, თუ მიგიქცევია ყურადღება, რა საგნებსა, და მოვლენებზე ლაპარაკობენ ადამიანები აზარტითა და გატაცებით? სწორედ იმაზე, რაც მათ არასოდეს არ გაუკეთებიათ და რისი გაკეთებაც ვერ მოუხერხებიათ. აბა, ერთხელ მიუგდე ყური, როგორ ყვებიან მოხუცები ამა და ამ ქალთან ასე და ასე მქონდა საქმე დაყენებული, იმასთან კი ასეო... რატომ ლაპარაკობენ ასეთი ეშხით? იმიტომ, რომ აღარაფრის თავი აღარა აქვთ.

საითმა უცებ გაიფიქრა: მაშ, ყველაზე უკეთესი სპორტული მიმომ-



ხილველი მე დავდგები, რადგან ამ საქმისა არაფერი გამეგებაო. ეს აზრი უცებ მოეწონა კიდეც, მაგრამ უმალ გადაიფიქრა. არა, იგი ფეხბურთელი უნდა გახდეს!

ერაკლიანული

— განსვენებულ მამაჩემს ძალიან უყვარდა წიგნების კითხვა. განაგრძობდა ეროლ ბეი. — იმ საბრალოს ერთი ცოლი ჰყავდა და მწარედ განიცდიდა ამას. გულმოდგინედ კითხულობდა ყურანს, ამიტომ თავისი ხუთი თითივით იცოდა ჩვენი წინასწარმეტყველის მუჰამედის ცხოვრება, იცოდა რამდენი ცოლი ჰყავდა მას. ხშირად იტყოდა ხოლმე: ამბობენ, თითქოს ისლამისათვის უცხოა წმინდა საოცრებანი, მაშინ როცა ქრისტიანობა სავსეა ამგვარი ფაქტებითო. ნეტავ, რომელმა ყეყეჩმა წამოროშა ასეთი რამ! ქრისტიანები ერთ ცოლს ძლივს ერევიან, ჩვენი მუჰამედი კი ოთხს ისე უსწორდებოდა, რომ კარგად მეყოლეო. მოკლედ, ამას ჩვენს საქმესთან არავითარი კავშირი არა აქვს. მამაჩემი მუდამ მიბრაზდებოდა, რატომ წიგნს არ აიღებ ხელში და არ კითხულობ, უწიგნური და ვირი ხარ, შენგან კაცი არასოდეს დადგებო. ლიცეუმში ვერ დავამთავრე, რადგან მასწავლებლები ძალიან უსამართლოდ მექცეოდნენ. ამიტომ დამოუკიდებელი ცხოვრება აღრე დავიწყე. რა საქმისთვისაც არ უნდა მომეკიდნა ხელი, არაფერი გამომდიოდა. ყველა დიდი ამერიკელი მწერალი, რომელსაც ჩვენ ვიცნობთ, ჩემსავით იყო — ათას საქმეს წამოიწყებდა და რა? ხელმოცარული რჩებოდა, ბოლოს კალამს ჰკიდებდა ხელს. მეც, მიუხედავად იმისა, რომ საძაგელი ხელი მაქვს, ჩემს ნაჯღაბს კაცი ვერ ვაარჩევს და არც მშობლიური ენა ვიცი ხეირიანად, წერას მივყავი ხელი. ვერც აქ ვიხეირე, სამაგიეროდ, სპორტული კომენტატორი კი ვაგზდი. ერთ გაუბედურებულ გაზეთში დავიწყე თანამშრომლობა, ის გაზეთი სულს დაფავდა და აგერ-აგერ შეწყვეტდა კიდეც არსებობას. იმ წელიწადს ოლიმპიური თამაშები ტარდებოდა. ყოველმა გაზეთმა რამდენიმე საკუთარი კორესპონდენტი გაგზავნა ოლიმპიადაზე, ჩვენს რედაქციას კი იმის თავიც არ ჰქონდა, რომ ერთი კორესპონდენტი გაეგზავნა. მაშინ მე ეშმაკობა ვიხმარე. გაზეთის არქივში მოვნახე ფოტო, რომელზეც გამოსახული იყო ქალი და კაცი. ისინი თვითმფრინავის ტრაპზე იდგნენ და გამცილებლებს ხელს უქნევდნენ. სურათზე მამაკაცის ნაცვლად ჩემი ფოტო ჩავსვი და მეორე დღეს ჩვენს გაზეთში დავაბეჭდინე. სურათს ასეთი წარწერა ჰქონდა: „მიუხედავად ფინანსური სიძნელეებისა, ჩვენი გაზეთი მაინც გზავნის საკუთარ კორესპონდენტს ოლიმპიადაზე. ეროლ იფქირანი იეშილქოის აეროპორტში“.

საუბედუროდ, ერთი შეცდომა მომივიდა — სურათზე შორეულ პლანში, მაგრამ მაინც, ცხადად ჩანდა ამერიკული ცათამბჯენი. გეოგრაფიაში მარტო მე არა ვარ ბითური და ამ შეცდომას ვერაფერი მიხვდებოდა, ამერიკის პრეს-ცენტრიდან რომ არ დაგვრეკათ და არ ეკითხათ, თუ მერილინ მონრო სტამბულში ნიუ-იორკიდან იმიტომ ჩამოვიდა, რომ ეროლ იფქირანი აერობორტში გაეცილებინა, რატომ არაფერი ვაკვავებინეთო? აზრზე ხარ? თურმე ვის გვერდით ჩამისვამს ჩემი ფოტო. თავად მერილინ მონროს გვერდით! ამერიკელების აურზაურს ძლივს დავალწიეთ თავი. ოლიმპიადის მასალებს სხვა გაზეთებიდან ვადმოვიწერდი და ისე ვბეჭდავდი, თითქოს ოლიმპიადაზე ვიყავი და იქიდან ვგზავნიდი. ჩვენს გაზეთს არაფერმა უშველა, მალე დაიხურა, მაგრამ მე მაინც მოვასწარი რაღაც პოპულარობის მოპოვება და სხვა გაზეთში მიმიღეს. ეს უკეთესი გაზეთი იყო.

თავისი აღსარება რომ დაამთავრა, ეროლ იფქირან ბემ ფრიად ობიექტური დახასიათება მისცა ღუნდარ ღუბარა ბეის.

— ახლა კი ღუნდარ ბეიზე გეტყვი ორიოდ სიტყვას: მაგნიტ გენიალურ ხელმძღვანელს, სანთლით რომ ეძებო, ვერსად იპოვი. ეს ხომ ნაღდი პოლიტიკოსია. ეჰ, ჩვენს ქვეყანაში რომ ფეხბურთზე არ გიჟდებოდეს ხალხი, ეგ უკეთეს საქმეს მოჰკიდებდა ხელს. ღუნდარ ბეი რომ ინგლისში, ბრაზილიაში, ან ესპანეთში ცხოვრობდეს, სერის წოდებას დაირტყამდა. გაუგებარია, რატომ ჩააცივდა ასე ამ „თოზქოფარანს“. თავისი კლუბის ნამდვილი ფანტიკოსია. მაგრამ... ფულზეც გიჟდება, კარგად ქაფავს... რაც მოეპრიანება, იმას გააკეთებს. „თოზქოფარანმა“ კიდევ რომ წაავოს, ეგ საქმეს ისე დაატრიალებს, გუნდი სათავეში მოექცევა. ღუბარა ბეის არაფრად უღირს თამაშის შედეგის გაუქმება — ან მსაჯს დააბრალებს ყველაფერს, ან იმაზე ატეხს ერთ ალიაქოსს, ბურთი აფსაიტიდან შეაგდესო. ეგ რომ არ მოიფიქრებს, ისეთი არაფერია! ხშირად უყვარს იმის გახსენება, თუ როგორ თამაშობდა ახალგაზრდობაში „თოზქოფარანის“ ცენტრალურ მცველად. მისი სახელი ოქროს ასოებითაა ჩაწერილი თურქეთის ფეხბურთის ისტორიაში. თურქეთს არ ახსოვს ასეთი გენიალური პიროვნება. აი, ერთ ამბავს მოგიყვები და თვითონვე მიხვდები ყველაფერს.

საითი ყურადღებით უსმენდა იფქირან ბეის, მისი ყოველი სიტყვა წმინდა წყლის სიმართლედ მიაჩნდა და სულაც ვერ გრძნობდა სარკაზმს იფქირან ბეის სიტყვებში.

— შენ, ალბათ, არ გახსოვს, მაგრამ იყო დრო, როცა ჩვენი ფეხბურთელებს კოჭებამდე ტრუსები ეცვათ, მხოლოდ ღუნდარ ბეიშესძლო ეს ტრუსები შვიდნახევარი სანტიმეტრით დაემოკლებინათ. იმდენი მოახერხა, რომ ფიზიკური აღზრდის სამმართველოს განქრულურ დირექტორთან შევიდა და უთხრა: „როცა ფეხბურთელი შეტევაზე ან ბურთისთვის იბრძვის, გრძელი ტრუსები ხელს უშლის მათ; შეიძლება ჩასძვრეს კიდევ, შიშველ ადგილს ხომ ვერ ვაჩვენებთ მაყურებელს?“ გენერალურმა დირექტორმაც სათანადო ბრძანება გასცა. ასე რომ, ღუნდარ ღუბარა ბეი ჩვენი სპორტის ზნეობრივი სიწმინდისათვის თავგამოდებული კაცია.

ეროლ იფქირან ბეი რაც უფრო მეტს ლაპარაკობდა „თოზქოფარანზე“ საითს მით უფრო მოსწონდა ეს გუნდი. მართალია, მას არც ერთი თამაში არ უნახავს, მაგრამ მაინც ამ გუნდის თავგამოდებულ ქომაგად მიიჩნია თავი. მზად იყო ყველაფერი გაეკეთებინა „თოზქოფარანისათვის“. საითი ჯერ კიდევ ლიცეუმში იყო ცნობილი თავისი გულუბნობით და ნუთუ ახლა ვერაფერს განდება და თავისი ქონებით „თოზქოფარანის“ ახლობელ ადამიანად არ მიიჩნევენ?

— კაცმა რომ თქვას, ვერაფერს ვაიგებს, „თოზქოფარანია“ ღუნდარ ბეისგან დავალებული, თუ ღუნდარ ბეი „თოზქოფარანისაგან“. ღუნდარ ღუბარას ყოველთვის შეუძლია პრესაში საქმე ჩააწყოს. თუ თავისი კლუბის პრეზიდენტის გადმოყირაგება მოინდომა, ამას ძალიან უბრალოდ აკეთებს: ვაზეთში გამოჩნდება ასეთი კითხვა: „რაში დაიხარჯა ასი ათასი ლირა?“ და იწყება ერთი ალიაქოთი. სპორტული წრეები, პრესა მოითხოვენ, რომ შეიქმნას საგანგებო კომისია, რომელიც შეისწავლის, თუ რამდენად სწორად ხარჯავს კლუბი ფულს. გაიძახიან, რატომ არის, რა საჭიროა რომ თერთმეტკაციან გუნდს უცხოეთში კლუბის ხელმძღვანელებიდან ორმოცდათერთმეტი კაცი მიჰყვებოდ. ერთი სიტყვით, ასი ათასი ლირა სად გაქარაო. არის ერთი აურზაური და წიოკობა. სინამდვილეში ფული თავის ადგილზეა, არავის არაფერი დაუშვავთ: მაგრამ ამ აურზაურს საპატიო პრეზიდენტი მაინც ეწირება. ღუნდარ ბეი კი ამასობაში თავის კაცს წამოჭიმავს პრეზიდენტად. ეს კაცი კი ყოვლად პატიოსანი პიროვნება უნდა იყოს.

საითი უსმენდა ამ გულახდილ ლაპარაკს და უკვირდა, როგორ შეიძლება კაცთან მეგობრობდე და ასე აძაგებდე? მაგრამ იფქირან ბეის არაფრად ენაღვლებოდა კლუბის გენერალური დირექტორი, მას სულ სხვა რამ აწუხებდა.

— იფქირან ბეი, — ფიქრი გააწყვეტინა საითმა, — დუნდარ დუნდარ ბეიმ ერთხელ თქვა, რომ აჰმედი თქვენი მეოხებით გახდა ცნობილი კაცი. მითხარით, როგორ მოახერხეთ ეს?

— ეჰ, განა მხოლოდ აჰმედი გავხადე პოპულარულად? რა კადენია, ახლა თურქეთში ისეთ კაცს ვერ იპოვი, აჰმედ „კედელას“ რომ არ იცნობდეს.

— დეიდაჩემმა და მადამ ანეელამაც კი იციან, თუ ვინ არის აჰმედი. იმათ კი სტადიონზე ქული რომ შეუგდო, მაინც არ შევლენ. — საითმა ლამის ისიცა თქვა, ისე როგორც მეო, მაგრამ ენას დროზე დააჭირა კბილი. — ერთხელ დეიდაჩემს ვკითხე, აჰმედს საიდან იცნობ-მეთქი, და იცით, რა მიპასუხა? „გაზეთები იმდენს წერენ მასზე, ძალიანაც რომ არ გინდოდეს, მაინც გაიცნობო. ერთხელ რომ გამოტოვო და არ წაიკითხო, მეორედ ვერსად გაეჭკევი, გინდა თუ არა, წაიკითხავ. მის სურათებს გაზეთები პირველ გვერდზე ბეჭდავენ. ზუსტად ისევე, როგორც პრემიერ მინისტრის სურათებს“.

— თავის ქება აუგიაო, მაგრამ მაინც უნდა გითხრა, ფეხბურთელების დიდება ჩვენს ხელთაა. მხოლოდ ჩვენ შეგვიძლია ცაზე ფეხბურთელის ვარსკვლავი ავაკიაფოთ.

საითს იმედი მიეცა: „მაშ, იფქირან ბეის შეუძლია მთელ ქვეყანაში ცნობილი კაცი გამხადოს, ცოტას იფქირან ბეი წამებმარება, ცოტას დუბარა ბეი, მერე კიდევ რეფიქი და ფეხბურთელიც გავხდები“. საითს მუდამ სჯეროდა რეფიქისა. ყველა იმას გაიძახის, სად შენ და სად ფეხბურთი! მხოლოდ რეფიქმა თქვა დარწმუნებით, ფეხბურთელი გავხდები, რატომაც არ გავხდებიო.

— ერთხელ, — დაიწყო ეროლ იფქირანმა, — დუნდარ ბეი თურქეთის ქალაქებში გაემგზავრა, იქნებ ვინმე ხეირიანი ფეხბურთელი შევარჩიოთ. მაშინ აჰმედ კედელას უბრალოდ აჰმედი ერქვა და ერთ პროვინციულ, მესამე ლიგის გუნდში თამაშობდა. „თოზქოფარანის“ ხელმძღვანელობას მოეწონა აჰმედის გამძლეობა, უხეში თამაში და ძლიერი დარტყმა, გუნდი კი უკვე დაკომპლექტებული იყო და აჰმედს რას უზამდნენ? მაგრამ დუნდარ ბეიმ მოახერხა და აჰმედი მეორე ლიგის გუნდში გადმოაყვანინა. ერთი თუ ორი წლის შემდეგ აჰმედი პირველ ლიგაში აღმოჩნდა, ახლა იგი ჩინებულად თამაშობდა და დუნდარ ბეი მუდამ იმას გაიძახოდა, ხომ გეუბნებოდით, რომ ამ ბიჭისგან ფეხბურთელი დადგება-მეთქი. დუნდარსაც არ უნდა დაუჯარგო თავისი და თქვა — თუ მაგან ვინმეს თვალი დაადგა, უსათუოდ მოიყვანს

„თოზქოფარანში“, მაგრამ აჰმედის გადმოყვანა გაუჭირდა. არაფრით არ უშვებდა თავისი გუნდი, კლუბის ხელმძღვანელობას ასი ათასი ლირა შეაძლია, მაინც უარი სტიციეს, მაშინ ღუნდარ ბეი ჩემთან მოეარდა და მეუბნება: „შენ მიუდგომელი კაცი ხარ, თანაც „თოზქოფარანს“ ქომაგობ, მეგობრულად ერთი კაცური საქმე გამიკეთე“... ხმის მერე აჰმედის გუნდის არც ერთ თამაშს არ ვაკლდებოდი, თამაშის მერე კი ვწერდი, რომ აჰმედზე უარესი ფეხბურთელი თურქეთში არ მეგულება-მეთქი. ალბათ, მიმიხვდი, რომ ამით ქომაგთა თვალში აჰმედის ავტორიტეტი დაეცა, ხოლო თავად აჰმედმა კი წონასწორობა დაკარგა, მაგრამ „თოზქოფარანში“ მაინც არ გადმოვიდა. და აი, ამ დროს ღუნდარ ღუბარა ბეიმ სვაეი სევიმი ჩარია საქმეში. სევიმი კი ისეთია, თუ რამე მოინდომა, ნაღდად გააკეთებს. ასე რომ, აჰმედს ერთი მხრივ გაზეთები აძაგებდნენ, მეორე მხრივ კი სევიმი აცლიდა არაქათს. ამ დროს აჰმედის გუნდი „თოზქოფარანს“ შეხვდა. აჰმედი ისე იყო გასავათებული, რომ მოედანზე ფეხიც ვერ გაანძრია. თამაშის მერე ხმა დაირხა, ფული აიღო და ამიტომ არ ითამაშა წესიერად. ალბათ, იმასაც მიმიხვდი, რომ ეს ხმა ჩვენ დავაგდეთ, ამიტომ სხვას არ გადავაბრალებ. ამის მერე იმ გუნდს მეტი აღარაფერი დარჩენოდა და აჰმედს დაემშვიდობა. ეს ამბავი „თოზქოფარანს“ 150 ათასი ლირა დაუჯდა. თუ აქამდე აჰმედის სახელის გატეხვას ვცდილობდით, ახლა პირიქით დაიწყო — გაზეთში დავბეჭდე წერილი სათაურით: „სად უნდა ითამაშოს აჰმედმა?“ ერთი ალიაქოთი ატყდა, აუარებელი წერილი მივიღეთ. ერთნი სწერდნენ, მაგის ადგილი დაცვის ხაზზეაო, მეორენი ამტკიცებდნენ, ნაღდი თავდამსხმელიაო, ზოგი ამბობდა, მარჯვენა გარემარბი უნდა იყოსო, ზოგი კი — მარცხენაო. ეს საკითხი იმდენად მნიშვნელოვანი გახდა ჩვენი მოქალაქეებისათვის, რომ დისკუსია გაზეთის ბოლო გვერდებიდან პირველ გვერდზე გადმოვიტანეთ. სწორედ ამ დროს ჩვენს სახელმწიფოს, როგორც შიგნით, ისე გარეთ, მძიმე მდგომარეობა ჰქონდა, ჩვენი მთავრობა რიგით კრიზისს განიცდიდა. პრემიერ-მინისტრი ყოველდღე სიტყვით მიმართავდა ხალხს და ყველას ბრალს სდებდა, კომუნისტურ პარტიას უჭერთ მხარსაო. ამაზე პოლიციამ ხალხის დაბატიმრებას მოუხშირა. ერთი სიტყვით, მთავრობა ცუდ დღეში იყო, მე ეს ამბავი არაფრად მენაღვლებოდა და ერთსა და იმავეს გავიძახობდი: „სად უნდა ითამაშოს აჰმედმა?“ კამათმა ისეთი ფართო ხასიათი მიიღო და ისეთი ინტერესი გამოიწვია, რომ ქალებიც კი ჩაერვივნენ საქმეში. ქალები გაიძახოდნენ, ზედ შუაში ურტყას, იქიდან დარტყმა



იოლად ხვდება მიხანშიო. და აი, ერთ მშვენიერ დღეს გაზეთის რედაქციას თვით პრემიერ-მინისტრი ეწვია, ჩემი ნახვა მოისურვა და გაზეთის მფლობელისა და კოლეგების თვალწინ გამომიცხადა: „მოგილოტო! ავთ. თქვენ დიდი ჟურნალისტი ხართ, თქვენ ფასდაუდებელი სამსახური გაუწიეთ სამშობლოს და მთავრობას“. გადამეხვია და გადამკიცხა. მერე თურმე ჩემს შეფს გულახდილად უთხრა: „ღმერთი იყოს იფქირანის შემწე, სწორედ რომ სულზე მოგვისწრო ამ თავისი აპმედით“. ისიც უნდა ითქვას, რომ რედაქციაში ზოგიერთი სულმოკლე კაცის წერილიც მოდიოდა: რა დროს ვიღაც აპმედზე ლაპარაკია, ხალხს შიმშილით სული ძვრება, ქვეყანაში უმუშევრობაა გაბატონებული, თქვენ და თქვენი მთავრობა კი ამ ვიღაც ოხერ აპმედს გადაყევითო. ჩვენ ამგვარი წერილები, რასაკვირველია, პოლიციას გადაუგზავნეთ, რადგან ამნაირ ავტორებთან საქმის დაჭერა სწორედ რომ მათი საქმეა. ამით სამშობლოს წინაშეც მოვიხადეთ ვალი. რალა ბევრი გავაგრძელო და, ჩემს მიერ ატეხილი აჟიოტაჟი ბოლოს ყველას ისე მობეზრდა, რომ ერთხმად იყვირეს, „ოლონდ თავი დაგვანებეთ და სადაც უნდა, იქ ითამაშოს“. აი, მაშინ ვკითხეთ აპმედს, სად გირჩევნია თამაში-თქო. თავდაცვაშიო. რა გვენალვებოდა, თავდაცვაში ეთანაშნა, რა?!.. ჩვენ ჩვენი საქმე გავაკეთეთ. მთელს სახელმწიფოში არ იყო კაცი, რომ აპმედის ვინაობა არ სცოდნოდა. აი, რისი გაკეთება შეუძლია გაზეთის რეპორტიორს, აი, საიდან იწყება აპმედის დიდება, — დამთავრა იფქირან ბეიმ და თითქოს ვინმეს უნდა წამოეწიოსო, უმალ განაგრძო: — პირველი მატჩი „თოზქოფარანს“ დასავლეთ გერმანიაში ჰქონდა. უცხოეთში ყოველი თამაშისას მთავარია, ფეხბურთელები ღამ-ღამობით დუქნებსა და ქალებში სირბილს არ გადაჰყვენენ. იმისათვის, რომ აპმედი კარგ სპორტულ ფორმაში ჰყოლოდა და იგი მართლა გუნდის ხერხემალი ყოფილიყო, დუნდარ დუბარა ბეიმ სევიმს შესთავაზა, დასავლეთ გერმანიაში გამომყევით. დუბარა ბეიმ სწორად იანგარიშა — სევიმი თამაშამდე არც თვითონ გაეკარება აპმედს და არც სხვებთან გაუშვებსო. დასავლეთ გერმანიაში მეც გავემგზავრე როგორც სპორტული კომენტატორი. კარგად მახსოვს — თამაში რომ დაიწყო, აპმედს მუხლები ეკვეთებოდა, გეგონებოდათ, მთელი კვირა არ უძინიაო, ისე იყო არაქათგამოცლილი. მძინარე ბუზივით დალოლავდა მოედანზე, ამიტომაც პირველ ტაიმში ხუთი ბურთი გავგიტანეს, მოგებაზე აღარაგინ ფიქრობდა. ახლა ჩვენი საზრუნავი ის ვახდა, რომ ასეთი მშრალი ანგარიშით არ წაგვეგო. უცებ გამოცოცხლდა ჩვენი აპმედი და ისე



ლაშაზად დაარტყა და ისეთი მშვენიერი ბურთი გაიტანა, რომ ევროპელებმაც კი ხახა დააფრინეს.

— ყოჩაღ, აჰმედ კედელა! — იყვირა საითმა, — მაშ, ~~ეგრე ბურთი~~ მაინც გაქვითა, არა?

— რა გაქვითა — ჩვენს კარში გაიტანა! ყველაფერი გერმანელი ფეხბურთელის ბრალი იყო, იმან აჰმედს მოარტყა ბურთი, აჰმედი უცებ გამოცოცხლდა, მაგრამ ვერ გაარკვია, რომელ მხარეს ვისი კარი იყო და ამიტომაც, რომელი კარიც ახლოს მოეჩვენა, იქით დაარტყა და გაგვიტანა კიდევ. ამ გოლმა მთელი დასავლური პრესა აალაპარაკა.

— რა მნიშვნელობა აქვს, ვის კარში გაიტანა, ხომ გაიტანა. აი, ეს არის მთავარი, ღმერთმა ჯამრთელობა მისცეს აჰმედს! — იყვირა საითმა.

— მნიშვნელობა როგორ არა აქვს, ძმობილო, ჩვენ ხომ მშრალი ანგარიშით 6:0 წავაგეთ. პირველი ტაიმის მერე დუნდარ ბეიმ აჰმედს უთხრა: „შენ, შვილო, ბურთს ფეხს ნუ დაარტყამ, დაგვანებე თავი, იქნებ, იმდენი მაინც მოახერხო, რომ გარე-გარე ირბინო“, მაგრამ აჰმედი არაფერ ბრალში იყო, ყველაფერი სევიმმა გაგვიფუჭა.

— სევიმმა რა დააშავა? — გულუბრყვილოდ იკითხა საითმა.

იფქირან ბეი ახლავდა მიხვდა, რომ სევიმზე ზედმეტი წამოროშა, — რაც არ უნდა იყოს, სევიმი საითის საცოლუა. ამიტომ შეეცადა უშალ გამოესწორებინა თავისი შეცდომა:

— შენ გლახა არაფერი იფქირო, ძმაცაც, სევიმისნაირი გოგონები სად არიან, ცუდი არაფერი მომხდარა. თურმე მთელი ღამე — გათენებამდე, აჰმედი არ დააძინა და ჩასჩიჩინებდა: აჰმედ, არ დაგავიწყდეს, შენ უკან შენი სამშობლოა, 32 მილიონი ადამიანის გული ახლა ხვალინდელი დღის მოლოდინში ძგერს. ზოგჯერ ნდება, რომ ფეხბურთელი ეარჯიშობი გადაიღლება ხოლმე, ასე მოუვიდა სევიმსაც — მას უნდოდა აჰმედი შთაეგონებინა, მეტისმეტი კი მოუვიდა, სამაგიეროდ, მეორე ტაიმში აჰმედმა მაინც გვიშველა. იმ გერმანელ ფეხბურთელზე გაბრაზებული, ვინც ბურთი მოარტყა, ყველა ფეხბურთელს გამოენთებოდა ხოლმე, იმათ კი ეშინოდათ აჰმედისა და გარბოდნენ. ამიტომ მეორე ტაიმში ვერც ერთი ბურთი ვერ გაგვიტანეს. თამაშის მერე დუნდარ ბეიმ შემომჩივლა: „მოგტყუვდით, იფქირან, მეტისმეტად ბევრი ფული გადავიხადეთ ამ ყეყერის შესაძენად, ეგ აჰმედი ერთი ყურუშიც კი არა ღირს“. მე დავამშვიდე, ეგ ბიჭი ივარგებს, ხომ ხედავ, მეორე ტაიმში ისე დააფრთხო ხალხი, ბურთი ვერ გაგვიტანეს-თქო. ამაზე დუნდარ დუნდარ ბეიმ მითხრა: „შენ გარდა არც ერთ თურქ ყურნალისტს

ეგ თამაში არ უნახავს. ამიტომ შენ უნდა დაწერო, აჰმედი ძალიან კარ-  
გად თამაშობდა, კედელივით იდგა დამცველებს შორის-თქო“. სწორედ  
ამ მატჩის მერე დავარქვე აჰმედს „კედელა“. რეპორტაჟში კი ასე და-  
წერე: „მიუხედავად იმისა, რომ „თოზქოფარანი“ წაავთ ანგარიშით  
0:6, გუნდმა თამაშის ბოლომდე შეინარჩუნა საკუთარი რწმენა, აჰმე-  
დი კი კედელივით ედგა თავის კარს“.

იცი, რას გეტყვი, ძმობილო? ამ ამბის მერე აჰმედმა თამაშს უმა-  
ტა. გაცილებით უკეთ თამაშობდა. ერთადერთი ნაკლი აქვს — მისი  
სპორტული ფორმა ძალზე არასტაბილურია. ამის გამო რაებს არ სჩადის  
ხოლმე, ეს რომ არ უშლიდეს ხელს, ექსტრა კლასის მოთამაშე იქნებო-  
და. გარბენი კარგი აქვს, უხეშობა არ აკლია, „თოზქოფარანი“ რომ  
„ჭაჭეთაბას“ ხვდება, ფეხბურთის მოედანი ბრძოლის ველს ემსგავსე-  
ბა. აი, სად არის ძლიერი აჰმედ „კედელა“! არავის ინდობს — არც  
ფეხბურთელებს და არც — მსაჯებს. ცხადია, ამას დისციპლინარული  
სასჯელი მოსდევს და აჰმედს მოედანზე გამოსვლას უკრძალავენ, მაგ-  
რამ დუნდარ ბეი ენაამოვარდნილი მოიბრუნეს ხოლმე და მეხვეწება:  
„ალაჰის გულისათვის, მიშველე რამე“. ამას მოჰყვება ჩემი ცნობა გა-  
ზეთში: „ერთდროულად ორმა გუნდმა — იტალიის ქალაქ პალერმოსა  
და ესპანეთის ნაკრებმა აჰმედ „კედელას“ შესთავაზეს უზარმაზარი  
თანხა და სთხოვეს, ჩვენს გუნდში გადმოდიო. ჩვენი გაზეთის კორეს-  
პონდენტთან საუბარში აჰმედ „კედელამ“ განაცხადა, რომ განზრახუ-  
ლი აქვს იტალიაში გაემგზავროს. ჩვენი ეროვნული გუნდის მთავარი  
ლერძის წასვლა აუნაზღაურებელი დანაკლისია. როგორც ჩვენთვის  
ცნობილი გახდა, „თოზქოფარანი“ მზად არის ყოველგვარი მსხვერპ-  
ლი გაიღოს, ოღონდ „კედელამ“ არ დასტოვოს თურქეთი“. ამგვარი  
სტატიის მერე აჰმედს უმალ აძლევენ თამაშის ნებას.

ამ დროს საითის სახლში დუნდარ ბეიც მობრძანდა.

— მეგობრებო, გთხოვთ მაპატიოთ ასეთი დაგვიანება, სასწრაფო  
საქმეები მქონდა და ვერაფრით ვერ დავალწიე თავი. თქვენთვის ცნო-  
ბილია, რომ ამ სეზონში რუმინეთში უნდა ვითამაშოთ. ამიტომ გამა-  
ლებული ვემზადდებ.

მადამ ანეელამ ჩაი შემოიჩანა. იგი ძალიან გახარებული იყო, რომ  
ასეთ ძვირფას სტუმრებს მოემსახურა:

— რატომ აჰმედ „კედელა“ არ მოვიდა? — იკითხა მან.

საითს ძალიან გაეხარდა აჰმედ „კედელას“ ხსენება, რახან აჰმედზე  
ჩამოვარდა სიტყვა, სევიმზეც იტყვიან რამესაო.

— რა საწყენია, რომ აჰმედ „კედელაც“ არ მოიყვანეს თან, ძალიან მოხარული ვიქნებოდით, — თქვა მან.

— კინლამ დამავიწყდა, — „გაიხსენა“ ღუნდარ ღუბარა ბეიმ ხვალ ჰასიფ ბეი სადილს მართავს და ძალიან მთხოვა თქვენც ეწვიოთ. უსათუოდ გელოდებით.

— მე გელოდება? — იკითხა საითმა და სიხარულისგან ლამის სუნთქვა შეეკრა.

— რასაკვირველია, თქვენ. აჰმედიც იქნება, იფქირან ბეიც გვეწვევა, სადილი კაზინოში გაიმართება.

საითს ერთი სული ჰქონდა გაეგო, იქნებოდა თუ არა სადილზე სევიმი, მაგრამ საკუთარი თავი არ გავცო, შორიდან დაიწყო.

— ჰასიფ ბეის ფრიად ღრსეული მეუღლე მეჭურე ხანუმი თუ გაგვაბედნიერებს თავისი სტუმრობით?

— რასაკვირველია, მეჭურე ხანუმიც იქნება, სევიმ ხანუმიც მოვა, იმედი მაქვს, ხვალ საღამოს დაკავებული არა ხართ. ხოლო თუ თქვენ ხვალ ვერ შესძლებთ, ჰასიფ ბეი მზად არის სადილი სხვა დროს გამართოს.

— თავისუფალი ვარ, რასაკვირველია, თავისუფალი ვარ! აბა, სხვა რა საქმე უნდა მქონდეს, ჩემო ძვირფასებო.

ყველაფერი რიგზე იყო და ღუნდარ ღუბარა ბეიმ სიტყვა „თოზქოფარანი“ ჩამოაგდო.

— თურქეთში ჩვენს გუნდს ასი ათასობით გულშემატკივარი ჰყავს. „თოზქოფარანი“ ხომ უძველესი საკლუბო გუნდია. ბევრი ცნობილი ადამიანი იყო კლუბის საპატიო წევრი. კლუბის წევრი რომ გახდეს სულაც არ არის აუცილებელი, სპორტისა რამე გაგეგებოდეს, საკმარისია გიყვარდეს „თოზქოფარანი“ და მთელი გულით და სულით მას ეკუთვნოდეს. მართალია, ჩვენი გუნდი პროფესიონალობაზე შედგება, მაგრამ მის წევრებს შორის მოყვარულთა სულისკვეთება სუფევს. ამის მეოხებით ვცოცხლობთ. ამ ბოლო დროს გუნდს ცოტა გაუჭირდა, — რამდენიმე ფეხბურთელი ძვირი დაგვიჯდა, მაგრამ გუნდის ჭეშმარიტ მოყვარულთა და დამფასებელთა წყალობით ეს ფინანსური დაბრკოლებაც გადალახული იქნება.

საითი სუნთქვაშეკრული უსმენდა. ამ დროს ღუნდარ ღუბარა ბეიმ სწორედ ისა თქვა, რასაც საითი ელოდა.

—საით ბეი, თუ თქვენ სურვილი გექნებათ, ყოველთვის შეგიძლიათ „თოხოფარანის“ საპატიო წევრი გახდეთ.

—ნუთუ ამ დიდი პატივის ღირსად მცნობთ? — აცხადებდნენ.  
ხმით იკითხა საიტმა.

## რა არის ფსიქოანალიზი?

საითი ბედნიერი კაცი იყო. დილით რეფიქთან წავა, იქიდან სადილად ეწვევა ფერფერიკებს და კვლავ ნახავს სევიმს: არასოდეს, აწი აღარასოდეს აღარ ანერვიულებს სევიმს.

რეფიქის ცოლმა გულთბილად მიიღო სტუმარი. საითი გაოცებული და გახარებულიც კი იყო, როცა ნახა, რომ მის მეგობარს ოჯახი ჩინებულად მოუწყვია. მას კარგად ახსოვდა, თუ როგორ ხელმოკლეობაში გაატარა რეფიქმა სიყმაწვილე. საითმა ჯერაც არ იცოდა, რომ რეფიქი ცნობილი ფსიქიატრი გახდა, უნივერსიტეტში ლექციებს კითხულობდა, იყო მრავალი საერთაშორისო სამეცნიერო საზოგადოების წევრი, ამერიკაში სახელი მოიხვეჭა, როგორც ფსიქოთერაპიის საუკეთესო სპეციალისტმა.

საუბრისას რეფიქი შეუშინებლად იდევნებდა თვალს საითის ყოველ მოძრაობას. გამოცდილ ექიმს არ გამოეპარა ის, რომ საითი ფსიქიურად დაავადებული კაცი იყო და მისი მკურნალობა დაუყოვნებლივ უნდა დაწყებულიყო. ყავის სმა რომ მოათავეს, ექიმის კაბინეტში გავიდნენ, საითი იმედის თვალთ შესცქეროდა მეგობარს. ვისაც არ უთხრა, ფეხბურთელი უნდა გავხდეთ, ყველა დასცინოდა, „შენ და ფეხბურთი!“ „შენ ბურთს როგორ უნდა სდიო, შე ოთხთვალა, შენა!“ „სიბერეში ბურთის თამაშს რომელი ჭკუათამყოფელი იწყებს?“ გაიძახოდნენ ისინი და სიცილით იჭაჭებოდნენ. მხოლოდ რეფიქი მოეკიდა სერიოზულად საითის განზრახვას. რაც უფრო მეტს იცინოდნენ საითის ნაცნობ-მეგობრები საითის ამ გადაწყვეტილებაზე, მით უფრო უძლიერდებოდა მიზნის, თავისი უძლურებისა და მორიდებულობის დაძლევის წყურვილი. უნდოდა დაემტკიცებინა, რომ ისიც ჩვეულებრივი ადამიანი იყო და ისევე შეეძლო ყველაფრის კეთება, როგორც სხვებს.

ალბათ, ამიტომაც იყო — საითი რეფიქის მხარდაჭერას, რჩევას და დახმარებას ელოდა — იგი ხომ ლიცეუმში სწავლის წლებშიც ეხმარებოდა საითს.

— შენ როგორ გგონია, ვითომ შევეძლებ ფეხბურთის თამაშს?

— რასაკვირველია, შესძლებ.

— მე რომ ასეთი გამხდარი და სუსტი ვარ, ალბათ, ბურთსაც ვერ წამოვეწევი.

— მე, როგორც ექიმი, გეუბნები, წამოეწევი კიდეც და დაარტყამ კიდეც.

— არა, ვერ შევეძლებ, მზიან ამინდშიც კი ვერაფერს ვხედავ.

— ამაზე ნუ ვიკამათებთ, ერთს კი გეტყვი: თუ მოიწადინებ, უსათუოდ ჩინებული ფეხბურთელი გახდები, რასაკვირველია, ეს იოლად არ მოხდება. მთავარია მონდომება. ახლა შენ ფიზიკურად უძლური ხარ, მაგრამ ვიმკურნალებ, მომაგრდები, თვალში სინათლე მოგემატება, ყველაფერი იქნება, მხოლოდ ეს არის, რომ საკუთარი თავის უნდა გჯეროდეს. — რეფიქი ლაპარაკობდა და თან დაუჩინებოთ ცდილობდა გაეგო მეგობრის სულიერი მდგომარეობა. ცდილობდა გაეგო, თუ რომელი ცენტრები დააზიანა ავადმყოფობამ. მას არ სურდა და არც შეეძლო ისე დაეკითხა საითი, როგორც სხვა სულით ავადმყოფებს ესაუბრებოდა ხოლმე. ჰიპნოზირება რომ დაეწყო? მაგრამ ჰიპნოზით მკურნალობისათვის საჭიროა, ავადმყოფმა თვითონ იცოდეს თავისი სენის შესახებ... დაე, საითის ეგონოს, რომ მას მხოლოდ სიბეცე სჭირს და სწორედ ამას მკურნალობენ.

სიტყვა ფსიქოთერაპიაზე ჩამოვარდა. რეფიქმა ჰიპნოზის შესახებ უამბო, საითი ინტერესით უსმენდა და არც სჯეროდა, რომ შეიძლება ადამიანი შეგონებებით დააძინო.

— რა საინტერესოა, არა... მე შენ... ვერ დამაძინებ... ძილის წამალიც ვერაფერს მაკლებს... შენ კი გინდა სიტყვებით, ან თუნდაც, გამოხედვით დამაძინო... მაგით ბითური ხალხი მოატყუე, ჩემთან არ გაგივა...

— მხოლოდ ძლიერი ნებისყოფის ხალხი არ უმორჩილება ჰიპნოზს, — უპასუხა რეფიქმა ვიდრე რეფიქი ფიქრობდა, როგორ მოვიქცეო, საითმა მთქნარება დაიწყო. ექიმის მეგობრულმა ტონმა, ყვავილებმა, მჭრქალმა შუქმა და, საერთოდ, კაბინეტის მოწყობილობამ (ეს კაბინეტი ბავშვის ოთახს უფრო ჰგავდა), საითი ძილის ბურანში გახვია. საითს მთელი ღამე ფეხბურთის მოედანი ესიზმრებოდა, ყოველ წუთს ბურთი გაჰქონდა კარში, ახლა კი ყველაფერი დააეწედა, დამშვიდდა. ტახტის საზურგეს მიეყრდნო და ქუთუთოები დაუმძიმდა.

რეფიქთან პაციენტი მოვიდა, რეფიქმა საითს ბოდში მოუხადა და ოთახიდან გავიდა. მას ჰიპნოზის სეანსი უნდა ჩაეტარებინა.

— თქვენ ახლა დაიძინებთ, — ამბობდა ექიმი, — დაიძინებთ... დაიძინებთ... დაიძინებთ... მე თვალს ვიწყებ, თქვენ კი მხოლოდ ერთი და იგივე ფრაზა გაიმეორეთ, ყველაფერი კარგად მიდის, ყველაფერი კარგადაა... ერთი, ორი... სამი...

უცებ ხვრინვა გაისმა. რეფიქმა პაციენტს შეხედა, პაციენტმა კი ექიმს. ვიღაცა მეზობელ ოთახში ხვრინავდა. ეს თურმე საითს ჩასძინებოდა. რეფიქმა ავადმყოფი გაისტუმრა და კაბინეტში შებრუნდა. მძინარი საითის წინ სავარძელში ჩაჯდა და სხვადასხვაგვარ კითხვან აძლევდა. მძინარე საითიც პასუხობდა. ადამიანს ეგონებოდა, ორი ძველი მეგობარი ტკბილად ბაასობსო.

საითი ბავშვობას იგონებდა — მას უყვარდა ბავშვობის მოგონება.

სარიოლლუთა სასახლე ერთ დროს ხალხმრავალი იყო, ამ სასახლეს უამრავი ოთახი ჰქონდა და ყოველ ოთახში შესული ქალ-ვაჟის წყვილი გარეშე თვალს არც ერიდებოდა, ისე სჩადიოდა ცოდვას. სახლის თითქმის ყოველ კუთხეში გარყვნილება დაბუდებულიყო. საითი რომ წამოიზარდა, რცხვენოდა იმისა, რაც სახლში ხდებოდა, მაგრამ ოთახების საკლიტურში მიინც შეიჭყიტებოდა ხოლმე. ყველაზე მეტად საკუთარი დედის ქცევა აცოფებდა. თავისი ასაკისათვის მან ბევრი რამ იცოდა და ასეთ გარემოცვაში აღზრდილი გულჩათხრობილი, მორიდებული, ერთი სიტყვით, ავადმყოფი კაცი დადგა.

მან რეფიქს თავისი პარიზული თავგადასავლებიც უამბო. რასაკვირველია, მადლენზე ყველაფერი ვიცოდი, მაგრამ არ ვიმჩნევდიო. ოჰ, როგორ უნდოდა თუნდაც ერთხელ, თავის ცხოვრებაში ერთხელ მიკარებოდა ქალს. თითქმის იგივე ხდება ახლა, როცა სევიმს გადაეყარა. რასაკვირველია, მან კარგად იცის, რომ სევიმი ატყუებს, იგი არ არის სევიმის ბავშვის მამა, მაგრამ ყველაფერს ითმენს, ცდილობს ყურადღება არ მიაქციოს დაცინვას, ყვეყჩად მოაქვს თავი, რადგან ძალიან უნდა მამა გახდეს, თუნდაც ერთხელ გახდეს მამა.

საითს სალამო ხანს გამოელვინა. ტკბილად დაამთქნარა, გაიზმორა, მიმოიხედა, ეს სადა ვარო, რეფიქი რომ დაინახა, იკითხა:

— მეძინა?

— გეძინა, — ექიმმა საათს დახედა, — მთელი ორსაათნახევარი გეძინა.

საითი აფორიაქდა.

— ნუთუ დამაგვიანდა?

— სად მიდიოდი?



— ჰასიდ ბეიმ სადილზე მიმიწვია.

— ჯერ ადრეა, მოასწრებ.

— როდისღა უნდა გამსინჯო?

— მე შენ თითქმის აღარ მჭირდება, თუ უბრალოდ გამტარებ, კარა...

გი იქნება, ვიმუსაიფოთ, ლიცეუმი გავიხსენოთ...

— აკი გიმკურნალებო?

— ეგ ამბავი ნუ გეფიქრება, შენ სხვა ექიმი გიმკურნალებს, ჩემს კარგ ამხანაგთან მიგიყვან. სწორედ ის გიმკურნალებს.

საითმა მადლობა გადაუხადა და წასვლისას კიდევ ერთხელ ჰკითხა:

— მაშ, შენ გგონია, რომ შეიძლება ფეხბურთელი გავხდე?

— თუ ძალიან მოინდომებ, შესძლებ. აი, ჩემს ამხანაგთან მიგიყვან, ის გავსინჯავს და ვნახოთ, რას იტყვის.

საითმა ეშმაკურად გაიცინა.

— ტყუილად დაკარგე დრო იმ ამერიკაში, შენმა ხელოვნებამ ვერ გასჭრა, მე ჩემით ჩამეძინა, აბა, დროებით!

— ნახვამდის!

საითი რომ წავიდა, რეფიქი დიდხანს ფიქრობდა მასზე, უცნაური კაცია ეს საითი — ვერ გაიგებ ხუმრობს, თუ სერიოზულად ლაპარაკობს. რაღაც ყვეყჩურად ბოდავს ამ ფეხბურთზე. თან ფეხბურთელობა სწადია, თან საკუთარ თავსა და სხვებსაც არწმუნებს, ვერ შეეძლებო. ბავშვობის მოგონება კი საშინელებაა, რამდენი სიბინძურე ძლებს ადამიანის სულში. იქნებ, მხოლოდ თავი მოიმძინარა, რათა სხვისთვის გაეზიარებინა ის, რაც გულზე ლოდად აწევს? რასაკვირველია, საითი არ არის ჯანმრთელი კაცი.

ამასობაში სასიძო მანქანაში ჩაჯდა და სახლში გაქანდა. ფერფერიკებთან სტუმრად წასვლა ჯერაც ადრე იყო, აბაზანა მიიღო და ისე იგრძნო თავი, თითქოს ხელახლა იშვაო. დიდი ხანია ასეთ ჩინებულ ხასიათზე არ ყოფილა. დეიდსა და მადამ ანჟელას თავაზიანად აკოცა და მზიარულად, სტვენა-სტვენით გამოვიდა სახლიდან.

ბერინ ხანუმ ეფენდი ძველი ადათების ქალი იყო და ამგვარ რამეებს ვერ იტანდა, ამიტომ საითის კოცნა მისი არანორმალური მდგომარეობის კიდევ ერთ დადასტურებად მოიჩინა.



ფერფერიკები და სხვა დაინტერესებული პირები დიდხანს ბჭობდნენ იმაზე, თუ სად სჯობდა სადილის გამართვა — მეჭურე ხანუშმსმნანს და, სწორედ შინ უნდა ვისადილოთო. არა, იგი ძუნწი არ იყო, მაგრამ... ბობდა... რახან საითს ჩვენი სიძეობა განუზრახავს, თავადაც ნედავთ, სევიმისთვის როგორ ლევს სულს, ჩვენს სახლში ჯდომა უფრო ესიამოვნებაო. აჰმედს კი გემრიელი ქეიფი ეწადა და კაზინოში წავიდეთო, გაიძახოდა. იქ კარგადაც უკრავენ და თურქულ სიმღერებსაც მღერიანო. სევიმი ამტკიცებდა, ევროპული რესტორანი აჯობებს ყველას, იქ ჯობიაო. თან დასძენდა: მე ჩემი საქმროს გემოვნება ვიცი, იმიტომ მინდა რესტორანში წასვლა, თორემ თვითონ, მოგეხსენებათ, ეგ ამბავი დიდად არ მეპიტნავებო. ჰასიდ ბეის ამ საკითხთან დაკავშირებით არავითარი აზრი არ გააჩნდა და კამათში მონაწილეობა არ მიუღია.

— ეგ საქმე მე მომანდეთ, — დამრიგებლური ტონით თქვა დუნდარ ღუბარა ბეიმ, რომელიც ნაჩვევი იყო ხელმძღვანელობას, — ეგ სადილი უმიზნო ჰამა-სმისთვის ხომ არ იმართება. ჩვენ უნდა შევარიგოთ სევიმი და საითი. ამიტომ საჭიროა ორი რამ. პირველი: უნდა შეისვას ძალიან ბევრი ღვინო და რაქი; მეორე: საითს ისე უნდა ვასვათ, რომ ლაპარაკის საღერღელი აეშალოს. ბოლოს და ბოლოს უნდა გავარკვიოთ მისი ჭეშმარიტი ზრახვები. ხოლო რაქის სმა სასიამოვნოა მაშინ, როცა ჯაზი უკრავს.

ასე რომ, კაზინოში წასვლა გადაწყდა.

დილით საითმა ყვავილების კალათა გამოაგზავნა. სალამოს კი ფერფერიკთა ოჯახის ყოველი წევრისათვის საჩუქრით ხელდამშვებული მოვიდა.

— ეგ ჩვენი სასიძო სულაც არ არის ძუნწი, — თქვა ყურადღებიანმა მეჭურე ხანუშმა.

საითს ძალზე დაბნეული და მონანიე კაცის გამომეტყველება ჰქონდა — საცოლესთან ხელის საკოცნელად რომ მივიდა, თავის აწევაც ვერ გაბედა, სევიმის სახეში შეხედვისა შეეშინდა. სევიმს კი ისეთი სახე ჰქონდა, თითქოს დიდი ხანია, რაც ეს არასასიამოვნო ინციდენტი დააინწყდა და ახლა იგი ხმამაღლა იცინოდა.

— შეეშვი მაგ ჭიხვის, — კბილებს შუა გამოსცრა აჰმედმა, — მე ხომ ვიცი, მერე ტირილს დაიწყებ.

კაზინოსაკენ დუნდარ ღუბარა ბეის მანქანით გაემართნენ. აჰმედი

წინ დაჯდა, დანარჩენები უკან მოთავსდნენ. საითი და სევიმი ფერფერ-რიკებს შუა ისხდნენ. ვერც მეჭურე ხანუმსა და ვერც პასიფ ბეიზე ვერ იტყოდით ძვლებზე გადაუკრავთ ტყავიო, სიმსუქნე კარგად მიეცა ღმერთს მათთვის, ამიტომ საითი და სევიმი ერთმანეთს მიეკროდნენ. ბედნიერებისგან მთვრალი საითი ღმერთს სულ იმას ვევედრებოდა: ღმერთო, ამ გზას ნუ დაასრულებ, ნეტავ, სულ ასე ვისეირნოთ მთელი ცხოვრებაო. დუნდარ დუბარა ბეის აღრევე დაურეკნია კაზინოში, ერთი მაგიდა ჩვენთვის გადაინახეთო და, რადგან იგი საქვეყნოდ ცნობილი კაცი გახლდათ, გამოსაჩენ ადგილას, ზედ ესტრადის ცხვირწინ დასვეს — ასეთი პატივი თავად პოლიტიკურ მოღვაწეებსაც კი იშვიათად ხვდომიათ წილად.

და აი, სადილიც დაიწყო. გამუდმებით სვამენ საითისა და სევიმის სადღეგრძელოს. საითი პირველად იყო კაზინოში. რასაც დაუსხამდნენ, სულმოუთქმელად სვამდა, ამიტომ მალე შეთვრა. აჰმედს მიუბრუნდა და შეუსვენებლივ ელაპარაკებოდა. ისიც კი არაფრად ჩააგდო, სევიმი რომ ძალიან მიეკრო. ამაზე დედიკომ ასე დაარიგა სევიმი:

— შენ ძალიან ანებივრებ, შვილო, მაგ ბიჭს. მამაკაცები სანდონი არ არიან, თუ კაცმა დაინახა, რომ ქალი ჰკუთას კარგავს მისთვის, ძალიან უწყინარიც რომ იყოს, ღმერთმა იცის, რამდენ სისულელეს ჩაიდენს.

— ეგ ხომ საკუთარ ცხვირსაც ვერ ხედავს, დედი!

— ეგეთ ხალხს უფრო უნდა ერიდო, — განაგრძო გამოცდილმა მეჭურე ხანუმმა. — მაგათ არაფრად უღირთ საბრალო ქალიშვილის მრტყუება. გულახდილად რომ ვითხრა, ეგ ბიჭი სულაც არ მიმაჩნია სანდო კაცად. ვნახოთ, რა მოხდება, ღმერთმა ქნას, რომ ქორწილიც გადავიხადოთ.

ბოლოს, როგორც იქნა, საითი საცოლეს მიუბრუნდა, მისი ხელი ნაზად აიღო და უთხრა:

— უნდა გამოგიტყდეთ, სევიმ ხანუმ... ერთ ძალზე მნიშვნელოვან საკითხზე უნდა მოგელაპარაკოთ.

— თქვი, ნუ გერიდება, — გაამხნევა საცოლემ.

გაბედულებისათვის საითმა რამდენიმე ყლუპი ღვინო მოსვა და უცებ თქვა:

— მე ფეხბურთელი გავხდები, თქვენი სიყვარულის ღირსი რომ ვიყო, ფეხბურთელი გავხდები.

სევიმმა გადაიხარხარა.

— ბურთზე ფეხი თუ დაგირტყამს ოდესმე?

— კი, ერთხელ... ლიცეუმში სწავლის დროს... ბავშვებმა შეადგინეს  
ორი გუნდი სწორედ იმ მოსწავლეებისგან, რომლებმაც თამაში არ  
იციოდნენ. მე გაქცევა მინდოდა, მაგრამ არაფერი გამოვიდნენ.

— თამაშზე?

— მერე როგორ? ხუთი ბურთი გავიტანე.

სევიმი გაოცდა.

— ხუთი ბურთი? აბა, რატომ აღარ თამაშობდი?

— იმიტომ, რომ ვიდრე თამაში დამთავრდებოდა, იმდენი მირტყეს,  
იმდენი...

— ვინ გირტყა? მოწინააღმდეგე გუნდმა?

— არა.

— გულშემატკივრებმა?

— არა.

— მსაჯმა?

— არა, ჩემი გუნდის ბიჭებმა მცემეს.

— მაგათ რალაზე გირტყეს? — სიცილით იკითხა სევიმი.

— იმისთვის, რომ ხუთი ბურთი გავიტანე.

— ალბათ, შურიანი ბიჭები იყვნენ.

— არა, სევიმ ხანუმ, ხუთივე ბურთი ჩემს კარში გავიტანე, მზე  
თვალეებში მიჭყიტინებდა და ბურთს ვერ ვხედავდი, სირბილმა კი სულ  
გადამრია. მოთამაშეებს რომ ხელი არ შეეშალათ, მეორე კარშიც გავი-  
ტანდი ბურთს. სულ კულში მდევდნენ, საითაც გავიქცეოდი, უკან მომ-  
დევდნენ. რომელ კართანაც მივირბენდი, იქ ვარტყამდი, თითქოს ჯიბრ-  
ზეო, ხუთივე ბურთი ჩვენს კარში დავარტყი და გავიტანე კიდევ.

— მაშ, შენს კარში ვაგჭონდა ბურთები? — სიცილისაგან იფხრიწე-  
ბოდა სევიმი.

— განა ასე მინდოდა? ყველა რომ დარბის და ღრიალებს, იმის  
დროც აღარ ვრჩება, მეკარეს ჰკითხო, ეს ჩემი კარია თუ მოწინააღმდე-  
გისაო.

საითი საკმაოდ მხნედ გრძნობდა თავს, რისგან იყო ასე? ღვინისგან  
თუ იმის გამო, რომ რეფიქთან გამოიძინა? ეს კია, თვითონაც ვეღარ  
შეამჩნია, შენობით როგორ დაელაპარაკა სევიმს, რამდენიმეჯერ ასეც  
კი უთხრა: „ჩემო კარგო სევიმ“.

— იმისათვის, რომ შენი ღირსი ვიყო, მე უთუოდ გავხდები ფეხ-  
ბურთელი, ჩემო კარგო.

მამაკაცები სევიმს ხშირად მიმართავდნენ, ჩემო კარგო და სევიმ-

საც ბუნებრივად მიაჩნდა ეს, მაგრამ ახლა საითის ნათქვამი არ მოეწონა.

— ერთი რამ უნდა გთხოვო, — თქვა საითმა.

— აბა, მითხარი.

— გაზეთებში ხშირად იბეჭდება განცხადებები, რომ ესა და ეს კანცერტები თანამედროვე ან კლასიკური ცეკვების გაკვეთილებს ატარებსო.

— შენ რა, ცეკვა გინდა ისწავლო?

— არა, მე ფეხბურთის თამაში უნდა ვისწავლო... ამიტომ ფეხბურთის მასწავლებელი მჭირდება... შენ ალბათ იცნობ ამგვარ ხალხს, ჩემო ძვირფასო, დამეხმარე...

სევიმმა სიცილი შეწყვიტა. უცებ მოუნდა კარგად დაკვირვებოდა ამ კაცს, — მართლა ასეთი სულელია, თუ თავს ისულელებს, სევიმსა და მთელს ქვეყნიერებას დასცინის? ნუთუ მართალია მეპკურე ხანუმი და ამ კაცს მართლა შეუძლია სევიმი გაამაიმუნოს? გაამაიმუნოს სვაფი სევიმი, ქალი, რომელსაც არაფერი დაკლებია ამქვეყნად, მას ყველაფერი უნახავს, ყველაფერი განუცდია და ამან უნდა გააბითუროს? არა, თუ საითი მაცთუნებელი არ არის, ეს არ მოხდება. უცებ სევიმს შიში დაეუფლა.

— საით, მოიხსენი ეგ სათვალე, — ბრძანა მან.

— სათვალე რომ მოვიხსნა, ვეღარ დაგინახავთ, სევიმ ხანუმ, ვერაფერს დავინახავ.

— მე რომ გეუბნები, მოიხსენი, — ხმა აუკანკალდა სევიმს.

— კი ბატონო, ახლავე... მომიტევეთ... ახლავე, აჰა... მაგრამ ასე მგონია, რომ ხალხით სავსე მოედანზე შიშველ-ტიტველი ვდგავარ. რაც თავი მახსოვს, სათვალე არ მომიხსნია, თითქოს ამით დავიბადე.

საითმა სათვალე რომ მოიხსნა, სევიმმა თვალის ორი პაწია გუგა დაინახა. ასე ეგონა, ბრმა მომჩერებიაო. არა, ასეთი კაცი საკუთარი თავის გარდა ვერავის მოტყუებას ვერ შესძლებს.

— ჩქარა, ჩქარა გაიკეთე სათვალე, — ნერვიულად თქვა მან და შეტრიალდა.

ვერავენ მიხვდა, რა მოხდა სასიძოსა და საპატარძლოს შორის, დუნდარ დუბარა ბეიმ კი იგრძნო, რომ საღამოს განწყობილება შეიცვალა, ამიტომაც მყისვე შეავსო სირჩები და წამოიძახა:

— დავლიოთ, მეგობრებო, ბედნიერების სადღეგრძელო.

საითმა დღეს გაცილებით მეტი დალია, ვიდრე ნიშნობის დღეს და ახლა ენას ძლივს აბრუნებდა.

— მე საერთოდ ასეთი კაცი ვარ, — ლულულულებდა იგი. — მე საერ-

თოდ არაფერი არ მინდა, მაგრამ... თუ მე რამე მოვინდომე... უსათუოდ მივალწევ... უსათუოდ მივალწევ... მინდოდა და მათემატიკოსი გავხდი. ახლა კი ფეხბურთელი გავხდები... დიახ, ფეხბურთელი გავხდები... — გააჟირო საქმე და ეგ არის, რას აიჩემე ეს შენი არითმეტიკა სიტყვა გააწყვეტინა სევიმმა.

— მათემატიკა... არითმეტიკა, — ენას ძლივს აბრუნებდა საითი, — არითმეტიკა მეცნიერებაა... მეცნიერება... და მე არავის მივცემ ნებას, რომ...

— თუ ღმერთი გწამს, გაჩუმდი, ისედაც თავი მტკივა.

— ჰო, კარგი, კარგი! ჩემო ძვირფასო, ძალიან გთხოვ ფეხბურთის მასწავლებელი მომანახვინო, — კვლავ დაიწყო ხეწვნა-მუდარა საითმა, — ვივარჯიშებ და ვნახოთ...

— ფეხბურთის მასწავლებელი კიდეც სად გაგონილა!

— არის... თქვენ უსათუოდ გეცოდინებათ, სევიმ ხანუმ... იფქირან ბეიმ მითხრა, ჩვენს აჰმედს ფეხბურთის პროფესორს ეძახიანო, სთხოვეთ რომ დამეხმაროს, უარს არ გეტყვით, გასამრჯელოსაც ხეირიანად გადავუხდი.

— თუ ღმერთი გწამს, მომაშორე ეგ ტიპი, თორემ მეც არ ვიცი, რას მოვიმოქმედებ, მეტი აღარ შემიძლია, — აჰმედს მიუბრუნდა სევიმი. სევიმი აჰმედთან გადაჯდა, საითს კი ღუნდარ ღუბარა ბეი და ეროლ იფქირან ბეი მიუსხდნენ. ორივემ „თოზქოფარანის“ გეგმებზე ჩამოავლო სიტყვა.

— ძალიან დიდი შეხვედრა გვიძევს წინ, რუმინელებს უნდა ვეთამაშოთ, — ამბობდა ღუნდარ ბეი. — თამაშამდე ორიოდე თველა დარჩა, სევიმი აპირებს ჩვენთან ერთად წამოვიდეს ბუქარესტში, რათა გამხნევოს თურქეთის საუკეთესო გუნდი. თქვენც ხომ არ წამოხვიდოდით?

ღუნდარ ბეის ნათქვამმა საითი ააღელვა. ეს როგორ, ჩემი საცოლე სევიმი „თოზქოფარანთან“ ერთად რუმინეთში წასვლას აპირებს და მე არაფერი უნდა ვიციოდე?

იფქირან ბეიმ უმაღ აულო ალლო ყველაფერს, ჭიქები შეავსო და წამოიძახა:

— სასიძოსა და საპატარძლოს სადღეგრძელო იყოს!

მაგრამ საითს სმა აღარ შეეძლო.

კაზინოს ესტრადაზე წითელხალათიანი მომღერალი ავიდა და სიმღერა დაიწყო:



მხოლოდ შენ ხარ ჩემს გულში,  
დავკარგე მოსვენება,  
გზა დამეხშო მიჯნურთან,  
არა მაქვს ნახვის ნება.  
გამინათე ღამე ბნელი,  
მომიშუშე იარა,  
შემიბრალე მიჯნური,  
ცხოვრებამ ჩაიარა!



საითს არასოდეს გაეგონა ეს სიმღერა და გულზე მოხვდა, თითქოს მასზე შეუთხზავთ. ნომღერალი უკვე სულ სხვა სიმღერას მღეროდა, მაგრამ საითს მაინც ის მელოდია ჩაესმოდა ყურში: „მხოლოდ შენ ხარ ჩემს გულში, არა მაქვს მოსვენება“... და თვალწინ სევდიანი წარმოუდგებოდა. ღვინო უფრო და უფრო ერეოდა.

„გამინათე ღამე ბნელი, მომიშუშე იარა“, — ღიღინებდა საითი, მერე უცებ ხმამაღლა თქვა: — აი, ნახავთ, ეჭიმაც მითხრა... ნახავთ, ფეხბურთელი თუ არ გავხდები, მხოლოდ მე... — და კვლავ სიმღერა წამოიწყო: „გზა დამეხშო მიჯნურთან, აღარ ვუყვარვარ მას“.

სასიძოს უჩვეულო საქციელმა სევდიანი გააოცა. ნუთუ ალაპს არ შეეძლო ოდნავ მომხიბვლელი მაინც გაეჩინა საითი?

კაზინოდან ნაშუალამევს გამოვიდნენ. ღუნდარ ღუბარა ბეიმ ყველანი ბოსფორზე შეიპატიჟა:

— არ არის აუცილებელი ყველანი ერთ მანქანაში ჩავეყაროთ, საითი და სევდიანი ტაქსით გამოგვყვებიან, თან თავისუფლად იგრძნობენ თავს.

ასეც მოიქცნენ. სევდიანის გვერდით მჯდარი საითი იმ ლექსის სტრიქონებს ღიღინებდა განუწყვეტლივ: „მხოლოდ შენ ხარ ჩემს გულში, არა მაქვს მოსვენება“. ღიღინებდა და თვალთაგან ცრემლი სდიოდა.

— მანქანას რატომ არ ყიდულობ? — ჰკითხა მოულოდნელად სევდიანმა.

— მანქანას? მე ტარება არ შემიძლია და ვინ უნდა ატაროს?

— მე ვატარებ.

— თუ ასეა, ვიყიდი, რატომაც არ ვიყიდი, აქამდე გეთქვა, ჩემო ძვირფასო.

სევდიანმა დაკვირვებით შეხედა.

— პირობას მაძლევ?

— რასაკვირველია, შენ თუ გინდა, ვიყიდი...

სევიმმა ისე გადაუსვა საითს თავზე ხელი, როგორც პატარა ბიჭს მოფალერსებიან. საითს კვლავ ცრემლი მოერიო. რატომ? „გზა დამეხ-  
შო მიჯნურთან, აღარ ვუყვარვარ მას“.

სევიმმა აკოცა საითს!

— როდის?

საითმა ვერაფერი გაიგო.

— რა როდის?

— მანქანას როდის იყიდი-მეთქი?

— დღესვე... „შემიბრალე მიჯნური, ცხოვრებამ ჩაიარა“.

ბოსფორის სანაპიროდან რომ ბრუნდებოდნენ, სევიმმა დედას უთხ-  
რა, საითმა მანქანა უნდა მიყიდოსო და დასძინა:

— ასეთი საჩუქრის აღსანიშნავად ამაღამ საითი ჩვენსა უნდა დავ-  
ტოვოთ.

მშობლებმა უარი განაცხადეს, ეს მორალიო, ეს ზრდილობაო, ეს  
ზნეობაო, მაგრამ სევიმს არაფრის გაგონება არ უნდოდა და თავისას  
გაიძახოდა:

— რა მოხდა, რა არის ამაში ცუდი, ჩემს ფეხბურთელებს ჩემთან  
ლამე არ გაუთენებიათ?

— ფეხბურთელები სხვაა, საქმრო კიდევ სულ სხვა.

აჰმედმაკ კი სევიმს დაუჭირა მხარი. ცხადია, სევიმმა თავისი გაი-  
ტანა და იფქირან ბეიმ და აჰმედმა საითი შლიეს აათრიეს კიბეზე და  
ტახტზე დააწვინეს. ფერფერიკებმა აჰმედს სთხოვეს, ყოველი შემთხ-  
ვევისათვის შენც დარჩიო, მაგრამ აჰმედმა ქვა ააგდო და თავი შეუშ-  
ვირა, როგორ გეკადრებათო.

საითმა დილაადრიან გაიღვიძა. ყველას ეძინა. გაბრუებული წამოჯ-  
და ტახტზე. არ იცოდა, სად იყო. უსათვალოდ ვერაფერს ხედავდა, ხე-  
ლების ფათურით სათვალე იპოვნა, იატაკზე ეგდო. მხედველობა რომ  
დაიბრუნა, წამოდგა, ჩაიკვა და ჩუმად, ისე რომ არავინ გაეღვიძებინა,  
კარი გამოაღო და ქუჩაში გამოვიდა.

რამდენიმე წუთში სახლში მივიდა. ღვინო ჯერაც არ განელებოდა.  
ბერინ ხანუმმა რომ მთვრალი საითი დაინახა, ერთი კი შეჰკივლა და  
ლამის გრძნობა დაკარგა.



სევში, აჰმედი და საითი განუყრელი ვახდნენ, ყველგან ერთად დადიოდნენ, ამიტომ „წმინდა სამებაც“ კი შეარქვეს. ამ სამეფოში ერთს მამის როლი მიენიჭა, მეორეს კეთილი ფერიისა, ერთსაც — შორილი შვილისა. რასაკვირველია, პრესამ ეს ფაქტი უყურადღებოდ არ დასტოვა და დაწვრილებით აუწყა მკითხველს იმ განყოფილების მეშვეობით, მაღალი საზოგადოების ყოფას რომ აშუქებს. ისიც უნდა დავსძინოთ, რომ სევში აჰმედს უფრო მეტ დროს უთმობდა, ვიდრე საითს, მაგრამ საითსაც არ ივიწყებდა, მით უმეტეს, თუ ფულის ხარჯვა იყო საჭირო. ასეთ ადგილებში საითი უსათუოდ დაყავდა ხოლმე.

ფერფერიკების ოჯახში კი ამ ბოლო დროს დედას და ქალიშვილს შორის უთანხმოება ჩამოვარდა. ორჯერ-სამჯერ დედა-შვილი ერთიმეორეს წაეკიდა კიდევ. სევში დედამისს ბრალად სდებდა, ჩემს ქორწინებას განგებ აჭიანურებო. საითმა რა არ მოიმოქმედა, რომ ქორწილი დაეჩქარებინა, რადგან დარწმუნებული იყო, ქორწილის მერე სევში მხოლოდ ჩემი იქნებაო (აჰმედი ანგარიშში ჩასათვლელი არც არის, იგი ხომ შინაური კაცია). სევმსაც ძალიან სწადია ქორწილის დაჩქარება, მაგრამ სულ სხვა მიზეზის გამო — როგორც კი თავის ახალ სახლში გადავა, ბოლოს და ბოლოს თავისუფლებასაც მოიპოვებს, თორემ დედ-მამის გარეშე ერთი ნაბიჯი ვერსად გადაუდგამს, სული ამოხადა ამგვარმა მეურვეობამ.

სევში ფეხებს აბაკუნებდა და დედას უკიოდა:

— ქორწილი ძალიან მალე უნდა იყოს. რა გაუწყალე. გული იმ ტიპს (ტიპი საითი იყო), სახლი მიყიდევ მოსთხოვე და იყიდა, ქუჩა არ მოგეწონა და სხვა ქუჩაზე იყიდა სახლი, ეს პატარა არისო, ბრძანე და ახალი იყიდა, ეს კიდევ ძალიან დიდიაო ბრძანე და მომცრო სახლი იყიდა, ავეჯიც შეიძინა, სახლი რიგიანად მოაწყო და ახლა, როცა ყველაფერი მზად არის, მაინც რაღაცა არ მოგწონს: ეს სასადილო ოთახის გარნიტური ძალიან ღია ფერისააო, სამზარეულოში მუშაშა ძალიან მუქიაო, აღარ მოეღება ამ ამბებს ბოლო?

მეჭკურე ხანუმი რის მეჭკურე ხანუმი იქნებოდა, რომ ვალში დარჩენოდა:

— შენ რა, სულ გააფრინე თუ! ხომ არ შეგიყვარდა ეგ აყლაყულა, მოასწრებ ქორწინებას.

— მეტი აღარ შემიძლია. ასე ველარ ვიცხოვრებ, გადაიხადეთ ეგ

ქორწილი და ეგ არის. არსად მიშვებთ, არც შენთან მოვიდეს ვინმეო, სტადიონზეც ვერ წავსულვარ, რომ ჩემი ბიჭები გავამხნევო. წარმოგიდგენიათ? ჭერ გათხოვდი და მერე ირბინე სტადიონზე, ~~გამათხრო~~ ვეთ, ბატონო, გამათხოვეთ, რალას უყურებთ.

— შენ, ჩემო შვილო, ნაღდად გააფრინე და გინდა ჩირქი მოსცხო საქვეყნოდ პატივსაცემ ფერფერიკთა ოჯახს. განა შეიძლება მე, მეჭყურე ხანუშმა ასე უბრალოდ გავისტუმრო ქალიშვილი? შენ დარდი ნუ გაქვს. სწორედ ისეთი ბინა უნდა იყიდოს, როგორც მე მინდა და სწორედ შენი სურვილებისამებრ უნდა მოვაწყობინო, შენ კი, ჩემო სიხარულო, ამდენი ითმინე და ცოტაც რომ მოითმინო, არაფერია.

— არა, ვერ მოვითმენ, — იყვირა სევდიმმა და კარზე ზარიც დარეკეს. დედა-შვილმა თავისი მაინც არ მოიშალა.

— თუ ასეა, ის ტიპი არ დავინახო ამ ოჯახში, თუ სხვას არა აქვს მოსვლის უფლება, არც ის მოვიდეს, არ მინდა. იმის სიფათს რომ დავინახავ, გული ცუდად მიხდება.

ზარი კვლავ დარეკეს. მსახურმა კარი გააღო და სევდიმმა აჰმედი რომ დაინახა, მივარდა.

— აჰმედ, ჩემო აჰმედ, შენ მაინც მიშველე რამე, უთხარი დედაჩემს, რომ...

— შენი კვილი ქუჩაში ისმის, — შეაწყვეტინა აჰმედმა.

სევდიმი აქვითინდა და თავის მართლება დაიწყო:

— მე ქორწილის დაჩქარება მინდა, დედაჩემი კი ყოველ დღე ახალ-ახალ რამეებს იგონებს. იმ ტიპმა მთელი სახლი შპალერებით მორთო, დედაჩემს კი შპალერის ყვავილის ფერი არ მოეწონა, ვითომ დედამისს სულ ამგვარი შპალერებით მორთულ სახლში ამოხდა სული. იმ ტიპმა ეს შპალერი სულ ჩამოფხრიწა და ახალი გააკვრევინა. ერთი მითხარი; აჰმედ, ვტყუივარ რამეში? ქორწილისათვის მანქანას დამპირდა ეგ ჩემი ტიპი, დედაჩემი კი მაინც თავისას გაიძახის.

— ბარემ ის გეთქვა, რომ შენ მანქანის ხელში ჩაგდება ჭეჩქარება, — მეჭყურე ხანუში სიტყვას არ ლალატობდა და საკუთარ შეხედულებებს გამოთქვამდა: — სარიოღლუთ ნუ ეგონებათ, რომ ფერფერიკები ასე იოლად გასაცურებელი ხალხია.

ეს ოჯახური აურზაური რომ გადამწყვეტ ფაზაში შევიდა, ტკბილესით ხელდამშვენებული სასიძოც გამოცხადდა. ასე რომ, „წმინდა სამება“ სახეზე იყო. სევდიმი ჭერ კიდევ არ დამცხრალიყო და დღეს კიდევ უფრო ცივად შეხვდა საქმროს, ვიდრე სხვა დროს.

მსახურმა ყავა შემოიტანა. საითმა ჯერ ყოველი დამხვედურის ჯანმრთელობა მოიკითხა თავაზიანად, მერე კი სასილედროს აცნობა, ახალ სახლში ავეჯის გაწყობა უკვე დამთავრებულია და მეჭურვე ხანუმი სთხოვა, ახალი ბინის დასათვალიერებლად მობრძანდითო, სასილედროს ეს ამბავი არაფრად ჩააგდო და გულგრილად დაუქნია თავი. ამაზე სევიმი ისე გაბრაზდა, რომ ფერიც კი დაჰკარგა. მეჭურვე ხანუმი, იმის შიშით, ხელახლა არ წავიჩხუბოთო, სასტუმრო ოთახიდან გაიძურწა.

აჰმედი საგარძელში გემრიელად ჩაჯდა და კლუბის ახალ ამბებს მოჰყვა:

— ნაღდად არანორმალური კაცია ჩვენი ახალი მწვრთნელი ტომპსონი, სულ ერთსა და იმავეს გაიძახის: „გახსოვდეთ, რომ სუნთქვა უნდა გქონდეთ ჩინებულად დაყენებულის!“ „გახსოვდეთ სუნთქვა, გახსოვდეთ სუნთქვა!“ შუალამემდე ისე გვარბენია მოედანზე, თითქოს ძაღლებსა წვრთნისო, ხან დავებტოდით, ხან ას მეტრზე სირბილში ვეჭობრებოდით ერთმანეთს და არ ვიცი კიდევ რა ამის მერეც კი გუნდი ორად გაყო და თამაში დაიწყო, ერთი მითხარი, ყოფილა თუ არა არამზადა? ასეთ წვრთნას ვინ გაუძლებს. ღმერთმანი, მუხლები მეკვეთება, ისე ვარ.

— ალაჰმა ძალა მოგცეს მაგ ფეხებში, ჩემო ძვირფასო.

— გმადლობ, ჭირიმე.

საითმა კი გაიფიქრა, ამდენი ხანი ხმას რომ არ ვიღებ, რაიმე ცუდი არ იფიქრონო და სავსებით გულუბრყვილოდ იკითხა:

— აჰმედ ბეი, თქვენი ძირითადი პროფესია რა არის? — საითს რომ სცოდნოდა, რა შედეგი მოჰყვებოდა ამ კითხვას, რასაკვირველია, კრინტს არ დასძრავდა. „თოზქოფარანის“ ცნობილი დამცველი სასტიკად ალაშფოთა ამ კითხვამ, საითს ისიც კი მოეჩვენა, რომ აჰმედს მარცხენა ფეხი აუტოკდა.

— რაო? პროფესიო? და თანაც ძირითადიო? შენ რა, განა არ იცი, რომ მე ძირითად შემადგენლობაში ვთამაშობ? მე ფეხბურთელი ვარ და თანაც ვარსკვლავი, გაიგე?

ჩვენმა გულუბრყვილო მათემატიკოსმა არ იცოდა, რა არის შრომა და იმას როგორღა იფიქრებდა, რომ შეიძლება კაცმა მოედანზე ბურთს სდიოს და ამით პური ჭამოს.

— უკაცრავად... არ ვიცი... მაგრამ... განა თქვენ მუდამ თამაშობთ? თამაშის მეტს არაფერს აკეთებთ?

ამან სულ გააცოფა აჰმედი.

— შენ გგონია, ეს ცოტაა? ალბ, რა ხალხში ვცხოვრობ. ერთი მრგდე, ძმაკაც, შენ ზეციდან ხომ არ ჩამოფრინდი. ერთხელ ხომ დაწვრილებით ავიხსენი, ვინც ვარ და რასაც სწერენ გაზეთებში ლმერთო, ეს ვის გადაეყარეთ, სევიმ, პა?

— იქნებ ისა გგონია, რომ ფეხბურთი პროფესია არ არის? — ახლა სევიმის ჭერი დადგა. — გადი ქუჩაში, ნებისმიერი კაცი გააჩერე და ჰკითხე, აპმედ „კედელა“ ვინ არის-თქო.

— არა... არა... მე ხულაც არ მინდოდა ეს მეკითხა, — ალუღღღღღ და საითი.

— ათას კაცს რომ ჰკითხო, ვინ არის აპმედ „კედელა“-თქო, დაწვრილებით მოგიყვება მის ამბავს, მერე კი ის უთხარი, ამა და ამ მინისტრზე რას მეტყვი-თქო. აბა, ნახე, მინისტრზე თუ რამე ეცოდინებათ. იქნებ მაშინ მაინც ჩაიღო თავში, ვინ არის აპმედ „კედელა“. — კვლავ გაბრაზდა სევიმი.

— ამაზე რაღას იტყვი, ძმაკაც? — იკითხა სევიმის მხარდაჭერით კმაყოფილმა აპმედმა.

სასიძო სასიღედრომ იხსნა, რადგან მოკამათენი სასაღილოდ მიიწვია.

საითმა ბოღიში მოიხადა, ასეთ სასიამოვნო საზოგადოებაში სადილობა არ შემიძლიაო, რადგან რეფიქთან მიეშურებოდა.

რეფიქი და მისი მეგობარი პროფესორი მთელი კვირა იკვლევდნენ საითის ჯანმრთელობას, ყოველმხრივ შეისწავლეს მისი მდგომარეობა და დაასკვნეს, რომ პაციენტს შინაგანი სეკრეციების ჯირკვლები ჰქონდა დაზიანებული, ამასთან ვერც კუჭქვეშა ჯირკვალი იყო რიგში. აი, ამან განაპირობა საითის არასწორი განვითარება, ფიზიკური უძლურება, ცუდი მხედველობა და უფერულობა. დიაგნოზი რომ დაადგინეს, პროფესორმა განაცხადა, სიამოვნებით ვუმკურნალებო.

სარიოლლუთა ნაშიერის ავადმყოფობათა მიზეზი არასწორი კვება იყო, უწინარესად კი ის, რომ მუდამ ერთსა და იმავე საკვებს ღებულობდა. თავის დღეში არ უჭამია ხორცი და კვერცხი, დაიბადა თუ არა, დედამ მოიშორა და ძიძას ჩააბარა, ძიძას კი რძე არა ჰქონდა იმ უბრალო მიზეზის გამო, რომ ბავშვი არასოდეს გასჩენია, არც ძიძობა გაუწევია როდესმე, ახლაც შემთხვევით მოხვდა ძიძად — მთელი სტამბული სარიოლლუთა სიმდიდრეზე ლაპარაკობდა, ეს ქალიც ერთი ჭორიკანა ვინმე იყო, გაგონილს ნანახი სჯობიაო და სარიოლლუთა ოჯახში ძიძად შემოვიდა. ასე რომ, საითს დედის რძე არ ღირსებია.



ბერინ ხანუმი რომ არა, საითი იმქვეყნად წერილსაც წაიღებდა, მაგრამ ბერინ ხანუმ ეფენდიმ სხვა გაუთხოვარი ქალებივით ოჯახში კატების მოშენებას კი არ მიჰყო ხელი, დისწულს მიხედა, ძროხებს რძით კვებავდა და ათასი ავადმყოფობისგან იხსნიდა ხოლმე.

ერთ ზაფხულს საითს დიზენტერია შეეყარა. სიკვდილს ძლივს გამოსტაცეს ხელიდან, მაგრამ რად ვინდა! რაც სამედიცინო ცნობარში ბავშვთა ავადმყოფობანია ჩამოთვლილი, საითმა ყველა მოიხადა. ჩვენმა მედიცინამ ვერაფრით ახსნა, როგორ გადაიჩინა საითი და ვანა მხოლოდ გადაიჩინა? 184 სანტიმეტრიც კი ვაიზარდა. ასეთი რამ მედიცინაში გაუგონარია.

სარიოლლუთა სასახლეში იმდენი ხალხი მიმოდიოდა, რომ სასტუმროსავით იყო. იდგა ერთი გნასი და აურზაური. ვერ გაიგებდი, ვინ სტუმარი იყო და ვინ მასპინძელი, ვინ ვისი ნათესავი და რა ნათესავი. საითი გათამამებული და ჭირვეული ბავშვი იყო და მისი კვება სარიოლლუთა ოჯახის წევრების გასართობ საქმედ იქცა. რას არ აკეთებდნენ, ოღონდაც საითს საქმელი ეჭამა — გადამღვარი დიპლომატები ცალ ფეხზე ხტუნავდნენ, მოხუცები მამლის ყვირის ბაძავდნენ, ქალები მუცლის ცეკვას იწყებდნენ, ყველანი ტაშს უკრავდნენ და თან მღეროდნენ: „ვაშა, ვაშა, საით, ვაშა!“ ისეთი შთაბეჭდილება იქმნებოდა, რომ ეს ცეკვა-თამაში საითის გამო კი არ იმართებოდა, არამედ თვითონ სიამოვნებდათ.

ამასთან ერთად, საითი შშიშარა ბავშვი იყო. დეიდა ბერინის გარდა ყველასი ეშინოდა. ჯერ კიდევ ექვსი თვისა იყო, ძიძამ რომ შეაშინა: ბავშვის საწოლს რომ მიუახლოვდა და საითის სახეზე გრიმასა დაინახა, ერთი წივილ-კივილი ატეხა: „დიდება ალაჰს, საით ფაშამ გაიღიმა, დიდება ალაჰს“. ყველანი ბავშვის საწოლს შემოეხვივნენ და აყაყანდნენ. იმ დღეს საითი ავად გახდა. და მას შემდეგ დეიდა ბერინის გარდა თუ ვინმე მოიბრუნდა მის საწოლთან, ტირილს და კივილს იწყებდა.

ბერინ ხანუმმა რეფიქსა და პროფესორს დაწვრილებით უამბო საითის ბავშვობა. ეს კი ორივეს დაეხმარა, მკურნალობის სწორი გეზი აეღოთ. პროფესორი ამბობდა, მკურნალობის პირველი კურსის დამთავრებისთანავე საითი ამერიკაში უნდა გაემგზავროსო, იქ ერთ-ერთ ინსტიტუტში ახლებური მეთოდით მკურნალობენო. რეფიქსმა კარგად იცოდა, სევიმის გარდა ვერავინ დაიყოლიებდა ამერიკაში გამგზავრებაზე, ამიტომ ჰიპნოზირების კურსი რომ დაიწყო, პირველსავე დღიდან სასიძოს ჩააგონებდა: თუ ვინდა ცნობილი ფეხბურთელი გახდე, ამერი-

კაში უსევდომოდ უნდა გაემგზავრო, თუ არადა, ეს მკურნალობაც უაზრობა არისო. რეფიქის კაბინეტში შესვლისთანავე საიტს ქუთუთოები უმძიმდებოდა, თვალები ეხუჭებოდა. ტანტამდე ძლივს მიადგებოდა, თან გაიძახოდა: „არაფრით არ მჯერა, რომ შეგონებით კაცის დაძინება შეიძლება“. ამას იტყოდა თუ არა, ხვრინვას ამოუშვებდა. საითზე მაგიურად მოქმედებდნენ ციფრები — ერთხელ რეფიქმა ცოლს ჰკითხა, ამა და ამ კაცის ტელეფონი რა ნომერიაო. ცოლმა ციფრები დაასახელა თუ არა, საიტს ჩაეძინა. ერთგული მეგობარი მძინარე საიტს წარსულსა და მომავალზე ელაპარაკებოდა. ყოველი სენანის შემდეგ საითი ისე მხნედ გრძნობდა თავს, თითქოს რაიმე ტვირთი ჩამოხსნესო.

ერთხელ საიტს რეფიქთან მიეჩქარებოდა. სასადილო მაგიდას მიუჯდა, დეიდა ბერინი სახლში არ იყო, მადამ ანეელას კი სადილი არა და არ მოჰქონდა. მთელი ნახევარი საათი იცადა საითმა და მერე თვითონ გავიდა სამზარეულოში, მადამ ანეელას სათვალე გაეკეთებინა და გატაცებით კითხულობდა გაზეთს.

— მადამ ანეელა, რა მოხდა? რა ხანია გელოდებით, თქვენ კი სადილი არ მოგაქვთ.

— ახლავე, ჩემო ფაშა, ალღავე, სადილს ვაღლელებ, აი, ამ წერილსაც ჩავიღივებ და... აჰმედ „კედელას“ შესახებ სწერია, ვერ გადაუწყვეტიათ, წაიღვანონ თუ არა რუმინეთში, მას ხომ ორ თამაშში მონაწილეობის უფლება ჩამოართვეს.

აჰმედ „კედელაზე“ დაწერილი სტატია რომ წაიკითხა, მადამ ანეელამ სადილი მოიტანა. ამასობაში დეიდა ბერინიც მოვიდა, საითი გაზეთის პირველ გვერდს ათვალეირებდა.

— „ცვლილებანი მთავრობაში“, — წაიკითხა საითმა უზარმაზარი ზომის შრიფტით აწყობილი სათაური.

— რა სთქვი, შვილო? — იკითხა ბერინ ხანუმმა.

— მთავრობაში ცვლილებანი მოხდა. განათლების მინისტრი იუსტიციის მინისტრი გახდა, იუსტიციის მინისტრი კი — განათლებისა.

— ხომ არ გახსოვს, ვინ არიან ეს მინისტრები? — იკითხა დეიდა. საიტს გაახსენდა, ყველამ იცის აჰმედ „კედელა“ ვინც არის და რა არის, მაგრამ ვერც ერთი მინისტრის გვარს ვერ დაგისახელებსო. სევიმი მართალი ყოფილა. არც დეიდამ და არც მადამ ანეელამ არც ერთი მინისტრის გვარი არ იცის, სამაგიეროდ, ძალიან კარგად იციან, ვინ არის აჰმედი, რა გაუკეთებია მას და როგორი მარცხენა ფეხი აქვს.

მადამ ანეელამ დაწვრილებით უამბო ბერინ ხანუმ ეფენდის, თუ

რას წერდნენ დილის გაზეთები აჰმედ „კედელას“ თაობაზე და შერე-  
ერთმანეთს შეეკამათნენ იმაზე; თუ რამდენად სამართლიანი იყო ასეთი  
სასჯელის დადება აჰმედზე.

ერეკლესელი

— ალაჰ, დეიდა, ნუთუ თქვენ, თქვენი ასაკის ქალს გვერტირესებო?  
აჰმედის ამბავი? — გაოცდა საითი.

— როგორ თუ ასაკის, მე ყველაფერიც მაინტერესებს, აი, შენ მა-  
თემატიკაში ჩარგე ცხვირი და მეტი აღარაფერი იცი აჰმედყენად. როგორ  
შეიძლება თურქი არ იცნობდეს აჰმედ „კედელას?“

— ერთხელ მაინც თუ ყოფილხარო სტადიონზე?

— მაგას რა მნიშვნელობა აქვს, როგორ შეიძლება მე არ ვიცოდე  
ის, რაც ქვეყანამ იცის. ყოველდღე გაზეთები ან აჰმედზე დაწერილ  
წერილს ბეჭდავენ, ან კიდევ აჰმედის სურათს. გინდა თუ არა, გეცოდი-  
ნება, მაშ!

ნასადილევს საითმა ტაქსი დაიჭირავა და რეფიქსიკენ გაეშურა.  
წვიმა დაიწყო. ავტობუსის მოძლოდინე ხალხი სველდებოდა. საითმა  
უნალ უხერხულობა იგრძნო — იქ ხალხი სველდება, მე კი აქ მარ-  
ტოკა გამოვჭიმულვარო.

— იქნება ვინმე ჩავისვათ, ჰა? — ჰკითხა მძღოლს.

შოფერმა მანქანა გააჩერა და იგი უმაღ აივსო ნალხით. საითის  
გვერდით ბავშვიანი ქალი და ხნიერი კაცი მოთავსდა, შოფერის გვერ-  
დით კი ერთი ქალი და გოგონა. მგზავრებმა დაიწყეს მუნიციპალიტე-  
ტის წყევლა-კრულვა, ქალაქში ტრანსპორტის საქმე ვერაფრით ვერ  
მოაგვარესო. ხალხი მუდამ ავტობუსს ელოდება, მით უმეტეს, ამგვარ  
ამინდში ლოდინი როგორიაო.

— ერთი მითხარი, თუ კაცი ხარ, ვინ არის ახლა ჩვენი მუნიციპა-  
ლიტეტის თავმჯდომარე? — ჰკითხა ხნიერმა კაცმა მძღოლს.

— რა ვიცი, რაში მეპრიანება, ძმაკაცია — თუ ნათესავი, რატომ უნდა  
ვიცოდე?

— მუნიციპალიტეტის რა ბრაღია, — ჩაერია საუბარში მძღოლის  
გვერდით რომ ქალი იჯდა, — მთავრობა რას ფიქრობს, გზები რატომ  
არ გაკავენს, რომელ მინისტრს ეხება ეს საქმე?

— შინაგან საქმეთა მინისტრს, ან კომუნალური მეურნეობების მი-  
ნისტრს, — თქვა გოგონამ.

— კომუნალური მეურნეობის მინისტრი ვილა არის? — მძვინვარედ  
იკითხა ქალმა.

ყველა გაირინდა.

— კაცმა არ იცის მაგ მინისტრების თავი და ბოლო, კი არიან, მაგრამ რას გვიკეთებენ? — ეს საითის გვერდით მჯდომი კაცი იყო.

— მართალი ხართ, რას დაიმახსოვრებ, ყოველდღე იცვლებიან.

მძლოლმა რადიო ჩართო. დიქტორი თურქი ფეხბურთელის მომავალი თამაშების თაობაზე ლაპარაკობდა. ამიტომ მანქანაშიც სიტყვა უმალ ფეხბურთზე ჩამოვარდა. წინ რომ ქალი იჯდა, იმან თქვა, ორი ბიჭი მყავს და მუდამ ერთიმეორეში ჩხუბობენ, რადგან სხვადასხვა გუნდებს ქომავობენ.

— თქვენ რომელი გუნდის ქომავი ხართ? — ჰკითხა ხნიერმა კაცმა საითს.

— „თოზქოფარანის“, — ამაყად უპასუხა საითმა.

— სწორია, ძმაო, — თქვა მძლოლმა და არა მარტო „თოზქოფარანის“, არამედ მთელი ეროვნული ნაკრების სიამაყის აჰმედ „კედელას“ ქებას მოჰყვა. — რომელიღაც იდიოტმა თამაშში მონაწილეობა აუკრძალა და ახლა რუმინეთში არ მიჰყავთ.

— კარგი ფეხბურთელია, მაგრამ ძალიან უხეშია, — თქვა „თოზქოფარანის“ ქომავმა ქალმა.

— არა, ქალბატონო, ეგ უხეში კი არა, მკვეთრი ფეხბურთელია, ეს კი ერთი და იგივე როდია, — ხმა აიმაღლა კაცმა.

— ჩვენი ფეხბურთის ვარსკვლავია, პროფესორია! — თქვა შოფერმა.

— თქვენ ნახეთ, რუმინელებს როგორ გაამწარებს, — თქვა ბავშვმა.

— როგორ, აჰმედს შენც იცნობ? — გაოცდა საითი.

— აჰმედს ვინ არ იცნობს, აი, ჯერ კიდევ სევდიმთან რომ...

საითის გარდა ყველას გაეღიმა. რა ერუდიციას ამელავენებდა ეს ბავშვი.

— ვისთან, ვისთან?

— აი, რესტორან „დალტონში“ ნიშნობაზე, სევდიმი და აჰმედი...

— ხმა გაიკმინდე, რაც არ იცი, რატომ ლაპარაკობ? — შეაწყვეტინა დედამ.

— როგორ არ ვიცი, გაზეთში წავიკითხე, — დაიჩივლა ბავშვმა.

— ამნაირი სისულელე არ უნდა იკითხო.

საითი გაწითლდა, თითქოს ეშინოდა, არ მიცნონო. ჯიბიდან ფული ამოიღო, შოფერს გაუწოდა და უთხრა:

— გააჩერეთ, მე აქ უნდა ჩავიდე.

მანქანიდან გადმოვიდა, ცოტა ხანს დაიცადა და სხვა ტაქსი დაიჭირა. სევდისა და აჰმედზე ფიქრი მაინც ვერ მოიცილა.

„მართლაცდა, მინისტრების სახელი არავინ იცის, აჰმედ ქვედელას“  
კი ყველა იცნობს, მთელი მისი ცხოვრება იცინა“.

რეფიქსი კაბინეტში რომ შევიდა, იგრძნო, როგორ დაუშვდა ქუთუთოები, თვალები ეხუჭებოდა.

— არა, არ მჯერა, რომ შეიძლება შეგონებით დაიძინოს კაცმა, — თქვა და ჩაიძინა კიდეც.

### თურქული ფეხბურთის პირველი პაკვეთილები

— არ შემოძლია, ტყუილბურალოდ ფულს ვერ ავიღებ.

— ნუ სულელობ, ჩემო ძვირფასო. ასეთი შემთხვევის ხელიდან გაშვება როგორ იქნება. გაკვეთილებს ჩაუტარებ და ფულს მიიღებ. რა მოხდა?

— მაგისგან არ მიკვირს, ცალტვინა კაცია, მაგრამ შენ რამ გადაგ-რია? როგორ შეიძლება ეგ ფეხბურთელი გახდეს, სიტოცხლეში ბურთისთვის ფეხი არ დაუკარგებია.

— ახლა დააკარებს... მიეცი ბურთი და თავის ბალში რამდენიც უნდა, იმდენი ირბინოს, — თავისას არ იშლიდა სევდში.

— ვერ შესძლებს, ბურთს რომ ფეხი დაარტყას, ისე წაიქცევა, ვეღარაფერი უშველის.

— რა გენაღვლება. შენ ფული ჯიბეში ჩაიდე. ვილაცას უთქვამს, აჰმედი ფეხბურთის პროფესორიაო, ჰოდა, მასაც უნდა, თქვენ ასწავლოთ, ბატონო პროფესორო. სული ამომხადა, მოელაპარაკე, იქნება მავარჯიშოსო. შენ ეს მითხარი, კიდეც რამდენი წელიწადი შესძლებ თამაშს? დროა მომავალზე იფიქრო. მდიდარი საცოლე რომ მოგეძებნა, არც ის გაწყენდა, თორემ მერე გვიანი იქნება.

— მართალი ხარ, დრო უცებ გარბის.

— ჩემი ტიპი კი მდიდარი კაცია, ცოტა რომ შენც იხეირო, მაგით არ გაღარიბდება. მაგათ ფული არ აკლდებათ, ხან მალაზიას ყიდიან, ხან რომელიღაც სახლს.

— თამაშს რომ თავს დაგანებებ, მწვრთნელი გავხდები.

— მაინც ბურთთან გეჭნება სჯამე. სპორტული მალაზია რომ გახსნა?

ჰოდა, ეგ ფული მაგ საქმეში გამოგადგება, უფულოდ ვერაფერს ვაბ-  
დები.

მართლაცდა, რატომ არ უნდა ვახსნას მალაზია? განა მისი სახელი  
ყოველგვარ რეკლამას არ სჯობია? ამის გამო მუშტარი, ალბათ, არასო-  
დეს დაეღვება. ამ ცოტა ხნის წინათ თხელ-თხელი იყო, ნიავეივით მსუ-  
ბუქად დაქროდა მოედანზე, ვინ წამოეწეოდა, მაგრამ ახლა გასუქდა და  
ისე მკვირცხლად ველარ მოძრაობს, ხანი რომ მოემატა, ამიტომაც თა-  
მაშობდა უხეშად. თუ დარწმუნდება, ბურთს ველარ მოვეწევიო, მოთა-  
მაშეს ფეხებში ურტყამს, დარტყმა კი ტექნიკური იცის — ყოველი  
მსაჯი როდი შეამჩნევს.

სევიმი მიხვდა, აჰმედს ჭკუაში უჯდებოდა მისი ნათქვამი და კიდევ  
უფრო დაეინებით განაგრძო ლაპარაკი.

— დიდი ვარჯიშიც ეგ არის — კვირაში ერთხელ მიდი, ერთი-ორი  
საათი არბენინე თავის ბაღში და მორჩა!

აჰმედი რომ დაეყოლია, სევიმი ტელეფონს ეცა და საითს დაურეკა.  
ყურმილი ბერინ ხანუმმა აიღო და, საითი უნივერსიტეტში წავიდა  
ლექციის მოსასმენადო, უთხრა სევიმს.

— გადაეცით, რომ დავურეკე.

— უსათუოდ გადავცემ, — მშრალად უპასუხა ბერინ ხანუმმა, ეს გაუ-  
ზრდელი გოგო თავიდანვე არ მოსწონდა და მასთან საუბარიც არაფ-  
რად უბიტნაებოდა.

სევიმმა ყურმილი დასდო და თქვა:

— ამ ჩემმა ტიპმა სულ ააფრინა. ახლა უნივერსიტეტში წასულა  
ლექციის მოსასმენად. — სევიმს ცხოვრებაში ერთხელაც არ მოუსმენია  
ლექცია და ასეთი რამ უცნაურად ეჩვენებოდა.

— ბიჭებმა რომ გაიგონ ეს ამბავი და გამაბითურონ? — ჰკითხა  
აჰმედმა.

— საითს ვეტყვი, კრინტი არსად დასძრას, საიდუმლოს შენახვა კარ-  
გად იცის.

ვიდრე იქ სევიმი და აჰმედი იმას ბჭობდნენ, თუ როგორ დაედგათ  
რქები საითისათვის, საითი რეფიქის ლექციას ისმენდა. რეფიქი სწო-  
რედ იმ ავადმყოფობის შესახებ ლაპარაკობდა, რომელიც საითს და-  
მართნოდა. ლექციის პირველ ნაწილში ავადმყოფობის ნიშნებზე იყო  
ლაპარაკი, საითი ვერაფერს ხვდებოდა და დიდის ინტერესით უსმენდა  
მეგობარს. ალბათ, ვერც მიხვდებოდა, რეფიქი რომ მასზე ლაპარა-



კობდა, მაგრამ როცა ექიმმა მკურნალობის მეთოდებზე დაიწყო ლაპარაკი, საითს ძალიან ეცნო ყველაფერი.

— ამგვარი ავადმყოფის მკურნალობისას აუცილებელია გამოყენებული იქნას სხვადასხვა ხერხი, ამ დროს გამოგვადგება სპორტული ვარჯიშიც, ფსიქოთერაპიაც, ორგანიზმში წამლების შესაბამისად.

ლექციის მერე სტუდენტები რეფიქს შემოეხვივნენ — ჩინებული ლექცია მოვისმინეთო. საითმაც მიულოცა მეგობარს, მაგრამ თუ რამეს მიხვდა, არ შეამჩნევინა. უნივერსიტეტიდან ზაასით გამოვიდნენ, რეფიქს რომ დაშორდა და სახლში წავიდა, საითი გონების თვალთ კვლავ ლექციას დაუბრუნდა, აგერ უკვე ერთი თვეა, რაც მკურნალობს და გაცილებით უკეთ გრძნობს თავს, ახლა მხედველობაც უკეთესი აქვს. საჭირო აღარ არის, რომ წიგნი თუ გაზეთი ცხვირთან მიიტანოს. ბურთს ფეხს აღარ აცდენდა და კარგად ურტყამდა. ერთადერთი, რაც ვერ გაეგო, ამერიკაში გამგზავრება იყო. ორივე ასე დაყინებით რატომ ეუბნებოდა, ოკეანის გაღმა უნდა გავმგზავრო? რაში სჭირდება ეს ამერიკა? იგი მზად არის კვლავ რეგულარულად მიიღოს წამლები. აიტანოს ყოველნაირი ნემსის ჩხვლეტა, ოღონდ სევიმს არ დააშორონ. დეიდა ბერინმა უთხრა, სევიმმა დარეკაო და სადილი თვითონ მიართვა. ერთი ბოთლი ღვინოც დაუდგა მაგიდაზე. ახლა საითი სადილობისას ორიოდე ჭიქა ღვინოსაც კი სევამდა ხოლმე. ბერინ ხანუშმა რომ რეფიქს შესჩივლა, ამ ბოლო დროს ღვინოს ერევეაო, რეფიქმა ძალიან გაიხარა და ისიც კი თქვა, ძალიან კარგი იქნება, ბანქონ თამაში, ცეკვა და ქალებთან არშიყიცი რომ დაიწყოს, ყველაფერი კარგად მიდის, მკურნალობას შედეგი მოაქვს და საითი ცხოვრებას უბრუნდებო.

ტელეფონის ზარი გაისმა.

— საით, ჩემო ძვირფასო, — ეუბნებოდა სევიმი საითს, — უნდა გაგახარო, როგორც იქნა, დავიყოლიე, ჰო, დავიყოლიე. — ამ „ჩემო ძვირფასომ“ ისეთი თავბრუ დაახვია საითს, რომ ვერაფრით გაიგო, ვინ დავიყოლია სევიმმა და რაზე. შეკითხვა კი არ უნდოდა, უხერხულიაო.

— ჯერ გაიძახოდა, დრო არა მაქვსო, მაგრამ მე ძალიან ეთხოვე, ბევრი ვეხვეწე და აი, როგორც იქნა, დამყაბულდა. ალო, ალო, საით, არ მისმენ? არ გიხარია, რომ ეს საქმე გაგიკეთე?

— ძალიან მიხარია, ძალიან.

— რატომ მადლობას არ მიხდის? მე იმდენი ეცადე შენთვის, იმდენი, რომ... შეგიძლია ხვალვე შეუდგე. აი, აჰმედი აქ არის, დაელაპარაკე.

საითი ახლად მიხვდა ყველაფერს.

— ახლავე, ახლავე თქვენთან გავჩნდები... ამ წუთში.

გზაზე ყვეაილების მაღაზიაში შეირბინა, სიჩქარეში ხურდაც დაავიწყდა და გამყიდველი ქუჩაში წამოეწია. სევდიმან მისულის მსახურ ქალს გადაეხვია. ამით ის ქალიც შეაღებუნა და თვითონ უხერხულად იგრძნო თავი, მერე სულ ბოდიშებს უხდიდა, სევდიმან გონეთო...

— სევდიმან ხანუმი და აჰმედ ბეი იქ არიან, — სასტუმრო ოთახზე მიუთითა მსახურმა. მაგრამ სასტუმრო ოთახში ისინი არ აღმოჩნდნენ. სხვა ოთახში მორიდებით შეიხედა, მაგრამ ვერც იქ იპოვნა საცოლე და აჰმედი. სასტუმრო ოთახში მოუთმენლად ბოლთას სცემდა, მოულოდნელად შეამჩნია, რომ მთელი ოთახი სურათებით იყო მოფენილი. სურათები იყო კედლებზე, მაგიდებზე, ბუხარზე, ადრე ეს სურათები არ შეუმჩნევია. მკურნალობამ მხედველობაზეც იმოქმედა. ყოველ ფოტოსურათზე ორი სპორტულ სამოსში გამოწყობილი ადამიანი იყო გამოსახული. შამაკაცს ქალისათვის წელზე მოეხვია ხელი. საითი ყურადღებით დააკვირდა და პირველ სურათზე სევდიმან იცნო. სურათს ასეთი წარწერა ამშვენებდა: „ჩემს ძვირფასს, ულუდადში სათხილამურო კვირეულში გატარებული დღეების სახსოვრად — შენ ყველაზე დიდი შთაბეჭდილება მოახდინე ჩემზე, შენ ჩემი უმთავრესი რეკორდი ხარ“.

„ოჰო, ყოჩაღ სევდიმან, ეგ თურმე მოთხილამურეც ყოფილა“, — გაიფიქრა საითმა. აღმოჩნდა, რომ ამ სურათებში სევდიმან სპორტის სულ სხვადასხვა სახეობის წარმომადგენლებთან ყოფილა გადაღებული: აი, სევდიმან ტანმოვარჯიშესთან ერთად, ქვეშ კი ასეთი წარწერა: „იმ დღის აღსანიშნავად, როცა მე და შენ ტანვარჯიშში მცადინებობა დავიწყეთ“. აგერ, საბანაო კოსტიუმში მორთული სევდიმან იახტის ცხვირზე დგას, წარწერა კი ასეთია: „რა გემრიელად გავატარეთ დღევანდელი დღე“.

„ალაჰ, რა მრავალმხრივი სპორტსმენია სევდიმან, მოთხილამურეც, ტანმოვარჯიშეც, იახტსმენიც, მე საითი არ ვიყო, თუ ფეხბურთელი არ გავხდე“. მერე აღმოაჩინა, რომ ერთ კედელზე მხოლოდ ფეხბურთელთა სურათები ეკიდა. ყოველ სურათს წარწერა ამშვენებდა და საითი ისე დაბეჯითებით კითხულობდა ამ წარწერებს, როგორც მუზეუმში მოსული კაცი.

კარმა გაიკრიალა და ოთახში ქალი შემოვიდა... საითი სიხარულით მოეხვია მას. სევდიმან ხომ ახლახან ჩემო ძვირფასო უწოდა. მაგრამ შემოსულმა ქალმა ერთი კვილი ატეხა, არიქათ, მიშველეთო. ეს ქალი

სევში კი არა, ფერფერიკების შორეული ნათესავი აღმოჩნდა. ამ ქალს სიყვარული მაინცდამაინც არ უძნელდებოდა, უკვე ოთხჯერ გათხოვდა და ოთხჯერვე დაქვრივდა.

— უკაცრავად, მეჭურე ხანუმი მეგონეთ, — ალუღღღდა დაბნეულ ლი საითი.

ქალის ყვირილზე სევშიმა მოირბინა.

— რა ამბავში ხარ შენ აქა? — დაუცაცხანა საითს.

— ეს მე... მე ისე... მე მეგონა, რომ...

სევში სიბრაზისგან გაფითრდა. როდემდე უნდა აიტანოს ასეთი რამ? ჯერ იყო და, დედამისს ეხვეოდა, ახლა დედა აღარ იკმარა და ნათესავებს დაერია. საითი და დაზარალებული ერთმანეთს ბოდიშს უბდიდნენ. ამ მობოდიშებას ბოლო აღარ ჰქონდა, დაზარალებული ნანობდა კიდევ, რად მინდოდა ეს ყვირილი რომ ავტეხეო.

განრისხებული სევში ბობოქრობდა. უკვე დაეშვდა კიდევ — მართლაც ყუყუჩია ეგ ტიპი, თუ მე მაყუყუჩებს. და ვისაც მოეპრიანება, იმას ეხვევაო.

დაბნეულმა საითმა აღარ იცოდა, რით ემართლებინა თავი და სევშიმს ჰკითხა:

— დღეს თავს როგორა გრძნობთ, სევში ხანუმ? ჩენი აჰმედი სად არის?

ამაზე საპატარძლოს ისტერიული სიცილი აუტყდა. საქანელა სავარძელში ჩაჯდა, რომ დამშვიდდა, უპასუხა.

— დაგავგიანდა, აჰმედი ახლახან წავიდა.

საითი მის ფეხებთან ბალიშებზე მოკალათდა. სავარძელი ქანაობდა და საითის თვალთან დროდადრო გაიელეებდა ხოლმე სევშიმის საგსებარძაყები, მოკლე კაბა რომ ვერ ფარავდა. საითს შერცხვა ჯდა თავი დახარა, ეს კიდევ უფრო ართობდა სევშიმს.

— აჰმედი თანახმაა გავარჯიშოს, როგორც იქნა, დავიყოლიე, ეს კერძო ვაკვეთილებია და შენ ფული უნდა გადაუხადო, თუმცა, ალბათ, ხედები, რომ ამას ფულის გულისთვის არ აკეთებს აჰმედი. მხოლოდ იცოდე, ეს ამბავი არავინ არ უნდა გაიგოს, თუ ვინმესთან სიტყვა წამოგცდა...

— ჩემგან ვერავინ ვერაფერს გაიგებს, სევში ხანუმ. პირობას გაძლევ, დეიდას და მადამ ანეელასაც კი არაფერს ვეტყვი.

აჰმედი ყოველ ორშაბათს და ხუთშაბათს ნასადილევს მოდიოდა, ბაღში ჯერ კიდევ ციოდა და მადამ ანეელამ მესამე სართულზე ერთი

დაცარიელებული დარბაზი გაულო სპორტსმენებს. თავიდანვე მაღამ ანუელამაც და დეიდა ბერინმაც არად ჩააგდეს აპმედის ასეთი სტუმრიანობა. მაგრამ მერე დაინტერესდნენ, თუ რატომ იკეტებოდნენ დარბაზში აპმედი და საითი, მართალია, მაღამ ანუელას ხან ზღუდით და და ხან ყავა, მაგრამ მაინც ვერაფრით ვერ მიხვდა, რას აკეთებდნენ აქ. დეიდა ბერინს მიუყურალება და თვალთვალი უგვანოთა საქმედ და ცოდვად მიაჩნდა, მაგრამ ახლა ესეც დაავიწყდა — დისწულის გულისათვის რას არ მოიმოქმედებდა.

და აი, რა გაიგონა ერთ დღეს.

— ფეხბურთში, მაშასადამე, თამაშის დროს არის ზოგიერთი ისეთი წესი, ესე იგი, რომელიც შენ უნდა იცოდე. პირველი, მაშასადამე, როგორც კი დაინახავ, რომ ბურთი მოწინააღმდეგეს აქვს, ესე იგი, რა უნდა გააკეთო? უნდა ეცადო, ის კი არაფრით გაძლევს ბურთს, მაშასადამე, რა უნდა მოიმოქმედო?

— არ ვიცი, ღმერთმა ქნას და მოწინააღმდეგემ ფეხი წამოჰკრას რასმე და წაიქცეს.

— სულელი! ყური მიგდე და კარგად დაიმახსოვრე ყველაფერი, მაშასადამე, რასაც გეტყვი, როგორც კი მის გვერდით მოხვდები, კუდუსუნში ფეხი ამოართყვი და იმ წუთში დაეცი, მიწაზე იკოტრიალე და ისეთი ყვირილი მორთე, მაშასადამე, თითქოს ვინმე დასაკლავად მოგდევდეს. გაიგე? თუ წვიმს და ტალახში მოგიწია კოტრიალი, რას იზამ, ასეთია ფეხბურთელის ყოფა. მენავეს ერთი ადგილი მუდამ სველი ექნება... მაშ ასე, მაშასადამე, შენ მიწაზე კოტრიალობ, დრო კი მიდის, კაცი არაა იმის გამჩრევი, ვინ ვის ამოართყა წიხლი, ეს მხოლოდ შენ იცი და იმან, შენ ვისაც ამოართყი, ჩვენს გულშემატკივარს კი მუდამ ის ებრალება, ვინც მიწაზე აგდია.

— რატომ?

— ეგ იმიტომ, ჩემო ძმობილო, რომ ფეხბურთის გულშემატკივარსაც, მაშასადამე, მწარე ცხოვრება აქვს. იგი იწყებს, მაშასადამე, სტვენას, რომ შენი მოწინააღმდეგე მოედნიდან გააძევონ. შენ კი მიწაზე გდინხარ და ყვირი, ხომ არ დაგავიწყდა? როცა შენი მოწინააღმდეგე ეცემა, ქომაგი ფიქრობს, გვატყუებსო და კიდევ უფრო უმატებს სტვენას და ყვირილს. ამასობაში შენთან საკაციო მორბიან. შენ ძლივს წამოდგები, ორივე ხელი წელზე გიდევს, რადგან გტკივა, მაგრამ ისევ დაეცემა, რადგან წამოდგომა ვერ შესძელი. მერე კვლავ წამოდგები და კოჭლობით იწყებ თამაშს. ახლა შენ, მაშასადამე, მკითხავ, რატომ

კოკლობო? იმიტომ, რომ ხალხს აჩვენო, როგორ თავდადებული ხარ  
შენი გუნდისათვის. მზადა ხარ არაფერი დაზოგო გუნდისათვის, აი.  
ამის გამო გულშემატკივრები გაფასებენ და აღფრთოვანებენ. გინგლიჩიძე  
ლიც კი ერევათ. მერე ტაშს ვიკრავენ. გაიგე?

— მგონი, კი.

— ეს ეშმაკობა ჩვენთან მუდამ ჰქრის, მაგრამ როცა გერმანელებს  
ეთამაშები, ასეთი რამ არ უნდა ჩაიდინო, გერმანელები სულ სხვა ყაი-  
დის ხალხია, ჩვენებს ეცოდებათ ის, ვინც მიწაზე ავღია, გერმანელები  
კი ასეთ კაცს უსტვენენ, დაცემული მათ არ ებრალებათ, თუ გლახაკი  
ხარ, ეგდე მაგ მიწაზეო; თურქებს ებრალებათ გუნდი, რომელიც აგებს,  
გერმანელები კი შეიღს არ ინდობენ; თუ წააგებს. გერმანელი ძლიერს  
უჭერს მხარს. გამარჯვებული მუდამ მართალიაო. გაიგე? ჩვენები ამ-  
ბობენ, გამარჯვებულს ისიც ეყოფა, რომ მოიგოო და დამარცხებულს  
თანაუგრძნობენ. რატომ? იმიტომ, რომ თურქები თვითონ არიან გა-  
წამებულნი.

საითი რამდენიმე წელი საფრანგეთში ცხოვრობდა და ამიტომ ძა-  
ლიან დაინტერესდა, ფრანგები როგორნი არიანო.

არც ფრანგები გვანან თურქებს. ამ ხერხით ვერც ფრანგს გააცუ-  
რებ. მან კარგად იცის, ვინ ვის ამოარტყა წიხლი და ვინ იტყუება. აი,  
მსაჯს თუ მოატყუებ, ტაშს დაგიკრავენ, მაგრამ თუ მსაჯი ეშმაკობას  
მიგიხვდა, სჯობს თვითონვე დასტოვო მოედანი, თორემ იქნება სახე-  
შიც მოგაფურთხო.

— ინგლისელები?

— ინგლისელებს ვერაფრით ვერ მოატყუებ, იმიტომ რომ ეგ ამბები  
მაგათი მოგონილია. მაგათ ყველაფერი ადრევე იციან. დაიმახსოვრე,  
რომ ინგლისელი მსაჯი ლაქუსს არ დაგიწყებს და უმაღლესებს  
მოედნიდან, ასეთია ფეხბურთის ანაბანა, საით ბეი. ეს სიბრძნე მთელი  
ოცი წლის გამოცდილებით შევიძინე, შენ კი ოც წუთში გასწავლე-  
წიხლის ამორტყმა შენ უბრალო საქმე ნუ გგონია, რაც დღეს გასწავ-  
ლე, კარგად დაიხსომე, თუმცა, სწავლა შენი საქმეა, ეგ უფრო იოლია,  
ვიდრე მოედანზე სირბილი.

შემდეგ ვაკვეთილზე საითმა წაიკითხა პირველი წესი, რომელიც  
წინა ვაკვეთილზე ჩაუწერია.

„თუ ბურთი მოწინააღმდეგე გუნდის ფეხბურთელს აქვს და შენ  
არ ძალგაძის აართვა, საჭიროა კედუსუნში წიხლის ამორტყმა, ამის  
შემდეგ წიხლის ამომკვრელი მოვალეა წაიქცეს და ღრიალი მორთოს,

რათა ვერც მაყურებელი მიხვდეს რაიმეს და ვერც მსაჯი. ეს ზერხი არ გამოდგება გერმანელებთან თამაშისას“.

— ყოჩაღ, ძმობილო, მეცნიერულად ჩამოგიყალიბებია, მხოლოდ ერთი რამ უნდა დაიხსომო: ჩვენ მაგ ხერხს არავის ვუმხელებთ. მინდა ტყუილბურალოდ მივიღო ფული, ამიტომ ახლა მეორე წესს გასწავლი: მოწინააღმდეგეს შენს კარში ზედიზედ გააქვს ბურთები, ისე მოგქანცა, რომ არაქათი გამოგელია, სუნთქვაც აღარ შეგიძლია, ძალა აღარ გყოფნის. რა უნდა ქნა?

— შევეცდები, დავისვენო.

— შენ ყავახანაში კი არ ზიხარ, ფეხბურთს თამაშობ და დასვენება პირველსა და მეორე ტაიმს შორის, გასახდელში! მაშ, როგორ უნდა მოიქცე?

— არ ვიცი.

— მაშ, დაიხსომე, მოწინააღმდეგე გუნდის რომელიმე ფეხბურთელთან მიირბინე და დაეცი.

— პირველი წესიც ხომ წაქცევას ითვალისწინებს.

— პირველი წესის მიხედვით, შენ ჯერ ურტყამ და მერე ეცემი, აქ კი მიირბენ და ეცემი, ეგდე მიწაზე, სანამ ყურადღებას არ მოგაქცევენ. გაიგე? ავღიხარ ბალახზე და ისვენებ. ერთხელ მე ასე ვისვენებდი და მხოლოდ მაშინ მოვედი გონს, როცა ბურთი მომარტყეს თავში. როცა მიხვდები, ძალა გელევა, დაწეკი და დაისვენე, შეიძლება ორი ტაიმის მანძილზე ორმოც წუთზე მეტი არც ითამაშო. ნურაფრის მოგერიდება, ეს წესი არავის გაუმხილო, თორემ ფეხბურთის მოედანი პლაჟს დაემსგავსება. გამიგე?

— კი, გავიგე.

— მომავალ გაკვეთილამდე ასჯერ გადაწერე და ზეპირად ისწავლე. ყოველი გაკვეთილის შემდეგ აჰმედი თავის ჩიბეში კონვერტში ჩადებულ ფულს აღმოაჩენდა ხოლმე. საითი იმდენს უხდიდა აჰმედს, რომ ამდენი ფული არც ერთ მწვრთნელს არ დაესიზმრებოდა. ვარჯიშის შემდეგ აჰმედი სევითან მიდიოდა.

— კიდევ ერთი გაკვეთილი ჩაუტარე შენს ტიპს, ისეთ სისულელეს ვეუბნები, რომ მოისმინო, ჭკუას დაკარგავ. ეგ კიდევ არა მარტო იწერს, ზეპირად სწავლობს.

მალე აჰმედს მოეჩვენა, საითი დამცინისო. ოცი გაკვეთილის შემდეგ კი ისე მოსწყინდა ეს თამაში, რომ ლამის ჭკუიდან შეშლილიყო.

— მეტი აღარ შემიძლია. თუ გინდა, მომკალი. მე აღარ შემიძლია.



ათი წესი ვასწავლე, მეტი ველარაფერი მომიფიქრებია, არც მაგასი ფული მინდა.

— აჰმედ, საყვარელო, ცოტაც მოითმინე, ფულს შოულობ, მსუ უკუში არ ხარი, რა გენაღვლება, სასაცილო ამბავია!

— არ ვიცი ვინ ვის დასცინის. ასე მგონია, ეგ შენი ტიპი მე დამცინის. მეტად აღარ გავეკარები, შენც ნულარ მთხოვ.

— ახლა უბრძანე, ჩვენი ფეხბურთის ისტორია შეისწავლოს.

აჰმედს ეს აზრი მოეწონა და ვარჯიში გაგრძელდა.

— ახლა კი, ძმობილო, ჩვენი მშობლიური, სახელოვანი ფეხბურთის ისტორია ჟუნდა შევისწავლოთ.

საითი ბიბლიოთეკაში ჩაიკეტა, იგი ათავალიერებდა გაზეთებს, კითხულობდა ჟურნალებს და აოცებდა ის, თუ რაოდენ ბევრს წერდნენ აჰმედ „კედელას“ შესახებ.

ერთხელ, ვარჯიშის მერე დარბაზში ბერინ ხანუმი შემოვიდა და დაინახა, რომ იატაკი ცარციით იყო დახაზული. ბერინ ხანუმმა სასწრაფოდ გამოიძახა მადამ ანეელა. მისმა გამოცდილმა თვალმა უმაღლ დაადგინა, რომ ეს ფეხბურთის მოედნის გეგმა იყო.

დეიღამ არ დააყოვნა და ყველაფერი ეს რეფიქს აცნობა. ექიმი ამ უკანასკნელი ცნობითაც კმაყოფილი დარჩა და თქვა, საითი სრული გამოჯანმრთელების გზაზე დგასო.

საითი კი ასე ბედნიერი არასოდეს ყოფილა! მოცლა აღარა ჰქონდა. ორშაბათობით და ხუთშაბათობით მასთან მოდიოდა პროფესორი აჰმედ „კედელა“, სხვა დღეებში კი თვითონ დადიოდა რეფიქსთან და პროფესორთან.

## მწვრთნელ ბომბოსონის ფათერაკავი

ბოლოს ის დღეც დადგა, როცა აჰმედ „კედელამ“ დაბეჭითებით განაცხადა, მაგ გიყვების სახლი ყელში ამომივიდა, საითს აღარ ვავარჯიშებო.

— მილიონიც რომ მომცეს, აღარ გავეკარები, მომწყდეს თავიდან.

— კი მაგრამ, ძვირფასო..

— არავითარი ძვირფასო, ერთადერთი, რაც მე შემიძლია გავაკეთო, ის არის, რომ ინგლისელ მწვრთნელ ტომპსონს შევახვედრებ. მაგ გიჟურს შაინც არ მოეწონვართ, ვარჯიშებზე არ დადიხართო, ჰოდა ავარ-

ჯიშოს საითი, ეგ ინგლისელი ჩვენთან დიდხანს აღარ დარჩება, ხელს შეკრულების ვადა იწურება.

— გემუდარები, აჰმედ, ეგ ტომპსონი ხომ სულ გაასევეყენეს ტომპს ტიპს, იგი სერიოზულად მოეკიდება ამ საქმეს, ნამდვილად ვაჯიჩიშენს საითი ირბენს, იხტუნავეებს, სადა აქვს ამდენის თავი მაგ საცოდავს, სული ძლივს უდგას, ქორწილამდე გაფშიაკვს ფეხს და მე რაღა ვქნა... ღმერთმანი, მებრალეზა კიდევ.

— ნუ გააჰიანურეთ ეს ქორწილი. დედაშენს უთხარი, ნუ აუხირდათ აი, შეალამაზებებს სახლს, ავეჯს გააწყობს და მორჩა! ტომპსონი თავად მიხვდება, რა სჭირდება შენს ტიპს.

აჰმედმა თავისი სიტყვა შეასრულა, — მან დაწვრილებით უამბო ტომპსონს საითის თაობაზე. ტომპსონი ფულზე ჭკუას კარგავდა, მაგრამ ახლა ქვა ააგდო და თავი შეუშვირა, მაგ მუდრეგ მდიდარს არაფრით არ ვავარჯიშებო. იგი მხოლოდ და მხოლოდ პროფესიულ ფეხბურთელებს სცემდა პატივს, მაგრამ როცა აჰმედმა საითი შეაბრალა, აუწერა თუ რაოდენ კრიტიკულ მდგომარეობაშია ჭაბუკი და ერთადერთ გამოსავალს ექიმიბიცი და თვითონაც ფეხბურთში ხელავენო, ინგლისელი დათანხმდა.

ფეხბურთის მეცნიერებათა დოქტორმა აჰმედ „კედელამ“ საითს ყველაფერი ასე აუხსნა: ვარჯიშის თეორიული ნაწილი დამთავრებულია, ახლა პრაქტიკული მეცადინეობა არის საჭირო, ამიტომ „თოზ-ქოფარანის“ მწვრთნელს ტომპსონს მოველაპარაკე და დღეიდან ის გავარჯიშებსო. აჰმედმა ერთი რამ სთხოვა საითს: თურქული ფეხბურთის საიდუმლოებაში არაფრით არ ჩაახედო ინგლისელიო.

ტომპსონსა და საითს უმაღლ მოეწონათ ერთმანეთი. ჯერ ერთი, ისინი მამა-შვილივით ჰგავდნენ ერთმანეთს. განსხვავება ის იყო, რომ ტომპსონი უფრო ენერგიული კაცის შთაბეჭდილებას სტოვებდა, მეორეც, ორივე — საითიცა და ტომპსონიც უწყინარნი, მაგრამ თავისი საქმით გატაცებული ადამიანები იყვნენ.

ინგლისელის ერთადერთი სიხარული ამქვეყნად ის იყო, რომ ახალ-ახალი საფეხბურთო ვარსკვლავები წარმოეჩინა. თავისი ცხოვრების მანძილზე არაერთი ვარსკვლავი აუკიაფებია საფეხბურთო ცაზე. ახლა ეს ვარსკვლავები სხვადასხვა ქვეყნის ფეხბურთელთა გუნდებს ამშვენებდნენ. რაც უფრო ნედლი მასალა ჩაუვარდებოდა ხელთ, რაც უფრო გამოუცდელი იყო ფეხბურთელი, ტომპსონი მით უფრო სიამოვნებით

მუშაობდა მასთან და უეციკი კაცის პირველი კლასის ფეხბურთელად  
ქცევის პროცესი უდიდეს სიხარულს გვრიდა.

ტომპსონი თურქეთში მაშინ მოხვდა, როცა თურქეთში [შეიტყუებდა] მეს. „თოზქოფარანს“ კი იმ დროს მსოფლიო სახელის მქონე მწვრთნელი სკირდებოდა. ინგლისელ მწვრთნელს არაფერი გაუვიდა „თოზქოფარანში“. იქნებ მისი დიდების ამბავმა ძალიან გვიან ჩამოაღწია თურქეთში და ახლა ტომპსონი ის აღარ იყო, რაც მაშინ, როცა ეს სახელი გაუვარდა? ან იქნებ „თოზქოფარანი“ არ იყო ის ნედლი მასალა, რომელიც ტომპსონს უყვარდა? ასეა თუ ისე, გუნდს ტომპსონი არ მოსწონდა და ტომპსონს კიდევ — გუნდი. „თოზქოფარანი“ დღითიდღე უარესად თამაშობდა, როგორც ყოველთვის ხდება, ამაში მწვრთნელს სდებდნენ ბრალს. ასე რომ, ტომპსონს უმუშევრობა ემუქრებოდა. და აი, ამ დროს გამოჩნდა საითი. საითის გაცნობამ მომავლის რწმენა ჩაუწერა, ამიტომაც ახალგაზრდული აზარტით შეუდგა საითის წვრთნას. ხოლო როცა საითი ჯერ ფრანგულად გამოელაპარაკა, შემდეგ კი ინგლისურად, მწვრთნელი უსაზღვრო სიმპატიით განიმსქვალა მის მიმართ. ტომპსონის სულში კვლავ გაღვივდა იმდროინდელი ნაპერწკალი, როცა იგი საფეხბურთო ვარსკვლავებს ზრდიდა. ტომპსონი ღრმად იყო დარწმუნებული, რომ კარგი ფეხბურთელის შექმნა ნებისმიერი მასალისგან შეიძლებოდა. ხოლო რაც უფრო მორჩილი იყო მასალა, მით უფრო იოლდებოდა მოფიქრებული ფიგურის გამოყვანა. ამიტომაც დააცხრა ასე საითს. ინგლისელი წვრთნისას პედანტი და მკაცრი იყო. პირველ ხანს დაეჭვდა კიდევ, აიტანს თუ არა ეს ყმაწვილი ამდენ დატვირთვასო. საითი გაიძახოდა, ყველაფერს ავიტან, ოღონდ მალე გავხდე ფეხბურთელიო. მან რეფიქსა და პროფესორს გააცნო ტომპსონი. ამ სამმა კაცმა შეიმუშავა საითის გამოჯანსაღების მეცნიერულად დასაბუთებული გეგმა. საითი ბედნიერი იყო. მის ოცნებას ფრთებმ ესხმებოდა!

რას არ აკეთებდა საითი მწვრთნელის კარნახით — თოჯზე ხტებოდა, ტანვარჯიშსაც მისდევდა, სიმძიმეებს სწევდა, დარბოდა.

პირველ ხანებში ისე იღლებოდა, რომ ხელ-ფეხის განძრევის თავი არა ჰქონდა. ზოგჯერ იმასაც გაიფიქრებდა, ყველაფერს მივატოვებო, მაგრამ უმალ სევიმი გაახსენდებოდა და სულსწრაფობას კვლავ მტკიცე გადაწყვეტილება სცვლიდა — რაღაც არ უნდა დამიჯდეს, ჩემსას უნდა მივალწიო!

არც ის უნდა დაევიწყოთ, რომ რეფიქი თავიდანვე ჩააგონებდა ხაითს, უსათუოდ დიდი ფეხბურთელი გახდებოდა. კაცმა რომ თქვას, თავად ექიმს მაინცდამაინც არ სჯეროდა თავისი ნათქვამები. მთავარი იყო საითის განკურნება და თუ ამ მკურნალობაში საკენ ლტოლვასა და სიყვარულს დაიხმარებდა, განა ეს არ იყო ფსიქოთერაპიის ხელოვნება?

ჩვეულებრივი დღე იდგა. უკვე დამეგობრებული ტომპსონი და მისი მოწაფე სარიოლლუთა სასახლის ბაღში ვარჯიშობდნენ. ამ ბაღში კარგა ხანია კაციშვილს არ დაედგა ფეხი. ამიტომ თითქმის გაუკაცრიელებულიყო. ბაღს შამბი და ბუჩქნარი დარეოდა, ისინი განსაკუთრებით უხვად მომრავლებულიყვნენ გალავნის გაყოლებით. საითი ჯერ სახლის ირგვლივ მდებლობე დარბოდა, მანძილს დღითიდღე ზრდიდა და მალე ეს მდებლო ძალიან პატარა ეჩვენათ. ამიტომ მისტერ ტომპსონმა თქვა, გალავნის გაყოლებით უნდა ირბინოთო. საითი ადგილს მოსწყდა, სისწრაფეს მოუმატა, ხუთმეტრიოდე მეტრი გაიბრძინა და უცებ ისე გაქრა, თითქოს მიწამ ჩაყლაპაო. მისტერ ტომპსონი მდებლობე დასეირნობდა და მშვიდად ელოდა საითის გამოჩენას, საითი რომ არ გამოჩნდა, მოუთმენლობა დაეტყო. ამ ხნის მანძილზე მთელ ბაღს ნელი ნაბიჯით მოივლიდაო კაცი. რამდენიმე ხანი საით, საითო იძახა, ხმა რომ არავინ გასცა, საითის გზას დაადგა, მაგრამ ხშირმა ბუჩქნარმა გზა გადაუღობა, კიდევ ერთხელ დაიძახა, საითო და შინ შებრუნდა, სახლში მალამ ანეელა შეეგება.

— საით ბეი არ გინახავთ?

— განა საით ბეი თქვენთან არ არის? ამ ცოტა ხნის წინ დავინახე, ბაღში დარბოდა.

ფანჯარაში ბერინ ხანუმი გადმოდგა.

— რა მოხდა?

— ტომპსონ ეფენდი ამბობს, მგონი საით ბეი დაიკარგაო.

მწვრთნელი ერთმანეთში ურევდა ინგლისურსა და თურქულ სიტყვებს და როგორც იქნა, დეიდას გაავებინა, საითი გალავნის გასწვრივ გარბოდა და უცებ გაქრაო. ბერინ დეიდა ძალიან შეშფოთდა.

დაიწყო ძებნა. ჯერ სასახლის ყველა ოთახი მოიარეს, სხვენზე ავიდნენ, სარდაფში ჩავიდნენ, მერე ბაღში გავიდნენ და მორთეს ყვირილი: „საით, საით“.

ხმას არავინ სცემდა.

— იქნებ გალავანს გადაახტა? — იკითხა მალამ ანეელამ.

— რას ამბობთ, მადამ ანჟელა, განა შეიძლება ჩვენს გალოვანს ადამიანის შვილი გადაახტეს? — თქვა ბერინ ხანუშმა და ისე დაიწყო ხელების მტვრევა და ისეთი ტირილი მორთო, თითქოს საეფიქსოვნე ფარეუ უკვე წინ ედო.

მისტერ ტომპსონი თავისთვის, ხმადაბლა იგინებოდა და საითს ეძახდა. თან ფიქრობდა, „რა ჯანდაბად ვუთხარი, გალოვანის გასწვრივ ირბინე-მეთქი. რა ხანია იქ კაცს არ გაუვლია. ჩემ თვალწინ მიწამ ხომ არ ჩაყლაპა“. არაფრით არ სჯეროდა, რომ შეიძლებოდა საითი მომკვდარიყო. ინგლისელს ის აცოფებდა, რომ ასე არ უღიბოდა ბედი. „თოხჭოფარანთან“ ხელშეკრულების ვადა ამოიწურა. მდიდარი კლიენტიც სადღაც აორთქლდა.

მადამ ანჟელა კვლავ სახლში დაექებდა საითს, დეიდა ბერინი კი პირისახეს იხოკდა და ყვიროდა:

— იმ წყეულმა ქალმა წაართვა ჭკუა-გონება, ველარ აიტანა ამდენი წამება და თავი მოიკლა. ოი, წყეულო ქალო, ალაპმა გადაგიხადოს სამაგიერო. ოპ, ეს აჰმედი, ო, ეს მწვრთნელი, ალაპ, განა წესიერ ოჯახში აღზრდილი კაცი მთელ დღეს სირბილსა და ხტუნაობაში გაატარებს? ოი, ოი...

ბერინ ხანუში ტელეფონს ეცა, რომ სარიოლლუს საგვარეულოსთვის ეცნო ეს უბედურება. პირველად მოხუც აბდუშუქურ ბეის დაურეკა. აბდუშუქურ ბეიმ ის კი გაიგო, რომ საითი დაიკარგა, მაგრამ რომელ საითზე იყო ლაპარაკი, ამას ვერაფრით მიხვდა.

— ვინ დაიკარგა? — ჩასძახოდა ყურმილში.

— საითი, ჩვენი საითი დაიკარგა.

ამ უკანასკნელი წლებისა მოხუცმა არაფერი იცოდა, სამაგიეროდ, ჩინებულად ახსოვდა ის, რაც ადრეულ წლებში, მისი ახალგაზრდობის დროს მოხდა.

— საით ფაშა დაკარგულა. სადრაზამი საით ფაშა დაკარგულა, რა გვეშველება, რა წყალში ჩავვარდეთ!

— რომელი სადრაზამი? რა სადრაზამი! ჩვენი საითი დაიკარგა.

აბდუშუქურ ბეის ყურმილი შეილიშვილმა, ოცი წლის ქალიშვილმა აიფერმა წაართვა ხელიდან.

— ვერაფერი გავაგებინე ბაბუაშენს, ვეუბნები საითი დაიკარგა-მეთქი და ეგ ვილაც სადრიზამ ფაშა დაიკარგაო, გაიძახის.

— ეს იმიტომ, რომ ბაბუა მემუარებს წერს და ამჟამად სწორედ სადრიზამ ფაშას ცხოვრებას აღწერს.

— აბღუშუქურ ბეი მემუარებს წერს? — გოცდა ბერინ ხანუმმა

— ჰო, რომელიღაც ჟურნალისათვის წერს, არ ვიცი რა გამოვა, მაგრამ ერთი რამ ფაქტია — ამ ბოლო დროს ყველაფერი უკეთესად მიდის. წერდა, წერდა და მერე განაცხადა, რესპუბლიკაზე დაეწერა თქვენ ხომ ამ დროს ლონდონში იყავით ბაბუა-მეთქი და იცით, რა მითხრა? ჯერ რესპუბლიკა დავაარსე და რომ შემეშინდა, ლონდონში გავიქეციო. ავდექი და ჟურნალის მფლობელს დავურეკე ასე და ასე-მეთქი საქმე. რედაქტორმა გაიცინა და მითხრა: „ძალიანაც კარგი, ისტორიას რაც უფრო აურ-დაურევენ, მით უფრო საინტერესო საკითხავია“.

— შეილო, მე იმიტომ გირეკავდით, რომ საითი...

— ჩვენი საითი?

— ჰო, საითი დაიკარგა, უცებ გაქრა...

— განა მოზრდილებიც იკარგებიან?

— რახან დაიკარგა, ესე იგი იკარგებიან. მინდოდა ბაბუაშენისათვის მეკითხა, როგორ მოვიქცე-მეთქი, მაგრამ აბა...

ბერინ ხანუმმა ყველა ნათესავს დაურეკა. მათ უსაქმურობისა და მოწყენილობისაგან ობი მოჰკიდებოდათ და საითის დაკარგვა ჭეშმარიტად სენსაციური ამბავი იყო. ამ ფაქტის მიმართ მხურვალე ინტერესი გამოიჩინეს და უმალ შეიკრიბნენ სარიოლლუთა სასახლეში. ჯვარედინი დაკითხვის დროს ვერც ბერინ ხანუმ ეფენდიმ, ვერც მადამ ანეელამ და ვერც მისტერ ტომპსონმა ვერ უპასუხეს, თუ რატომ გარბოდა საითი ვალაენის გასწვრივ.

— მისდევდა ვინმე?

— ალაპ, ალაპ, ამ-ხნის კაცს რა არბენინებდა? — თქვა მეორემ.

— ჩვენი საითი ვარჯიშობდა, მას ტომპსონ ეფენდი წვრთნიდა; საითს უნდოდა ფეხბურთის თამაში ესწავლა, — თქვა ბერინ ხანუმმა.

— აა... გასაგებია, მაშ, სხეულს სვარჯიშებდა.

— თქვენი მონამორჩილი ახალგაზრდობაში შვედური ტანვარჯიშით იყო გატაცებული.

— თქვენი ახალგაზრდობის დროს ტანვარჯიში საერთოდ არ არსებობდა.

— ჰო, კარგით, კარგით! რა მოუვიდა საითს, როცა მისტერ ტომპსონი წვრთნიდა?

ბერინ ხანუმს უყვარდა ამბის აუჩქარებლად და დაწვრილებით მოყოლა, ამიტომ ჩამოჯდა და ყველაფერი თავიდან დაიწყო, თან ისეთ



ახალ-ახალ ამბებს იგონებდა, რომელიც არ შეიძლებოდა მომხდარიყო.  
— გამოდის, რომ საითი მოიტაცეს, — დაასკვნა ისმეთი ეფენდი.  
— ვინ მოიტაცა არ ვიცი, მაგრამ ბევრნი კი იყვნენ. უკრუნუნუნუნ  
— საითს რატომ მოიტაცებდნენ, ქალი ხომ არ არისჭიბუნუნუნუნუნუნუნუნუნუნ  
— კი, მაგრამ საითი ყველა ქალზე ლამაზია.  
— ახლა კაცებსაც იტაცებენ, რომ მერე გამოსასყიდი ფული მიი-  
ღონ.

— არა, ეს ამბავი არაამქვეყნიური ძალების საქმეა, — განაცხადა დეიდა შუქრუნ ხანუმმა, რომელიც სპირიტუზმით იყო გატაცებული. — მე ხშირად შემიმჩნევია, რომ საითი საკუთარ თავს ელაპარაკებოდა, ესე იგი, საითი არაამქვეყნიურ ძალებს ელაპარაკებოდა. იმათ წაიყვანეს საითი.

რომელიღაც საღად მოაზროვნემ წინადადება შემოიტანა, ეს ამბავი პოლიციას შევატყობინოთო. ატყდა ერთი კამათი. სარიოლლუებს არ უყვარდათ პოლიციასთან საქმის დაჭერა. პოლიციელებს ეურნალისტები აედევნებიან და იჭნება ამ დიდებული გვარის თრევა გაზეთის ფურცლებზეო.

პოლიციაში მიიწვი დარეკეს, მაგრამ პოლიციას სევიმმა მოასწრო. სახლის ზღურბლზე გადმოდგა თუ არა ფეხი, თმის გლეჯა და პირსანის ხოკვა დაიწყო, ისეთი ყვირილი ატეხა, მთელი უბანი შესძრა. სევიმი იმდენად ბუნებრივად გამოხატავდა მწუხარებას, სარიოლლუები, რომლებსაც არასოდეს გულზე არ ეხატებოდათ სევიმი, ახლა მის დამშვიდებას ცდილობდნენ.

— უჩემოდ რატომ წახვედი, მე რად დამტოვე! — ყვიროდა სევიმი. ამ არაამქვეყნიური სიყვარულით შეძრწმუნებული სარიოლლუთი მთელი საგვარეულო საპატარძლოსთან ერთად ტიროდა.

აი, რას ნიშნავს სიყვარული. ზუსტად ისეა, როგორც ლეილი და მეგნუნნი, რომეო და ჯულიეტა, ესეც სევიმი და საითი, — ჩურჩულებდნენ მოხუცები და ინტერესით შესცქეროდნენ ნახევრადშიშველ სევიმს. საბრალო ქალს სიჩქარეში კაბის ჩაცმაც დაეწყინაო!

სარიოლლუთა საგვარეულოს მამაკაცთა სამწუხაროდ, მადამ ანეელამ აქვითინებულ საპატარძლოს თეთრი ზეწარი მიაფარა. სევიმის ქვითინში უკვე ისმოდა ქვრივი ქალის მოთქმა— მან მოასწრო და ზუბები და ხანუმს გადაუჩურჩულა, ხომ იცით, საითმა რომ ფეხმძიმედ დამტოვაო. ამ ამბავმა იგი კიდევ უფრო მეტად შესაბრალისი გახადა სარიოლლუთა თვალში.

— საბრალო გოგო, რა ახალგაზრდაა და უკვე დაქვრივდა, თანაც ბავშვს ელოდება.

სალამო ხანს პოლიციის წარმომადგენლებიც გამოცხადდნენ. ერთს სამოქალაქო ტანსაცმელი ეცვა, სამს კი უნიფორმა. მოწვეული დეკორაციის შემდეგ ყველანი შემთხვევის ადგილისაკენ გაემართნენ. ტომპსონმა ჩიქორთული თურქულით დაიწყო იმის დაწვრილებით აღწერა, თუ რა მდგომარეობაში დაიკარგა საითი.

— მე აქ დვას... საით ბეი იქ გარბის... უცებ მე ხედავს... მას დაიკარგა.

მწვრთნელი ზუსტად იმ ადგილას დადგა, სადაც საითი იდგა და სწორედ იქით გაიქცა, საითაც საითი. მის ზურგს კი მოჰკრეს თვალი და ისიც მოულოდნელად გაქრა.

— ოჰ, — წამოიძახა შეშინებულმა ბრბომ. ორიოდ ნაბიჯი გადადგა და შედგა.

— მისტერ ტომპსონ! — დაიძახა ვილაცამ.

პასუხი არავის გაუცია.

პოლიციელმა იარაღის ბუდე გახსნა, რევოლვერი ამოიღო და გაბედული ნაბიჯებით გაჰყვა გამქრალი ინგლისელის კვალს, ბუჩქნარს მიუახლოვდა, შედგა, მიმოიხედა და კვლავ განაგრძო გზა. გადადგა ერთი, ორი, სამი ნაბიჯი და პოლიციელიც უმალ გაქრა.

ბრბოს ერთხმად აღმოხდა გაოცების შეძახილი და ბუჩქნარისკენ გაემართა. ვიწრო ბილიკი ერთი ძველთაძველი მიტოვებული ჭისკენ მიიკლაკნებოდა. ეს ჭა გარეული ცხოველების ხაფანგს ჩამოგავდა. სწორედ ამ ხაფანგში ჩაცვივდნენ სამივენი. საითი, მისტერ ტომპსონი და პოლიციელი.

თვით დეიდა ბერინსაც კი დაეიწყნოდა ამ ჭის არსებობა და საითს როგორ ეცოდინებოდა იგი, ჭა კარგა ხნის წინათ ამომშრალიყო. ფსკერი შამბს დაეფარა. ბუჩქები და ბალახები კი ისე გადაფენოდა, რომ თვალით უხილავი გახდა.

ამ ექვსმეტრიან ჭაში ჩავარდნილმა საითმა თავი ქვეს დაარტყა და უმალ გრძობა დაჰკარგა. ამ მიზეზის გამო არ ესმოდა ამდენი ძახილი, საითი მხოლოდ მაშინ მოვიდა გონს, როცა ტომპსონიც გადაეშვა ჭაში, და თვალის გახელისთანავე იყვირა „არის, არის, გავიტანე,“ ხოლო როცა ჭაში მესამე, ახლა უკვე პოლიციელიც გადაეშვა, საითს შუბლში რევოლვერის კონდახი მოხვდა.

ჭაში ჩავარდნილთა გადასარჩენად სასწრაფოდ უხმეს სახანძრო

რაზმს. სახანძრომ არ დააყოვნა და ნაშუალამევეს მობრძანდა. არემაღრე პროექტორებით გაანათეს და ჭაში კიბე ჩაუშვეს. ამ კიბეს ჯერ მისტერ ტომპსონი ამოჰყვა, შემდეგ პოლიციელი. გულწასული საიდუმლო ხანძრეებმა ამოიყვანეს.

დეიდამ უმალ რეფიქს დაურეკა და სთხოვა, იქნება მოხვიდეთ — საითი გულწასულია და ვერაფრით ვერ მოვაბრუნეთო.

საითი რომ გონს მოვიდა და გაკვირებულმა გადაავლო თვალი ხალხს, ვერაფრით ვერ მიხვდა, სად იმყოფებოდა და რა მოხდა. რეფიქსი რომ დაინახა, ჩვეულებისამებრ უთხრა:

— ტყუილუბრალოდ ცდილობ, გიპნოზით ვერ დამაძინებ.

ექიმმა ყურადღებით გასინჯა საითი და საგანგაშო ვერაფერი აღმოაჩინა, უფრო მეტი, ბერინ ხანუმს ისიც კი უთხრა, ამ ტრავმამ იქნებ სასწაულებრივი გავლენაც კი მოახდინოს საითის ცენტრალურ ნერვულ სისტემაზეო.

მართლაც, საითმა გონს მოსვლისთანავე შეამჩნია, რომ ახლა გაცილებით უკეთ ხედავდა და უკეთ ერკვეოდა ყველაფერში, რაც მის ირგვლივ ხდებოდა. საითის მდგომარეობა დღითიდღე უმჯობესდებოდა. თუ აღრე ამერიკის გაგონებაც არ უნდოდა, ახლა ერთი სული ჰქონდა, როდის წავიდოდა. სევიმმა და ლედამისმა რომ უთხრეს, ბოლოსდაბოლოს ქორწილიც ხომ უნდა გადავიხადოთო, საითმა ძალზე დიპლომატიურად უპასუხა, ყველაფერს მოვიფიქრებ და გეტყვითო. ყველაზე მეტად სევიმი ჩქარობდა, სადაცაა ბავშვი გაჩნდება და ქორწილის დაყოვნების დრო აღარ არისო. მართალია, საითმა სულაც არაფერი იცოდა იმაზე, რომ სევიმმა კარგა ხანია კიდევ ერთი პლასტიკური ოპერაცია გაიკეთა, მაგრამ უკვე აღარ ეწადა სხვისი ბავშვის მამა გამხდარიყო. ახლა იგი დღედაღამ იმას ფიქრობდა, ფეხბურთელი უნდა გაფხდეთ, მეტი აღარაფერი აინტერესებდა ქვეყნად. ერთ დროს ფეხბურთელობა აუხდენელ ოცნებად მიაჩნდა, მაგრამ ახლა, როცა რეფიქსი, პროფესორი და მისტერ ტომპსონი ასე ყოველდღე ჩააგონებდნენ, ფეხბურთელი გახდებით, ქორწილი სულაც არ იყო საშური საქმე. ტომპსონს ზოგჯერ „თოხქოფარანის“ ვარჯიშზეც კი მიჰყავდა ხოლმე. რამდენჯერმე მეორე შემადგენლობაშიც კი ათამაშა, მართალია, ეს ძელებზე ტყავადაკრული კაცი უცნაურ შთაბეჭდილებას ახდენდა ფეხბურთელებზე, მაგრამ ხმას არაუინდებდა. ყველამ იცოდა, თუ როგორ ეღიარებებოდა საითს დუნდარ დუნბარა ბეი. დუნდარ დუნბარა

კი ფიქრობდა, იქნებ რამე დავცინცლოო. ამიტომ ფეხბურთელები ასე ექცეოდნენ, როგორც თანატოლს.

საითი ფერფერიკების სახლში თითქმის აღარ დადიოდა. ვარჯიშის, ექიმებისა და პროცედურების გამო წუთი აღარ ჰქონდა მთავრად დარჩენილს. ბერინი სიხარულით ცას სწვდებოდა. მისი საითი დღითი დღე მშვენიერად — ლოყები დაებერა, წონაში მოიმატა, მოქნილი გახდა.

სევიმი თითქმის ყოველდღე ურეკავდა, მაგრამ პასუხს მუდამ ერთი და იგივეს იღებდა:

- საით ბეი ვარჯიშზეა...
- საით ბეი მწვრთნელთან წავიდა...
- საითი დღეს თამაშობს...
- ტომპსონ ეფენდის კლუბში გაპყვა...
- დღეს დიდი წვრთნა აქვს...

### საქმიანი აისელი ჩაერიდა

საითი შავ დღეში იყო, არ იცოდა როგორ მოქცეულიყო. ფერფერიკები და აჰმედ „კედელა“ ჩასჩიჩინებდნენ, ქორწილი გადავიხადოთო, რეფიქი და პროფესორი კი ამერიკაში გამგზავრებას სთხოვდნენ დაჟინებით. მართალია, სევიმისა და საითის გაცნობის დღიდან წელიწადზე მეტი გავიდა, მაგრამ სევიმი კვლავ არწმუნებდა, ფეხმძიმედ ვარო. უკვე დრო იყო, საითს ძალა მოეკრიფა და სევიმს რიგიანად მოლაპარაკებოდა, მაგრამ იგი საპატიო გვარის ტრადიციებზე აღზრდილი კაცი იყო და ვერ შესძლებდა სევიმისათვის ეთქვა: „განა არ ვიცი, რომ ბავშვი ჩემი არ არის!“ ან კიდევ: „მოსწავლეებმაც კი იციან, რომ ერთი კოცნით ბავშვი არ ჩნდება“.

საითს არაფერი უთქვამს, მაგრამ სევიმი ისედაც კარგად ხვდებოდა ყველაფერს. ამიტომ ისე ექცეოდა, როგორც მამაკაცისგან მოტყუებულ ქალი — ჭეითინებდა, გული მისდიოდა, თმას იგლეჯდა, რას არ აკეთებდა, ოღონდ საითს შებრალებოდა. დაბნეულმა საითმაც ველარ აიტანა ამდენი, ერთხელ მუხლებში ჩაუვარდა და აღუთქვა:

— ჩემო ძვირფასო, ჩვენ მხოლოდ მაშინ დავქორწინდებით, როცა მე მთლიანად დაგიპყრობთ თქვენ, სათანადო ადგილს დავიჭერ თქვენს გულში. — სევიმმა ჭეითინი შეწყვიტა, დამშვიდდა და დაფიქრებული შეხედა საითს. საითი ჯერაც ვერ გარკვეულიყო იმაში, რაც თქვა —

ნუთუ, ასე გამოვიცვალე, ერთი კვირის წინ ასეთ რამეს ხომ ვერაფრით ვერ შევბედავდიო.

სევიმმა თავზე ხელი გადაუსვა და მშვიდად ჰკითხა: **მარკინსული**  
— ამერიკაში მიდიხარ? **ნიხლიჩისევი**

სევიმს ვინ უთხრა, რომ საითი ამერიკაში აპირებს? ამაზე ხომ მხოლოდ საითმა, რეფიქმა და პროფესორმა იცოდნენ. საითი ისე გაწითლდა, როგორც ცელქობაზე წასწრებული ბავშვი.

— ვინ ვითხრა?

— მაშ, მიდიხარ?

სევიმმა კაბა აიწია, ცრემლები მოიწმინდა და საითის თვალწინ საგნები აცურდნენ, ყველაფერი ერთმანეთში აირია.

— ეჭიშვარი დაბეჯითებით მთხოვენ, რომ წავიდე.

— ერთხელ მაინც გეთქვა, საით, სხვებმა რატომ უნდა მითხრან ჩემი საქმროს ამბები, მაშ, უჩემოდ მიდიხარ? — რა სათნო ხმა ჰქონდა სევიმს.

საითი ხმას არ იღებდა.

— არა, შენ ამერიკაში არ წახვალ, — ბრძანა სევიმმა, — უჩემოდ ამერიკაში ვერ წახვალ, მალე „თოზქოფარანი“ რუმინეთში ითამაშებს, — სევიმის ხმაში მუდარა გამოსჰვიოდა, — ამ დროისათვის ჩვენც დავქორწინდებით და ერთად წავიდეთ. იქიდან შვეიცარიაში გადავიდეთ, შვეიცარიიდან კი — იტალიაში. ეს ჩვენი საქორწინო მოგზაურობა იქნება, ხომ თანახმა ხარ? — თქვა სევიმმა და იმით განიარაღდა საითი, რომ ლოყაზე აკოცა.

საითმა თავი ჩაქინდრა, სევიმმა კი მისი დუმილი თანხმობის ნიშნად ჩათვალა. სიხარულით წამოხტა, მუსტკა ჩართო და ოთახში დაუარა.

საითი შესტკეროდა სევიმს და ვგონებ, პირველად თავის ცხოვრებაში მოინდომა გაეგო, თუ როგორი ადამიანი იდგა მის წინ — რამდენიმე წუთის განმავლობაში როგორ ახერხებს კიდევ იტიროს და კიდევ იცინოს, კიდევ უბრძანოს, კიდევ მიუალერსოს. ნუთუ ამგვარ რამეებს სკოლაში ასწავლიან ადამიანებს? საითი უკვე დარწმუნდა, რომ სევიმი თვალთმაქცი იყო, მაგრამ ისიც იცოდა, რომ სევიმის ერთი გამოხედვა, მისი ერთი კოცნა ყველაფერს დააეწეებდა და თუ სევიმი მოითხოვდა, წყალშიც გადავარდებოდა.

საითი რეფიქთან წავიდა და ყველაფერი დაწვრილებით უამბო.

— შენ თვითონ უნდა გადაწყვიტო, წახვალ თუ არა, — რეფიქი კატეგორიული ფორმით არასოდეს ელაპარაკებოდა საითს. — მხოლოდ

ერთი რამ არ დაივიწყო — სევდის რომ აჰმედის ან სხვისი თანდასწრებით აეწია კაბა და ისე მოეწმინდა ცრემლები, მათ ისიც გცოდინებოდათ, თუ როგორ უნდა მოქცეულიყვნენ, შენ კი მზადა ხარ ამის გამო წყალშიც გადავარდე.

საითს თითქოს ცრემლი ახრჩობდა.

— აი, ამიტომ გირჩევ ამერიკაში წასვლას, — განაგრძო რეფიქმა. — იქ მეგობრები მყავს, ჩინებული სპეციალისტები არიან. თუმცა, შენი საქმისა შენ უკეთ იცი.

საითმა გადაწყვეტით თქვა:

— წავალ! — თავისი კატეგორიული ტონი თვითონვე ეუცხოვა.

მერე რეფიქმა კითხა, ტომასონთან სიარული ხომ არ მიგიტოვებიაო. მიმიტოვებია კი არა, ეგ ინგლისელი იმდენს მავარჯიშებს, ცხრა პირი ტყავი მძვრებაო, ზოგჯერ მოედანზე სათამაშოდაც კი მიშვებს და ფეხბურთელები დამცინიან, ჩემს სათვალეს რომ უყურებენო. ფეხბურთი კი დღითიდღე უფრო მომწონსო.

რამდენიმე დღეში საითი გულამოვარდნილი მოვარდა რეფიქთან და ზღურბლიდანვე იყვირა:

— ვხედავ, რეფიქ, ყველაფერს ვხედავ!

რეფიქი ღიმილით შესტკეპროდა აფორიაქებულ მეგობარს, საითმა უამბო საწვრთნელი თამაშის დროს მოწინააღმდეგის კართან ერთი ზედახორა შეიქნა და ამ არეულობაში სათვალე დავკარგე, შეშინებულმა იმ წამსვე თვალეები მოვხუჭეო, ხოლო როცა თვალეები კვლავ გავახილე, დავრწმუნდი, რომ ჩინებულად ვხედავო.

— ეს ხომ სასწაულია, ნამდვილი სასწაული, — ყვიროდა იგი, — სასწაული მეწია.

— მთავარი სასწაული ადრე მოხდა, — დინჯად უპასუხა რეფიქმა, — სწორედ მაშინ, როცა შენ ჭაში ჩავარდი.

— და დღეიდან სათვალე აღარ დამპირდება?

— მხოლოდ და მხოლოდ ზაფხულში, მზის საწინააღმდეგო.

ახლა საითი მთელი გატაცებით ვარჯიშობდა და ფერფერიკებს სულაც აღარ ეკარებოდა. სევდიმ განუწყვეტლივ რეკავდა და, საითი წვრთნაზეა წასულიო, პასუხობდნენ. ერთხელ თავად მიადგა სარიოლ-ლუთა კარს, მაგრამ მაღამ ანუელამ კარი გამოაღო თუ არა, იქვე მიახალა, ახალგაზრდა ბატონი სტადიონზეაო.

„პეკეტობაბასთან“ შეხვედრის დღე ახლოვდებოდა, მაგრამ „თოზ-



ქოფარანის“ წამყვანი ფეხბურთელები ან სულაც არ ცხადდებოდნენ სავარჯიშოდ, ან არადა უგერგილოდ თამაშობდნენ. ვისაც არ შესრივ-ლა საბრალო ტომპსონმა, გუნდი ძალიან ცუდ დღეშია და უკეთესი გუნდი დება მიხედვით, ყველა ერთსა და იგივეს პასუხობდა: „ცუდი გუნდი“ „ქედელა“ გუნდშია, დარდი არაფრის არ უნდა გვექონდესო.

— კარგი ვარჯიში არ იქნება, რომელი გუნდი მოიგო? — გაკვირვებით კითხულობდა გამოცდილი მწვრთნელი.

— ყველაფერი რიგზე იქნება, — ეუბნებოდნენ ტომპსონს და „თოზ-ქოფარანის“ ბრწყინვალე გამარჯვებებს იხსენებდნენ.

— ყოველ ერს თავისი ხასიათი აქვს, — ჩასჩიჩინებდნენ საყოველთაოდ ცნობილ მწვრთნელს. — შენ უცხოელი, თუნდაც ინგლისელი, ჩვენ, თურქებს ვერ გავგიგებ. ჩვენში ამბობენ: თუ მდინარესთან ჯერაც არ მისულხარ, წყალში გასასვლელად რად ემზადებო.

— როგორ ითამაშებს, როგორ ითამაშებს, არაფერი გავიგე, — მაინც თავისას გაიძახოდა უკმაყოფილო ტომპსონი.

— გაუგებარი რა არის, ალაპია ჩვენი შემწე, აი, ნახავთ, როგორ გავიტანთ ბურთებს.

— მაშინ მე რაღად იღებს ფულს?

— თოპ, — მობეზრდა დუნდარ დუბარა ბეის, — შენ კაცს გადარევი და ეგ არის, თუ თურქული არ გესმის?

— გესმის, მაგრამ ცუდად.

საყოველთაოდ ცნობილ ტომპსონს იმიტომ კი არ უხდინდნენ ფულს, რომ გუნდი ხეირიანად გაეწვრთნა, არამედ იმიტომ, რომ ასეთი კარგი მწვრთნელის სახელს მოწინააღმდეგის გუნდზე ზეგავლენა მოეხდინა — თქვენ ჩვენთან როგორ მოხვალთ, მწვრთნელები უცხოეთიდან მოგვყავსო.

ამგვარი საუბრების შემდეგ ინგლისელმა ყველაფერზე ხელი ჩაიქნია და მხოლოდ საითს ავარჯიშებდა გატაცებით, რადგან მასზე დიდ იმედს ამყარებდა. ძალიან უხაროდა, რომ ახლა საითი უსათვალოდ თამაშობდა, კუნთები უძლიერდობოდა, მაგრამ ყველაზე უფრო საითის თადარიგიანობა მოსწონდა — საითი მტკიცედ იცავდა სპორტულ რეჟიმს, ამიტომ მოწაფეს ისე ამუშავებდა, როგორც მოქანდაკე — ქვას.

ამ დღეს დიდხანს ელოდნენ. ეროლ იფქირან ბეიმ, რომელიც ამ ბოლო ხანს ერთი წუთითაც კი არ სცილდებოდა საითს, თამაშზე ერთად წავიდეთო, შესთავაზა, ეროლს ძალიან უნდოდა საითისათვის ერთი

ახალგაზრდა ქალი აისელი გაეცნო. აიხელს მოლურჯო შავი თმა, ხორბლისფერი კანი და მაცვალივით შავი თვალები ჰქონდა. ამიტომაც შეარქვეს ესპანელი. იგი „ჰეჯეთბაბას“ კლუბის ერთგული და უცვლელი თაყვანისმცემელი იყო.

ამ ბოლო ხანს ეროლ იფქირან ბეიცი კი „ჰეჯეთბაბას“ რადგან დუნდარ დუბარა ბეისა და მას წყალი აემღვრათ. თუმცა, ეს ხელს არ უშლიდა უწინდებურად ობიექტური კომენტატორი ყოფილიყო.

სევიმი და აისელი ორი ერთმანეთის მოჭიშპე ფირმასავით მტრობდნენ ერთიმეორეს. მართალია, სევიმი აისელს იმით სჯაბნიდა, რომ უფრო მეტი ფათერაჟი გარდახდენოდა თავს, მაგრამ აისელს სხვა დიდი უპირატესობა ჰქონდა — იგი გათხოვილი იყო და, აქედან გამომდინარე, თავისუფალი და დამოუკიდებელი ქალი. აისელი ახლახან გათხოვდა ერთ ხნიერ კაცზე. იმ კაცს უზომოდ უხაროდა კიდევ, ხალხში რომ ჩემო ძვირფასო ქმაროო ეძახდა.

ყოველი მკვლევარი ესწრაფვის თავისი ნაშრომით რაღაც ახალი აღმოუჩინოს კაცობრიობას. თუმცა, ბევრს რატომღაც მიაჩნია: ამგვარი სწრაფვა ლიტერატურაში მხოლოდ იმით არის განპირობებული, რომ ამა თუ იმ პიროვნებას საკუთარი თავის განდიდების გარდა არაფერი არ ამოძრავებსო. აისელი მკვლევარის ბუნებისა იყო — მან ფეხბურთის ბევრი ახალი ტალანტი გამოავლინა, მრავალი ვარსკვლავი აღმოაჩინა. ნუ დავიწყებთ იმის მარჩიელობას, თუ რატომ აკეთებდა ამას აისელი. ასე იყო თუ ისე, იგი ძალიან განსხვავდებოდა სევიმისაგან, სევიმს ხომ მხოლოდ ის შეეძლო, რომ კულში ასდევნებოდა ვარსკვლავებს.

აისელმა რამდენიმე დამწყებ ფეხბურთელში ზუსტად ამოიცნო მომავალში ბრწყინვალე მოთამაშე. თუ აისელი რომელიმე ყმაწვილ ფეხბურთელს ჩაისვამდა მანქანაში, ყველა ხედებოდა, რომ ორიოდვე წელიწადში ეს ყმაწვილი ფეხბურთის ვარსკვლავი გახდებოდა. ფეხბურთის ვერც ერთი სპეციალისტი ვერ შეაფასებდა ისე ზუსტად და შეუძცდარად დამწყებ ფეხბურთელს, როგორც აისელი. ამიტომ ყოველი გუნდი ცდილობდა ხელში ჩაეგდო ის დამწყები ფეხბურთელი, რომელსაც აისელმა დაადგა თვალი. აისელი კი მთელი თურქეთის მოზარდებში ისე დაეძებდა ფეხბურთელებს, როგორც პროდუსერი — კინოვარსკვლავებს.

სწორედ მან, აისელმა აღმოაჩინა და ასპარეზზე გამოიყვანა „ჰეჯეთბაბას“ ცნობილი მოთამაშენი კაზიკ იოზერი, ღირეჟ ალი, ბიბერ

ოსმანი და ბევრი სხვა. აისელზე ზუსტად ვერაფერს ვიცი, თუ რამდენი ღირს ესა თუ ის ფეხბურთელი, იგი განსაკუთრებით საჭირო იყო მაშინ, როცა მოთამაშე გუნდიდან გუნდში გადადგმოდა. აისელი იყო, აისელს ვინმეზე დასცდენოდა, მაგის ფასი გახებოდა და იმ ფეხბურთელს აღარავინ იყიდდა.

აისელი ჯერ კიდევ იმ დღიდან აღევნებდა თვალს საითს, როცა იგი სვეიმმა აიყოლია, მაგრამ შორიდან შესცქეროდა მოვლენების განვითარებას. აისელმა კარგად იცოდა, სვეიმს საითზე გათხოვება რომ უნდოდა, ამიტომაც თხოვა იფქირანს, საითი გამაცანიო — უნდოდა ამ ქორწინებისათვის წყალი შეეყენებინა და ამითაც დაეჯაბნა თავისი მოქიშპე სვაფი სვეიმი. აისელი ჯერაც არ იყო დარწმუნებული, რომ საითი პირველხარისხოვანი ფეხბურთელი დადგებოდა, მაგრამ გარკვეული სიფრთხილით ის კი თქვა, რომ იმედებს იძლევაო. აისელისთვის მთავარი იყო შეესრულებინა „ჭაჭებობას“ კლუბის ხელმძღვანელობის დავალება და ინგლისელი მწვრთნელი რამენაირად ამ კლუბში გადმოეზობინა.

ეროლ იფქირან ბემ ჯერ კიდევ მანქანაში დაიწყო იმის მოყოლა, თუ ვინ იყო აისელი.

— ოჰ, ძმაკაც, რომ იცოდე, რა ქალია! მერე და რა შორსმჭვრეტელია, საკმარისია ერთხელ შეავლოს თვალი ახალშობილს, რომ იქვე იტყვის, რამდენ ბურთს გაიტანს თავის ცხოვრებაში. ყველა ცნობილმა ფეხბურთელმა მაგის ხელში გაიარა, ყველაზე ნაცადი მწვრთნელიც კი არაფერია მასთან შედარებით. თუ ალაჰმა კეთილი თვალით გადმოგვხედა და დღეს სტადიონზე მოვიდა, უსათუოდ გაგაცნობ.

აისელი იმ დღეს ქომაგებთან ერთად კი არ იჯდა ტრიბუნაზე, არამედ საპატიო სტუმართა ლოჯიაში მოკალათებულიყო. იფქირანი რომ დაინახა, ხელი დაუქნია, იფქირანმა კი საითი მიიყვანა და წარუდგინა:

— ნება მომეცით, ერთმანეთი გაგაცნოთ, — საით საროილლუ... აისელ ხანუმი. — აისელმა საითს მის გვერდით თავისუფალ სკამზე მიუთითა.

— რამდენჯერმე საწვრთნელ თამაშზე გნახეთ, — თქვა აისელმა, — საკმაოდ კარგად ურტყამთ.

საითი გაწითლდა.

თამაში ჯერაც არ დაწყებულიყო და სტადიონი ფუტკრის სკასავით ზუზუნებდა. იმის გამო, რომ საფრენი ამინდი არ იყო, ვერ ჩამოფრინდა ამ თამაშისათვის მოწვეული უცხოელი მსაჯი. ამიტომ ძლივს დაი-

ყოლიეს თურქი მსაჯი, რომელიც აგრეთვე საერთაშორისო კატეგორია  
სა იყო. სტამბული მკვდარ ქალაქს დაემსგავსა, რადგან ყველაზე დიდი  
თუ პატარა, სტადიონზე მოსულიყო. საითი კი პირველად ხსენებოდა  
ამგვარ მატჩს.

აჰმედმა თამაშის დაწყებისთანავე ფეხი დაუდო ოსმალთა  
მაც კარგა ათ მეტრზე ივორავა.

— ძმაკაც, ამას ყურადღებას ნუ მიაქცევ, — ხმადაბლა უთხრა საითს  
ყველაზე ობიექტურმა კომენტატორმა ეროლ იფქირან ბეიმ, — ამ თა-  
მაშის ბედი უკვე გადაწყვეტილია.

— ვერაფერი გავიგე, როგორ არის გადაწყვეტილი?

— როგორ და, ძალიან უბრალოდ, ძმაკაც. ფრიად სარწმუნო წყა-  
როებიდან მივიღეთ ცნობები, რომ დღეს „თოზქოფარანს“ უნდა გაბი-  
თურდეს და გაბითურდება სწორედ აჰმედის გამო. ასე მოისურვა ამ  
არამზადა დუნდარ დუბარა ბეიმ. — კომენტატორმა იგროძო, რომ საით-  
მა ვერაფერი გაუგო და განაგრძო: — ფული, ჩემო მეგობარო, ფული!  
ფული ბევრ საქმეს აკეთებს. დარწმუნებული ვარ, აჰმედს ქრთამი  
მისცეს — ეროლ ბეი საითისაკენ გადაიხარა და ჩასჩურჩულა: — ჩვენ-  
ში დარჩეს და ერთ საიდუმლოსაც გაგანდობ: „პაჯეთბაბას“ თავდამსხ-  
მელებს დოპინგი აქვთ მიღებული, ცხენის ღოზა მიუღიათ თურმე, ეგ  
ღოზა კი ისეთია, რომ ბებრუხანაც მაგრად ითამაშებს და ვერანაირი  
ზამოირა, თვით იაშინიც კი ვერ იხსნის კარს... გამიგე?

— როგორც ჩანს, თამაში საინტერესო უნდა იყოს, — ახლა აისე-  
ლი გადმოიხარა საითისაკენ, მერე მრავალმნიშვნელოვნად დასძინა, —  
თქვენ, ცხადია, „თოზქოფარანს“ ქომავობთ, არა?

— დაე, მოიგოს იმან, ვინც უფრო ძლიერია, — დიპლომატიურად  
მიუგო საითმა, რადგან იცოდა, რომ მისი მომხიბლავი თანამოსაუბრე  
„პაჯეთბაბას“ ქომავი იყო.

პირველ ტაიმში ბურთი არც ერთ გუნდს არ გაუტანია. ცხადი იყო,  
რომ ბრძოლა კიდევ წინ იყო. შესვენებისას იფქირანი პრესის წარმო-  
მადგენლებისათვის განკუთვნილი ლოჯისაკენ გაეშურა.

— გავიგე, ამერიკაში წასვლას აპირებთ, — თქვა აისელმა.

— კი, ვაპირებ, მაგრამ ჯერაც არ ვიცი, როდის, — მიუგო საითმა,  
თან გულში გაიფიქრა, ნეტა საიდან იცის ეს ამბავიო.

— განა სტამბულში ვინმე გაკავებთ?

საითმა პასუხი არ გასცა

— მე რომ თქვენს ადგილას ვიყო... მე ვნახე თქვენი ვარჯიში და

შემიძლია ვთქვა, რომ ფეხბურთელის მონაცემები გაქვთ. უნდა წახვრ-  
დეთ ამერიკაში.

აისელი ძალდაუტანებლად ლაპარაკობდა, გონებამახვილურად ხუმ-  
რობდა. და საითი მის გვერდით კარგად გრძნობდა თავს.

მეორე ტაიმის დასაწყისში გულშემატკივართა მღელვარება უფრო  
გაძლიერდა. მსაჯმა იგრძნო მოსალოდნელი კატასტროფა და ბრძანა,  
სათადარიგო გასასვლელი ღია იყოს, ვაითუ, მაყურებლები მოედანზე  
გადმოცვიდნენო. წვიმა დაიწყო. ფეხბურთელები ტალახში დარბოდნენ  
და თვითონაც გატალახიანდნენ. ბურთს აღარავინ აქცევდა ყურადღე-  
ბას, რადგან ერთიმეორეს დასდევდნენ, მაგრამ თუ ბურთი რომელიმე  
ფეხბურთელთან მიგორდებოდა, უსათუოდ დაარტყამდნენ და თავიდან  
იშორებდნენ. მეტხუთმეტე წუთზე ბურთი ტრიბუნებში გადავარდა,  
მაგრამ ეს არავის შეუმჩნევია. და უცებ, თითქოს ქვეყნიერებას რაღაც  
უბედურება დაატყდა თავსაო, გაისმა შემაზრზენი ღრიალი „არიის“!!!  
ათიათასობით ადამიანის შეძახილმა გადაუარა სტადიონს. მსაჯმა, რაც  
ძალა და ღონე ჰქონდა, სასტვენს ჩაბერა.

სინამდვილეში კი, აი, რა მოხდა. „ჰაჯეთბაბას“ ერთ-ერთ თავდამსხ-  
მელს დაევალა მიგრბინა ბურთთან, რომელიც მისგან ხუთ, ათ ნაბიჯზე  
მიგორავდა, ამიტომ ტალახის გუნდას გაჰკრა ფეხი. გუნდა კი „თოზ-  
ქოფარანის“ კარში შეგორდა. მაყურებელმა იღრიალა, მსაჯმა სასტვენს  
ჩაბერა.

„თოზქოფარანის“ მოთამაშეები მსაჯს მიეჭრნენ, ჩვენს კარში ბურ-  
თი არა და არ გასულა, მოდით და ნახეთ, კარი ცარიელიაო. ხანგრძლი-  
ვი და მომქანცველი მოლაპარაკებისა და მუქარის შემდეგ ბურთი გა-  
ტანილად აღარ ჩათვალეს. თამაში განახლდა და ხუთიოდე წუთში  
ერთმანეთის დევნა უფრო ინტენსიური გახდა. წვიმა კი შეწყდა, მაგრამ  
ფეხბურთელები მეზუხრეებს დაემსგავსნენ. მიუხედავად ამისა, ორივე  
გუნდი თავგამოდებულად იცავდა თავის კარს. აისელი სიცილით გად-  
მოსცემდა იმას, რაც სტადიონზე ხდებოდა. მისი სიტყვებით აჰმედი  
არაფერს აკეთებდა გარდა იმისა, რომ ურტყამდა „ჰაჯეთბაბას“ ყველა  
იმ ფეხბურთელს, რომელსაც წააწყდებოდა, ხოლო ვინც ფეხებში არ  
მოედებოდა, იმათ აფურთხებდა და მუშტით ემუქრებოდა. მიუხედავად  
ამისა, იგი მაინც „თოზქოფარანის“ საუკეთესო ფეხბურთელად ითვლე-  
ბა და მომავალშიც ასევე მიიჩნევენო. საითი ისმენდა აისელის რეპორ-  
ტაჟს და იცინოდა.

— ეეჰ! — უცებ იყვირა აისელმა, — ვილაცას სცემენ.

— ვისა?

— ვერ გავარჩიე, ალბათ, რომელიმე ჩვენთაგანი თუ ჩაგარდა „თოზქოფარანის“ ხელში.

მოედანზე პოლიციელები გამოცვივდნენ. ფეხბურთელები კეისარს გაიყვანეს. თურმე „თოზქოფარანის“ ბიჭები თავიანთსავე დამცველს შესდგნენ. კაცმა ვერ გაიგო, რატომ ურტყეს — ვერ იცნეს, თუ თავი მობეზრდათ. მოედანს მკაცრი ბრძოლის ახალ-ახალი მსხვერპლი სტოვებდა. ბოლოს ორივე გუნდში ჩვიდმეტი მოთამაშელა დარჩა.

საითმა შეამჩნია — აისელს ესპანელს კი ეძახდნენ, მაგრამ ტემპერამენტით სვეიმი დასჯაბნიდა. „პაჭეთბაბას“ კართან რომ ბურთი დატრიალდებოდა და სახიფათო მომენტი შეიქმნებოდა, იგი ადგილიდან არ წამოხტებოდა, წივილ-კივილს არ მორთავდა, სახეზე გამომეტყველებაც არ ეცვლებოდა. ეგ იყო, რომ საითს უფრო უჭერდა ხელს — ეს კი ძალიან მოსწონდა საითს, რადგან მას არ უყვარდა თავშეუკავებლობა და საკუთარი გრძნობების იოლად გამომზეურება.

— ალბათ... ამ მშრალი ანგარიშით დამთავრდება თამაში, — თქვა საითმა და აისელის ხელს ხელი მოუჭირა. ასეთ რამეს საითი თვითონაც არ ელოდა.

— არა, ჩვენები მოიგებენ, — თქვა აისელმა და თვითონაც მოუჭირა ხელი საითის ხელს.

— „თოზქოფარანის“ დაცვას ეგრე იოლად ვერ გავარდევ.

— დაცვა აქ არაფერ შუაშია, ჩემო ძვირფასო, — თქვა აისელმა, შეხედეთ, რას აკეთებს „თოზქოფარანი“ — კარს ღიად სტოვებს, არ იცავს, უბედურება ის არის, რომ ბურთი არ გადის კარში. არა, მე ვგრძნობ, რომ ჩვენებისგან დღეს ხეირს არ უნდა ელოდოს ადამიანი.

— მაშ, როგორღა მოიგებთ?

— „თოზქოფარანის“ დახმარებით.

აისელმა ვერც კი მოასწრო ფრაზის დამთავრება, სტადიონზე თითქოს დაიქუხაო, ერთხმად იყვირეს: „არიის“!

— აი, ხომ გეუბნებოდით, აჰმედმა თავის კარში გაიტანა ბურთი.

მატჩის დამთავრებამდე ხუთი წუთი რჩებოდა, მაგრამ მსაჯმა მიანც დამთავრების ნიშანი მისცა. რადგან იფიქრა, არ ღირს საკუთარი თავის ხიფათში ჩაგდებაო და სათადარიგო გასასვლელისაკენ გავარდა. ჩვენს ქომაგებს კი აგრე იოლად ვერ გააცურებს კაცი, მათ ზვავივით მოუჭრეს გზა მსაჯს. მსაჯმაც უმალ იცვალა მიმართულება და მოკურცხლა. ორჯერ შემოჟრბინა სტადიონს, ბრბო მოსდევდა უკან, მე-



რე უცებ ღია კარში გავარდა და ქუჩაში აღმოჩნდა. როგორც იქნა, თავისუფლად ამოიხუნთქა, მაგრამ მისი სიხარული ნაადრევად აღმოჩნდა. გაათრებულნი ქომაგნი აგერ-აგერ წამოეწეოდნენ. ცნობილნი იყვნენ, რომ იმ დღეს არავის აღუნუსხავს ახალი მსოფლიო რეკორდი გრძელ დისტანციაზე რბენაში. ახლა გულშემატკივრებს ქუჩაში გამვლელნიც გაეკიდნენ. დიდი ხანია სტამბულს არ უნახავს ასეთი მასობრივი სიბილი. მსაჯი გარბოდა და ფიქრობდა: „ოჰ, ერთი თავისუფლების ობელისკამდე მივირბენდე და მერე რალა მიჭირს“. თავსიძის მოედანზე შევარდა, სამჯერ შემოუბრინა თავისუფლების ობელისკს და თავის მდევართა კუდში მოექცა. „დაიჭით, ეგ უგვანო, ეგა!“ ყველაზე ხმამაღლა იყვირა მსაჯმა და ამით გადაირჩინა თავი. ბრბო ცოტა ხანს კიდევ დარბოდა, მაგრამ ულიდეროდ ტემპი დაკარგა და მალე დაღლილ-დაქანცული მიმოიფანტა კიდევ.

მატჩის შემდეგ აისეღმა საითი შინ მიიწვია, თითო ფინჯანი ჩაი დავლიოთო. ეს მიწვევა იმდენად დიდი იმედის მომცემი იყო, რომ საითმა უარის თქმა ვეღარ გაბედა.

აისეღმა შინამოსამსახურე გაისტუმრა, ტანსაცმელი უმაღლესი იცვალა, პენუარი ჩაიკვა და საოჯახო საქმეს შეუდგა: თვითონ გაშალა სუფრა, მოიტანა ლვინო და რაჭი. აბა, ჩაის ვინ სვამს? ამ ქალის სიახლოვეს საითს საოცარი სიმშვიდე ეუფლებოდა. ასე ეგონა, ამ ქალს უხსოვარი დროიდან ვიცნობო. მხოლოდ რეფიქთან თუ გრძნობდა თავს ასე თავისუფლად. მის ცხოვრებაში პირველად ხდებოდა ასეთი რამ — ქალი არ დასცინოდა და თანასწორად მიაჩნდა იგი.

საითმა ჩინებულად გაატარა ის ღამე — პირველი ბედნიერი ღამე თავის სიცოცხლეში.

რომ გაიღვიძა, ნაშუადღევად გადასული იყო.

— აისეღ, ძვირფასო, მომიტანე ერთი ჭიქა წყალი! — დაიძახა საითმა და თვითონვე შეეშინდა. იგი ხომ მადამ ანჟელასაც არ დაასაქმებდა ასე უბრალოდ. „ამ ერთ ღამეში ასეთი რა გამიკეთა?“ აისელი ღიმილით ჩამოჯდა საწოლზე და წყალი გაუწოდა.

— ერთი მითხარი, შენი აზრით, რა კაცი ვარ მე? — მორჩილად ჰკითხა აისეღს.

აისეღმა გულში ჩაიკრა საითის თავი და ისე მიუაღერსა, როგორც ბავშვს ეალერსებიან ხოლმე.

— შენ ხარ ერთ-ერთი იმ მოსულელო ადამიანთაგანი, რომლებიც

ფიქრობენ, ქალს თუ ვაკოცე, ცოლადაც უნდა შევიერთო. ვანა ასე არ არის?

საითი ვააოგნა ამ მომხიბლავი ქალის ნათქვამმა, რადგან იგი სრულად სიმართლეს ლაპარაკობდა.

ნასაუზმევს საითი მიხვდა, რომ მის არსებაში რაღაც სწორი ცვლილება მოხდა. ნუთუ მისი მორიდებულობა ასე უკვალოდ გაქრა? რადენ ამაყი და დამოუკიდებელი კაცის იერით მიაბიჯებდა ქუჩაში? და როგორც ეს არაერთხელ ყოფილა, ძალიან მოუნდა ყველაფერი რეფიქსათვის ეამბნა. ტაქსი დაიჭირავა, თავის მეგობართან შევარდა და ოთახის ზღურბლიდანვე იყვირა!

— არის! სასწაული მოხდა! არის!

რეფიქს არაფერი უკითხავს, ისედაც მიხვდა ყველაფერს და საითზე ნაკლებ როდი გაიხარა.

დილის გაზეთები მხოლოდ გუშინდელ თამაშზე წერდნენ. „თოზქოფარანს“ მწარედ და სამართლიანად აქიაჭებდნენ. „არა, „თოზქოფარანს“ არ ჰქონდა უფლება წაეგო თუნდაც მინიმალური ანგარიშით“, — წერდა ერთი მიმომხილველი. იგივე მიმომხილველი გადაკვრით ლაპარაკობდა, რომ „ჰაჯეთბაბას“ თავდამსხმელებმა დოპინგი მიიღეს, ხოლო „თოზქოფარანის“ დამცველებმა კი ქრთამიო. „თოზქოფარანელები“ თავიანთ კართან ისე ცეკვავდნენ, თითქოს „ჰაჯეთბაბას“ ბიჭებს ეხვეწებოდნენ, მოდიო, ბურთი გაიტანეთო. „ჰაჯეთბაბა“ კი ამაზე ასე პასუხობდა: „თუ ასე გულით გინდათ ბურთების გატანა, თვითონ გაიტანეთ, ჩვენ თავი დაგვანებეთ“.

რაც უფრო მეტს წერდნენ ამ მატჩზე, კამათი მით უფრო ცხარდებოდა. კამათში მინისტრებიც ჩაეროვნენ. ერთმა გავლენიანმა პირმა განაცხადა: „ფეხბურთელი, რომლის ძარღვებშიც თურქული სისხლი ჩქეფს, ფულს არ გაუყადრებს თავს“, ამ დიდკაცების ჩარევამ ცეცხლზე ნავთი დაასხა, მაგრამ ყველაფერი ერთმა მემარცხენე ჟურნალისტმა აურდაურია. ამ ჟურნალისტზე გავრცელებული იყო აზრი, რომ ჩვენი ჩრდილოელი მეზობელი აჭმევს პურსო. ამ მემარცხენე ჟურნალისტის სტატიას ასე ერქვა: „ჯანსაღ სხეულში ჯანსაღი სული დგას“. იგი აჭმედს ულოცავდა, რომ ბოლოს და ბოლოს თავის კარში გაიტანა ბურთი, საყოველთაოდ ცხადი იყო, რომ ამგვარი განცხადება პრესტიჟს უკარგავდა თურქულ ფეხბურთს მსოფლიო საზოგადოებრიობის თვალში. ასეა თუ ისე, მთავარი იყო სახელმწიფოს ჩემპიონის არამარტო დამარცხების მიზეზების პოვნა, არამედ დამნაშავეის მონახვაც. ამჯერად



გიორგი

— იმ ჯოჯოხეთის მაშხალაზე როგორ ვიეჭვიანებ... მაგრამ... ეს თბავი ქორწინების მერე რომ მომხდარიყო, კრინტსაც არ დავძრავდი ხედავ რა გააკეთა? აკი ბრმა იყო? თვალის სინათლე რაღაღო დაგბრუნა? აი, ეს მაგიეებს!

პასიფ ბეიმ კვლავ თქვა:

— ვაჭრობაში არის ერთი ხელშეუხებელი, წმიდათა წმიდა კანონი: გაყიდული საქონლის დაბრუნება, ან ვაცვლა აკრძალულია, რახან დაინშნეთ, ეგ ტიპი ვალდებულია, ცოლად შეგიბრთოს.

— მე საქონელი არა ვარ, — დაიღრიალა სევიმმა.

— საქონელი ხარ, საქონელი! — დაამწვიდა აჰმედმა სევიმი და სწორედ იმ ადგილას შემოკრა ხელი, სადაც მამაკაცები სახალხოდ ქალებს არ შემოჰკრავენ ხოლმე.

— ეგ საქმე მე მომანდეთ, მე ყველაფერს მოვაგვარებ, — თქვა პასიფ ბეიმ.

— შენ სულ გაიძახი, მე მომანდეთ, ყველაფერს მოვაგვარებო, რას იზამ?

— სასამართლოს გადავცემ, იხადოს ფულები!

— რაც არ გეკითხებათ, ნუ ერევით, თქვენთვის დაეტიეთ, — მტკიცედ მოითხოვა სევიმმა, — ჩემს საქმეს მე მოვუვლი.

ამის შემდეგ სევიმი ერთ ხანს შორიდან შესცქეროდა თავისი საქმე-როსა და აისელის სამიჯნურო ოინებს. თავის მომხიბვლელობაში იმდენად იყო დარწმუნებული, რომ არ შეიძლება საითმა ზურგი მაქციოსო, ფიქრობდა. ერთ მშვენიერ დღეს გადაწყვიტა, ბოლოს და ბოლოს უნდა გაირკვეს ჩვენი ურთიერთობაო და საითის სახლისაკენ გაეშურა.

ბერინ ხანუმ ეფენდიმ ალერსიანად მიიღო, სასტუმრო ოთახში შეიყვანა.

— როგორა ხართ, ჩემო გოგონი? — იკითხა მან.

— მაღლობელი ვარ, ხანუმ ეფენდი, თქვენ როგორ ბრძანდებით? იმედი მაქვს, არაფერი გაწუხებთ.

— მაღლობა ალაჰს, ჩვენკენ ყველაფერი რიგზეა. თქვენი ღრმად-პაცივეცემული დედიკო როგორ არის?

— გმაღლობთ, ხანუმ ეფენდი, პატივისცემით მოგიკითხათ.

— მაღლობელი ვარ, შეილო, ჩემგანაც ისეთივე პატივისცემით მოიკითხეთ. თქვენი პატივეცემული მამიკო რასა იქმს?

სევიმს მოეჩვენა, რომ ამდენი თავაზიანობით სადაცაა გაგიჟდებოდა, მაგრამ თავი შეიკავა:

— გმადლობთ, ხანუმ ეფენდი, მამილო კარგად გრძნობს თავს, განსაკუთრებულ მოკითხვასა და ასევე განსაკუთრებულ პატივისცემას ვითვლით.

— მადლობელი ვარ, შეილო, აჰმედ ბეი როგორც ღირსეულად დეიდა ბერინმა, რადგან სამართლიანად მიაჩნდა, რომ აჰმედიც მათი ოჯახის წევრი იყო.

სევიმს ბრაზი ყელში მოაწვა, მაგრამ ხმის ამოღება ვეღარ მოასწრო, რადგან მადამ ანეელამ ყავა შემოიტანა. როგორც დიდებულ სარიოდლლუთა შინამოსამსახურე ქალს ეკადრება, ცერემონიულად იკითხა:

— როგორ ხართ, შეილო ჩემო?

— გმადლობთ, კარგად, — კბილებში გამოსცრა სევიმმა.

— თქვენი პატივცემული მშობლები როგორ არიან?

— გმადლობთ, კარგად.

ტელეფონმა დარეკა. მადამ ანეელა აპარატისაკენ გაეშურა, თანაც ჩაიბუტბუტა:

— ალბათ, ისევ ის ქალი ურეკავს საით ბეის... გააწყალა გული.

ბერინ ხანუმმა უკმაყოფილოდ შეიკრა შუბლი, სევიმი კი ერთიანად დაიძაბა, რომ არც ერთი სიტყვა არ გამოჩნდოდა. მადამ ანეელამ ყურმილს ხელი დაათარა, მობრუნდა და თქვა:

— ხომ ვითხარით, ის არის...

დეიდა ბერინი შეიშმუშნა და გაწითლდა.

— შეილო ჩემო, ეს მერამდენედ რეკავთ დღეს, — ყვიროდა მადამ ანეელა, — კაცს ეგონება, თურქული არც გესმით, სხვანაირად როგორ გელაპარაკოთ? — კვლავ ყურმილს დაათარა ხელი, მიბრუნდა და თქვა: — ნამდვილად შეიშალნენ ეს ქალები. ყველას ჩვენი საით ბეი უნდა. ასად ხომ ვერ გაიჭრება საბრალო საითი? |

გულახდილად რომ ვთქვათ, საითს არც არავინ არ ურეკავდა, მაგრამ მადამ ანეელამ განიზრახა, გუნება წაეხდინა სევიმისათვის, იგი ხომ ასე აწამებდა მის საყვარელ საითს.

ბერინ ხანუმმა მიიჩნია, გულითადი საუბრის დრო დადგაო და თქვა:

— შეილო ჩემო, მე მინდა გულახდილად მოგელაპარაკოთ და ნურაფერი გეწყინებათ ჩემგან, მოხუცი ქალისაგან. არ უნდა გადაგედოთ ეგ ქორწილი. ახლა საითი სულ გამოიცვალა.

მადამ ანჟელამ სიხარულით დააქნია თავი: — დიალ, დიალ, მადამ ანჟელამ გამოიკვალა ჩვენი საით ფაშა!

— ადრე ანგელოსივით იყო, — განაგრძო ბერინ ხანუმს, — ხმას რომ გაიგონებდა, სიწითლე ერეოდა, ახლა კი თითქმის აღარ უნახავს ლესო.

— ყველაფერი იმ ინგლისელმა მოიმოქმედა, იმან შეცვალა ჩვენი საითი, — არ ცხრებოდა მადამ ანჟელა, — უწყინარი ცხვარი იყო და გამონთებული ლარივით იქცა...

— მოდით, ერთად ვიხსნათ საითი, საითს უყვარხართ, შვილო, იგი ყურს გივადებთ, თქვენი სჯერა, რაღაც უნდა მოიმოქმედოთ, ადრე ყველაფერს მიაძმობდა, ახლა კი ხმას ვერ ამოაღებინებ. შვილო ჩემო, მხოლოდ თქვენ შეგიძლიათ იხსნათ იგი. მალე იქორწინეთ და ჩამოაშორეთ ამ ფეხბურთს.

სევიმი უსმენდა ბერინ ხანუმს, მაგრამ სულ სხვა რამეზე ფიქრობდა: ახლა, როცა მასა და საითს შუა აისელი ჩადგა, იგრძნო, რომ ვერაფრით იტყოდა უარს საითზე, მას სჭიროდა საითი.

— მე იმიტომ მოვედი, რომ მეგონა, სახლში ვნახავდი. სად არის? — იკითხა მან.

ამ კითხვამ ქალები დააბნია და ერთმანეთს გადახედეს.

— განა თქვენ ერთმანეთს არ ხვდებით?

— გუშინწინ შემოიარა ჩვენსა, — იჩქარა სევიმმა.

ხანგრძლივი სიჩუმე ჩამოწვა.

— შვილო ჩემო, განა თქვენ არ იცით? — დაიწყო ბერინ ხანუმმა.

— რა უნდა ვიცოდე?

— საითი რომ ამერიკაში გაფრინდა.

— ხოო, — ამოიკვნესა სევიმმა, — კი მეუბნებოდა, რომ უნდა წავიდეო, მაგრამ... თუ... ასე... სწრაფი... თუ ასე... ჩქარა, მოულოდნელად... ჰო, თუმცა, მე სტამბულში არც ვიყავი... მარტო გაფრინდა?

— კი, მარტო...

— როდის?

საითი ერთი კვირის გაფრენილი იყო, მაგრამ რახან სევიმმა თქვა, გუშინწინ ჩვენსა შემოიარაო, პირი აღარ გაუტეხეს და თავაზიანმა ბერინ ხანუმმა უპასუხა.

— გუშინ დილით, შვილო.

— რასაკვირველია, ჩვენსას შემოივლიდა, მაგრამ მე სახლში არ დავუხვდი ალბათ...



სევიმს არც კი ახსოვს, როგორ აღმოჩნდა ქუჩაში.

აეროპორტში საითის გასაცილებლად რეფიქი, იფქირან ბეი, მის-  
ტერ ტომპსონი და აისელი მოვიდნენ. საითი და აისელი ესტუმრულ-  
ნენ ერთმანეთს, როგორც მოსიყვარულე ცოლ-ქმარი. ~~სევიმს~~  
ლებზე ცხვირსახოცი აიფარა და ხმადაბლა თქვა:

— ძალიან ვნერვიულობ, ჩასვლისთანავე წერილი მომწერე.

ღეიდა ბერინიცი აპირებდა აეროპორტში წასვლას, მაგრამ საითმა დაუშალა. იმ ოთხმა გამცილებელმა თითქოს ერთმანეთში შეპკრესო პირი, საითის გამგზავრების ამბავი არავის უთხრეს და ამიტომ არც გაზეთებს დაუწერიათ რამე.

სევიმი კარგა ხანს ელოდა საითის წერილს, მერე შეეცადა გაეგო. მისი მისამართი ამერიკაში. მაგრამ საითი აისელს გარდა, არავის წერდა წერილებს. ამ წერილებში ცხადად იგრძნობოდა სიყვარული.

ამასობაში „თოზქოფარანის“ ბუქარესტში გამგზავრების დღეც დადგა. სევიმმა კატეგორიული უარი განაცხადა რუმინეთში წასვლაზე. სულ იმას ფიქრობდა, სტამბულს დავტოვებ თუ არა, იმ დღესვე საითის წერილი მოვაო.

სევიმი ვერაფრით დაიყოლიეს. არც დუნდარ დუბარა ბეის თხოვნამ გაჭრა, არც აჰმედის მოთხოვნამ და არც თვით ჰასიფ ბეის რჩევამ. „ნუთუ, შენთვის მნიშვნელობა არა აქვს იმას, თუ როგორ ითამაშებნ ჩვენი გუნდი? — ეკითხებოდნენ სევიმს. — ან იქნებ არაფრად გიღირს თურქული გუნდის ღირსება? შენ თუ არ წამოხვალ, აჰმედი უთუოდ ცუდად ითამაშებს. სევიმ, იცოდე, რომ გუნდი უშენოდ წააგებს“, ეუბნებოდნენ მეგობრები.

არა და არაო, რაც არ უნდა ეთქვათ, რა არგუმენტიც არ უნდა მოეშველიებინათ, სევიმი მტკიცე უარზე იდგა.

იფქირან ბეიმ ერთ მშვენიერ დღეს თავისი გაზეთის პირველ გვერდზე საითის ფოტოსურათი დაბეჭდა. საითს ფეხბურთელის ფორმა ეცვა. სევიმს საკუთარი თვალებისადაც კი არ სჯეროდა. ფოტოსურათის ქვეშ ეწერა: „შაჯეთბაბას“ ახალი ვარსკვლავი საით სარიოლლუ. ამერიკა მიესალმება თურქული ფეხბურთის ამომავალ ვარსკვლავს“. რამდენიმე დღის შემდეგ დაიბეჭდა კიდევ ერთი ფოტოსურათი. საითი თანაგუნდელებთან იყო გადაღებული. პატარა კორესპონდენციაში აღნიშნული იყო, თუ რა წარმატებებს აღწევს ახალგაზრდა თურქი ფეხბურთელი, რომელმაც რამდენიმე ბურთი გაიტანა მოწინააღმდეგის კარში. საითის გუნდმა შთამავონებელი გამარჯვება მოიპოვაო.

საითზე სხვა გაზეთებიც ალაპარაკდნენ. სევამი სულ დიბნა. ნუთუ მართალი იყო ყველაფერი, რასაც საითზე წერდნენ? ჯერ ერთი, ყველასათვის ცნობილია, რომ ამერიკული ფეხბურთი ახლა იტყუარდება. მეორეც, როდისღა მოასწრო საითმა „პაჭეთბაბას“ გუნდს წინადადება გახდომა?

ვიდრე სევამი საითზე ფიქრობდა, „თოჭოფარანმა“ ბუქარესტში წააგო. გაზეთებში არცთუ ორაზროვნად წერდნენ, სწორედ სევამ ფერფერიკის ბრალია ამ დაუმარცხებელი გუნდის წაგებაო. ამის გამო რუმინეთიდან დაბრუნების შემდეგ „თოჭოფარანის“ არც ერთ მოთამაშეს არ მოუნახულებია სევამი. მხოლოდ აჰმედი მოვიდა, რადგან გრძნობდა, თუ რაოდენ უხერხულ მდგომარეობაში ჩააგდო სევამი.

ამას სრულიად გაუთვალისწინებელი ამბავი მოჰყვა — საითის მიერ დაჭირავებული სახლის პატრონმა სასამართლოში იჩივლა, სამი თვის ქირას არ მიხდიანო. სახლის პატრონის უწყება რომ მიიღო, ბერინ ხანუმი ჯერ ძალიან დაიბნა, მერე კი თავის ადვოკატებთან გაეარდა. ეს ადვოკატები ერთ დროს სარიოლლუთა ინტერესებს იცავდნენ და საკმაოდაც მოითბეს ხელი, მაგრამ ახლა დიდად არ შეუწყუხებიათ თავი; რადგან იცოდნენ, სარიოლლუთა ქონება დაილია.

ბერინ ხანუმს ახსენდებოდა, თუ როგორი სიყვარულით აწყობდა საითი ბინას, რამდენჯერ გადააქეთა თავისი ოჯახური ბუდე, ოღონდ სიდედრს მოეაწონო. აგონდებოდა ყველაფერი ეს და ცრემლებს ძლივს იკავებდა.

— შეეცადეთ, იქნებ დაიყოლიოთ სახლის მეპატრონე, რომ საითის ჩამოსვლას დაელოდოს, — თხოვა ადვოკატებს ბერინ ხანუმმა.

— ეს დროის უქმი დაკარგვა იქნებოდა, უნდა გადაუხადოთ, თორემ ყველაფერს გაგიყიდიათ.

ბერინ ხანუმმა გადაწყვიტა, სევამს მოვეთათბირებო. საითი ხომ ამ ბუდეს მისთვისაც წინდა. ჯერ დაურეკა, შენთან უნდა მოვიდეთ და მერე ფერფერიკების ოჯახში ძვირფასი საჩუქრებით ხელდამშვენებული მივიდა.

სევამმა ძალიან გაიხარა. იქნებ საითზე გავიგო რამეო. სიხარულით შეხვდა ბერინ ხანუმს, თავაზიანად პასუხობდა უამრავ კითხვას, მოთმინებით მოისმინა მისი არეულ-დარეული საუბარი იმაზე, თუ როგორ გაუჭირდათ სარიოლლუთ ეკონომიურად. ეს ამბავი ფერფერიკებისათვის მეტად მოულოდნელი აღმოჩნდა, არავინ მოელოდა, რომ ქონება ასე მალე ამოიწურებოდა და მეშვიდრე უკაპიკოდ დარჩებოდა. მეჭკურე

ხანუმს ახლა სინდისიც კი ქენჯნიდა. მისი გაუთავებელი წუნიაობა რომ არა, სევემი უკვე დაოჯახებული იქნებოდა. ახლა კი სევემს არც ქმარი ჰყავდა და არც სახლი ჰქონდა. მხოლოდ დანიშნულე ~~გაყრუებულ~~ და ეგ!

— თქვენ კარგად იცით, ხანუმ ეფენდი, — ამბობდა ბერინ ხანუმში, — რომ საითმა წინასწარ გადაიხადა ერთი წლის ქირა, მე, მართალია, ერთხელაც კი არ მინახავს ეს ბინა, მაგრამ, როგორც საითი ამბობდა, თქვენ კმაყოფილი იყავით. ჩემს საითს, ალაჰმა ჯანმრთელობა მისცეს, დაბნეულობის გამო სულ დაავიწყდა, რომ წელიწადი კი არა, მეტიც გავიდა, სახლის პატრონი კი იმუქრება, ავეჯს გაგიყიდითო, ეს ბინა ხომ ახლად შეუღლებულთათვისაა განკუთვნილი, იმიტომ მოვედრი, რომ ჰკუა გკითხოთ. არავინ იცის, როდის ჩამოვა საითი. თუმცა, ის კი მომწერა, ნივთები გაყიდე და სახლის პატრონი გაისტუმრო.

ფერფერიკთა ოჯახის თავს ეს ამბავი ქალიშვილმა უამბო. ჰასიფ ბეიმ ცივად თქვა:

— მოვიფიქრებ.

სევემი ატირდა.

— რა ვატირებს? მე ხომ ვთქვი, მოვიფიქრებ-მეთქი? მოფიქრებაც არ შეიძლება?

ვიდრე ჰასიფ ბეი ფიქრობდა, შევიტანო თუ არა ბინის ქირაო, სევეიმმა გაიგო საითის მისამართი და გრძელი, გულისამაჩუყებელი წერილი გაუგზავნა. საითის პასუხმა დააყოვნა. სევეიმმა რომ პასუხის მიღების ყოველგვარი იმედი დაჰკარგა, საითისაგან პაწია ღია ბარათი მოვიდა, რომლითაც იტყობინებოდა, უახლოეს ხანს ჩამოსვლას ვაპირებო. ბინის თაობაზე არაფერს სწერდა. ამასობაში პანით ბეიმ დაწერილებით გამოიკითხა სარიოლლუთა ფინანსური მდგომარეობის ამბავი და გამოარკვია, რომ მათი ფული დღეს თუ ხვალ გამოილეოდა, ხოლო ბერინ ხანუმმა კი თავის ძვირფასეულობათა ნაწილი კიდევ გაყიდაო. ჰასიფ ბეი დარწმუნებული იყო, რომ ახლა მისი გონიერი შვილი უსათუოდ უარს იტყოდა საქმროზე, მაგრამ სევემს ამის გაგონებაც არ სურდა და დაუინებით ითხოვდა, მამაჩემმა ის ვალი დაფაროსო.

— იმ შენს ტიპს ალარაფერი აქვს, გაიგე, გაკოტრდა!

— გავიგე! ახლა მით უმეტეს, ვერ მივატოვებ!

მეჰკურე ხანუმი ქმარს უჭერდა მხარს და ამბობდა:

— რამ ვადაგროია? ასე რამ შეგაყვარა? არც ფული აქვს არც სილა-  
მაზე, არც სახელი! რა მოგწონს მისი?

მაგრამ სვავ სევდის ვერაფერი აიძულებდა ელიარებინე ქვეყნის უსა-  
მარცხება.

### ამერიკიდან სულ სხვა საითი ჩამოდის

პირველ ხანებში ამერიკიდან წერილების ნაკადი მოდიოდა. საითი ყოველ დღე წერდა აისელს. თანდათანობით კი მჩქეფარე ნაკადი მდინარედ იქცა, მდინარე — ნაკადულად და ბოლოს სულაც დაშრა.

საითი რომ ამერიკიდან დაბრუნდა, აეროპორტში სამი ადამიანი დახვდა: რეფიქი, ეროლ იფქირან ბეი და მისტერ ტომპსონი (ასეთი იყო საითის სურვილი, ჩემი ჩამოსვლის ამბავი არავის შეატყობინოთ, ითხოვა).

საითი იმდენად შეცვლილიყო, რომ რეფიქიც კი გაოცდა. უწინდელი საითის კვალიც არსად დარჩენილიყო. თითქოს ის საითი სამუდამოდ დარჩა ამერიკაში. რეფიქმა სულ სხვა საითი დაინახა. უწინდელი საითისათვის სულ ერთი იყო, როგორ ჩაიციმევდა — პიჯაკი მუდამ ისე ეცვა, თითქოს საკიდარზე ჰკიდიაო, შარვალი კი თითქმის ძვრებოდა. ახლა თვითმფრინავიდან ელევანტური მამაკაცი გადმოვიდა. თვალები მკვირტხლად უელავდა, სახეზე დამატყვევებელი ღიმილი დასთამაშებდა.

ამ საითს არც სევდში უხსენებია და არც აისელი.

ბერინ დეიღამ სახლის კარზე მომდგარი საითი რომ დაინახა, გული შეუწუხდა და მადამ ანეელა წვეთებით აბრუნებდა. საბრალო დეიღამ საითის ამერიკაში ყოფნისას იმდენი რამ გადაიტანა, რომ გონს მოვიდა თუ არა, საითს ყველაფერი უამბო. დეიღა ბერინი სწორედ ისე მოიქცა, როგორც საითმა მოსწერა: ავეჯი გაყიდა და სახლის მეპატრონის ვალი გაისტუმრა, მაგრამ ბერინ ხანუმი იძულებული გახდა თავისი ძვირფასეულობანიც გაეყიდა.

ამ საუბრის მერე საითი თავისი თოხისაკენ გაეშურა. კარზე დარეკეს. საამშენებლო ფირმის აგენტებს ვაეგოთ საითის ჩამოსვლა და საქმიანი წინადადებით მოვიდნენ. ამ თქვენი სასახლის ადგილზე თანამედროვე ბინებს ავაშენებთო.

— საით, სულ დამავიწყდა ამ ხალხის თაობაზე მეტქვა რამე. შენი გამგზავრების მერე სული ამომხადეს თავიანთი პროექტებით. ვეტყვი, რომ დაღლილი ხარ, მერე მოვიდნენ.

საითი ქვედა სართულზე ჩამოვიდა და კარგა ხანს ვსაუბრა მათ  
ისინი რომ წავიდნენ, დეიდა ბერინმა იკითხა:

— შვილო, ძალიან გთხოვ, მარტო ნურათერს გადაწყვეტე ჩვენებს  
უნდა მოვეუყარო თავი.

— ვინ ჩვენებს, დეიდა? — ლიმილით იკითხა საითმა.

— როგორ, ვინ ჩვენებს, აბლუშუქურ ბეის, ქისმეთ ბეის, ზიჰნი  
ბეის, ზუბეიდ ხანუმს, გახსოვს, შენი დანიშვნის ამბავი რომ გადაწყვი-  
ტეს?

— მოფამფალეებული ბებრუხანები...

დეიდა ბერინმა სახეზე ხელები აიფარა, არ უნდოდა საითს მისი  
ცრემლები დაენახა. ოი, ამერიკავ, ამერიკავ, ასეთი რა უყო დეიდა ბე-  
რინის ძვირფას ბიჭუნას?

— დამშვიდდით, დეიდა, თქვენ რომ ჩვენებს ეძახით, ისინი გამო-  
ჩერჩეტებულნი არიან უკვე. მათ რომ სულ მცირეოდენი უფლება ჰქონ-  
დეთ ამ სახლზე, დღემდე დაშლიდნენ და ნაწილ-ნაწილ წაიღებდნენ.  
მაგათ ისედაც დიდხანს ლოკეს ჩვენი თავლი.

ამ სიტყვებმა ბერინ ხანუმი შეაძრწუნა, ნუთუ საითი მეც ამ ოჯახში  
შემოკედლებულად მთვლისო?

— დეიდა, გაიხსენეთ ის დრო, ყველამ რომ ზურგი გვაქცია. რატომ  
მოიქცნენ ასე? დარწმუნდნენ, აღარათფერი დაგვრჩა, ჩვენ ეს დანგრევის  
პირას მისული სასახლე დაგვიტოვეს და თვითონ დაიფანტნენ.

ეროლ იფქირან ბეი შეეცადა საითის ჩამოსვლის ამბავი სტამბულის  
ყველა გაზეთში დაბეჭდილიყო. ამ ცნობას ყოველი გაზეთი დიდი სა-  
თაურებით ბეჭდავდა.

სევიმმა საქმროს ჩამოსვლა გაზეთების მეოხებით გაიგო და ჩაფიქრ-  
და: ახლა როგორ მოვიქცე, მე თვითონ მივიდე მასთან თუ დაველოდო,  
აქეთ როდის მოვაო.

სევიმი დიდხანს ათვალეირებდა საითის სურათებს. როგორ არა  
ჰგავდა ეს საითი იმ ადამიანს, რომელსაც ტიპს ეძახდა.  
შესცქეროდა ამ სურათებს და გულნატკენი ფიქრობდა, რამდენი რამ  
დაიკლო ამ კაცის გულისთვის, რამდენ რამეზე თქვა უარი: რუმინეთში  
არ წავიდა, ახალი საყვარლები აღარ გაიჩინა, ეგ ერთი აჰმედი ჰყავდა  
და მასთან სიახლოვე ჩვეულებად უფრო ექცა! საითი კი... რა უმადუ-  
რი გამოდგა — ამერიკიდან ჩამოვიდა და მოსვლაც არ იკადრა. დედა  
მართალი ყოფილა... ფიქრობდა სევიმი ყველაფერ ამაზე და ისე შეებ-  
რალა საკუთარი თავი, რომ აქვითინდა.

დროდადრო სასტუმრო ოთახიდან ვილაცის ხმა ესმოდა. სააბაზანოში  
გასვლისას დერეფნიდან თვალი მოჰკრა, რომ მაგიდასთან ვილაც  
სიამოვნო გარეგნობის კაცი იჯდა და ყავას სვამდა. სვეიმი სააბაზანოში  
შევიდა, გაიხადა და აბაზანაში ჩაწვა თუ არა; შინამოსამსახურემ დასვა  
კუნა და ჩურჩულით თქვა:

— სვეიმ ხანუმ, თქვენი საქმრო მოვიდა, საით ბეი გვესტუმრა.

სვეიმი წამოხტა, უმალ სქელი ხალათი მოისხა და სასტუმრო ოთახ-  
ში გამოვარდა.

— საით! — იყვირა და ყელზე ჩამოეკიდა საქმროს. — შენა ხარ?  
ნუთუ მართლა შენა ხარ?

სვეიმმა საითი სავარძელში ჩასვა, თვითონ კი მის გვერდით ხალიჩა-  
ზე მოკალათდა, მუხლებზე ხელები დაადო და ალაპარაკდა:

— როგორ გამოცვლილხარ, როგორ გამოცვლილხარ, საკუთარი  
თვალებისა არ მჯერა.

მართლაცდა, სვეიმის წინ ძლიერი, საკუთარ თავში დარწმუნებული  
მამაკაცი იჯდა.

— გახსოვს, რომ ამბობდი, მხოლოდ მაშინ შეგირთავ ცოლად, როცა  
შენს გულში ძლიერად დავიმკვიდრებო ადგილს.

ამას როგორ დაივიწყებდა საითი. ახსოვდა, რასაკვირველია, ახსოვ-  
და, მაგრამ წარსულის მოგონებანი ახლა არაფერს ნიშნავდა საითი-  
სათვის.

სვეიმი წამოხტა და ოთახში დატრიალდა. საითი მშვიდად შესცქე-  
როდა მის ფორიაქს, უნებურად სხვა ქალებს ადარებდა და კიდეც ერ-  
თხელ დარწმუნდა, რომ ყველა ქალი ძალიან ჰგავს ერთმანეთს, მაშინ,  
როცა, მათ საკუთარი გამარჯვების იმედი არა აქვთ. სვეიმი კი ვერ  
ხვდებოდა, რომ საითმა მართო სათვალე კი არ მოიხსნა, იგი ცხოვრე-  
ბის ავ-კარგშიაც გაერკვა და ეგრე იოლად ვერ მოატყუებდა.

აჰმედიც მოვიდა, სვეიმმა ჩვეულებისამებრ აკოცა მას და საითი  
დარწმუნდა, რომ მას ეჭვიანობის გრძნობაც კი არ აღეძრა. ჰოდა, რო-  
გორ შეეძლო ასეთ ქალზე დაქორწინება?

მამაკაცებმა ხელი ჩამოართვეს ერთმანეთს. აჰმედი დაუფარავი  
ცნობისმოყვარეობით შესცქეროდა საითს. თითქოს მის წინ სრულიად  
უცხო კაცი იდგა, ან როგორი ტანსაცმელი ეცვა!

— რას დავლევთ? — იკითხა სვეიმმა.

— თუ შეიძლება, ვისკი, — დამატყვევებელი ღიმილით მიუგო სა-  
ითმა.



სევიმმა ლილინით მოიტანა ვისკი. მერე კვლავ ჩვეულებისამებრ აჰმედს მიუჯდა გვერდით, იმასაც კი ვერ ხვდებოდა, რომ საქმროს დასანახად ასეთი რამ არ უნდა გაეკეთებინა. საითმა კვლავ სხეულებზე გაიღიმა: ამ ოჯახში არაფერი, სრულიად არაფერი არ გამოცვლილა.

— რატომ იღიმები? — ჰკითხა სევიმმა.

— ისე...

— ახლა რაზე ფიქრობდი? მითხარი, რაზე ფიქრობდი?

— არაფერზე.

საითს კი აგონდებოდა, დიდი ხნის წინათ, ძალიან დიდი ხნის წინათ როგორ იჯდა ამ ოთახის კუთხეში და ისმენდა, როგორ ეჭიკჭიკებოდა სევიმი აჰმედს, მერე კი ნიშნობის ბეჭედი სახეში მიახალა, მხოლოდ იმიტომ, რომ ძალიან მოკრძალებულად ჩაერია მათს ინტიმურ საუბარში.

საითი დღეს ამ ოჯახში მხოლოდ მოვალეობის გრძნობას არ მოუყვანია, არც ჩვეულებრივ ზრდილობას, არა, იგი იმიტომ მოვიდა სევიმთან, რომ ეთქვა: დღეიდან თავისუფალი ხარ, ჩვენი ქორწინება შეუძლებელიაო.

საქმეებზე საუბარი, ცხადია, აჰმედმა წამოიწყო. მან ქორწილი ახსენა და საითს ჰკითხა, ქორწილი როდის უნდა შედგეს და სად უნდა იცხოვროთო.

საითმა პირდაპირი პასუხი არ გასცა და თქვა:

— წარმოიდგინეთ ასეთი რამ — თვითმფრინავი ჩამოვარდა და დაიშხვრა. გაზეთებში ერთი ამბავია, ზოგი რას მიიჩნევს კატასტროფის მიზეზად და ზოგი — რას. ყველა ნაწილი სწორად მუშაობდა, ამიტომ დაბეჯითებით პასუხს ყველა არიდებს თავს. ძრავაც გამართული იყო. მაშ, რაღად დაიშხვრა თვითმფრინავი? აქ შეიძლება ერთი პიპოთეზური ვერსია წამოაყენოს ადამიანმა — მოკვდა მეტალი.

საითს ყურადღებით უსმენდნენ, მაგრამ ვერაფერი გაიგეს. საითმა ახლა სხვა მაგალითი მოიშველია.

— სრულიად მოულოდნელად დაინგრა შენობა, ვერავინ ჩასწვდა დანგრევის მიზეზს: ვერც არქიტექტორი, ვერც მშენებლები და ვერც ინჟინრები. შენობა კი მსუბუქმა მიწისქვეშა ბიძგმა დაანგრია. ეს მიწისქვეშა ბიძგი თურმე აშენების დროს არ გაუთვალისწინებიათ.

საითის ამდენი ერუდიციისა და განათლებულობისაგან სევიმსა და აჰმედს ლამის გულს შემოეყარათ. ვერაფერი გაიგეს. საოცარია, ადრე

ყველა გაიძახოდა, ამ ოთხთვალამ თავიანი არითმეტიკის მეტი არაფერი იცისო. თუმცა, ახლა აღარც ის ოთხთვალა საითი არსებობს!

სევიმი ხელში ხელსახოცს კმუჭნიდა და საითმა იგრძნო რომ ანგრუნდა ვიულდა. ამიტომ შეეცადა, კიდევ ერთხელ აეხსნა მისთვის.

— მაგალითისათვის ავიღოთ უძველესი საგვარეულო, მაგარის ხალხისულ გენერლები, სახელმწიფო მოღვაწეები, მეცნიერები იყვნენ, მაგრამ ახლა საგვარეულო იშრიტება და დგება მთლიანი დეგრადაციის ერა, გვარი თითქმის კვდება.

სულ ტყუილად ლაუბობდა საითი — მაინც ვერაფერს მიახვედრა სევიმი და აჰმედი.

აჰმედს მობეზრდა ამდენი ლაპარაკი და წავიდა.

აჰმედმა კარი გაიხურა თუ არა, სევიმმა ერთი ალიაქოთი ატეხა, აისელზე ვეჭვიანობო, მერე ჩვეული მოძრაობით იმ თითს წაავლო ხელი, რომელზეც ნიშნობის ბეჭედი უნდა ჰქონოდა, კიდევ ერთხელ მივახლო სახეში საითსაო, მაგრამ უცებ გაიყინა, ბეჭედი თითზე არ ეკეთა. ვიდრე საითი ამერიკაში იყო, მას ერთხელაც არ გახსენებია ეს ბეჭედი.

— თავს ნულარ შეიწუხებ, — თქვა საითმა და სავარძლიდან წამოღვა. — მშვიდობით.

## „თოჭოფარანის“ წლიური კრება

„თოჭოფარანის“ წარუმატებელმა თამაშებმა ხალხში იმდენად დიდი უკმაყოფილება გამოიწვია, რომ კლუბის გამგეობაში უთანხმოება ჩამოვარდა. კლუბის ხელმძღვანელობას ოპოზიცია დაუპირისპირდა, იქმნებოდა ცალკეული დიდი თუ პატარა დაჯგუფებანი.

— აი, ნახავ, ძმაკაც, — უთხრა იფქირან ბეიმ საითს, — მანამ, სანამ „თოჭოფარანის“ წლიური კრების დღე დადგებოდეს, დუნდარ დუბარა ბეი ამ ოპოზიციაში კიდევ შექმნის პატარ-პატარა დაჯგუფებებს და მისი მთავარი მტრების დაუმარცხებელი „კუდიანების“ გარდა კიდევ გამოჩნდებიან ჯგუფები, რომელსაც თვითონვე შექმნის.

— ეგ როგორ? — გაოცდა საითი. — თავისივე მტრებს გაიჩენს?

— ეეჰ, ძმაკაც, თუ ვინდა ნაღდად გაიმარჯვო, მტრის რიგებში უნდა შეიტანო არეულობა, ის უნდა დაანაწევრო.

ყველაფერი ისე მოხდა, როგორც იფქირან ბეი ამბობდა. „თოჭოფარანში“ ახალი დაჯგუფებანი ისე მრავლდებოდა, როგორც სოკო

ნაწვიმარზე. დაუმარცხებელი „კუდიანების“ გარდა შეიქმნა ახალი ასოციაციები, ალიანსები, ძმობა, ამხანაგობა. ასე მაგალითად: „ქარი, მხოლოდ კუდიანი“, „კუდიანი ქარი“, „კუდიანი ქარისათვის“, „ყველანი კუდიანი ქარისათვის“, „გინდა იყავ აფთარი“, ვერ დაუმარცხო „ქარი“. „არ არსებობს „კუდიანი ქარი“ ქარის გარეშე“. ურრლ-იფქირან ბეი არ ცხრებოდა.

— ყოველ ასეთ ჯგუფში ღუნდარ ღუბარას თავისი ხალხი ჰყავს. იცი, რატომ ვამბობ ამას? ყოველთვის, როცა ძველი გამგეობა იშლება, ღუბარა ბეი ახლის სათავეში ექცევა.

ოპოზიციური დაჯგუფებანი ისე დაუპირისპირდნენ ერთმანეთს, რომ საქმე სასამართლომდე მივიდა. „დაუმარცხებელმა კუდიანებმა“ იჩივლეს, კლუბის გენერალური საბჭო კლუბის ფულს ნიავექარს ატანსო. სასამართლომ დაადგინა, კლუბის სალარო შემოწმდესო.

ღუნდარ ღუბარა ბეიმ მოიწვია გენერალური საბჭოს სხდომა და ერთადერთი კითხვა დასვა: „ოპოზიციას საკადრისი პასუხი უნდა გავცეთ თუ არა?“ მერე თვითონვე უპასუხა ამ კითხვას: „რასაკვირველია, პასუხი საკადრისი უნდა გავცეთ. არ უნდა დავივიწყოთ, რომ დაუმარცხებელმა „კუდიანებმა“ თვითმარქვეიბად გამოგვაცხადეს. განა გენერალური საბჭოს შემადგენლობაში ფარული კენჭისყრით არ აგვირჩიეს? მეგობრებო, ჩვენ შემხვედრი სარჩელი უნდა წარვადგინოთ“.

საბჭოს წევრებმა ერთხმად მიიღეს ეს წინადადება. ყველამ იყვირა, ნახეთ, რა ყოჩაღია ეს ჩვენი ღუნდარ ღუბარაო. ღუნდარ ღუბარამ კი გენერალური საბჭოს თანხმობა რომ მიიღო, ოპოზიციის წევრები შეჰყარა და დაამშვიდა: „თქვენ ნუ გეშინიათ მაგ შეხვედრა-სარჩელისა, მე გასწავლით, როგორ მოიქცეთ და რა თქვათ“.

— ასეთი კაცია ღუნდარ ღუბარა ბეი, — განავრძობდა ყოველისმცოდნე ეროლ იფქირანი, — მას შეუძლია თამამად შევიდეს ოთახში, რომელშიც არაუინ იცნობს, მეგობრულად გამოესაუბროს ყველას, ნახევარ საათში ერთმანეთს წაჰკიდოს ეს ხალხი და მერე ისევ შეარიგოს. განა ტყუილად ეძახიან „დიად მესაჭეს“.

ყველა გაზეთში დაიბეჭდა ცნობა, ამა და ამ დღეს, ამა და ამ საათზე, ამა და ამ ადგილას „თოზჭოფარანის“ კლუბის წევრთა წლიური კრება გაიმართებაო.

— როგორ გგონია, ეროლ, აირჩევენ ღუნდარ ღუბარა ბეის ახალი გამგეობის შემადგენლობაში? — იკითხა საითმა.

— რასაკვირველია, აირჩევენ, — დაუფიქრებლად უპასუხა ყველა-

ზე ობიექტურმა სპორტულმა კომენტატორმა. — ძალიან მოხერხებული კაცია ეგ ჩვენი ღუნდარ ღუბარა ბეი. რამდენი ასეთი კრება მახსოვს და ღუნდარ ღუბარა ყოველთვის ახერხებს თავის გადარჩენას. ერთხელ ყველანი შეიკრიბნენ და კრების დაწყებას უცდიან, მაგრამ სწდომა არა და არ იწყება. ხან ერთ კუთხეში ატყდება თავაწყვეტილი ხარხარი და ხან — მეორეში. ნეტა, რა ამბავია-მეთქი, გავიფიქრე და ვხედავ, რომ ხალხი ვიღაცას შემოხვევია და სიცილით ჭიპზე სკდებიან. თურმე ღუნდარ ღუბარა ბეი პიკანტურ ანეკდოტებს უამბობს ხალხს. თანაც როგორ უამბობს! გინდა სულ იმას უსმინო, სიცილით არაქათი გეცლება. ღუნდარი ხან ერთ ჯგუფთან მიდის და ხანაც — მეორესთან. თითქოს ყველას დაავიწყდა, რისთვისაც მოვიდნენ. მერე ღუნდარი უცებ ტრიბუნაზე აბტა და დაიწყო: „მეგობრებო, დროს ნულარ დავკარგავთ. გთხოვთ გადავიდეთ დღის წესრიგის პირველ საკითხზე“. შეკრებილთ უკვე აღარაფრად ეპრიანებათ კრება, ყველა სიცილის გუნებაზეა. ღუნდარსაც ეს უნდა, თავის წინადადებას კენჭი უყარა და ყველამ მისცა ხმა.

მეორე კრების ამბავსაც მოგიყვები: მოკამათენი ღუნდარს ტყავს აძრობენ, არაფრით არ უნდათ, რომ იგი გამგეობის წევრი გახდეს. აგინებენ და აგინებენ. ყველა ფიქრობს, ღუნდარი გამოვა და თავს დაიცავსო. ის კი შშვილად ამბობს, „სანთელ-საკმეველი თავის გზას არ დაკარგავს“. მთელი დღე აგინეს. სალამოს, ყველა რომ დაიღალა, ღუნდარმა მედიჯ სალიპს მისცა სიტყვა. ეს ის მედიჯ სალიპია, რომელიც „თოზქოფარანის“ დაარსების დღიდან თამაშობდა ამ გუნდში. ამაზე უფრო თავმომაბეზრებელსა და ლაქლაქა კაცს ვერსად იპოვი. დარბაზში მალე ყველას ჩაეძინა. სალიპი კი ოციან წლებში სტამბულის ოკუპაციის შესახებ ლაპარაკობს. იმ დროს სამშობლოს უსახლვრო სიყვარულმა შეგვაძლებინა ის, რომ ინგლისელებს ფარ-ხმალი დავაყრვენიეთ და დიდი ანგარიშით მოვუგეთო. მე რომ არ ჩამძინებოდა, საკუთარ თავს ვჩქმეტდი ხოლმე. მხოლოდ ღუნდარს და ორატორს არ ეძინათ. არ მახსოვს, რამდენ ხანს ილაპარაკა სალიპმა. ბოლოს ვიღაცამ მოიფიქრა და ტრიბუნიდან ჩამოაბრძანა. ვიდრე ყველანი გონს მოვიდოდნენ, სიტყვა ღუნდარ ბეიმ აიღო. „არამზადა ხარ შენ, ღუნდარ ბეი! ოღონდ თავი დავგანებე, კრება დახურე და რაც გინდა, ისა ჰქენი“, — უყვირეს ღუნდარს. მაშინ თავმჯდომარემ კენჭისყრა დაიწყო და ყველამ ხმა მისცა, ძმაკაც!

შარშან, საერთო კრების დაწყებამდე კლუბის წევრებმა დაიფიცეს,

დუნდარ ღუბარა ბეი არაფრით არ ავირჩიოთო. დუნდარმა ეს ამბავი გაიგო, თავმჯდომარეს კრება გახსნილი არც ჰქონდა, რომ ჩვენი დუნდარი ტრიბუნაზე ავიდა და თქვა:

— აი, თქვენ გაიძახით ფიფა, ფიფაო, ერთი მითხარით, რომელმა თქვენთაგანმა იცის, რას ნიშნავს ფიფა?

ფიფა რა არის, ვინ არ იცის, მაგრამ დუნდარ ღუბარა ბეიმ ხალხი დააბნია, დაიწყო ცხარე კამათი, ლამის ხელჩართული ჩხუბი არ გაიმართა, ყველაფერი იმით დამთავრდა, რომ ვიღაც მაიმუნი სკამზე შეხტა და იყვირა: თუ ვინმემ იცის, ორი ნოლიანი რას ნიშნავსო. დუნდარ ღუბარა ბეი კი განზე გამდგარა და მშვიდად შესცქერის ამ ამბავს. ჩხუბი და აურზაური შუალამემდე გაგრძელდა. მეორე დღეს დუნდარ ბეი კვლავ ახალი გამგეობის წევრი გახდა.

რა არ ჩაუდენია! ის რომ არ მოიფიქრებს, ისეთი არაფერია. დროის ამბავი თუ გსმენია? არა? ყური მიგდე და ყველაფერს გაამბობ. დუნდარმა გადაწყვიტა კლუბის საპატიო პრეზიდენტი მოეშორებინა თავიდან, კრების დაწყებისთანავე დუნდარი წამოხტა და განაცხადა, კრება უფლებამოსილი არ არისო. ეგ როგორაო, რატომ არ არისო? იყვირა ხალხმა. იმიტომ, რომაო, განაცხადა დუნდარ ბეიმ, დარბაზში თურქეთის დროშა არა ჰკიდიაო. მეგობრებო, ძალიან სამწუხაროა, რომ ჩვენ შორის აღმოჩნდნენ ადამიანები, რომლებიც ჩვენ წმიდათაწმიდა, დიდებით მოსილ თურქულ დროშას პატივს არა სცემენო.

რომ იცოდე, რა ამბავი ატყდა! საბრალო პრეზიდენტი თვალცრემლიანი ეხვეწებოდა ხალხს, დროშა მიპოვეთ სადმეო. ყველა ცდილობდა მგზნებარე პატრიოტად ეჩვენებინა თავი და ყვიროდნენ: დუნდარი სწორია, უდროშოდ როგორ იქნება ჩვენი კრებაო. ეს ყველაფერი მემარცხენეთა ოინებია, — იყვირა ვიღაცამ, — მემარცხენენი შემოგვეპარნენ კლუბში. და ყველამ იყვირა: „სიკვდილი კომუნისტებს!“ ერთი გენახა, ძმაკაც, რა დღეში ჩავარდა ის ახალგაომცხვარი დეპუტატი, რომელიც ჩვენი კლუბის პრეზიდენტი იყო. საცოდავად იხვეწებოდა: „ღმერთი გიშველით, მიპოვეთ სადმე დროშა“.

— როგორ დამთავრდა ეს ამბავი? — იკითხა საითმა.

— როგორ უნდა დამთავრებულყო, ძმაკაც. თავმჯდომარე ისე შეშინდა, დუნდარ ბეის შეეხვეწა: რაც ვინდა ის ჰქენი, ოლონდ ახლა მიხსენიო, მაშინ დუნდარ ბეი ტრიბუნაზე დადგა და თქვა: „მეგობრებო, ჩვენი დროშა ჩვენი სინდისი და სისხლია. არ შეიძლება კომუნისტი გახდეს კაცი, რომლის ძარღვებშიც კეთილშობილური თურ-

ქული სისხლი ჩქეფს. ჩვენთან მემარცხენეებს ადგილი არ უნდა ჰქონდეთ!“ ამოიღო დიდი დროშა და ტრიბუნაზე აღმართა. ვიდრე აღმართავდა, აცოცა! კრების შემდეგ გამოიჩქვია, რომ ეგ დროშა უნდა დადგინდეს ღუნდარ ღუბარა ბეის გადაუმალთა. ამით პრეზიდენტი მოწადინა შორა, თვითონ კი თავის ადგილზე დარჩა.

ამ საუბრით მიადგნენ ეროლი და საითი ღუნდარ ღუბარა ბეის კანტორას, რომელიც ბარს უფრო ჩამოჰკავდა.

„თოხჭოფარანის“ ტრადიციული ყოველწლიური კრება დაძაბულ ვითარებაში დაიწყო.

— აი, იმ კაცს ხედავ? — მხარი გაჰკრა იფქირანმა საითს, — ამბობენ, ღუნდარის ადგილს ეგ დაიჭერს და გენერალური თავმჯდომარე იქნებაო, თუ ეგრე მოხდა, ჩვენი ღუნდარი გამგეობის წევრობასაც ვეღარ ეღირსება. ხმა დაირხა, სელიმ ბეი გამოსვლას აპირებს და ღუნდარ ღუბარას ტყავს გააძრობს, მის საქმიანობას ერთიანად გამოაშკარავებსო, მაგრამ არც ჩვენი ღუბარა არის კურდღელი. ასე რომ, დღეს დიდი ამბები გველის.

პრეზიდენტის არჩევითანავე ღუნდარ ღუბარა ბეი ტრიბუნაზე გადარდა.

— ერთი წინადადება მაქვს.

— ჩამოდი მაგ ტრიბუნიდან და ეგ შენი წინადადებაც თან წაიყოლე! — უყვირა სელიმ ბეიმ.

დარბაზი ახმაურდა.

— წინადადება შემომაქვს, — ღუნდარ ბეი ხმამაღლა ლაპარაკობდა, იქნებ ამ ხმაურში ვინმეს რამე გავაგონოო, — რომ დღევანდელი კრების თავმჯდომარედ ავირჩიოთ პატივცემული სელიმ ბეი! მეგობრებო, ვინ არის ჩვენი კლუბის ყველაზე ღირსეული წევრი? რასაკვირველია, სელიმ ბეი!

ხმაური უცებ დაცხრა, ყველა ორატორს შესცქეროდა.

— ვინ გაუწია ყველაზე დიდი სამსახური ჩვენს კლუბს? რასაკვირველია, კვლავ სელიმ ბეიმ.

— ეს რა მტრობაა, — გაოცდა საითი, — ხომ ხედავ, როგორ აწებს სელიმ ბეის.

— ეს რაღაც ფანდია, ძმაკაც, მაგრამ ვერაფრით მივხვდი, სად უმიზნებს ღუნდარ ბეი!

— სელიმ ბეი ჩვენი უფროსი ძმაა, — ჰიპზე სკდებოდა ღუნდარ ღუბარა ბეი, — „თოხჭოფარანისათვის“ მან გააკეთა ის, რისი გაცე-



თემაც შეუძლია ადამიანს. მეტსაც ვიტყვი, მან უფრო მეტი გააკეთა. ამიტომ წინადადება შემომაქვს, დღევანდელი კრების თავმჯდომარედ ავირჩიოთ სელიმ ბეი.

ხალხმა ტაში დასცხო.

— ო, რა ძაღლის შვილია?! ეს როგორ მოაფიქრდა? — წამოიძახა იფქირან ბეიმ, — ხედავ, რა უყო სელიმ ბეის? დააბა, ახლა იგი კრინტსაც ვერ დასძრავს, მიხვდი?

— რატომ, განა თავმჯდომარეს არ შეუძლია სიტყვა წარმოთქვას?

— არა, არა აქვს უფლება. მან მხოლოდ სხვებს უნდა მისცეს სიტყვა.

— არ მინდა, არ ვიქნები თავმჯდომარე, — ყვიროდა სელიმ ბეი, — მე კამათში უნდა ჩავეწერო.

მაგრამ დუნდარ დუბარა ბეიმ უკვე გააკეთა თავისი საქმე — რამდენიმე კაცმა სელიმ ბეი ხელში აიყვანა, დარბაზში გაატარა და ისე დასვა თავმჯდომარის სავარძელში. სელიმ ბეიმ სხდომა გახსნილად გამოაცხადა, მას კიდევ რალაც უნდოდა ეთქვა, მაგრამ დუნდარ დუბარამ არ დააცადა და კვლავ ტრიბუნაზე ავარდა.

— წინადადება შემომაქვს, ფეხზე ადგომითა და წუთიერი დუმილით პატივი ვცეთ ჩვენი დიადი გმირების ხსოვნას.

მთელი დარბაზი ფეხზე წამოდგა. გავიდა ერთი წუთი, ორი, სამი, ხუთი. დარბაზი ელოდება, როდის ანიშნებს დუნდარ დუბარა ბეი; დასხედითო.

დარბაზში აჩურჩულდნენ. იფქირანმა საითს გადაუჩურჩულა:

— ეგ თავი მომჭერი, თუ მაგას რაიმე არ ჰქონდეს ჩაფიქრებული.

დუნდარ დუბარა ბეიმ დარბაზს ანიშნა, დასხედითო და იმის შიშით, სიტყვა არავინ წამართვასო, უმალ დაიწყო:

— მეგობრებო, წუხელ ბეიოღლუზე პოლიციამ ერთი მთვრალი ახალგაზრდა კაცი დააკავა. დიახ, დიახ, ჩხუბის გამო დააკავეს. პოლიციელს უნდოდა ეს ახალგაზრდა პოლიციაში წაეყვანა, მაგრამ დაკავებულმა განაცხადა, თითისაც ვერ დამაკარებთ, რადგან ეროვნულ ნაკრებში ვთამაშობო. ხედავთ, მეგობრებო? მე მინდა დავსვა კითხვა: ნუთუ არ დადგა დრო, რომ სერიოზულად განვიხილოთ ფეხბურთელის მორალური სახის საკითხი?

დაიწყო და რა დაიწყო! ერთი ამბავი ატყდა, ყველას უნდოდა თავისი აზრი გამოეთქვა. თავმჯდომარე ხალხის დამშვიდებას ცდი-

ლობდა, მაგრამ გამგონე ვინ იყო. ღუნდარ ღუბარა ბეი კი ამაყად  
იღგა ტრიბუნაზე.

— ერთი წუთით, ერთი წუთით! — იყვირა ვილაცამ ბოლღა კრიკებზე და  
დან, — თქვენ ხომ არ დაგავიწყდათ ფიფასა და ორი ნოღის კარბისზე  
ატეხილი კამათი? ეს მორალიც ისეთივე ფანდია, გვატყუებენ, ჩამოდი  
ტრიბუნიდან, გონს მოდიოთ, ხალხნო!

იმ კაცმა ისეთი ხმამალალი შეძახილით დაამთავრა სათქმელი,  
რომ ყველა გაირინდა.

— შენ თუ ხედები, რა ხდება? — ჰკითხა იფქირანმა საითს.

— ვერა, ვერაფერს ვხვდები.

— გათხოვთ, მომცეთ სიტყვა განცხადებისათვის, — ითხოვა ისევ  
ღუნდარ ბეიმ.

საბრალო სელიმ ბეის სხვა აღარაფერი დარჩენოდა და სიტყვა მის-  
ცა.

— ძვირფასო მეგობრებო, ჩვენს მთავრობას არასოდეს დაუკლია  
ზრუნვა „თოზქოფარანისთვის“. წინადადება შემომაქვს, ჩვენი კრების  
სახელით მთავრობას მისასალმებელი დეპეშა გავუგზავნოთ.

ეს წინადადება ერთხმად იქნა მიღებული.

— ჩამოდი ტრიბუნიდან, თორემ ამ კრებას ველარასოდეს დავამთავ-  
რებთ, — იყვირა ვილაცამ.

ამ დროს კურჩიერი შემოვიდა და თავმჯდომარის მაგიდაზე მთელი  
დასტა დეპეშები დაალაგა.

— პატივცემულო მეგობრებო, — თქვა სელიმ ბეიმ, — ჩვენი კრე-  
ბის სახელზე მოსულია დეპეშები, პრეზიდენტის მდივანი ახლავე გაგაც-  
ნობთ ამ დეპეშებს.

მდივანმა დაიწყო დეპეშების კითხვა. ერთ დასტას რომ დაამთავ-  
რებდა და ხალხს ეგონა, გვეშველაო, ერთი ამდენი კიდევ შემოჰქონ-  
დათ.

— მე მგონია, რომ ეს დეპეშები თვით ღუნდარ ღუბარა ბეის გა-  
მოგზავნილია, — თქვა ერთმა ეურნალისტმა.

ამასაც მოელო ბოლო და ღუნდარ ღუბარა სიტყვა ითხოვა.

— მე მინდა, ერთი რამ განვაცხადო, ძვირფასო მეგობრებო, ძალიან  
მიჭირს ამის თქმა, მაგრამ სხვა გზა არა მაქვს — სამწუხარო ამბავი უნ-  
და გაუწყოთ: „თოზქოფარანის“ შემადგენლობაში განხეთქილებაა,  
შეიქმნა რამდენიმე დაჯგუფება. ეს პირველი შემთხვევაა ჩვენი კლუ-  
ბის ხანგრძლივი არსებობის მანძილზე და იმას ნიშნავს, რომ ჩვენი

სპორტული მოძრაობის ერთიანობას დიდი საფრთხე ემუქრება. ამიტომ შესაძლოა, კენჭისყრის დროს რაიმე გაუგებრობას ჰქონდეს ადგილი. გაუგებრობა რომ თავიდან ავიცილოთ, საჭიროა ახლანდელი დავაზეუტოთ სია. წინადადება შემომამქვს, გამგეობის წევრობის კანდიდატთა სიაში ყოველ გვარს მივაწეროთ, თუ რომელ დაჯგუფებას ეკუთვნის ესა თუ ის კანდიდატი.

კანდიდატების სიას შუალამემდე ამოწმებდნენ. საითი იმდენად გააოგნა ნანახმა და გაგონილმა, რომ ერთი სიტყვაც არ უთქვამს იფქირანისათვის, ისე გაეცალა იქაურობას. მეორე დღეს, დილაადრიან გაზეთების მეოხებით შეიტყო, დუნდარ დუბარა ბეი „თოზქოფარანის“ კლუბის გამგეობის წევრად აირჩიესო.

### და ამოგრაყინდა ახალი ვარსკვლავი

საითს კარგა ხანია დაავიწყდა, რომ სევიმის სიყვარულმა დააწყებინა ბურთის თამაში. ახლა ფიქრობდა, ფეხბურთი გასაჯანსაღებლად, ჩემი მორიდებულობის და ფიზიკური უძლურების დასაძლევად დავიწყეთ.

„თოზქოფარანის“ ყოველწლიურ კრებაზე საითმა თვალნათლივ ნახა, თუ რა ხდება პროფესიული სპორტის კულუარებში. ასეთი რამ მოულოდნელი იყო საითისათვის და ფეხბურთის ავტორიტეტებისადმი რწმენა შეერყა. მაგრამ თამაში, სპორტული აზარტი, საკუთარი ფიზიკური ძალისა და მოხერხებულობის შეგრძნება, ღირსეული შრომით გამარჯვების მოპოვების ეინი უდიდეს სიხარულს ანიჭებდა. ერთი სიტყვით, ყველაფერი ეს საითისათვის წმიდათაწმიდა იყო.

ტომპსონთან მეგობრობამ სულ ჩამოაშორა „თოზქოფარანს“. ინგლისელი „ჩაჯეთბაბას“ მწვრთნელად გადავიდა და საითიც თან გაყვა საყვარელ მწვრთნელს. ტომპსონი მუდამ საითის გვერდით იყო. არასოდეს შორდებოდა, მეტწილად ორივენი მოედანზე იყვნენ და ვარჯიშობდნენ.

საითისათვის სრულიად ახალი ცხოვრება დაიწყო. ზონალური შესარჩევი მატჩები ტარდებოდა. ტომპსონი ახლა უფრო ხშირად ათამაშებდა საითს ძირითად შემადგენლობაში. ამის გამო საითს თითქმის სისტემატურად იხსენიებდნენ სპორტულ ქრონიკაში. ცენტრალურმა გა-

ზეთებმაც მიაქციეს ყურადღება და ატყდა ერთი ალიაქოთი: სად უნდა ითამაშოს საითმა? მწვრთნელმა თავდასხმაში მარჯვენა გარემარბის ადგილი მიუჩინა. მაგრამ დღემდე ამ ადგილას ჰაიდარი თამაშობდა. ჰაიდარი კი ისეთი ძლიერი დარტყმა ჰქონდა, რომ ხალხმა „ყუმბარა“ შეარქვა. კერძოდ ერთი რამ ართულებდა მდგომარეობას — „ჰაჯეთბაბას“ კლუბმა „ყუმბარა“ ჰაიდარის შესასყიდად კარგა ძალი ფული დახარჯა. სეზონი ახლახან დაიწყო. „ჰაჯეთბაბა“ ჩემპიონობას უმიზნებდა, ამიტომ ყოველ თამაშს დიდ მნიშვნელობას ანიჭებდნენ. ცუდ დღეში ჩავარდა ტომპსონი. რომელი აერჩია — ჰაიდარი თუ საითი? ტომპსონმა თავისი გასაჭირი იფქირანს გაუზიარა, იფქრა იფქირანმა, იფქრა და ასეთი რამ მოიფქრა: შესარჩევ მატჩამდე სამი დღით ადრე ჰაიდარს რომ შეხვდა, არც დღე მოსცილებია და აღარც ღამე. სვამდნენ, დროს ატარებდნენ, ცეკვავდნენ, რესტორნიდან ბარში მიდიოდნენ, ბარიდან კაზინოში, კაზინოდან ისევ რესტორანში და ასე გაილია ეს სამი დღე.

ტომპსონმა გადაწყვიტა — თამაშის პირველ ნახევარში ჰაიდარს გამოვიყვან მოედანზე, მეორე ნახევარში კი — საითსაო. ასე უკეთ გავიგებ, რომელი ჯობიაო.

თამაშზე „ყუმბარა“ აღარ ყუმბარობდა: ბურთს ვერ აჩერებდა, მოედანზე უღონოდ დალასლასებდა. ასე რომ, მოწინააღმდეგის კარმა ვერ იგრძნო ჰაიდარის დარტყმის ძალა. ამიტომ მოწინააღმდეგის კართან ერთ-ერთი ზედახორის დროს ჰაიდარმა ტრუსი შემოიხია ტანზე და ამხანაგებით გარშემორტყმულმა მოედანი დასტოვა. ჰაიდარი საითმა შეცვალა. საითი შიშმა შეიპყრო, რადგან კარგად იცოდა, დღეს წყდებოდა მისი ბედი — თუ დღეს კარგად ითამაშებდა, „ჰაჯეთბაბას“ პირველი თავდამსხმელი გახდებოდა, ყველა მატჩში მიიღებდა მონაწილეობას და ჩემპიონობისათვის იბრძოლებდა. საითი კი არა, მუდამ მშვიდი და აუჩქარებელი ტომპსონიც კი აღელდა — საითის ჩავარდნა, მისი, მწვრთნელის ჩავარდნას ნიშნავდა. საითი თამაშში ჩაება და შიშის გრძობა თანდათან უქრებოდა, მის ადგილს იჭერდა საკუთარ თავზე გამარჯვების რწმენა — ეს იმიტომ, რომ საითი დაეუფლა საკუთარი გრძობების დაძლევის ხელოვნებას. რაც უფრო რთულდებოდა ბრძოლა მოედანზე, საითი მით უფრო დაჭერებულად და შეუცდომლად თამაშობდა. ცხადი იყო, რომ მისტერ ტომპსონის მეცადინეობას უქმად არ ჩაუვლია. ყველა მოხიბლა საითის ლამაზმა. ცხარე თამაშმა, იგი მუდამ კარისაკენ ისწრაფვოდა, ურტყამდა ყოველგვარი მდგომარეობიდან, მაყურებელი მუდამ აპლოდისმენტით აჯილდოებდა.

ამ მატჩის ბედს საითის მიერ გატანილმა ერთადერთმა ბურთმა გადაწყვიტა. უსაზღვრო იყო მაყურებლის აღტაცება, საითი თანაგუნდელებმა ხელში აიტაცეს და ისე გაიყვანეს მოედნიდან. დღეიდან მარჯვენა გარემარბის ადგილს ველარაგინ შეეცილებოდა.

აქვე უნდა გავიხსენოთ ისიც, რომ საითის ამგვარ გამარჯვებაში გარკვეული წილი ედო მეტად ობიექტურსა და მიუდგომელ კომენტატორ იფქირან ბეის, კიდევ კარგი, ეს ამბავი საითმა არ იცოდა, თორემ მისი სიხარული ასეთი ხალასი როდი იქნებოდა.

მისტერ ტომპსონი თავისი მოწაფისაკენ გაეშურა, უნდოდა ასეთი დიდი გამარჯვება მიელოცნა, მაგრამ გასახდელთან აისელს შეხვდა. აისელმა საქვეყნოდ გადაკოცნა საითი დიდი მიღწევისათვის. საითს კი სინდისი ჭეხნიდა — ამერიკიდან წერილების გზავნას ვილა ჩიოდა, სტამბულში ჩამოსვლის შემდეგ ერთხელაც კი არ ინახულა აისელი. საითს აღარც ახსოვს, როგორ აღმოჩნდა ესპანელი აისელის მანქანაში. ვინც საითი აისელის მანქანაში დაინახა, ყველა დარწმუნდა, თუ რას ნიშნავდა ეს — ფეხბურთის ცაზე ახალი ვარსკვლავი ამოვიდა. აისელი სევიმს როდი ჰგავდა, მას ერთხელაც არ მოსვლია აზრად, ამერიკიდან დაბრუნებული საითი მოენახა, ან დაერეკა მისთვის.

— რას შვრები, როგორა ხარ? — ისე იკითხა აისელმა, თითქოს გუშინ დაშორდა საითს. — დღეს ჩინებულად ითამაშე.

— იყავი?

— განა შემეძლო შენი პირველი თამაში არ მენახა? მით უმეტეს, რომ დღევანდელი დღე ძალზე მნიშვნელოვანი იყო შენთვის. განა პირველმა შე არ ვიწინასწარმეტყველე შენი მომავალი?

ამ მომხიბლავი ქალის გვერდით საითი კვლავ ბედნიერად და მშვიდად გრძნობდა თავს. იგი ვერ ხვდებოდა, რომ სვაგი სევიმისა და ესპანელი აისელის ორთაბრძოლა ჯერაც არ დამთავრებულიყო და დიდებას ხარკი უნდა გადაუხადოს კაცმა. დილის გაზეთებმა ქებით მოიხსენიეს საითის თამაში, იფქირანმა კი დაწერა: „ფეხბურთის ცაზე ახალი ვარსკვლავი ამობრწყინდა“.

## ფეხბურთის მეფის დაბადება

საითის საფეხბურთო კარიერა დიდი აუიოტაჟით დაიწყო, პირველსავე სეზონში ცნობილი კაცი გახდა. ყოველდღე გაზეთში იბეჭდებოდა

მასზე დაწერილი სტატიები, ფოტოსურათები, საუბრები და ათასი სხვა რამ. ყველაზე მეტს მაინც იფქირანი ცდილობდა. იფქირანმა კარგად იცოდა, რომ ყოველ ცნობილ ფეხბურთელს მეტსახელიც უნდა ჰქონდეს, ამიტომაც ამ ყველაზე ობიექტურმა და საბართლიანმა კომენტატორმა საითს „საითი ოფსაიდი“ შეარქვა. პირველ მატჩში, როცა საითმა „თოჭოფარანის“ კარში ბურთი გაიტანა, „კუდიანები“ მსაჯს შემოეხვივნენ და ყვიროდნენ: „ოფსაიდი, ოფსაიდი!“ რასაკვირველია, არავითარი ოფსაიდი არ ყოფილა! საითმა საეგებიტ კანონიერად გაიტანა ბურთი. საითის ტაქტიკა ასეთი იყო — იგი მუდამ ოფსაიდის ზღვარზე იდგა, ამიტომაც ამბობდნენ ფეხბურთის სპეციალისტები, ეგ ბიჭი მუდამ ოფსაიდის ზღვარზეაო. („პაჭეთბაბას“ მარჯვენა გარემარბი მუდამ მოწინააღმდეგე გუნდის დამცველთა ირგვლივ თამაშობდა, გარღვევისათვის მოხერხებულ პოზიციას ირჩევდა, რათა პასის მიღებისთანავე მეკარის პირისპირ დარჩენილიყო).

ერთი სეზონის განმავლობაში საითმა სამჯერ ითამაშა ეროვნულ ნაკრებში მაშინ, როცა აჰმედი მხოლოდ ერთ თამაშზე მიიწვიეს. (არადა, სულ ცოტა ხნის წინათ აჰმედს ნაკრების დაცვის ქელსა და ფეხბურთის მეფეს ეძახდნენ).

მართალია, აჰმედის გვირგვინი ძველი დიდებისგან კვლავ ბრწყინავდა, მაგრამ ფეხბურთის მეფეს უკვე უჭირდა მეფის მოსასხამის ტარება. იგი მობერდა.

ამას კარგად ხედავდა სევიმიც. მართალია, სევიმს ბევრი რამ აკავშირებდა აჰმედთან, მაგრამ ახლა საკმაოდ გულგრილად ეკიდებოდა. იგი მხოლოდ საითზე ფიქრობდა, თავისთვის ვერ ეპატიებინა, რომ მას, სევა სევიმს, ასეთი მსხვერპლი გაუსხლტა ხელიდან. ეს ამბავი ვერც თავისი შშობლებისათვის ეპატიებინა. ფერფერიკები საითს სასიძოდ აღარ სცნობდნენ, რადგან ვერ ეგუებოდნენ გაკოტრებულ ხალხს. გაკოტრებული არისტოკრატი სულაც არ იყო ფირმა „პასიფ ფერფერიკი — ქალის საცვლები“-ს მემკვიდრის თანატოლი და ღირსი. რაც უფრო მაღლა მიიწვედა საითის ვარსკვლავი, მით უფრო ნათლად ხედავდა სევა სევიმი, თუ ვინ დაჰკარგა. ასე ეჩვენებოდა, რომ სიყვარულით ჰკუპას ვკარგავო და კიდევ გამოუტყდა აჰმედს: „ამქვეყნად თუ ვინმე მყვარებია არა მგონია, მხოლოდ საითი მიყვარს“. სევიმი ისე გულისამაჩუყებლად ლაპარაკობდა თავის გრძნობებზე, ისე მწარედ ღვრიდა ცრემლებს, რომ აჰმედსაც კი აუცრემლდა თვალები. აჰმედი გულწრფელად გამოუტყდა სევიმს: ამ თეთრი ბიჭის წინაშე, აღრე რომ კა-



ცად არ მიმაჩნდა, სრული უძლური ვარო. ახლახან რომ „პაქეტებში“  
„თოხოფარანი“ დაამარცხა, ეს უწინარესად აჰმედის დამარცხება იყო.  
ერთ დროს გაუვალ კედლად აღიარებულ აჰმედს ვერაფერი გაეწყო  
საითთან. „დაჩაჩანაკებულ მგელს ძაღლებიც კი დასცინიან“<sup>1</sup> გაახსენდა  
აჰმედს ანდაზა.

ამ უკანასკნელ ხანს აჰმედს ძალიან უჭირდა თამაში, მაგრამ ცდი-  
ლობდა, რამენაირად დაეფარა ეს გარემოება — ეშინოდა. ახალგაზრდა  
ფეხბურთელებმა არ დამცინონო. ბევრი ვერ ხვდებოდა, თუ რატომ  
უჭირდა აჰმედს ასე და ამბობდნენ „აჰმედი კვლავ ფორმაში არ არის“,  
უკვე აღარავის ახსოვდა ის დრო, როცა აჰმედი მთელი ძალით თამა-  
შობდა და ფეხბურთის მეფეს „კუდიანთა ხერხემალსა“ და „ფეხბურთის  
პროფესორს“ ეძახდნენ. უკვე კარგა ხანია თამაშს თავი დაანებეს იმათ,  
ვინც მასთან ერთად გამოვიდა მოედანზე. ყველამ რალაც საქმეს მოჰ-  
კიდა ხელი: ზოგი მწვრთნელი გახდა, ზოგი საქმოსანი, ზოგმაც მდიდარ  
ცილი იშოვა. ის ფეხბურთელები ყველას მიავიწყდა. ერთ დროს  
აჰმედსაც ჰქონდა ბევრი ფული... კლუბიდან კლუბში რომ გადადიოდა,  
თავის წილად კარგა ძალი საკბილო რჩებოდა, ეგონა, მუდამ ასე იქნე-  
ბო, მაგრამ ახლა აღარც ის დიდება იყო და ფულებიც ისე შემოეხარ-  
ჯა, როგორც ახალგაზრდობის წლები.

სევიმს აჰმედის მუხლებზე დაედო თავი და ტიროდა. აჰმედი კი  
ფიქრობდა სევიმზე, ფიქრობდა საკუთარ თავზე და თავისი თავიც შეებ-  
რალა და სევიმიც. მას ხომ სევიმის გარდა არავინ ჰყავდა? და განა სე-  
ვიმს ეკიდებოდა სერიოზულად? ცოლად მაინც შეერთო, სევიმი ხომ  
ასე ერთგული იყო მისი. რას უქადის მომავალი? გაისად გუნდიდანაც  
გაისტუმრებენ და მორჩა! ოთხივე კუთხივე ხსნილი აქვს გზა, საითაც უნ-  
და, იქით წავა. ეჰ, დროზე უნდა გაეცალოს ფეხბურთს, უნდა წავიდეს,  
ვიდრე სახელი აქვს, ვიდრე მთელი თურქეთი პატივს სცემს. რა უმოწყა-  
ლონი არიან ქომაგნი, ერთ დროს თავგამოდებით გაჰყვიროდნენ: „მი-  
დი, აჰმედ შეუბერე“. ახლა კი გაიძახიან: „გაერთიე მოედნიდან“, „ფეხ-  
ბურთი რა შენი საქმეა!“ თვლებში ცრემლი ჩაუდგა აჰმედს. საკუთარი  
თავი უფრო ეცოდება, თუ სევიმი? უნდოდა სევიმი დაემშვიდები-  
ნა, მოფერებოდა, თავზე ისე გადაუსვა ხელი, როგორც ბავშვს მოეფე-  
რებიან ხოლმე, მაგრამ მისთვის უჩვეულო ეს სენტემენტალური სურ-  
ვილი უმალ დაიოკა და წამოიძახა:

— გეყოფა. შენც ნახე რა? საითისათვის სტირი?

— რა მეშველება? — ქვითინებდა სევიმი, — ჩვენ ხომ დანიშნულები ვართ. ხალხს როგორ შევხედოთ თვლებში?

— ახლავე მორჩი, ისე ქვითინებ, თითქოს განძი დაკარგე რამე!

— უმისოდ მე რა ვარ? — თქვა სევიმმა და თვითონვე შეაშინა თავისმა ნათქვამმა, — თქვენ ხომ მეგობრები ხართ, მოლაპარაკებოდი საიტს.

აჰმედს თურქული ფეხბურთის გაცვეთილები გაახსენდა და ნირი წაუხდა, შეიკუმუნა, სევიმის ყეყეჩურმა ლაპარაკმა დააფიქრა. რას წარმოადგენს ახლა ერთ დროს გაუვალ კედლად, საფეხბურთო მეცნიერებათა პროფესორად, ფეხბურთის მეფედ ცნობილი აჰმედი? ნუთუ დამთავრდა მისი ხელმწიფობა და ახლა სულ სხვა მეფე ავიდა ტახტზე?

აჰმედმა სევიმს ხელი წაავლო და თავისკენ მიიზიდა:

— გეყოფა, თავი გაანებე იმაზე ფიქრს. საშველი რა გჭირს! ყეყეჩი მართო ეგ კი არ არის, რამდენიც ვინდა, იმდენს ვიპოვით, შენნაირი საქონელი არ ჩაწვება.

გაირინდნენ. თავთავიანთ გასაჭირზე ფიქრობდნენ.

— არის, გენიალური აზრი დამებადა, — წამოიძახა უცებ სევიმმა, — ოჰ, რა იქნება?

— ასეთი რა მოიფიქრე?

— სარიოღლუების ოჯახი უფულოდ დარჩა.

— იქნება მამაშენს შეეხვეწო, ფული ასესხოს?

— ნუ მაიმუნობ, მე სერიოზული აზრი მომივიდა. რა იქნება, რომ საითი „თოზქოფარანში“ გადმოვიბიროთ? ა, რას იტყვი? დუნდარ დუბარა სიხარულით ცას ეწევა. ასე უნდა გავაკეთოთ, ნაღდად ასე უნდა გავაკეთოთ! უფულო საითისთვისაც მისწრება იქნება ასეთი რამ.

აჰმედი პირგამეხებული დუმდა. ბრაზი ყელში აწვეებოდა: „ამით რა უნდა სევიმს, ვისი გახარება სურს: დუნდარის, საითისა თუ ჩემი? განა შეიძლება ასეთი ქალი დაინდო?“ — გაიფიქრა აჰმედმა და წამოდგა.

— ასე უცებ რატომ მიდიხარ?

— საქმე მაქვს, — ჩაიბუტბუტა აჰმედმა და გავიდა.

სვავი სევიმი ვერც მიხვდა, თუ რატომ წავიდა ასე უცებ აჰმედ „კედელა“. სევიმმა რომ დუნდარ დუბარა ბეის თავისი იდეა გააცნო, კლუბის თავმჯდომარე სიხარულით მართლაც ცას ეწია. ახლავე, ამ წუთში უნდა შეუგდე საქმეს, ეს იქნება შენი ყველაზე დიდი სამსახური „თოზქოფარანის“ წინაშეო. „თუ საიტს ახლავე შთავაგონებთ, რომ მომავალი სეზონიდან „თოზქოფარანში“ უნდა გადმოვიდნენ, ბურთს

მინც აღარ ვაიტანს ჩვენს კარში“. — ფიქრობდა ღუნდარ ღუმარა ბეი. იგი ახლავე გრძნობდა, როგორი ნადირობა დაიწყებოდა საითზე სეზონის ბოლოს. „თოჭოფარანს“ ახლა სიმუნწე არაფრად არგებდა, რადგან „ჰაჯეთბაბას“ აგრე იოლად არ დასთმობს საითს.

— როგორ ვაგვისხლტა ეგ ბიჭი ხელიდან, — თქვა ჩაფიქრებულმა ღუნდარ ღუმარამ, — თუმცა, ვინ იფიქრებდა, რომ მაგ აყლყუდა რაიმეს მაქნისი დაღებოდა. კაცი ფეხბურთში ვაგვქალარავდი, მაგრამ არ მახსოვს, რომ ფეხბურთელს ასე უცებ მოეპოვებინოს პოპულარობა. ყველაფერი მინახავს, მაგრამ ასეთი რამ... ან შენ როგორ ღართე „ჰაჯეთბაბაში“ თამაშის ნება? (ღუნდარ ღუმარა ბეის რატომღაც სჯეროდა, რომ საითს კიდევე სჯეროდა სევიმისა).

— ეს ყველაფერი ინგლისელის მაქინაციებია, — უპასუხა სევიმმა.

— თუ მისი გაღმობირება ვერ მოახერხე, მოვიტაცოთ, — დაბეჯითებით თქვა ღუნდარ ღუმარა ბეიმ, — გახსოვს, აჰმედი როგორ გაღმობირე? ჰო, მართლა — გვინდა აჰმედი რომელიმე პროვინციულ გუნდს შევთავაზოთ. ხომ ხედავ, ველარაფერს ველარ აკეთებს, რაც უფრო ცუდად თამაშობს, მით უფრო უხეშობს. მაინცდამაინც დიდ ბაჟს არ მოვიტხოვთ და მოვიცილებთ თავიდან.

სევიმს თითქოს რაღაც ჩასწყდა გულში, „მოკვდა ხელმწიფე!“ — გაუელვა მას და თავისი ძველი მეგობრის დასაცავად ერთი სიტყვაც კი არ დასცდენია, ეშინოდა, ვაითუ, ვერ მოვითმინო და ავტირდყო.

## დიდი მატჩი

„თოჭოფარანისა“ და „ჰაჯეთბაბას“ შეხვედრას უნდა გადაეწყვიტა, ვინ იქნებოდა ქვეყნის ჩემპიონი. ეს თამაში კიდევე ერთი პირველობის საკითხს გადაწყვეტდა. სამი ფეხბურთელი ერთმანეთს ეცილებოდა მოწინააღმდეგის კარში გატანილი ბურთების პირველობაში. ამ სამს შორის იყო საით სარიოლლუც. საითს რომ ერთი ბურთი მაინც ვაეტანა „თოჭოფარანის“ კარში, ფეხბურთის მეფე გახდებოდა.

ყველგან ამ ისტორიულ თამაშზე ლაპარაკობდნენ. გაზეთები წერდნენ, ეს მიმდინარე წლის უმნიშვნელოვანესი მოვლენა, უდიდესი მატჩიაო. სტამბული ციებიაწივით იყო და განა მხოლოდ სტამბული? „ჰაჯეთბაბასაც“ და „თოჭოფარანსაც“ ბევრი ქომაგი ჰყავდა თურქეთში. გაზეთები იტყობინებოდნენ, რომ აქა და აქ ამ გუნდების

გულშემატკივრები ერთმანეთს წაეკიდნენო. იყო ერთი თავპირის მტკრევა და დანების ტრიალი. ხალხი ერთიანად აღგზნებული იყო.

მატჩის ორგანიზატორებმა გაითვალისწინეს შექმნილი სიტუაცია და რადიოსა და ტელევიზიის მეოხებით ხალხს გააგებინეს, ფეხბურთის ბილეთების სპეკულანტებს სასტიკად დავსჯითო. ამიტომაც სპეკულანტებმა ბილეთებს ცეცხლის ფასი დაადეს. ჯერ სალაროებს ერთი ბილეთიც კი არ მიეღოთ, მაგრამ ქორვაჭრები ორას ლირაზე ნაკლებად ხელსაც არ დაგაკარებინებდნენ მასზე. პოლიცია იძულებული გახდა, დაპატიმრებულად გამოეცხადებინა სტამბა, რომელიც ფეხბურთის ბილეთებს ბეჭდავდა.

სპორტის მინისტრმა პრესკონფერენციაზე განაცხადა, უზომო სიხარულით მივსება გული, რომ თურქი ხალხი ასეთ დიდ ინტერესს იჩენს სპორტისადმიო. მან ხალხს შეახსენა, ჯანსაღ სხეულში ჯანსაღი სული დგასო და ახარა, ძალიან მალე სტამბულში კიდევ ორ სტადიონს ავაგებთ, თითოეულ სტადიონზე ას ოცი ათასი ადგილი იქნებაო.

მინისტრის ამ განცხადებას მხურვალედ გამოეხმაურა პრესა. ერთმა ჟურნალისტმა ამ განცხადების გამო დაწერილ კომენტარში იხუმრა: სტამბულს ორი კი არა, ოცი სტადიონი სჭირდება და არც ერთი მათგანი ასი ათასზე ნაკლებ მაყურებელს არ უნდა იტევდესო. ამან გარდა, ამ ჟურნალისტმა წამოაყენა სტამბულის სტადიონიზაციის საკითხი. მთელ ქალაქს ტრიბუნების რკალი შემოვარტყათ, ან იქნებ სტამბული კი არა, მთელი თურქეთი მოვაქციოთ სტადიონში და ამით დავაკმაყოფილოთ მასების ლტოლვა სპორტული სანახაობებისადმიო.

ერთმა მწერალმა, რომელიც მემარცხენეობდა, მორიდებულად შენიშნა, ამგვარ დიდ სტადიონებზე ფიქრიც კი სისულელეა მაშინ, როცა სკოლები და საავადმყოფოები არ გვყოფნის, ზოგიერთ ქალაქში კი კანალიზაცია, ხოლო სოფლებში ელექტრონი არა გვაქვსო.

ამან ძალიან გააბრაზა ევროპამოვლილი სპორტული მიმომხილველი და დიდი სტატია გამოაცხო: „მთელი ევროპა მომივლია, მინახავს მრავალი საერთაშორისო, საკონტინენტთაშორისო, მსოფლიო და ოლიმპიური თამაში და კარგად ვიცი, თუ როგორ სჭირდება ხალხს ფეხბურთი. არ შეიძლება ერთმანეთში ავურიოთ კანალიზაცია და სპორტი“, ასე ამთავრებდა თავის გამოსვლას გაბრაზებული მიმომხილველი. მატჩის მოლოდინში ქომაგნი უფრო და უფრო ცხარობდნენ.

ერთმანეთში დებდნენ სანაძლეოს ხუთიდან ათი ათას ლირამდე გა-  
ზეთებში ასეთი ცნობებიც გამოჩნდებოდა ხოლმე: „თუ ჩვენმა  
„თოჯოფარანმა“ მოიგო, თითო წყვილ ფეხსაცმელს ვაჩუქებთ არა  
მხოლოდ ფეხბურთელებს, არამედ მათი ოჯახის წევრებსაც“ ერთ-  
ერთი რესტორნის პატრონმა განაცხადა: „ჰაჭეთბაბა“ თუ მოიგებს,  
ერთი თვე მთელ გუნდს უფასოდ ვუმასპინძლებ!“

სტამბულის მუნიციპალიტეტის პასუხისმგებელმა თანამშრომელმა  
ავტორიტეტულად განაცხადა, ოღონდ „თოჯოფარანმა“ მოიგოს და  
ქალაქის საზოგადოებრივი სარგებლობის დაწესებულებებში უფასო  
შესვლის ნებართვას გავცემთო, ხოლო რაც შეეხება დუნდარ დუბარა  
ბეის, თავის ბიჭებს დაპირდა, თუ მოიგებთ, ექვს-ექვს ათას ლირას  
გჩუქნით თითოეულსაო.

ეროლ იფქირან ბეიმ თავის გაზეთში დაბეჭდა ერთი გოგონას  
სურათი. სურათის ქვეშ კი ეწერა: „ჰაჭეთბაბას“ ერთგულმა ქომამმა  
ნურჩენმა განაცხადა: „თუ ჩემი გუნდი დამარცხდა, თავსიმის მოედან-  
ზე ცეცხლს წავიკრებ და თავს დავიწვავ“.

იმას ვილა მოსთვლის, რამდენ ოჯახში ატყდა უსიამოვნება, არა  
ეს გუნდი მოიგებს და არა — ესაო, ბევრი ცოლ-ქმარი გაიყარა კიდეც.  
ცნობილ ადამიანებს მოსვენებას არ აძლევდნენ. ყოველდღე ეკი-  
თბებოდნენ: „თქვენი აზრით, რომელი გუნდი გახდება ჩემპიონი?“  
არც სევმი დავიწყნოდათ. აი, რა პასუხი გასცა სევიმმა ამ კითხვას:  
„მოგეხსენებათ, ბურთი მრგვალია, ახლა ძნელია იმის თქმა, თუ ვინ  
იქნება ჩემპიონი. როცა საკითხი ასეთ გუნდებს ეხება, მარჩიელობა  
უხერხულია. თუ „თოჯოფარანი“ ტექნიკური გუნდია, „ჰაჭეთბაბა“  
ამჟამად კარგ ფორმაშია. ძნელია საით „ოფსაიდის“ დაქვრა, მაგრამ არც  
აჰმედ „კედელას“ მოტყუებაა ადვილი“.

— თქვენ რომელ გუნდს ქომავობთ, რომელს უჭერთ მხარს? ალ-  
ბათ, აჰმედ „კედელას“ გუნდს, არა? — ყველაფრის ერთად გაგება  
მოისურვა ჟურნალისტმა.

— ნება მომეცით, ამ კითხვაზე არ გიპასუხოთ, — განაცხადა სევიმ-  
მა, მაგრამ საუბარი ამით არ დამთავრებულა. იმ არამზადა ჟურნალ-  
ისტმა სევიმს საშინაო ალბომიდან რამდენიმე ფოტო დასტყუა და  
გაზეთში დაიბეჭდა სურათი, რომელშიც აჰმედი და სევიმი ხელიხელ-  
გადახვეულნი იდგნენ პლაჟზე.

აისელსაც ჰკითხეს, ვინ იქნება ჩემპიონიო. აისელმა სევიმივით კი  
არ მიკიბ-მოკიბა, არამედ მოკლედ მოსჭრა:



— რასაკვირველია, „ჭაჭეთბაბა“!

მაგრამ მკითხველს სულაც არ აინტერესებდა აისელის აზრი, მას აისელის ფოტოსურათები უფრო მოსდიოდა თვალში, რადგან ეს ხანა ლად წოდებული აისელი მართლა საამო დასანახი იყო. გარდა ამისა, ლოდ იმიტომ კი არ ყიდულობენ, რომ შიგ რაიმე გაახვიონ, ან რაიმე განცხადება ამოიკითხონ, არამედ საამო დასანახ ქალებსაც გადაავლონ თვალი. ქალს თუ რამე მომზიბლავი გააჩნია, ადამიანს არ უნდა დავუმალოთ. თურქ კაცს არ უყვარს გამზდარი ქალი, აისელი ამითაც სჯაბნიდა სვავ სევიმს. ფაშფაშა ესპანელი მეტად საამოდ მოქმედებდა თურქი კაცის გულზე. ამიტომაც გაზეთის ის ნომრები, რომლებშიც აისელის ფოტოები იყო, ორმაგი ტირაჟით იბეჭდებოდა.

ნანატრი დღეც დადგა. ქალაქში ყველაფერი ჩაკვდა, დაცარიელდა სტამბული, ყველანი სტადიონისაკენ გაეშურნენ.

მატჩის დაწყებამდე რამდენიმე ხნით ადრე „თოზქოფარანი“ დუნდარ დუბარა ბეის მეთაურობით „ეიუბსულთნის“ მეჩეთში წავიდა ნამაზის ჩასატარებლად.

სევიმი რამდენიმე კვირა ამაოდ დაეძებდა საითს. მან არ იცოდა, სად ცხოვრობდა ახლა საითი. „ჭაჭეთბაბას“ კლუბში მისვლაც ვერ გაუბედნა. ამიტომ დღეს დაუყოვნებლივ უნდა გადაწყვეტილიყო ყველაფერი: თამაზის დაწყების წინ ნახავს საითს და ეტყვის, „თოზქოფარანი“ დიდძალ ფულს გთავაზობს, ოღონდ კი ჩვენს გუნდში გადმოდიო. ცხადია, საითი იმ წუთში დაყაბულდება, ხოლო თამაზის შემდეგ ორივენი ერთად წავლენ სახლში, რასაკვირველია, სევიმის სახლში. სევიმმა დღეს უნდა დაარწმუნოს საითი, როგორ უყვარს იგი. სევიმი ყველაფერს გააკეთებს, რომ საითს მოეწონოს, დაამახსოვრდეს — მოეფერება, მრგალერსება და ეს თუ ასე არ იქნა, მას სვავს ნულარ დაუძახებთ, დიახ... სევიმს დღეს ძალიან ეწადა „თოზქოფარანის“ დამარცხება.

ხალხი უწყვეტ ნაკადად მიედინებოდა სტადიონისაკენ. უბილეთოები ისე უტევდნენ სტადიონის კედლებს, როგორც რამდენიმე საუკუნის წინათ მათი წინაპრები ბიზანტიის დედაქალაქს. დღეს მათთვის ჩინური კედელიც კი არ არა იყო.

თამაზის დაწყებამდე ოთხი საათით ადრე ტრიბუნებზე ნემსი არ ჩავარდებოდა. ზოგს სანოვავე წამოუღია თან, ზოგს ნარდი, ბანქო და კოჭიც კი. არც რაქი დაეწივნოდათ.

სევიმი ისე ემზადებოდა ამ მატჩისთვის, როგორც ბალზე წასასვლელად ემზადებიან ქალები — ჩაიცვა ყველაზე ლამაზი კაბა, ჩამოიკი-



და ძვირფასეულობანი, ნიშნობის ბეჭედიც არ დავიწყებია, სახლიდან  
გასვლისას დედამ უკანასკნელი დარიგებაც მისცა:

— შეილო, კაცს არასოდეს უნდა აგრძნობინო, რომ გიყვარს, თორემ  
თავზე დაგაჯდება. ჭკუით მოიქეცი, შვი...

— მეყო ამდენი ჭკუის სწავლება, — აფეთქდა სევდით, — სულაც არ  
ვაპირებ გკითხო, თუ როგორ მოვიქცე. შენზე ნაკლებ არ ვიცი ეგ ამბე-  
ბი.

— როგორ მიბედავ, ასე როგორ მელაპარაკები! — აყვირდა მეჭკუ-  
რე ხანუმი, — ერთი ამ უმადურს დამიხედეთ, ჩემი გაზრდილი რა სა-  
ძაგლობას მკადრებს, როგორ მიბედავს.

— გიბედავ, გიბედავ და კიდევაც გაგიბედავ, — აწივლდა სევდით, —  
ყველაფერი შენი ბრალია, ახლა ეს ფერი არ მომწონსო, ახლა ეს რა  
სტილიაო, ახლა...

— მიშველეთ, ვკვდები, — იყვირა მეჭკურე ხანუმმა, თვალები გა-  
დაატრიალა და საეარძელში ჩაეშვა.

სევდის წარბიც არ შეუხრია, ისე გაალო კარი, მაგრად გაიჭახუნა და  
მშვიდად წავიდა.

— შენ დაგიბრმაჭდეს ეგ თვალები, შენა, — მიაკურთხა მშობელმა  
დედამ.

სევდის ვერ გადაეწყვიტა, საით წასულიყო. „თოზქოფარანის“ ბი-  
ჭებთან თუ იმ ოტელში, სადაც „პაჩეთბაბა“ იყო? „იქაც უნდა მივიდე  
და იქაც“, ბრძნულად დაასკვნა და პირველად „თოზქოფარანისაკენ“  
გაეშურა.

— ღმერთი შეგეწიოთ, ბიჭებო! — შესძახა სევდმა მოჩვენებითი  
მხიარულებით, „თოზქოფარანის“ ბიჭების ოტელში რომ მივიდა.

მაგრამ ბიჭები არც განძრეულან. ვილაცამ მძიმედ ასწია თავი და  
ჩაიდუღდუნა:

— ო, ჩვენი სინდის-ნამუსი მობრძანებულა.

— როგორა ხართ, ბიჭებო? — რიხი მოაკლდა სევდის ხმას.

აჰმედი კი მოტრიალდა, მაგრამ არ წამოდგა.

— როგორც გვიყურებ, ისე ვართ. გუშინ ჩვენს ღრმადბატივცემულ  
მფარველს ეიუბსულთანს ვეწვიეთ და დღეს ალაპის შემწეობით უნდა  
მოვივოთ.

აჰმედის სიტყვებზე ყველას გაეცინა.

— მოდი, ჩემო გემრიელო, გვერდით მომიჯექი, რომ დღეს იღბლი-  
ანად ვითამაშო.

სევიმი აჰმედს მიუჯდა, მაგრამ მალე მარტოობა იგრძნო. ადრე მოსვენებას არ აძლევდნენ, ელაპარაკებოდნენ, ეხუმრებოდნენ, ახლა კი წამოდგა და ჩუმად გამოვიდა გარეთ.

ტაქსი დაიჭირავა და იმ სასტუმროსაკენ გაეშურა, რომელშიც „ჯაჯებობა“ იყო გაჩერებული.

პორტიემ, არაფრით არ შეიძლებაო, და არ გაატარა.

— რაო? — გაბრაზდა სევიმი, — რატომ არ შეიძლება შესვლა? რას ჰქვია აკრძალულია, ასეთი წესები ვინ შემოიღო?

— ცოტა ხანს დაიცადეთ და ტომპსონ ბეის ვაცნობებთ თქვენი მოსვლის ამბავს.

— მე კიდევ ვინ არი?

— გუნდის მწვრთნელია.

— შერე და, როდის აქეთ დაიწყო ფეხბურთელის საქმეში ცხვირის ჩაყოფა, თუ მწვრთნელია, მოედანზე მიხედოს გუნდს, აქ კი შეეშვას.

ეს სიტყვები მისტერ ტომპსონსაც მოესმა, სევიმს მიუახლოვდა და თქვა:

— გამარჯობათ... თქვენ მართალი არ არის... მე უფროსი... ყველაფერი შეხება... თქვენ საითის ნახვა უნდა?

— დიახ.

— მე ნებართვა მომეცი თქვენ იმის ნახვა ცოტა ხნით. მალე სტადიონზე წავდივართ... გთხოვთ მეორე სართული მცირე სასტუმრო ოთახი.

მცირე სასტუმრო ოთახში რომ შევიდა, სევიმი ადგილზე გაიყინა. საითი და აისელი მაგიდასთან ისხდნენ და ჩაის შეეჭეცოდნენ. საითმა რომ სევიმი დაინახა, წამოდგა და ხელი გაუწოდა.

— გამარჯობა, სევიმ.

— მადლობელი ვარ, ჩემი სახელი არ დაგვიწყნია.

საითი გაჩუმდა, სევიმმა აისელს გადახედა.

— მგონი, ჩელი შეგიშალებო...

— არა, რას ამბობ, მოდი, დაჯექი ჩვენთან, გთხოვთ, — უთხრა საითმა.

— სათვალე რა უყავი? — მოულოდნელად იკითხა სევიმმა.

— შენი შემწეობით სათვალეები აღარ მჭირდება, მხოლოდ შავ სათვალეს თუ ვიხმარ, მზის საწინააღმდეგოს. — გაიღმა საითმა და იქნებ საუბრის თემა შეეცვალაო, თქვა: — მაპატიეთ, ჯერ კიდევ ვერ გაგაცანიოთ ერთმანეთი.

— ოი, ალაპ, ესპანელ აისელს ვინ არ იცნობს?

— რა მოგდით, სევიმ! დღეს, როცა თქვენს ბიჭებს უნდა ამხნეი ვებდეთ, აქ მოხვედით? მისამართი ხომ არ შეგეშალათ? თოჭოჭოდა რანი“ სულ სხვა სასტუმროში მოთავსდა.

გააფთრებისაგან გონდაკარგული სევიმი აისელს ეცა და თმაში ჩააფრინდა. თითქოს სწორედ ამ თავდასხმას ელოდაო, აისელი მოხერხებულად შებრუნდა და სევიმს ხელში წაავლო ხელი. ქალების წივილ-კივილზე ფეხბურთელებმა მოიბრინეს, მაგრამ მოჭიშპეთა გავლლება არც ერთს არ უცდია. ეს ჯანიანი ბიჭები სიცილით იჭაჭებოდნენ და კიდევ უფრო აქეზებდნენ ქალებს.

— თვალში მოსდე, თვალში, აისელ!

— აბა, სევიმ, შენ იცი, არ შედრკე!

— ესპანელო, არ გაფუჭდე!

ქალები იატაკზე გაკოტრიალდნენ.

საითი ისე იყო შეძრწუნებული, რომ ადგილიდან ვერ იძვროდა. ამ დროს ოთახში ტომპსონიც შემოვარდა, ქალების ჩხუბს ყურადღება არც მიაქცია და ბიჭებს უხმო:

— აბა, ჰე, ბიჭებო, ოტობიუსი მოიტანეს, წასვლა! — და ყოველი მათგან გაპყავდა ოთახიდან. საითს ხელი ჩააკიდა და ისე გაიყვანა, ყველანი რომ წავიდნენ, ჩხუბიც შეწყდა. ორივე ქალი უგონოდ ეგდო იატაკზე.

პირველად აისელი მოვიდა გონს. დამლაგებელ ქალს დაუძახა და უთხრა:

— აი, იქ ჩემი ქმრის ტელეფონის ნომერი წერია, დაურეკეთ და უთხარით, რომ ცუდადა ვარ.

## და ჩამსვინა პარსკვლავი

ხალხით გაქედილი სტადიონი რიტმულად გუგუნებდა. ერთიმეორის საპირისპირო ტრიბუნებზე მსხდარი ქომაგნი ჯოხს ურტყამდნენ ცარიელ ბილონებს, კანისტრებს, ქილებს, სტვენდნენ, ყვიროდნენ, საყვირებს აყვიპინებდნენ, აბრაზუნებდნენ, ლოზუნგებს მალლა-მალლა სწევდნენ. ვილაც უკბილო მოხუცმა ერთი ისეთი დასტვინა, ერთი წამით მთელი სტადიონი გაირინდა და მერე ისევ ჩვეულებრივი გნიასი დაი-

წყო. ყველას რაღაცა ეჭირა ხელში — ან ჯოხი, ან ბოთლი, ან ქილა, ან კიდევ...

მოედანზე რომ „პაჭეთბაბა“ გამოვიდა, ერთი ტრიბუნის ჩაღვნილი მის სტეგნით გასკდა, მეორე ტრიბუნაზე კი ტაშმა იქუნა... გიგეე გან მეორდა „თოზქოფარანის“ გამოსვლისას.

თამაში სწრაფი ტემპით დაიწყო. ასი ათასი ბილეთიანი და ორმოცდაათი ათასი უბილეთო სუნთქვაშეკრული, გარინდებული ელოდა, რა მოხდებოდა. ასეთი სიწყნარე ქარიშხალს მოასწავებდა უთუოდ.

პირველი ათი წუთი გარდამავალი უპირატესობით მიმდინარეობდა. ფეხბურთელები მოედნის შუაგულს არ გასცილებიან. მეათე წუთზე კი ბურთი საითმა ჩაივლო. „პაჭეთბაბას“ ქომაგებმა ერთი ღრიალი მორთეს.

— ოფ-ოფ-ოფსაიდ! ოფ-ოფ-ოფსაიდ!!!

საითი მარჯვნივ გაეარდა, საჯარიმო მოედანს მიუახლოვდა და აჰმედ „კედელას“ პირისპირ დარჩა. აჰმედ „კედელა“ მიხვდა, საითს ბურთს ვერ წავართმევო და ისე ძლიერ ჩასცხო წელში, რომ საითი ტკივილისაგან დაიგრია და ადგილზე ჩაიკეცა. ისეთი შეგრძნება ჰქონდა, თითქოს ლურსმანი ჩაეკრათ წელში. აჰმედი რომ ასე არ მოქცეულიყო, საითი უთუოდ გაიტანდა ბურთს.

— ოპ, — აღმოხდათ „პაჭეთბაბას“ ქომაგთ. აჰმედი მიხვდა, მაყურებელი საითს თანაუგრძნობდა და სულ გაცოფდა, ტრიბუნებს მუშტებით დაემუქრა.

თამაში თანდათან დაძაბული ხდებოდა, „პაჭეთბაბა“ „კუდიანთა“ საჯარიმოს არ სცილდებოდა, ბურთი მუდამ კართან ტრიალებდა, მაგრამ ანგარიში მაინც „თოზქოფარანმა“ გახსნა — ერთ-ერთი კონტრშეტევის დროს მათ „პაჭეთბაბას“ კარში გაიტანეს ბურთი.

გაშმაგებული ქომაგნი იხდიდნენ კოსტუმებს, ქულებს, ხალათებს და პაერში ატრიალებდნენ.

პირველი ტაიმი დამთავრდა ანგარიშით 1:0 „თოზქოფარანის“ სასარგებლოდ. მეორე ტაიმის მეშვიდე წუთზე საითმა საპასუხო ბურთი გაიტანა „თოზქოფარანის“ კარში. ამ ბურთმა თითქოს ახალი ძალა შემატა „პაჭეთბაბას“, ისინი უფრო ძალუმად ათამაშდნენ, საითის დაჰერა შეუძლებელი შეიქნა, ისე გაეარდებოდა „თოზქოფარანის“ კარისაკენ, რომ თვალს ვერაეინ შეასწრიბდა. რაც უფრო უკეთ თამაშობდა „ფეხბურთის მეფე“, მით უფრო უნეშობდა აჰმედი. მალე თავისივე მეოთხის მსხვერპლი გახდა — რეზაკ კოსტოლომმა ისე ამოჰკრა ფეხი

კულუსუნში, რომ აჰმედი მოცელილივით ჩაიკეცა. მსაჯს თამაშიც არ შეუჩერებია. საითმა აჰმედთან მიიბრინა, ფეხზე წამოვაცუნებო, აჰმედი მა რომ მისკენ დახრილი საითი დაინახა, თავისი ტკივილი დაიოკა, წამოხტა, საითს ხელი ჰკრა და ბურთს დაედევნა.

— ძალიან უხეშად თამაშობს დღეს აჰმედი, — აღნიშნა რადიოს სპორტულმა კომენტატორმა, — ყველა მისი უხეშობა ისევ მას ვნებს... თი, თი, ეს კიდეც რაღაა... ასეთი რამ როგორ იქნება!.. აი, ახლა მსაჯი თამაშს შეაჩერებს, თუმცა, არა! თქვენ აღბათ, გესმით, როგორ გაბრაზდა მაყურებელი. აი, ბურთი აქვს საითს, გავარდა, მოატყუა ერთი... ორი... მიდის წინ... ნამდვილად გაიტანს ბურთს... ალაპ, ალაპ, ეს აჰმედი საიდან გამოტყვრა?! არა, საშინელებაა... ოპ, აჰმედი! აჰმედი! როგორ წააქცია საით ოფსაიდი, ზედ საჯარიმო მოედანზე წააქცია, საითთან მსაჯმა მიიბრინა... ინიშნება თერთმეტმეტრიანი საჯარიმო დარტყმა.

დასარტყმელად ემზადება „ჰაჯეთბაბას“ კაპიტანი „წიწაქა“ ოსმანა. დარტყმა!.. არის! ანგარიში გახდა ორით ერთი „ჰაჯეთბაბას“ სასარგებლოდ. ასე ცუდად და არადამაჯერებლად აჰმედს არასოდეს უთამაშნია, ღრო იყო თამაშისათვის თავი დაენებებინა, მაგრამ აჰმედს ვერაფრით ვერ გადაედგა ეს ვადამწყვეტი ნაბიჯი. ტომპსონი სიმართლეს ამბობდა: „კარგი გუნდი ისე უნდა მუშაობდეს, როგორც კარგად დაყენებული მექანიზმი, ერთი უბრალო, პაწია ჰანჯიკიც რომ გატყდეს, შეიძლება მთელი მექანიზმი მოიშალოს“. აჰმედი უმწეოდ დარბოდა მოედანზე და ასევე უმწეოდ თამაშობდა გუნდი.

— დიახ, საითი დღეს სასწაულებს ახდენს, — განაგრძობდა კომენტატორი. — როგორც ჩანს, სწორედ ის მოიპოვებს საუკეთესო ბომბარდირის წოდებას. სწორედ საითია მოედნის ბატონ-პატრონი და მთელი თამაშის მთავარი დირიჟორი. თქვენ აღბათ გესმით, როგორ ხედება მას მაყურებელი... დიახ, დღეს ძალიან დაძაბული მატჩია. ბრძოლა თანდათან მწვავდება... ო, ბურთი აქვს საითს, მოატყუა ერთი, მოატყუა მეორე, მესამე, მიუახლოვდა კარს... ყოჩაღ საით, მიდი, საით... ჰა... დარტყმა, არის! არის!!! ძვირფასო რადიომსმენელებო, ანგარიშია საითი ერთი „ჰაჯეთბაბას“ სასარგებლოდ.

„ჰაჯეთბაბა“ ჩემპიონი ხდება, საითი კი ფეხბურთის მეფე. ამხანაგებმა ხელში აიტაცეს იგი, „თოხქოფარანის“ ქომაგნი ისე გაცოფდნენ, რომ მოედანზე ისროდნენ ბოთლებს, ჯოხებს, ქილებს და ყველაფერ ამას საითს უმიზნებდნენ. და აი, საითმა უცებ თავზე წაივლო ხელი,

წაქცა კიდეც. ხელი სისხლით მოესვარა, ბალახზე დააწვინეს და ფეხ-ბურთელები ირგვლივ შემოეჯარნენ.

— არაფერია, არაფერია, — ამბობდა საითი, — მე თვეფენე, მე დედი-  
თონ... — მაშინვე უნდოდა წამოდგომა, მაგრამ სისხლისდენამ იჭაბა და  
ხელში აყვანილი ვასახდელში გაიყვანეს.

თამაში გაგრძელდა, ტრიბუნების ღრიანცელი მაინც არ დაცხრა.  
ხუთიოდე წუთის შემდეგ საითი თავშეხვეული გამოვარდა მოედანზე,  
ისე დაუოკებლად თამაშობდა, რომ ვერავითარი ძალა ვერ შეაჩერებ-  
და და მალე მოწინააღმდეგის კარში ბურთიც გაიტანა.

გაისმა მსაჯის სასტვენის ხმა. თამაში დამთავრდა. მაყურებელი მოე-  
დანზე გადმოცვივდა, იგი ვერც პოლიციამ შეაკავა და ვერც ჟანდარმე-  
რიამ. ესენი უმთავრესად „ჭაჭებბაბას“ ქომავნი იყვნენ. „თოზქოფარა-  
ნის“ ტრიბუნებზე სამარისებური, ტრაგიკული დუმილი გამეფებულიყო.

მოედანზე ხალხი თანდათან მატულობდა. საითს ერვენებოდა, რომ  
ყველანი მისკენ მორბოდნენ. იგი არ იყო გულადი კაცი, პირიქით,  
შეიძლებოდა გაუბედავიც კი გეთქვა მასზე, მაგრამ ახლა გაქცევაზე  
არც უფიქრია. იდგა და შესცქეროდა მისკენ მიმართულ ხალხს. „რაც  
მოსახდენია, მოხდეს“, ამის გაფიქრებაც კი ვერ მოასწრო, რომ ათო-  
ბით ხელმა უცებ პაერში აიტაცა, ადამიანები რაღაცას შესძახოდნენ მას,  
ხმამალა, გულიანად ხარხარებდნენ. მიწაზე რომ დაუშვეს, გადაერჩიო,  
გაიფიქრა და ვასასვლელისაკენ გაეშურა. მაგრამ ჭერ სად იყო! კვლავ  
შემოეხვივნენ აღფრთოვანებული მაყურებლები, ტანზე შემოახიეს ტრუ-  
სიც, მაისურიც და ნაკუწ-ნაკუწ გლეჯდნენ — იქნებ, ამ ძვირფასი სუ-  
ვენირის ერთი პაწია ნაფლეთი მაინც გვერგოსო. ამას რომ მორჩნენ,  
ხარბი ხელები გასისხლიანებულ სახვევს ეცნენ და თავიდან ააგლიჯეს.  
პოლიციამ ძლივს იხსნა საითი ფეხბურთის ფანატიკოსებისაგან.

პროექტორები ჩააქრეს და სტადიონი წყვილიადმა მოიცვა. საითი  
ვასახდელისაკენ არ წავიდა. მოედნის განაპირას ბალახზე დაჯდა, ხელები  
მუხლებზე შემოიწყო და დაფიქრდა...

ტრიბუნებზე ქომავნი ვაზეთებს წვაენდნენ, ზოგი სიხარულით, ზო-  
გიც — ბრაზით.

საითი იჯდა და ფიქრობდა, თუ როგორ შველის ფეხბურთი ადამიან-  
ებს. სტადიონზე ხალხი თავისუფლად ამზეურებს თავის ინდივიდუა-  
ლობას, გულის მოოხება, გულში დაგუბებული ბოლმისაგან განთავი-  
სუფლება, საკუთარი კირის შემსუბუქება, აი, რა ყოფილა მათთვის  
„ჩხურთი. აბა, რით უნდა აიხსნას ის, რომ ათი ათასობით კაცი მო-



დის იმის საყურებლად, თუ როგორ ამტკრევს ოცი ყმაწვილი ერთმანეთს ყბებს ერთი ციციქნა ბურთისთვის. რატომ არის, რომ ეს საბრალონი, ღარიბნი, ავადმყოფნი, უხელონი და ცალთვალანი უკანასკნელ კაპიკებს, ერთი კვირის გასამრჯელოს იძლევიან თითო ბილგნში? მქნებ, სტადიონი მათთვის საკუთარი სახლი ან საავადმყოფოა? მაგრამ განა აქ მოსვლით ისინი განიკურნებიან? განა საზრუნავი აღარ ექნებათ? განა მათს გასაჭირს ბოლო ეღება? რასაკვირველია, არა, მაგრამ მათ უნდათ სულში დაგუბებულ ბოლმას გზა მისცენ, მართლაცდა, აქ შეუძლიათ თავის ჭკუზე იყვირონ, შეურაცხყოფა მიაყენონ მსაჯსაც, ფეხბურთელსაც, გვერდით მჯდომ მაყურებელსაც. ამის მერე დაცლიონი, დაცარიელებულნი რამდენიმე ხანს მშვიდად არიან. ასე გრძელდება მომავალ თამაშებამდე, აი, ამიტომაც უწყობს ხელს მთავრობა ამგვარი სანახაობების გაზრდას, გაფართოებას.

საითმა არ იცოდა, რამდენ ხანს იჯდა ბალახზე. სტადიონზე ადამიანის ჭაჭანება არ იყო, უჩვეულო დუმილი გამეფებულიყო ირგვლივ. და ამ დუმილში თავის ტკივილი განსაკუთრებით აწუხებდა. ძლივს წამოდგა და გასასვლელისაკენ გაემართა. ჩაიცივა. საითს შეეძლო მეგობრებთან წასულიყო. კარგად იცოდა სად იქნებოდნენ ისინი, მაგრამ არ ისურვა და სახლში წავალო, გადაწყვიტა. კარის დაკეტვისას „თოჭოფარანის“ გასახდელიდან ხმამაღალი კვნესა მოესმა. შევიდა და დაინახა, რომ აჰმედ „კედელა“ ტკივილისაგან იკლაკნებოდა. აჰმედის ირგვლივ სტადიონის ორი თანამშრომელი ტრიალებდა.

— რა მოგივიდა? — ჰკითხა საითმა აჰმედს.

— ცუდადა ვარ... ძალიან ცუდად, — ძლივს თქვა აჰმედმა.

— თქვენს გარდა თუ დარჩა ვინმე? — ახლა სტადიონის თანამშრომლებს მიუბრუნდა აჰმედი.

— არავინ დარჩა, წავიდნენ!

— რაღაც უნდა ვიღონოთ.

— სასწრაფო დახმარება გამოვიძახეთ, მაგრამ არა ჩანს.

საითი ქუჩაში გავარდა, ტაქსს გავაჩერებო. აქ სევიმი და აიხელი ელოდნენ — ერთი საკუთარ მანქანაში იჯდა, მეორე — ტაქსში. ორივე ქალი გრძნობდა. რომ დღეს წყდებოდა თითოეული მათგანის საკითხი. საითმა იფიქრა, ტაქსი თავისუფალიაო და იქით გაიქცა. სევიმი მანქანიდან გადმოხტა.

— ჩემო ძვირფასო, ჩემთან წავიდეთ თუ შენს მეგობრებთან? — წამოიძახა სიხარულით სევიმმა.

საითმა ცივად გადახედა და სევდი მიხვდა, წავაგეო, ამიტომ ხუს-  
ტად ისე იყვირა, როგორც დედამისი მეჭურე ხანუმი იყვირებდა:

— რაო, რას მომჩერებიხარ. იქნებ არ მოგწონვარ!

კვლავ წაიძრო თითიდან ნიშნობის ბეჭედი და ზიზღით ესროლა  
საითს, მერე სახეზე აიფარა ხელები და აქვითინდა. ალაპ, რა ეშველება  
აწი? არადა, როგორ უყვარდა საითი!

თავისი მანქანიდან აისელი გადმოვიდა და ღიმილით მიუახლოვდა  
საითს. აისელს უნდოდა ხელკავი გაეკეთებინა საითისათვის, მაგრამ  
„მეფემ“ მოხერხებულად აარიდა თავი და მთელი ძალით დაარტყა ფე-  
ხი მანქანას.

ეს იყო საითის უკანასკნელი დარტყმა.

საითმა ტაქსი გააჩერა და სტადიონზე დაბრუნდა. აჰმედი ხელში  
აყვანილი გამოიყვანა, მანქანაში ჩასვა და საავადმყოფოში წაიყვანა.  
ექიმმა საგულდაგულოდ გასინჯა ცნობილი დამცველი და თქვა, თუ სას-  
წრაფო ოპერაცია არ გავაკეთეთ, შეიძლება დაიღუპოს კიდევცო.

აჰმედს რომ უთხრეს, ოპერაცია უნდა გავაკეთოთო, სულ გაოგნდა  
საბრალო:

— მორჩა, ყველაფერი დამთავრდა. მე აწი ბურთს ველარ მივეკარე-  
ბი. აღრე უნდა მიმეტოვებინა თამაში... ვერ გავბედე... რა მეშველე-  
ბა... როგორ ვიცხოვრო... თავი რით ვირჩინო... დიდი მადლობა,  
საით, — თვლებში ცრემლი ჩაუდგა აჰმედს.

— რას ამბობ, აჰმედ, მე უნდა ვიყო შენი მადლიერი.

საითი საავადმყოფოდან გამოვიდა. თენდებოდა. სახლამდე ფეხით  
მივალო, გადაწყვიტა. სარიოდლუთა სასახლეს მიადგა, სასახლეს უკვე  
ანგრევდნენ — მის ადგილას ახალი სახლები უნდა ააშენონ. ხვალ ამ  
სასახლიდან აღარაფერი დარჩება. გული ეტკინა. უაზროდ იხეტილა  
ბაღში, დაჯდა იმ ჭასთან, რომელშიც ერთ დროს ჩავარდა. გათენებას  
დაელოდა და ძლიერი კაცის ნაბიჯებით გასწია შინ.

მიდიოდა, ჩვეულებისამებრ საკუთარ თავს ებაასებოდა და ხელებს  
იქნევდა. ამ დილაადრიან ქუჩები ცარიელი იყო, მაგრამ ვინმე რომ  
შეჩვედროდა, საითი უსათუოდ გააჩერებდა და ეტყოდა:

— იცით რა, ეფენდი, მე მგონია, რომ შევცდი, სულ სხვა მხარეს  
წავედი, ყველაფერი თავიდან უნდა დავიწყო, მაგრამ არ ვიცი, რისგან  
დავიწყო, ახლა რა ვითამაშო?

მეორე დღეს ყველა გაზეთმა საითი ერთობლივად აღიარა „ფეხ-  
ბურთის მეფედ“.

გავიდა კიდევ ერთი დღე და სტამბულსა და მთელს თურქეთს სენ-  
საციური ცნობა მოედო. „ფეხბურთის მეფემ“ უარი თქვა თავის ტახტ-  
ზე და ფეხბურთს განუდგა.

ყველაზე ობიექტურმა და პოპულარულმა ეროლ იფქირან ბეიმ თა-  
ვის გაზეთში დაწერა:

„და ჩაესვენა ვარსკვლავი. ჩვენი ფეხბურთის ახალი ვარსკვლავი  
ანთებისთანავე ჩაქრა“.

25/6

1 მან.

ეროვნული  
ბიბლიოთეკა

